

سواد مندرجہ

۱	مقدمہ	۱۵	موانع تحصیل علم
۲	منشأ علوم	۱۶	شرائط تحصیل علم
۳	ماہیت علم	۱۷	ادب تعلم
۴	علم مدون	۱۸	شرائط نشر علم
۵	موضوع علم	۱۹	علم قرآنت
۶	مسائل علوم	۲۰	علم تجوید
۷	غایت علم	۲۱	علم تفسیر
۸	تقسیمات علم	۲۲	علم حدیث شریف
۹	فضائل علم	۲۳	علم سرعہ
۱۰	مراتب علم	۲۴	علم تصرف
۱۱	علوم اسلامیہ	۲۵	علم اربعہ
۱۲	انعام تدویہ	۲۶	علم تعبیر و زیبا
۱۳	شرح کتب	۲۷	علم کلام
۱۴	مللہ علم	۲۸	علم فقہ

قیاتی ۲۰ غرور

بسم الله الرحمن الرحيم

الحمد لله الذي جعلنا من خلقه
 خلقا صالحا نلهم الهدى
 ونجعل من بينهم
 خلقا فاجرا لعلهم
 يحذرون
 ونجعل من بينهم
 خلقا فاجرا لعلهم
 يحذرون
 ونجعل من بينهم
 خلقا فاجرا لعلهم
 يحذرون

بسم الله الرحمن الرحيم

الحمد لله الذي جعلنا من خلقه
 خلقا صالحا نلهم الهدى
 ونجعل من بينهم
 خلقا فاجرا لعلهم
 يحذرون

{ علم الفتاویٰ }

علم مذکور، قاصرینه تسهیل امور [۱] ایچون وقائع جزئیہ فقہای کرامدن صادر اولان احکام شرعیہ بی حاوی در.

علم مذکورہ متعلق تالیف بیوریلان کتابلر حد احصادن خارجدر.

کتاب مؤلفہ نیک بعضیسی مذهب حنفی و بعضیسی مذهب شافعی و بعضیسی مذهب حنبلی اوزره مرتبدر.

[۱] امور، فعلدن عبارت اولان یعنی حال و شان و حادثه معناسنه اولان امر لفظنک جمعی در. قولدن عبارت اولان یعنی بیورمق معناسنه اولان امرک جمعی (اوامر) کلور.

تم الجلد الاول

فی ۱۲ ربیع الاول سنه ۱۳۰۹

و فی ۵ ابول سنه ۱۳۰۷



{ علم القضاء }

[۱]

علم مذکور قضایه مختص اولان آدابدن باحث اولوب علمای کرام حضراتی طرفندن
شان قضایه اعتنا بیوریله رق آداب قضایه متعلق کتابلر تألیف بیورلمشدر .

[۱] قضاء، سخا و عصا و زلرنده حکم معناسنه درکه اسمدر . بعض علمای کرام حضراتک بیانیه
کوره قضا لفظنک جمعی افضیه در و اصل قضاء، قطع و فصل معناسنه اولوب معانی سائره انندن
مفترعدر .

(قضی)، قافک قحی و ضادک سکونیه و (قضا)، سخا و زلرنده و (قضیه)، عطیه و زلرنده مصدر
اولوب حکم ایلک معنارینه در .

(قضیه)، اسم اولوب حکومت معناسنه در بونک جمعی فعالی و زلرنده قضایا کلورکه مقصوردر .
بونک اصلی (فعاثل) اولوب قلب مکانه (فعالی) اولمشدر .

(قضا)، صنع و کار معناسنه در «یقال قضی الشی اذا صنعه»

(قضا)، برسنه بی برادمه لازم قیلق و حتم و ایجاب معناسنه در «یقال قضا علیه اذا حتمه علیه و اوجیه»
(قضا)، بیان ایلک معناسنه در .

(قضا)، موت معناسنه دخی مستعملدر «یقال قضی الرجل اذامات» کویا که امر دنیا سنی فصل
و قطع ایلدی . کذاک «یقال قضی نجه اذامات» بوراده «نجه» نذر معناسنه اخذ اولنور ایسه
عهده سنده نذر کبی لازم اولان موتی ادا ایلدی دیمک اولور و «علی» لفظی ایله صله نور ایسه قتل
معناسنه اولور «یقال ضربه فقضی علیه اذا قتله» کویا که ایشنی فصل و قطع ایدوب فارغ اولمش اولور .
(قضا)، بر مأموله دلخواه اوزره نائل اولوب انی کاله بتشدیرمک معناسنه در «یقال قضی و طره
اذا اتمه و بلغه»

(قضا)، عهد و بیانی متضمن وصیت ایلک معناسنه دخی مستعملدر . «یقال قضی علیه عهداً اذا اوصاه»

(قضا)، انفاذ ایلک معناسنه دخی کلور . «یقال قضی علیه عهدا اذا انفذه» .

(قضا)، برامر و خبری محله ایرشدرمک معناسنه دخی کلور . «اذا یقال قضی الیه اذا اناه» .

(قضا)، اوده مک و ادا معناسنه دخی مستعملدر «یقال قضی غریمه دینه اذا اداه»

اداء معناسنده عند البعض حقیقت و عند البعض مجازدر . عند البعض قضاء ماده سی فصل الامر
معناسنه موضوع درکه برسنه بی فصل و قطع ایلکدن عبارتدر کک قولاً و کک فعلاً اولسون . و بونلرک
هر بری الهی و بشری اولور . قضا و قدر بحثنده (قضا)، قدردن اخصدر . زیرا قدر، تقدیر ایلکدر
قضا، تفصیل و قطع ایلکدر . قدر کیل ایچون تهیه و اعداد اولنان نسته دن و قضا انی اولچمکدن
عبارتدر بو مجتک تفصیلی کتب کلامیه ده مسطوردر .



{ علم حکم الشرائع }

[۱]

معلوم اولدینی اوزره فقهای کرام حضراتی احکام شرعیه‌نک تعلینی «کتاب» و «سنت» و «اجماع» ایله «قیاس» اوزرینه اقتصار بیوردیلر. شوصورتک اختیاری یا مقاصد فقهایه کفایتی یاخود معرفت حکم شرائعدن عبادک عجزی ایچون اولدینی بدیدر. بوکا نظم آتی دلالت ایدر:

(نظم)

لم یخلق العقل درّا کا حکمته لکن لیقبل مایاتیه من حکم

لکن بعض فضلائی کرام حضراتی احکام شرعیه‌نک قبولنده قلوب عباده الطمئنان حصولی وعبادک تنشیط اذهانی مقصدیله بعض حکم احکامک استخراج واستنباطنه بذل مجهود ایدرک حکم شرائعی ومحاسنی طاقت بشریه مقدارنجه تدوین بیورمشلردر.

[۱] (حکم)، حا حرفنک کسری ایله حکمت لفظنک جمعی دره.
(حکمت)، سبب وعلت وقول صحیح معنارینه دره.

علمای کرام حضراتی حکمت لفظنی تعاریف متعدده ایله تعریف بیورمشلردر. اکثر صفات آلهیه دن اولان حکمتی «علم الاشیا وایجادها علی غایة الاحکام والاتقان» عنوانی ایله وحکمت انسانیه نی «معرفة الموجودات وفعل الخیرات» عباره سی ایله تعریف بیورمشلردر. تنزیل مبینده مذکور اولان حکمت، وجه مذکور اوزره عدل و علم وحلم ونبوت وقرآن معنارینه وارد دره. طاعت باری وفقه و دین وعمل بال دین وخشیت وفهم وورع وتقوی وعقل وقول وفعله اصابت وتفکر فی امرالله تعالی واتباع امر معنارینه دخی مستعملدر.



موتی در. (حقیقۂ موت) معلومدر. (حکماً موت) مورثک مفقود اولسی در. (تقدیراً موت) کندوسنده غره [۱] اولان جنین کی در.

(شرط ثانی) میتک موتنده وارثک کرک حقیقی اولسون و کرک تقدیری اولسون حیاً وجودی در. وارثک تقدیراً موجود اولسی حمل کی در.

(شرط ثالث) جهت ارثه واسباب وموانعه علمدر.

علم فرائضک اصولی اوچدر. بریسی «کتاب» دیگر «سنت» و دیگر بریسی «اجماع» در.

علم فرائض معقول و منقول بیننی جامع و حقوق ورثیه وجوه صحیحہ یقینیه ایله وصوله باعث اولسیله فن مخصوص حالنه وضع ایله مذاهب اربعه مشاهیر علماسی طرفلرندن کتب کثیره نفیسه تألیف اولنهرف کافه مسائل فرائضک مکملاً و تماماً حل و ایضاحنه صرف لطف و عنایت بیورلمشدر. رحمهم الله

[۱] (غره)، غینک ضمی وراثتک تشدید ایله لغتده آت جنسک جبهه سنده اولان بیاضه دینورکه صباح الخیر تعبیر اولنور. کوله و جاریه به دخی دینور. عند الفقها ثمنی نصف عشر دیته بالغ اولان عبد و امه در. «نهایه» اسمی ایله مسمی اولان کتاب مستطابده شو و جهله بیان بیورلمشدر. «انه علیه الصلوة والسلام جعل فی الجنین غره عبد او امة»

(غره الشهر) آتک لیلۂ استهلاننه یعنی ابتدا کیجه سنه و کوننه اطلاق اولنور.

(غره الهلال) یکی آتک طلعتندن عبارتدر.

(غره الاسنان) دیشلرک ابتدا پارلیان بیاض یری درکه آغز آچلدقه ابتدا نمایان اولور.

(غره التاع) امتعه تک خیارینه یعنی کزیده سنه و فاخرینه اطلاق اولنور.

(غره القوم) برجاتک عزیز و شریف و ذیشانندن عبارتدر،

(غره الرجل) کشینک وجهندن عبارتدر.

(غره). مطلقاً برشینک الاول نمایان اولان یرینه اطلاق اولنور. (غره الصبح) صباحک ابتدا

ظاهر اولان روشنلکندن عبارتدر.

(غره الاسلام) صدر اسلامدن عبارتدر.

(غره) مدینه منورهده بنی عمرو بن عوف جماعته مخصوص برقله تک اسمی در. یرینه مسجد قبا

بنا اولمشدر.



{ علم فرائض }

«فرائض»، فريضه لفظك جمعى اولوب لغتده تقدير ويا قطع معناسنه در .

فريضه، مكلف اوزرينه مفروض اولان تكليفدن عبارتدر . بعدذا مسائل ميراثه علم فرائض اطلاق اولندي .

علم مذكورى عالم اولان ذاته «فرضى» و «فرض» و «فراض» اطلاق اولنور .

علم فرائض «هو علم بقواعد وجزئيات تعرف بها كيفية صرف التركة الى الوارث بعد معرفته» تعريفى ايله معرفدر يعنى علم فرائض، برطاقم قواعد وجزئياته علمدرکه وارث مشروع بيلندكدن صكره او قواعد وجزئيات ايله تركه نك وارثه كيفيت صرفى بيلنور .

«موضوع»، علم فرائضك موضوعى «تركات» در . (تركات)، تركه لفظك جمعى در . (ترکه) اصطلاح شرعده «ما تركه الميت من الاموال صافيا عن تعلق حق الغير بعين من الاموال» تعريفى ايله معرفدرکه عين ماله حق غيرك تعلقندن صافى اوله رق ميتك اموال دن ترك ايلديكى شى در ديمكدر .

عين ماله حق غيرك تعلقندن خالى اولان تركه ميت، «تجهيز و تكفين» و «قضاء ديون» و «تفويض و صايا» دن صكره على ما فرض الله تعالى بين الورثة تقسيم اولنور .

(غايث)، علم فرائضك غايثى حقوقى اربابنه ايصال در .

علم فرائضك ارکانى اوچدر . بريسى «وارث» و ديگرى «مورث» و ديگر بريسى «موروث» در .

علم مذکورک شروطى اوچدر . (شرط اول) مورثك حقيقه ويا حکماً ويا تقديرآ

«ارشاد» اسمی ایله مسی اولان کتابی مختصر صورتده کتب و تحریر بیورمشدر. مشارالهدن صکره علمای متأخریندن «امام نسفی» حضرتلری ایله سائر ذوات کرام حضراتی دخی مشارالیه حضرتلرینه تبعیت ایدرک طریقت مذکورهده تألیفات، تکثر ایتمشدر.

علمای کرامدن «المولی ابوالخیر» علیه الرحمه حضرتلرینک بیاننه کوره ناس ایچون علم جدلده طرق کثیره اولوب طرق مذکوره نک احسنی طریق «رکن الدین عمیدی» در. فقهای کرامدن علم جدلده مصنف اول اولان ذات عالیقدر «الامام ابو بکر محمد بن علی بن اسمعیل القفال الشاشی الشافعی» حضرتلری در. مشارالیه، تاریخ هجرتک (۳۳۶) نجی سنه سنده ارتحال دار جانان بیورمشدر.

اکابر علمانک انقضادن صکره ظهور ایدن جدال ایله اشتغال اولنسی بعض علمای کرام حضراتی جانبندن منع اولنمش و اومثللو «جدل» ک تحصیل فقه شریفه مانع و عمر انسانی اضاعه یه سبب اولمقله برابر بین الناس وحشت و عداوت. ایراث ایلدیکی و علم حدیث شریفده وارد اولدینی اوزره اشراط ساعتدن عد اولدینی بیان بیورلمشدر

(نظم)

اری فقهاء العصر طرّا اضاعو العلم واشتغلوا بلم لم
اذا ناظرتم لم تلق منهم سوی حرفین لم لم لانسلم

بعض علمای کرام حضراتنک بیاننه کوره جناب حنک «و جادلهم بالتی هی احسن» قول شریفی مقتضاسی اوزره اظهار صواب ایچون «جدل» ده بأس یوقدر. تشحید اذهانده جدل ایله اکثریا انتفاع اولنور. ممنوع اولان جدل، اول برجدرکه اوقاتی اضاعه ایدوب اندن بر فائده حاصل اولمز.



{ علم جدل }

(علم جدل)، ابرام و نقض اوزرینه قدرت بخش اولان طرق و قواعددن باحث در .
 علم مذکور، «علم نظر» ك جمله فروغندن معدود اولوب «علم خلاف» ك مناسی در .
 علم جدل، مباحث منطقك اجزاسندن بر جزء در . لكن علم جدل، علوم دینییه
 مختص اولمشددر .
 علم جدلك مبادیسندن بعضیسی علم نظرده تبیین اولمشددر . بعضیسی خطابیه در .
 و بعضیسی امور عادیه در .

علم جدل، آداب بحث شهرتی ایله مشهور اولان علم مناظره دن استمداد ایدر .
 (موضوع)، علم مذکورك موضوعی طرق ابرام و نقض در .
 (غرض)، علم مذکورك غرضی تحصیل ملکه نقض و ابرام در .
 (فائده)، علم مذکورك فائده سی مخالفین اوزرینه الزام جهندن احكام علیه و عملیده
 کثیر در .

(علم جدل) ك علم مناظره دن عبارت اولمی قولى بعید دكلدر چونكه ایکیسیده بر مآلده در .
 لكن جدل، مناظره دن اخص در . مؤرخ ذوفنون «ابن خلدون» ك بیانی دخی (علم جدل) ك
 علم مناظره دن عبارت اولمق صورتی مؤیددر . مشارالیهك بیانه كوره جدل، اهل مذاهب
 فقهیه و غیرسی بیننده جریان ایدن آداب مناظره یه معرفتدن عبارتدر . وقتا كه ردّ و قبولده
 دائره مناظره متسع اولوب صواب و خطا اولان شیرك استدلالن معدود اولمی کبی حائلر
 کورلدکده حال مستدل و مجیب یلنك ایچون آداب و قواعد وضعنه احتیاج حاصل اولدی . بواجلن
 علم جدل، استدلالده آداب حدوددن باحث اولان قواعد معرفتدر دیندی . قواعد
 مذکوره ایله كرك فقهده و كرك غیرى اموره اولان رأیك حفظنه و یا خود هدمنه توصل
 اولنور . قواعد مذکوره ایچون ایکی طریق وارددر . بریسی (طریقت بزوی) درکه
 «استدلال» و «اجماع» و «نص» دن ادله شرعییه خاصدر . دیگرى (طریقت
 رکن الدین عمیدی) درکه قنغی علمده اولورایسه اولسون استدلال اولنان هر دلیلده عمومدر ؟
 «رکن الدین عمیدی» علیه رحمة الباری حضرتلری طریقت مذکوره ده واضع اول اولوب

{ علم الشروط والسجلات }

علم مذکور «شهود الحال» که انقضاسنده اجتماعه صالح اوله جق صورتده احکام ثابتته نک عند القاضي کتب وسجلاته کیفیت ثبت وتحریرندن باحث در.

(موضوع) علم مذکورک موضوعی من حیث الکتابه احکام ثابتته در.

(مبادی) علم مذکورک مبادیسنندن بعضیسی علم فقهندن وبعضیسی علم انشادن وبعضیسی دخی امور وعادات استحسانیه دن مأخوذدر.

علم مذکور، معانیسننک قوانین شرعشریفه موافق صورتده ترتیب اولنسی حیثیتی ایله علم فقهک جمله فروغندن معدوددر. تحسین الفاظ اعتباری ایله علم ادبک فروغندن عد و شمار اولنشدیر.

علمای کرام حضراتی طرفندن علم مذکوره متعلق کتابلر تألیف بیورلمشدر. بوعلمده تألیف کتاب بیورمش اولان ذوات ستوده صفات حضراتنک اولی «هلال بن یحیی البصری الحنفی» حضرتلری اولوب تاریخ هجرتک (۲۴۵) نجی سنه سنده عازم کلشنسرای جنان اولمشدر.

{ علم حیل شرعیه }

علم مذکور، ابواب فقهندن بر باب و بلکه فرائض کبی بر فنّ مخصوص در. علمای کرام حضراتی طرفندن علم مذکوره متعلق کتابلر تألیف وتصنیف بیورلمشدر. کتب مؤلفه نک اشهری «الشیخ الامام ابوبکر احمد بن عمر المعروف بالخصاف الحنفی» حضرتلرینک تألیف بیورمش اولدینی «کتاب الحیل» در. کتاب مذکور اوزرینه اعلام علمای کرام حضراتی جانبندن شروح کثیره تحریرینه صرف لطف و عنایت بیورلمشدر. امام مشارالیه حضرتلری تاریخ هجرتک (۲۶۱) نجی سنه سنده ارتحال دارنعم بیورمشدر.

§ — ۵۳

[کتاب الختی]

(ختی)، جلی وزنده اسم مفرد اولوب جمعی خانی کلور جالی کبی و خناث کلور
انات کبی.

(ختی)، لغتده لین معاسنده اولان خنت لفظدردر. شریعتده «ذوفرج و ذکر
او من عری عن الاثنین جمیعا فان بال من الذکر فغلام وان بال من الفرج فاتی
وان بال منهما فالحکم للاسبق وان استویا فمشکل ولا تعتبر الکثرة قبل البلوغ فان بلغ وخرجت
لحیته او وصل الی امرأة او احتلم فرجل وان ظهر له ثدی او لبن او حاض او جبل او امکان
وطؤه فامرأة وان لم تظهر له علامة اصلا او تعارضت العلامات فمشکل» تعریفی ایله معرفدر.
بو تعریفک مآلی شودر که ختی، آلت ذکورت و آلت انوتی اولان یاخود ذکر اولنان ایکی
آلتدن عاری اولان کیسهدر. اگر او کیسه آلت ذکورتدن تبول ایدر ایسه غلامدر. اگر
آلت انوتدن تبول ایدر ایسه ائیدر. اگر ایکی طرفدن دخی تبول ایدر ایسه حکم،
اسبق ایچونددر. اگر مساوات اوزره اولور ایسه مشکلدر. قبل البلوغ کثرت معتبر دکلدر.
اگر بالغ اولدینی وقت لحیه سی خروج ایدر ایسه یاخود قادینه واصل یاخود احتلام اولور
ایسه روجلدر. اگر ممه یاخود سود یاخود حیض حالی ظاهر اولورسه یاخود کبه یاخود
وطئی ممکن اولور ایسه قادیندر. اگر اصلا بر علامت ظاهر اولمز ایسه یاخود علامات
تعارض ایدر ایسه خنثای مشکلدر.

خنثایه متعلق مسائل واحکام شرعیه، کتاب مذکورهده محرردر.



§ — ۵۴

[کتاب الفرائض]

کتاب مذکور تقسیم میراثه وذوی الارحامک توریثته و مخارجنه متعلق مسائل
واحکام شرعیه بی حاویدر.



§ — ۵۰

[کتاب الجنایات]

جنایت، لغتده شردن اکتساب اولنان شیئک اسمی در. شرعده فعل محرّمک اسمی در. قتل کبی.

جنایاته و قتله شهادته و سائرہ متعلق مسائل واحکام شرعیہ، کتاب مذکورک ابواب مخصوصه سنده محرر در.



§ — ۵۱

[کتاب الديات]

(ديات)، دیت لفظنک جمعی در.

(دیت)، شرعده «اسم للمال الذی هو بدل النفس» تعریفی ایله معرف در.

دياته متعلق مسائل واحکام شرعیہ، کتاب مذکورک ابواب مخصوصه سنده مسطور در.



§ — ۵۲

[کتاب الوصایا]

(وصایا)، وصیت لفظنک جمعی در.

(وصیت)، «تملیک مضاف الی بعد الموت» تعریفی ایله معرف در.

وصایایه وثلث مال ایله وصیته ومرضده عتقه واقارب و غیر ایچون وصیته ووصییه متعلق مسائل واحکام شرعیہ، کتاب مذکورک ابواب مخصوصه سنده محرر در.



§ — ۴۹

[کتاب الرهن]

(رهن)، لغتده حبس الشئ معنسانه در .

شرعه، (رهن) بر مالی اندن استیفاسی ممکن اولان برحق مقابلنده محبوس وموقوف قیلق در . اول ماله (مرهون) دینلدیکی کبی (رهن) دخی دینور .

(ارتهان) رهن المق در .

(راهن) رهن ویرن کیسه در .

(مرتهن) رهن آلان کیسه در .

(عدل) راهن ومرتهنک امنیت ایدوبده رهنی تودیع وتسليم ایتدکری کیسه در . راهن ومرتهنک ایجاب وقبولی ایله رهن منعقد اولور . فقط قبض بولندقجه تمام لازم اولمز . بناء علیه راهن قبل التسليم رهندن رجوع ایده بیلور . رهنک ایجاب وقبولی راهن بوشیئی سکا دینم مقابلنده رهن ایتدم دیوب یاخود بوآله دیکر برسوز سویلیوب مرتهن دخی قبول ایتدم ویاخود راضی اولدم دیمک کبی رضایه دلالت ایدر برسوز سویلکدر . رهن لفظنک سویلنسی شرط دکلدر .

مثلا برکیسه شو قدر غروشه برشی اشترا ایله باعه برمال ویروبده پاره بی ویرنجیه قدر بونی الیقوی دیسه اول مالی رهن ایتمش اولور .

ارتھانی جائز ویاغیر جائز اولان شی ایله رهنک ید عدله وضعنه ورهنک تصرفه ورهنه متعلق مسائل واحکام شرعیه، کتاب مذکورک ابواب مخصوصه صنده محرردر .



§ — ۴۷

[کتاب الاشربه]

(اشربه)، شراب لفظنك جمعی در.

(شراب) کتاب وزننده ایچلمك شانندن اولوب ایچلمكه صالح اولان هر ماعدن
عبارتدر.

(شرب)، شینك حرکات ثلاثی و رانك سکونی ایله و (تشراب) تذکار وزننده
ایچمك معناسه در.



§ — ۴۸

[کتاب الصيد]

[۱]

علم فقهه ملحق اولان کتاب مذکور، صیده متعلق مسائل واحکام شرعیه بی حاوی در.

[۱] (صید)، قید وزننده آو آولامق معناسه در.

(صید) مصید معناسه در که صید وشکار اولنش نسنه در و بر قوله کوره ممتنع و بی مالک اولاننه
اطلاق اولتور که مراد وحشی و حلال اولان شکاردر و بو فعل. بمعنی مفعولدر یا خود تسمیه بالمصدردر.

کذلک صید، مصدر اولور. بر آدمی و یا خود بر حیوانی اصید قیلق معناسه در.

(مصید)، منبر وزننده و (مصیده) معیشه وزننده آغه و دوزاغه دینور که انکه شکار طوتیلور.

(صیود)، قبول وزننده بغایت آویجه دینور «کلب صیود و صقر صیود ای صیاد» دینور.



§ - ۴۶

[کتاب احیاء الموات]

(اراضی موات) ، اول یرلردرکه کسنه نك ملكی و برقبه و قریه نك مرعاسی یا محتطبی یعنی بالطنه لغی اولمدینی حالده اقصای عمراندن بعید اوله . یعنی قصبه و یا قریه نك اك كنارنده کی خانه لرندن جهیر الصوت [۱] اولان کیمسه نك صداسی استماع اولنیه .
عمرانه قریب اولان یرلر اهالی به مرعی و خرمن یری و محتطب اولمق اوزره ترك اولنور و بو یرلره اراضی متروکه دینور .
احیاء مواته متعلق مسائل و احکام شرعیه ، کتاب مذکورده محرردر .

[۱] جهیر، جهر لفظندن مأخوذدر.

(جهر) ، قهر و زننده و (جهار) ، کتاب و زننده برنسنه عیان و آشکار اولمق معناسنه درکه «جهر الامر جهرا و جهارا» دینور .
(جهر) ، بر سوزی آشکار اوله رق سونلك معناسنه دخی مستعملدر بنفسه و با حرفی ایله متعدی اولورکه «جهر الکلام و بالکلام اذا اعلن» دینور .
(جهر) ، رفع صوت ائلك معناسنه دخی استعمال اولنورکه «جهر الصوت اذا اعلام» دینور .
(جهر) ، عسکری چوغا لئتم معناسنه دخی مستعملدرکه «جهر الجیش اذا استکثرهم» دینور .
(جهر) بر آدمی بی حائل اشکاره جه کورمک و بر قوله کوره بر آدمه نظر ایلدکده کوزینه بیوک کورتمک معناسنه در «جهر الرجل اذا اراه بلا حجاب او نظر علیه و عظم فی عینه» دینور .
(جهر) ، خوب چهره و خوش لقا انسانک و سائر نسنه نك هیئت زیبا و جمال دلاراسی خاطره بدیع و عجیب کلك معناسنه دخی مستعملدر «جهر الشی اذا راعه جماله و هیئته» دینور .
(جهر) ، یاغ چیقتمق ایچون یایقی چالقامق معناسنه دخی کلور «جهر السقاء اذا مخضه» دینور .
(جهر) ، قوینی آیقلیوب پاك ائلك و بر قوله کوره مجموع صوینی چکمک یاخود قوینی قازارکن صویه یتشمک معناسنه در «جهر البرء اذا تقاها او تزحها و بلغ الماء» دینور .
(جهر) ، بر نسنه بی کشف ایدوب ظاهره چیقارمق معناسنه دخی مستعملدر «جهر الشیء اذا کشفه» دینور .
(جهر) ، کونش بر آدمک کوزینی قاشدیرمق معناسنه دخی مستعملدر «جهرت الشمس المسافر اذا اسدرت عینه» دینور .
(جهر) ، بر کیمسه یه تعظیم معناسنه دخی استعمال اولنور «جهر فلانا اذا عظمه» دینور .
(جهر) ، بر نسنه بی تقدیر و تخمین ائلك معناسنه دخی مستعملدر «جهر الشیء اذا جزره» دینور .
(جهر) ، طبراغی غلیظ و درشت اولان تبه یه و بوکسک یره دینور .
(جهیر) ، امیر و زننده بلند اواز ایله سوبلتن سوزه دینور .

§ — ۴۵

[کتاب الحظر والاباحه]

[۱]

(حظر)، حانك فتحی و ظای معجمه نك سكونی ایله لغتده برنسنه بی برکیسه یه و یرمیوب منع و حجر ایلک معناسنه در .

شرعده، شرعاً استعمالی ممنوع اولان نسنه در .

(محظور)، مباحك ضدی در .

(مباح)، فعل و ترکنده مکلفك خیر اولدینی شی در .

حظر و اباحیه متعلق مسائل و احکام شرعیه، کتاب مذکورده محرردر .

[۱] اباحه، افاده و زننده برنسنه بی برکیسه یه حلال قیلق یعنی تناول و استعمالنده مرخص و خیر ایلک معناسنه در . پس بونك مرجعی برآدم کندی ملکی اولان نسنه بی اخذه اذن و دستور و یرمک اولورکه حظر و منع مقابلدر . زیرا احلال و تحریم، شارع طرفنه متعلقدر و بو اظهار معناسندن مأخوذدر نته کیم حلال، حل عقده دن مأخوذدر .

(اباحه)، اظهار ایلک معناسنه دخی کورکه «اباح سره اذا اظهره» دینور .

(بوح)، بانك فتحی و واوک سکونی ایله کیزلو نسنه عیان اولق معناسنه در .



§ - ۴۴

[کتاب الاضحیه]

(اضحیه)، ایام اضحاده ذبح اولنان شینک اسمی در. شرعه «ذبح حیوان مخصوص بنه القرية فی وقت مخصوص» تعریفی ایله معرف در.

اضحیه [۱] متعلق مسائل واحکام شرعیه، کتاب مذکورده محرر در.

[۱] اضحیه، همزه نك ضمی وكسری ایله ویانك تشدیدى ایله و (ضحیه) غنیه وزننده قوشلق وقتی ذبح اولنان حیوانه اطلاق اولنور. اضحیه نك جمعی اضاحی کلور. و ضحیه نك جمعی ضحایا کلور. (اضحا) ارطاة وزننده بو دخی اضحیه معناسنه در. جمعی اضحی کلور. قربان بیرای کوننه یوم اضحی اطلاق بومعنایه در. زیرا اکثر قوشلق وقتی ذبح قرابین ایدر لر.

(مضاحاة)، مباحاة وزننده برادمه یا بر محله قوشلق وقتنده کلک معناسنه در.

(تضحیه)، تفعله وزننده برادمه قوشلق طعام یدرمك معناسنه در. كذلك قوشلق وقتی قربان کسمك معناسنه در.

(ضحو)، (ضحوه) ضادرك فحی و حارك سكونی ایله و (ضحیه) عشیه وزننده ارتفاع نهار معناسنه در. بعده حلول و ظرفیت علاقه سیله اولوقته اطلاق اولندی که کنج قوشلق تعبیر اولنور شمسک هنوز افتدن قالقوب یکجه یا یلدیغی وقتدر که صلوة اشراق هنکامیدر. اندن صکره (ضحی) اطلاق اولنور ضادك ضمی و الفک قصری ایله که قبا قوشلق تعبیر اولنور و اندن صکره ضحاء اطلاق اولنور ضادك فحی و الفک مدی ایله که نصف نهاره قریب وقتدن عبارتدر اصطلاح ترکیده قوجه قوشلق تعبیر اولنور.



§ - ۴۳

[کتاب الذبائح]

(ذبائح)، ذبیحه لفظنک جمعی در .

(ذبیحه)، ذبیح اولنان شیئک اسمی در . حیوان مذبوح معناسنه در .

ذبیح، ذالک فحی و بانک سکونی ایله و (ذباح) ذالک فحی ایله یارمق معناسنه در . اصل معنای موضوعی بودر . بر نسنه یی یاروب آیرمق معناسنه دخی استعمال اولنور . بوغازلامق معناسنه دخی کلور . ذبیح، بو عمق معناسنه دخی استعمال اولنور .

(ذبیح) ، ذالک کسری ایله بوغازلنه جق حیوانه دینور قربانلق قیون کی . حج شریفده و قربان بیرامنده قربان ایلکه صلاحیتی اولان حیوانه دینور که پچاغه کلور حیوان تعبیر اولنور .

(اذباح) ، همزه نک و ذال مشدده نک کسری ایله قربانلق قیون ایدتمک معناسنه در . و بو افتعال بابندن در . تاء افتعال، ذاله قلب و ادغام اولتمشدر .

(مذبح) ، منبر و زئنده بوغازلیه جق پچاغه دینور .

ذبائح متعلق مسائل و احکام شرعیه، کتاب مذکورده محرردر .



§ - ۴۲

[کتاب المساقاة]

(مساقات)، سقی [۱] کله‌سندن مأخوذدر. شرعه بر طرفدن اشجار و دیگر طرفدن تربیه اولمق و حاصل اولان میوه بینلرنده تقسیم اولمق اوزره بر نوع شرکتدر. مساقاتک رکنی ایجاب و قبولدر.

شویله که اشجار صاحبی میوه‌سندن شوقدر حصه المق اوزره مساقات وجهله شو اشجاری سکا و یردم دیوب عامل یعنی اول اشجاری تربیه ایده‌جک اولان کیسه دخی قبول‌ایتسه مساقات منعقد اولور.

مساقاته متعلق احکام و مسائل شرعیه، کتاب مذکورده محرردر.

[۱] سقی، سینک فتحی و قاذک سکونی ایله و (تسقیه) تأدیه وزننده و (اسقاء) همزه‌نک کسری ایله صوارمق و صوایچورمک معناسنه‌در. بعض علمای کرام حضراتک بیاننه کوره (سقی) و (تسقیه) صوایچورمکه و (اسقا) صویه دلالت ایتکه مخصوصدر و بعض علمای کرام حضراتک بیاننه کوره دخی (اسقاء) صوارمق معناسنه‌در و عندالبض (سقی) و (اسقاء) برکیسه‌یه تناول ایچون صو تعیین ایتک معناسنه‌در.

(ساق)، صواریجی کیسه‌یه اطلاق اولنور.



§ — ۴۱

[کتاب المزارعه]

(مزارعه)، مفاعله وزننده اکینجیک و جهیله معامله ایلک معناسنه درکه بر طرفدن اراضی و دیگر طرفدن عمل یعنی زراعت اوله رق حاصلات بینلرنده تقسیم اولنق اوزره برنوع شرکتدر.

مزارعه نك رکنی ایجاب و قبولدر .

شویله که اراضی صاحبی عامله یعنی چفتیحی به بو یری حاصلاتدن شوقدر حصه آلق اوزره سکا مزارعه و جهله و یردم دیوبده چفتیحی دخی قبول ایتدم یا اراضی اولدم دیسه یا خود رضاسنه دلالت ایدر برسوز سویلسه و یا خود چفتیحی یر صاحبه بن سنک یرکده مزارعه و جهله عمل ایدیم دیوبده اودخی راضی اولسه مزارعه منعقد اولور .

مزارعه به متعلق مسائل و احکام شرعیه، کتاب مذکورده محرردر .

[۱] مزارعه، زرع لفظندن مأخوذدر .

(زرع) فرع وزننده ترلایه تخم صاحبی معناسنه درکه اکین اکنک تعبیر اولنور . نبات بتورمک معناسنه دخی کلور . ولده دخی اطلاق اولنور . مزروع معناسنه اکلمش اکینه دخی دینورکه جعی «زروع» در .

(مزرعه) ، میمک قعی و رانک حرکات ثلاثی ایله و (مزروع) میمک ضمی و دالک قعی ایله ترلایه دینور .

(زریعه) ، سفینه وزننده اکلمش تخمه دینور .

(زریع) ، سکیت وزننده اکینی بچرکن دوکیلن دانلردن سنه آیهده بتن اکینه دینور .

(زرعه) ، غرافه وزننده اکیله جک تخمه دینور .



§ — ۴۰

[کتاب القسمة]

(قسمت)، لغتده اقتسام لفظندن اسم در. شرعده حصه شایعه‌ی تعیین ایتمکدر یعنی کیل و وزن و ذراع کبی بر مقیاس ایله حصه لری یکدیگردن تمیز و افراز ایتمکدر.

قسمت ایکی وجهله اولور شویله که یا اعیان مشترکه یعنی متعدد و مشترک شیلر قسملره بولنه رک هر فردنده شایع اولان حصه لر برر قسمنده جمع ایلمش اولور اوج کشی بیننده مشترک اولان اوتوز رأس قیونی اونز اونز اوچه تقسیم کبی. بوکا «قسمت جمع» دینور یا خود برعین مشترک تقسیم اولنوب هر جزئنده شایع اولان حصه لر برر قسمنده تعیین ایدر بر عرصه نك ایکی به تقسیمی کبی. بوکا (قسمت تفریق) و (قسمت فرد) دینور.

قسمت، برجهتله افراز و برجهتله مبادله در.

مثلا ایکی کیمسه بیننده مناصفةً مشترک اولان برکیله بغدادیک هرجه سنده هر برینک نصف حصه سی اولدینی حالده مجموعی قسمت جمع قیلندن اوله رق ایکی قسمة تقسیم ایله بر قسیمی برینه و دیگر قسیمی دیگرینه ویرلدکده هر بری کند و سنک نصف حصه سنی افراز و نصف دیگرینی آخرک نصف حصه سی ایله مبادله ایتمش اولور.

کذلک ایکی کشی بیننده مناصفةً مشترک اولان بر عرصه نك هر جزئنده هر برینک نصف حصه سی اولدینی حالده قسمت تفریق ایله ایکی به تقسیم اوله رق هر برینه برر قسیمی ویرلدکده هر بری کند و نصف حصه سنی افراز و نصف دیگرینی آخرک نصف حصه سی ایله مبادله ایتمش اولور.

قسمته متعلق مسائل و احکام شرعیه، کتاب مذکورده محرردر.



ایش ایسه ارباعا تقسیم اولنور. اما حنفیه عندنده وجه مذکور اوزره صورتلرک
مجموعنده تنصیف اولنور.

(شفیع)، حق شفعهسی اولان کیسه در.

(مشفوع)، حق شفعهنک تعلق ایلدیکی عقاردر.

(مشفوع به) شفیعک مابه الشفعه اولان ملکدر.

شفعهیه متعلق مسائل و احکام شرعیه، کتاب مذکورده محرردر.



§ — ۳۹

[کتاب الشفعه]

[۱]

(شفعه)، غره و زننده بر مطلوبی، عندنده اولان نسنه یه ضم و زیاده ایلکه دینورکه واحد ایکن چفت ایلکدن عبارت اولور. عند الفقهاء متجدد الملک اولان شریک اوزره عوض مقابلی ایله قهرا ثابت اولان حق تملک نصیدن عبارتدرکه بوحق، عقارده جاری اولور عروضده جاری اولمز. مثلاً زید و عمروک ملک منزله رینک قبولری مقابلاً بر طریق خاصده اولوب حق مرورده خلیط و شریک اولسه لر زید منزلی بکره ثمن معلوم مقابلنده بیع و تسلیم ایدوب عمروک منزل مزبورده حق تملکی اولغله استماع ایلدیکی آنده کتب فتاواده مبسوط اولان شروطه رعایت ایلدکده منزل مذکور بالشفعه بگردن اخذ ایدر. بعض علمای کرام حضراتنک بیاننه کوره اصل شفعه زیاده معناسنده در. بوملابسه ایله عرف شرعیده وجه مذکور اوزره اولان ملک مشفوعه اطلاق اولندی لقمه، شیء ملقومه اطلاق اولندی کی و ملک مذکور، تملک معناسنده استعمال اولنور و بوندن فعل تصرفی معلوم دکدر و امام شععی علیه رحمة الباری حضرتلرینک بوبابده کی قوی شودر «الشفعة علی رؤس الرجال ای اذا كانت الدار بین جماعة مختلفی السهام فباع واحد نصیبه فیکون ما باع لشركائه بينهم لا علی سهامهم» یعنی شفعه، قدر ملک اوزره دکدر بلکه عدد رؤس اوزره ثابت اولور. مثلاً بر منزل اوچ کیمسه بیننده مشترک اولوب برینسک نصف و برینسک سدس و دیگر برینسک دخی ثلث حصه لرلی اولسه صاحب نصف اولان کندی حصه سنی شخص آخره ثمن معلومه بیع ایلدکدن صکره دیگر حصه دارلر ایشدکلری آنده حق شفعه ایله ادعایه و ثوب [۲] ایلسه لر قاضی اول نصیب میبعی انلره نصفین اوله رق حکم و تسلیم ایدر. لکن امام شافعی عندنده مزبوران بیننده حصه لرلی قدر یعنی اثلاثاً تقسیم اولنور اگر صاحب سدس بیع ایلش ایسه میبع مزبور اخماسا و اگر صاحب ثلث بیع

[۱] (شفعة الضحی)، قوشلق وقتی ادا اولنان ایکی رکعت صلاة نافله به اطلاق اولنور حنفیه به کوره مندوب اولان درت رکعت و زیاده دره. شافعیه عندنده نوافل، ایکیشر رکعت ادا اولنور افضل دره. بومعناده شینک قحی ایله دخی جائزدر.

[۲] (و ثوب) صحرا مق اطلاق معناسنده در.

§ — ۳۷

[کتاب المأذون]

(مأذون) کلمه سی عنوان کتابده مصدر اولوب اذن معناسه در. (اذن) [۱] لغته منع معناسه اولان حجر لفظنک ضدی اوله رق اطلاق معناسه در. کلمه مذکورہ نك لغته اعلام معناسه استعمالی دخی مروی در. دستور واجازت معناسه دخی مستعملدر. شرعه حجرى فك ایتک وحق منعی اسقاط ایلکدرکه اذن ویریلان شخصه مأذون دینور. بوکا متعلق مسائل واحکام شرعیه، کتاب مذکورده محرردر.



§ — ۳۸

[کتاب الغصب]

(غصب)، برکسه نك اذنی اولقسنزین مالنی اخذ وضبط ایتکدرکه اخذ ایدن کیسه یه (غاصب) و اول ماله (مغضوب) وصاحبنه (مغضوب منه) دینور. غصبه ومباشرة اتلافه [۱] وتسبیا اتلافه [۲] ومتفرعاتنه متعلق مسائل واحکام شرعیه، کتاب مذکورده محرردر.

[۱] مباشرة اتلاف، برشیتی بالذات تلف ایتکدرکه ایدن کیسه یه فاعل مباشر دینور.

[۲] تسبیا اتلاف، برشیتک تلفنه سبب اولقدر. یعنی برشیده دیگر شیتک علی جری العاده تلفنه مفضی اولان بر ایش احداث ایتکدرکه ایدن کیسه یه متسبب دینور. نته کیم بر معلق قندیلک ایدنی کیمک قندیلک یره دوشوبده قیرلسنه سبب مفضی اولقله ایچ کسن کیسه مباشرة ایچ تلف ایتمش وتسبیا قندیلی قیرمش اولور. کذلک برکیسه بر طولومی شق ایدوبده ایچنده کی یاغ اقوب تلف اولسه اول کیسه مباشرة طولومی وتسبیا یاغی اتلاف ایتمش اولور.



§ — ۳۶

[کتاب الحجر]

(حجر)، [۱] حانك حرکات ثلاثی و جيك سکونی ایله و (حجران) حانك ضعی و کسری ایله لغتده مطلقاً منع ایلك معناسنده. شرعده بر شخص مخصوصی تصرف قولیسندن مندرکه بعد الحجر اول شخصه (محجور) دینور.

حجره متعلق مسائل و احکام شرعیه، کتاب مذکورده محرردر.

[۱] حجر، حانك فتحی ایله بیاض و پاکیزه قوملفه دخی دینور. چشمك خانه سنهده اطلاق اولنورکه «محجر العين» معناسنده.

محجر، مصدر و زننده حرام معناسنده.

حجر، عقل و هوش معناسنده دخی کلور بومعنا ناسزا اموردن صاحبی منع ایلدیکی ایچوندر. حجر، حانك فتحی و کسری ایله انسانك قوجاغنه دینور کنار و آغوش معنایینهدر. كذلك حرام معناسنده دخی اسمدرکه شرعاً محرم اولان نسنه دن عبارتدر.

(حجر الكعبه)، بیت شریفك جانب شمالیسنده واقع حطیم ایله مدار اولان موضعدن عبارتدرکه بیت شرفدن در کویا که بیت شریفك قوجاغیدر یا خود حجر ایله محاط اولدیغی ملاحظه سنه مبنیدر.

حجر، قسراق آته دخی اطلاق اولنور. ارلك و قادینك نامحرم یرلینه دخی اطلاق اولنورکه «حجر الرجل» و «حجر المراه» تعبیر اولنور.

(حجر)، فتحین ایله طاشه اطلاق اولنور. بو اطلاق، طاشك آلت منع اولدیغی ایچوندر. جمعی احجارددر. حجر، معدندن چیقوب هنوز ذوب و صیاعت اولنماش کومشه و التونه اطلاق اولنور.

(حجران)، التون ایله کومشددر.

(حجر)، آفت و داهیه به دخی اطلاق اولنور،



§ - ۳۵

[کتاب الاکراه]

(اکراه) کره [۱] لفظندن مأخوذ اولوب برکسنه بی اخافه ایله رضاسی اولمقسزین برایش ایشاه مک اوزره بغیرحق اجبار ایتمکدرکه اولکسنه یه را حرفنک قحی ایله (مکره) واجبار ایدن کیسه یه (مجر) و اول ایشه (مکره علیه) و خوفی موجب اولان شیئه (مکره به) دینور.

اکراه، ایکی قسمدر. قسم اول (اکراه مجلی) و قسم ثانی (اکراه غیر مجلی) در. (اکراه مجلی) که اتلاف نفس یا قطع عضو یا خود بونلردن برینه مؤدی اولور ضرب شدید ایله اولان اکراهدر.

(اکراه غیر مجلی) که یالکز غم و المی موجب اولور ضرب و حبس کبی شیلر ایله اولان اکراهدر.

اکراهه متعلق مسائل و احکام شرعیه، کتاب مذکورده محرردر.

[۱] کره، کافک قحی ایله اباء و مشقت معناسنه درکه نفسه اباء و امتناع ایله یکی یعنی ایستیمه رک خوشلیمیه رق خارجدن عارض اولان رنج و مشقتدن عبارتدر زوراک تعیر اولنور. بعضیلر عندنده کافک قحی ایله برکسه کندی نفسنی جبر و اکراه ایله خوشلیمیه رق محمل اولدیغی نسنه یه دینور. کافک قحی ایله غیرک تکلیف و جبری ایله محمل اولدیغی نسنه یه دخی دینور.

(کره)، کدا کافک قحی و ضمی ایله و (کراهه) کراهه و زنده و (کراهیه) کافک قحی ایله و (مکره) مراهه و مکره و زنده لغت اولوب برنسنه طبعه ناخوش و ناملایم اولغله خوشلیمیه یوب ایکرتمک معناسنه در.

(کره)، حبل و زنده و (کره) امیر و زنده مکره و معناسنه در.



§ — ۳۴
[کتاب الولاء]

(ولاء)، ولی [۱] لفظندن مشتق اولوب ملك و مالکیت معناسنه در. یقینلق معناسنه دخی کلور. بعض علمای کرام حضراتنک بیاننه کوره (ولاء عتق) بونلردن مأخوذدر.

(ولاء) شرعده «عبارة عن التناصر بولاء العتاقة او بولاء الموالاة» تعریفی ایله معرف اولوب بوکا متعلق مسائل واحکام شرعیه، کتاب مذکورده محرردر.

[۱] (ولی) واوک فتحی ولامک سکونی ایله برنسنهیه بک یقین اولوق معناسنه در. کذلک ولی، برشیته قریب اولان تسنهیه دینورکه وصف بالمصدردر.

(ولی)، غنی وزننده برادمک دوستنه یار وصدیقنه دینور. معین و نصیر معناسنه دخی مستمدر. بعض علمای کرام حضراتنک بیاننه کوره اشبو ولی مادهسی ایکی یاخود زیاده نسنه تک بیلرینه اجنبی تحلل ایتیه رک متعاقباً حصولرینه موضوعدر، واستعاره وجهی ایله حصول مذکور، من حیث المكان و من حیث النسبة و من حیث الدين و من حیث الصداقة و من حیث النصرة و من حیث الاعتقاد قریته استعمال اولنور.

(ولایه) واوک کسری ایله و (ولایه) واوک فتحی ایله برنسنهیه قدرت جنبی ایله بررأسه ضابط و متصرف اولوق معناسنه در و عند البعض واوک فتحی ایله مصدردر ذکر اولنان ولی ماده لرندن که دوست و صدیق و برآدمه معین و نصیر اولوق معناسنه در.

(مولی)، میمک فتحی و الفک قصری ایله مالک معناسنه در. قول آزاد ایدن ادمه، آزاد اولش قوله، برآدمک یارینه و مهدم و صاحبنه، برکیسه نک یقین خصمنه، قومشویه دخی دینور. برآدمک هممه دینه و خلیف و معاهدینه، دخی دینورکه فرأئضده «مولی الموالاة» بوندن در. برآدمک اوغلنه، عموجه سنه، مهمان و زینله، شریک و اورتاغنه، قز قرداشی اوغلنه دخی اطلاق اولنور و برکیسه نک و لیسنه دخی دینورکه امورنده ولایتی اولان کسنه دن عبارتدر. ولی نکاح ولی یتیم کبی. برآدمک مرئیسنه دخی دینور معین و ناصر معناسنه در. انعام ایدن ادمه دینور. برآدمک دوستنه و محبته دینور. سید و زیشان ادمه دخی دینور. مولی لفظنک جمعی مولی در.



§ - ۳۳

[کتاب المکاتب]

[۱]

(مکاتب)، مکاتبه لفظندن اسم مفعول در.

(مکاتبه) ، مفاعله وزننده لغتده یازو یازشوق و مکتوبلشک معناسنه در. شرعه قول جنسی کندوسنی کتابته کسدرمک معناسنه در. یعنی کندو نفسی اوزره افدیسنه بهاسنی یازدیرمق در تا که نه زمان ادا ایدر ایسه ازاد اوله. پس یازمق، ایکی طرفدن حاصل در که افدیسی شرط مزبور وجودنده وفاء و قول دخی بهاسنی قزانوب ادا ایلك اوزره یازملرندن عبارتدر. بعض علمای کرام حضراتنک بیاننه کوره قوله، اسم فاعل یعنی مکاتب و اسم مفعول یعنی مکاتب عنوانی دخی صحیح اولور. لکن ابتدا کتابه افدیدن ظهور ایلكله اسم فاعل یعنی مکاتب عنوانی آنده و نسب و اوفق در، کتاب دخی بومعناویه در که مفاعله دن مصدر ثانیدر و معنای مزبورده متداول اولان کتابه، ثلاثیدن مصدر در .

[۱] (کتاب)، کافک کسری ایله و (کتب) کافک فتحی و تانک سکونی ایله یازمق معناسنه در. بعض اهل تدقیقک بیاننه کوره اصل کتب و کتاب، ایکی میشین و سختیان مقولهسنی ایکی صرم ایله بری برینه چاتمق معناسنه موضوع اولوب بعده عرفده یازو ایله حروفی بری برینه ضم و جمع ایلك معناسنده استعمال اولندی. کذلک کتاب الفاظ و کلماتی نظم و الصاق ایلكده استعمال اولندی و تقدیر و ایجاب و فرض معنالزنده دخی مستعمل در. نته کم آیات قرآینه ده (۱۱) معناویه شرف ورودی بعض مفسرین کرام حضراتی طرفندن منقول در. برنسنه به ابتدا اراده، بعده قول، بعده کتابت تعلق ایلكله اراده مبدأ و کتابت منتهی اولور. بعده مبدأ اولان مرادک توکیددی قصد اولندوقده اندن منتهی اولان کتابت ایله تعبیر اولنور. بومجئده اهل لغت بیننده بعض مباحثه جریان ایلمشدر. حاصل کلام، کتاب کلمه سی خطاب وزننده مصدر اولوب انکله مکتوب تسمیه سی مبالغه ایچون در. ضرب الامیر، مضروب الامیر معناسنه اولدیفنی کبی یاخود معنای مزبورده کتاب اسم در. لباس، ملبوسک اسمی اولدیفنی کبی. و کتاب بالفعل مکتوب اولمق لازم دکلدرد. علاقه اولیه ایله قبل النظم کلامده اطلاق اولنور. کتاب، «ما یکتب فیه» یعنی کندوسنه یازو یازیله جق شیئه دخی دینور کاغد و دری ولوحه کبی. کذلک یازو یازه جق دواته و حقه به اطلاق اولنور که آلت کتابت در. خاصه حضرت موسی علیه الصلوة والسلام حضرت لینه شرف نازل اولان تورات شریفه دخی کتاب اطلاق اولنور. یازو یازلمش صحیفه به دخی دینور که مکتوب تعبیر اولنور فارسیده نامه دینور.



§ - ۳۲

[کتاب الاجاره]

(اجاره)، لغتده اجرتك اسمی در. فقط ایجار معناسنده دخی مستعملدر. اصطلاح فقهاده منفعت معلومه بی عوض معلوم مقابله سنده بیع ایتمک در.

(اجرت)، کرا یعنی بدل منفعت در.

(ایجار) کرایه ویرمک در.

(استیجار) کرا ایله طوتمق در.

(آجر)، اجاره ویرن کیسه در. میک ضمی ایله مکاری و کسر جیم ایله موجر دخی دینور.

(مستأجر) کسر جیم ایله استیجار ایدن کیسه در.

(مأجور) کرایه ویریلان شی در. جیلرک قحی ایله (موجر) و (مستأجر) دخی دینور.

(مستأجر فیه) اجیرک عهد اجاره ایله التزام ایلدیکی عملی ایفا ایچون مستأجر طرفدن کندوسنه تسلیم اولنان مالدر.

(اجیر) نفسی کرایه ویرن کیسه در.

(اجر مثل)، بیغرض اهل وقوفک تقدیر ایتدکلری اجرتدر.

(اجر مسمی) حین عقده ذکر و تعیین اولنان اجرتدر.

معاملات اجاره و اجاره فاسده و ضمان اجیر ایله فسخ اجاره و متعلق مسائل واحکام شرعی، «کتاب الاجاره» نک ابواب مخصوصه سنده مذکوردر.



§ - ۳۱

[کتاب الهبه]

(هبه)، بلا عوض بر مالی اخره تمليك ایتکدر.

(واهب) هبه ایدن کیمسه اطلاق اولنور.

(موهوب) هبه اولتمش ماله دینور.

(موهوبله) هبه بی قبول ایدن کیمسه دینور.

(آهاب) دخی هبه بی قبول ایتکدر.

هبه نك ركن [۱] وقبضه وشرائطه وهبه دن رجوعه وهبه مريضه متعلق مسائل واحكام شرعيه، كتاب مذکورك فصول متعلقه سنده محررد.

[۱] ركن، رانك ضمی ايله بر نسنه نك بك توی و محكم اولان جانبه وكوشه وضلعنه دینور. امر عظیم معناسنه دخی كلور. مدار قوت اولان نسنه دخی اطلاق اولنور ملك ومال وعسكر ومتعلقات كچی. حشم وشوكته دخی اطلاق اولنور.

اصطلاحده (ركن الشيء) «مايقوم به ذلك الشيء من التقوم اذ قوام الشيء بركنه لامن القيام والايلازم ان يكون الفاعل ركنا للفعل والجسم ركنا للعرض والموصوف للصفة وقيل ركن الشيء مايمبه وهو داخل فيه بخلاف شرطه وهو خارج عنه»

یعنی شیئك ركنی اولدرکه شی، اوركن ايله تقوم ایدر. زیرا شیئك قوامی ركن ايله در قیام ايله دكلدر. اگر قیام ايله اولسه فاعل، فعل ایچون وجسم، عرض ایچون وموصوف، صفت ایچون ركن اولوق لازم كلور. وبرقوله كوره شیئك ركنی اولدرکه شی انكله تمام اولور وركن، اوشیئك شرطی خلافتنه ملابس اولدیفی حاله او شیده داخلدر او شیئك شرطی اوشیدن خارجدر.

(تركن)، تفعل وزننده بر آدم قوت وشدت بولوق معناسنهدر. وقار و تمکین پیدا ائلك معناسنه دخی كلور.

(ركین)، امیر وزننده هر جانبی عالی وسربلند اولان طاغه دینور. وقار و تمکین صاحبی آدمه دخی اطلاق اولنور.

(رکانه)، سلامه وزننده و(رکانبه) رفاهیة وزننده و(رکونه) عمومه وزننده وقار و تمکین صاحبی اولوق معناسنهدر.

§ — ۳۰

[کتاب العاریة]

(عاریت)، لقتده اعارة الشی مغناسنه در. شرعهه مجاناً یعنی بلا بدل منفعتی تملیک اولنان مالدرکه (معار) و (مستعار) دخی دینور.

(اعاره)، عاریت ویرمکدرکه ویرن کیمسهیه (معیر) دینور.

(استعاره)، عاریت المقدرکه الان کیمسهیه (مستعیر) دینور.

(اعاره)، ایجاب و قبول ایله و تعاطی ایله منعقد اولور. مثلاً برکیمسه برینه شو مالی سکا اعاره ایتدم یا خود عاریت ویردم دیوب اودخی قبول ایلدم دیسه یا خود برشی سویلیه رک قبض ایتسه و یا خود بری دیکرینه شو مالی بکا عاریت ویر دیوب اودخی ویرسه اعاره منعقد اولور.

معیرک سکوتی قبول صایلاز. بناءً علیه برکیمسه برندن برشی عاریت ایستیوبده صاحبی سکوت ایلش اولدینی حالده الهه غاصب اولور.

عاریته متعلق مسائل واحکام شرعیه، کتاب مذکورده محرردر.



§ — ۲۹

[کتاب الایداع]

(ایداع)، ودیع لفظن من مأخوذ اولوب لقتده ترك معناسنه در. شرعه کندو مالنك محافظه سنی دیکره احاله ایتکدرکه احاله ایدن کیسه یه دال حرفنك کسری ایله (مودع) و قبول ایدن کیسه یه (ودیع) و دالک قحی ایله (مستودع) دینور.

(ودیع) حفظ ایچون برکیسه یه ایداع اولنان مال در.

صراحة یاخود دلالة ایجاب و قبول ایله ایداع منعقد اولور.

مثلا صاحب ودیعه شو مالی سکا ایداع ایتدم یاخود امانت ایلدم دیوب مستودع دخی قبول ایتدم دیسه صراحة ایداع منعقد اولور.

کذا برکیسه خانه داخل اوله رق خانجی یه حیوانی نزهه باغلیه دیدکده خانجی بریر کوستروب او دخی اورایه باغلسه دلالة ایداع منعقد اولور.

کذلك برکیسه مالی بردکانجینک یانه براغوب کیتسه و او دخی کوروب سکوت ایتسه اول مال اول دکان صاحبی نزننده و دیعه اولور و اگر دکان صاحبی قبول ایتدم دیه رک رد ایتسه ایداع منعقد اولماز.

کذلك برکیسه مالی و دیعه اولمق اوزره برقاچ کشینک یانه براغوب کیتسه و انلر دخی کوروب سکوت ایتسه لر اول مال جمله سنک نزننده و دیعه اولور فقط برر برر اول محلدن قالقوب کیتسه لر اک صکره قالان کیسه حفظه تعین ایتکله انک نزننده و دیعه اولمش اولور.

ایداعه و ضمان و دیعه یه متعلق مسائل و احکام شرعیه، کتاب مذکورده محرردر.



§ — ۲۸

[کتاب المضاربه]

(مضاربه)، بر طرفدن سرمایه و دیگر طرفدن سعی و عمل اولمق اوزره برنوع شرکت در. سرمایه صاحبه (رب المال) و عامله (مضارب) دینور.

مضاربه نك ركنی ایجاب و قبول در.

مثلا رب المال، مضاربه شو سرمایه بی آل ربھی بنمزده یاری یاریه یاخود ایکیلی برلی تقسیم اولنمق اوزره مضاربه سعی و عمل ایت دیسه یاخود شو پاره لری آل و سرمایه ایت ربھی بنمزده شو نسبت اوزره مشترك اولسون دیمك کبی مضاربه معناسنی افاده ایدر برسوز سویلسه و مضارب دخی قبول ایلسه مضاربه منعقد اولور.

مضاربه ایکی قسمدر. بریسی (مضاربه مطلقه) و دیگری (مضاربه مقیده) در.

(مضاربه مطلقه) زمان و مکان و برنوع تجارت ایله و بایع و مشتری بی تعیینه مقید اولمیان مضاربه در.

(مضاربه مقیده)، زمان و مکان و برنوع تجارت ایله و بایع و مشتری بی تعیینه مقید اولنان مضاربه در. مثلا فلان وقت یا فلان یرده یاخود فلان جنس مال آل صات و یاخود فلان کیسه لر ایله یاخود فلان بلده اهالیسی ایله آش و یرش ایت دیسه مضاربه مقیده اولور. مضاربه به متعلق مسائل و احکام شرعیه، کتاب مذکورده محرر در.



(ابراء اسقاط)، برکيسه ديگر کسنده اولان حقنك تمامنى اسقاط يا خود برمقدارينى
حظ و تنزيل ايله اول کسنه يى برى قيلقدر.

(ابراء استيفا)، برکيسه ديگر کسنه دن حقى قبض و استيفا ايلش اولديغنى اعتراف
ايلمکن عبارت اوله رق برنوع اقراردر .

(ابراء خاص) برخانه يا خود برچقتك و يا خود برجهتن طولايى الهجق دعواسى كى
برخصوصه متعلق دعوان برکسنه يى ابرا ايمکدر .

(ابراء عام)، كافه دعاويدن برکسه يى ابرا ايمکدر .

صلح و ابرايه متعلق مسائل و احكام شرعيه كتاب مذکورده محرردر .



§ — ۲۷

[کتاب الصلح]

(صلح)، لغتده صادق قحی ایله مصالحه لفظندن اسم در. شرعده بالتراضی نزاعی رفع ایدن عقددرکه [۱] ایجاب [۲] وقبول [۳] ایله منعقد اولور.

(مصالح)، عقد صلح ایدن کمنه در.

(مصالح علیه)، بدل صلح دیمکدر.

(مصالح عنه) مدعابه اولان شی در.

صلح، اوج قسمدر.

(قسم اول) عن اقرار صلحدرکه مدعی علیه اقراری اوزرینه واقع اولان صلحدر.

(قسم ثانی) عن انکار صلحدرکه مدعی علیه انکاری اوزرینه واقع اولان صلحدر.

(قسم ثالث) عن سکوت صلحدرکه مدعی علیه اقرار وانکار ایتیوب سکوتی اوزرینه

واقع اولان صلحدر.

(ابرا)، ایکی قسم اولوب بریسی ابراء اسقاط ودیکری ابرای استیفادر.

[۱] عقد، اصطلاحده ایجاب وقبول ایله اجزای تصرف ربطندن عبارتدر. دیگر برتعریفه کوره عقد، طرفینک برخصوصی التزام وتمهد ایتلمی درکه ایجاب وقبولک ارتباطندن عبارتدر.

[۲] ایجاب، اصطلاحده انشای تصرف ایچون ابتدا سویلنیلان سوزدرکه تصرف، انکله اثبات

اولنور.

[۳] قبول، انشای تصرف ایچون ثانی سویلنیلان سوزدرکه انکله عقد تمام اولور. ایجاب وقبول

ایچون اکثریا ماضی صیغه سی استعمال اولنور مثلا بایع شو متاعی سکا یوز غروشه صاتمدم ومشتری دخی الدم ویاخود مشتری الدم وبعده بایع صاتمدم دیسه بیع منعقد اولوب اولکی صورتده (صاتمدم) لفظی ایجاب و (الدم) لفظی قبول وایکنجی صورتده (الدم) لفظی ایجاب و (صاتمدم) لفظی قبول دره کذا بایع صاتمدم برنده ویردم ویاخود تملیک ایتدم دیوب مشتری دخی الدم برنده راضی اولدم ویاخود قبول ایلدم دیسه بیع منعقد اولور.

§ - ۲۶

[کتاب الاقرار]

(اقرار)، همزه نك كسرى ايله لغته اثبات [۱] ايتك وپايدار قيليق معناسنه در . شرعه برکيسه ديگر کمسنه نك کندوسنده اولان حقی اعتراف [۲] ایلکدر . اول کیسه یه (مقر) و اول کمسنه یه (مقرله) و اول حقه (مقربه) دینور .

اقراره متعلق مسائل واحکام شرعیه، کتاب مذکورده محرردر .

[۱] اثبات، همزه نك كسرى ايله ثابت وپايدار ايتك معناسنه در . كذلك برنسنه یه كنه و حقیقی اوزره مطلع اولوب اونسنه یی بيلك معناسنده دخی استعمال اولنور . برکيسه یی حرکتی بی مجال ايتك وجهه ضرب و جرح ايتك معناسنده دخی مستملمدر .

اثبات، همزه نك فتحی ايله ثقات معناسنه در كه موثوق به و معتمد عليه اولان کیسه لر در . بونك مفردی «ثبت» لفظی در . فحیتین ايله اصل ثبت ثبات فی الحرب معناسنه اسم در . بعده دلیل و حجتیه اطلاق اولتمشدر بعده مجاز بمرتبتین علاقه سیله ثقه و معتمد علیه آدمه اطلاق اولتمشدر . عرف محدثینده ثبت سند ، سلسله لری قید و اثبات اولتمش سلسله نامه یه اطلاق اولنور .

[۲] اعتراف، افتعال و زننده بيلك ایچون خبر صور مق معناسنه در . اقرار ايتك معناسنده دخی مستملمدر . صبر و ثبات ايتك معناسنه دخی کلور . برکسنه اسم و رسمی ايله خبر و یرمك معناسنده دخی استعمال اولنور . برنسنه یه دلالت ايتك معناسنه دخی کلور .



§ - ۲۵

[کتاب الدعوی]

(دعوی) بر کیمسه دیگر کسنه دن حضور حاکمه حقی طلب ایتکدر . اول کیمسه یه (مدعی) و اول کسنه یه (مدعا علیه) دینور .

(مدعا)، مدعینک دعوی ایلدیکی شیدرکه اکا (مدعا به) دخی دینور .

دعوانک شروط صحته و دفع دعوا به [۱] و خصمه و تناقضه [۲] و متفرعاتنه متعلق احکام و مسائل شرعی، کتاب مذکورده محرردر .

[۱] (دفع دعوی)، مدعا علیه طرفندن مدعینک دعواسنی دفع ایده جک بر دعوی در میان اولمقدر . مثلا بر کیمسه جهت قرضدن طولایی شو قدر غروش دعوی ایتدکه مدعا علیه بن انی ادا ایتشیدم یا خود سن بنی اندن ابرا ایلشیدک یا خود بز صلح اولمش ایدک یا خود بو مبلغ قرض دکلدر، بلکه سکا صاتممش اولدینم فلان مالک نمئیدر و یا خود فلان کسنه ده الهجف اولان اولمقدر غروشی سکا حواله ایتکله سن دخی بکا اول مبلغی ویرمشیدک دیسه مدعینک دعواسنی دفع ایتمش اولور .

کذا بر کیمسه دیگر کسنه دن فلانک ذمتنده الهجف اولان شو قدر غروشه سن کفیل اولمشیدک دیو دعوی ایتدکه اول کسنه مدیونک مبلغ مزبوری ادا ایلش ایدوکنی ادعا ایتسه مدعینک دعواسنی دفع ایتمش اولور .

کذا بر کیمسه دیگر کسنه نك یدنده بولنان بر مالی بنمدر دیو دعوی ایتدکه اول کسنه اکا بوندن مقدم فلان ادم اول مالی بندن دعوی ایتدکه سن انک دعواسنه شهادت ایتشیدک دیو ادعا ایلسه مدعینک دعواسنی دفع ایتمش اولور .

کذلک بر کیمسه بر متوفانک ترکه سندن شو قدر غروش الهجق دعوی و وارثک انکاری اوزرینه بودعواسنی اثبات ایتدکن صکره متوفانک حال حیاتنده اول دینی ادا ایلش اولدینغی وارثی ادعا ایلسه مدعینک دعواسنی دفع ایتمش اولور .

[۲] (تناقض)، مدعیدن کندی دعواسنه مناقض یعنی دعواسنک بطلانغی موجب برسوز سبقت ایلش اولمقدر .



§ — ۲۴

[کتاب الوکاله]

(وکالت)، و اوک فتحی و کسری ایله بر کیسه ایشنی بشقه سنه تفویض ایتمک و اول ایشده انی کندو یرینه اقامه ایلمکدر. اول کیسه یه (مؤکل) و یرینه اقامه ایلدیکی کمنسه یه (وکیل) و اول ایشه (مؤکل به) دینور.

(توکیل)، تفعیل و زننده بر آدمی وکیل قیلق معنسه در.

وکیل، وکل لفظدن اسم در.

(وکل)، اکل و زننده هر خصوصه حضرت خدای متعاله اعتماد و انقیاد ایلمک

معنسه در.

(وکول)، وصول و زننده برایشی بالکلیه بر آدمه سپارش ایدوب اصم رلق معنسه در.

(توکل)، تفعیل و زننده بو دخی ایشده خدای متعال حضرتلرینه اطاعت و انقیاد

ایلمک معنسه در.

(ایکال)، همزه نک کسری ایله و (اتکال) افتعال و زننده خدای متعال حضرتلرینه

تسلیم امور ایله انقیاد و اعتماد ایلمک معنسه در.

(وکل)، فتحین ایله و (وکله)، همزه و زننده و (تکله) كذلك همزه و زننده و (مواکل)

مسافر و زننده کندی امور و مصالحنده عاجز اولمغله مورینی دائماً غیره سپارش

و تفویض ایدن آدمه دینور.

(تواکل)، بر آدمی ناس بالکلیه ترک و فراموش ایدوب اندن بی قید اولق معنسه در.

(تکلان)، تانک ضمی ایله اسم اولوب توکل معنسه در. اظهار عجز ایله غیره اعتماد

ایلمک دینور. تکلان کله سنده تا حرفی و اودن منقلب در. (متوکل)، توکل ایدیچی دیمکدر.

وکاله متعلق احکام و مسائل شرعیه، کتاب مذکورک ابواب متعلقه سنده محرردر.



(مشاهده) ، مفاعله وزنده برنسنه یی رو برو کورمک معناسنه در .

(تشهد) ، تفاعل وزنده نمازده یعنی قعدهده کله شهادتی مشتعل اولان تحیاتی اوقومق معناسنه در که وضع شرعی در .

(مشهود) ، جمعه کونی و بر قوله کوره قیامت کونی و یاخود عرفه کونی در که مراد ، « وشاهد و مشهود » آیت کریمه سنده شرفواقع اولان « مشهود » کله جلیله سی اوله جقدر . (اشهاد) ، همزه نك کسری ایله برنسنه یی حضوره کتورمک معناسنه در .

(مشهد) ، مکرم وزنده اشهاد لفظندن اسم مفعول در . معرکه ده شهید اولان آدمه دینور .

(مشهد) ، مقعد وزند و (مشهد) ها ایله و (مشهد) هانک ضمی ایله ناسک حاضر اوله جق یرلرینه دینور .

(استشهاد) ، بر آمدن بر ماده یه شاهدک ایلسنی ایسته مک معناسنه در . كذلك شهید [۱] اولمق یعنی فی سبیل الله قتل اولتمق معناسنه دخی استمهال اولنور .

شهادته متعلق مسائل واحکام شرعیه ، کتاب مذکورده محرر در .



[۱] (شهید) ، کثیر وزنده شاهد وکواه معناسنه در . شهید ، شهادت خصوصنده امین وموثوق به اولان کسته به دخی دینور . (شهید) ، اسماء حسنادندر . علمندن اصلا برنسنه غائب اولیوب مجموع اشیا علمنده حاضر اولان ذات اجل واعلانک اسم شریفی در . شهید عرف شرعه فی سبیل الله مقتول اولان ذاته اطلاق اولنور که فعلی وزنی مفعول وفاعل معنارینه در . اوزاته شهید اطلاق ، غسلنه یاخود نقلنه ملائکه رحمت حاضر اولدقلرینه مبنی در . یاخود حق جل وعلا وملائکه لری انک جنت ایله منم اولسی خصوصنده شاهد اولدقلرینه مبنی در . یاخود یوم قیامته امم خالیه سالفه حقنده استشهاد اولنان ذواتدن اولدیغی ایچون در . یاخود شاهده اوزره یعنی متأثراً ارض اوزرنده ساقط اولدیغی ایچون در . یاخود کویا که وفات ایتیوب حضور آهیده حاضر وزنده اولدیغی ایچون در . یاخود عالم ملک وملکوتی مشاهده ایلدیکنه مبنی در . (شهید) ک جمعی ، کرماء وزنده (شهاد) کلور ، (شاهده) ، ها ایله ارضه اطلاق اولنور .

(شهید) ، زیر وزنده اسامیدندر . « الشیخ الزاهد عمر بن سعد بن شهید » امیر حمص ایدی و « احمد بن عبد الملك بن شهید » ادیب مشهور وقرطبی الاصل اولوب « حانوت العطار » اسمی ایله مسمی اولان کتابک مؤلفی در .

§ — ۲۳

[کتاب الشهادت]

(شهادت)، شهادت لفظنك جمعى در

(شهادت) سعادت و زنده اولوب لغته خبر قاطع معناسنه در. اصطلاح فقهاده «اخبار صدق لاثبات حق بلفظ الشهادة فى مجلس القاضى» تعريفى ايله معرف در. يعنى شهادت، بر كيمس نك اخر كمنسده اولان حقى اثبات ايچون حضور حاكمده و خصمينك مواجهه لرنده شهادت لفظى ايله يعنى شهادت ايدرم ديو خبر ويرمكدر. اشبو مخبره (شاهد) [۱] و اول كيسيه (مشهودله) و اول كمنسده (مشهود عليه) و اول حقه (مشهود به) دينور.

بعض علمای کرام حضراتنك بياننه كوره (شهود) و (شهادت)، حضور مع المشاهده معناسنه موضوعدر. اوده بصر و بصيرت ايله اولور كه علم اوله جقدر. بعضاً حضور مجردده استعمال اولنور. لكن حضور مجردده (شهود) و حضور مع المشاهده (شهادت) لفظنك استعمالى اولى در. (شهادت) كه شاهدك ديمكدر بصر ويا بصيرت ايله مشاهده سببى ايله حاصل اولان علم و اطلاع دن ناشى صدور ايدن قولدن عبارتدر. كاه اولور كه قسم مجراسنده اجرا اولنور «اشهد بالله انه كذا» دينور كه «اشهد» لفظى «احلف» معناسنه در. «بالله» لفظدن مجرد اولدينى حالده دخی استعمال اولنور.

(شهادت)، اسم اولوب فى سبيل الله قتل اولنغه دخی دينور.

[۱] (شاهد)، شهود لفظدن اسم فاعل اولوب حاضر معناسنه دزه جمعى (شهود) كلور و (شهد) كلور ركع كبي. شاهد، (شهادت) دن دخی اسم فاعلدر كه فارسیده كواه و تركیده طائق دينور بوتك جمعى صحب و زنده شهد كلور و جمع الجمعى (شهود) و (اشهاد) لفظلرى در.

(شاهد)، اسماء جليله نبويه دن در عليه الصلاة والسلام. (شاهد) لفظى لسانه و ملائكه يه يعنى ملائكة حفظه يه و جمعه كونه و بيلديزه و ولدك حين تولدنده برابرجه ظهور ايدن غليظ صويه و سرتقه بجريلان امر و مصلحته دخی اطلاق اولنور. (صلاة الشاهد)، صلاة مغربك دخی اسمى اولوب علت تسميه، شاهد اسمنده برنجك طلوعنده صلاة مغربك ادا اولمى مناسبته مبنى در.

§ — ۲۲

[کتاب القضا]

(قضا) . مدّ وقصر ایله لغتده حکم معناسه در .

شرعده «فصل الخصومات وقطع المنازعات» تعریفی ایله معرفّ اولوب حکم و حاکمک معنالیینه کلور .

(حاکم) ، بین الناس وقوعبولان دعوا و مخصوصه بی احکام مشروعسه توفیقاً فصل وحسم ایچون طرف سلطانیدن نصب وتعیین بیوریلان ذات در .

(حکم) ، حاکمک مخصوصه بی قطع وحسم ایلسیدرکه ایکی قسمه منقسدر .

قسم اول، حاکمک حکم ایتم ادعا اولنان شیئی ویر دیمک کی سوزلر ایله محکوم بهی محکوم علیه الزام ایتمی یعنی لازم قیلسی در . ایشته بوکا (قضاء الزام) و (قضاء استحقاق) دینور .

قسم ثانی، حاکمک حاکمک یوقدر، منازعه دن ممنوعسک دیمک کی سوزلر ایله مدعی بی منازعه دن منع ایتمسدر . بوکاده (قضاء ترک) دینور .

(محکوم به) ، حاکمک محکوم علیه الزام ایلدیکی شیدرکه قضاء الزامده مدعینک حقی ایفا ایتمی وقضاء ترکه مدعینک منازعه دن واز کچمسدر .

(محکوم علیه) ، علیه حکم اولنان کیسه در .

(محکوم له) ، لهنه حکم اولنان کیسه در .

قضایه متعلق مسائل شرعیه کتاب مذکورده محرردر .

{ باب التحکیم }

(تحکیم) ، خصمینک خصومت ودعوالرینی فصل ایچون رضالری ایله اخر کیسه بی حاکم اتخاذ ایتملرندن عبارتدر . اول کیسه یه فحختین ایله «حکم» ومیمک ضمی و حاکمک قحی وکاف مشدده مفتوحه ایله محکم دینور .

باب مذکور تحکیمه متعلق احکام ومسائل شرعیه بی حاوی در .

§ — ۲۱

[کتاب الحواله]

(حواله)، لفته نقل معناسنه اولوب احاله لفظدن اسمدر. شرعه دینی برذمتدن
دیگر ذمه [۱] نقل ایلكدر.

(محیل)، حواله ایدن کیسه درکه مدیون در.

(محال له)، داین اولان کیسه در.

(محال علیه)، کندو اوزرینه حواله بی قبول ایدن کیسه در.

(محال به)، حواله اولنان مال در.

(حواله مقیده)، محیلک محال علیه ذمتنده یا خود یدنده اولان مالندن ویرمک اوزره
دیو مقید اولان حواله در.

(حواله مطلقه)، محیلک محال علیه اولان مالندن ویرمک اوزره دیو مقید اولنان
حواله در.

حواله به متعلق احکام و مسائل شرعیه کتب فقهیه نیک «کتاب الحواله» قسمده محرردر.



[۱] ذمت، ذلک کسری ایله عهد و امان معناسنه درکه نقضی موجب ذم اولور.
(ذمت)، کفالت معناسنده دخی مستعملدر. کندولری ایله عهد و پیمان اولمش جماعته دخی
دینورکه محل ذمتلر در. فقهای کرام حضراتنک «ثبت فی ذمتی کذا» قوی عهد معناسنه اولوب محل
الترام عهدده استعمال ایلدکری علمای کرام حضراتی جانبندن بیان بیورلشدر.

§ - ۲۰

[کتاب الکفالة]

(کفالت)، لغتده ضم معناسنهدر . شرعده بر شئک مطالبه سی حقنده ذمتی ذمته ضم ایتکدر . یعنی بر کیسه ذاتی دیکرک ذاته ضم ایدوب وانک حقنده لازم کلان مطالبه بی کندو دخی التزام ایلکدر .

(کفالت بالنفس)، بر ادمک شخصه کفیل اولمقدر .

(کفالت بالمال)، بر مالک اداسنه کفیل اولمقدر .

(کفالت بالتسلیم)، بر مالک تسلیمه کفیل اولمقدر .

(کفالت بالدرك)، مبيع بالاستحقاق ضبط اولدینی تقدیرده اچه سنی ادا و تسلیمه و یا خود با یعک نفسنه کفیل اولمقدر .

(کفالت منجزه)، شرطه معلق وزمان مستقبله مضاف اولمیان کفالتدر .

(کفیل)، کندو ذمتی احرک ذمتنه ضم ایدن یعنی احرک متعهد اولدینی شیئه کندو دخی متعهد اولان کیسه درکه اول آخره (اصیل) و (مکفول عنه) دینور .

(مکفول له)، کفالت خصوصنده طالب وداین اولان کیسه در .

(مکفول به)، کفیلک تسلیمه یا اداسنه متعهد اولدینی شیدرکه کفالت بالنفسده مکفول عنه ایله مکفول به برشی در .

کفالته متعلق مسائل واحکام شرعیه، کتب فقهیه نک کتاب الکفاله قسمنده محرردر .



{ باب الاستحقاق }

(استحقاق)، طلب حق معنایند.

(استحقاق)، یکی نوعدر. بریسی ملکی مبطلدر عتق وامشالی کی. ایکنجیسی ملکی بر شخصدن اخره نقلدر ملکه استحقاق کی.

باب مذکور، استحقاقه متعلق مسائل واحکام شرعیہ حاویدر.

{ باب السلم }

(سلم)، لغتده وزناً ومعناً سلف کیدر. شرعده «بیع آجل بعاجل» تعریفی ایله معرفدرکه مؤجلی مجله صاتمق یعنی پیشین پاره ایله ویرهسی به مال المقدر.

باب مذکور، سلمه متعلق مسائل واحکام شرعیہ حاویدر.

{ باب الصرف }

(صرف)، لغتده زیاده معنایند. شرعده «بیع الثمن بالثمن جنسا بجنس او بغير جنس کذهب بفضة» تعریفی ایله معرف اولوب بوکا متعلق مسائل واحکام شرعیہ باب مذکورده محرردر.



{ باب البيع الفاسد }

(بيع فاسد)، اصلاً صحیح اولوبده و صفأ صحیح اولیان یعنی ذاتاً منعقد اولوبده بعض اوصاف خارجی سی اعتباری ایله مشروع اولیان بیعدرکه بوکا متعلق احکام و مسائل شرعیه باب مذکورده محرردر.

{ باب الاقاله }

(اقاله)، لغتده رفع معناسه در. شرعده عقد بیعی رفع و ازاله ایتمک معناسه اولوب بوکا متعلق احکام و مسائل شرعیه باب مذکورده ذکر و ایراد اولمشدر.

{ باب المراجعة والتولیه }

(مراجعة)، ربخ کله سندن مصدردر. شرعده «بیع ماملکه من العروض [۱] بما قام علیه وبفضل» تعریفی ایله معرف در.

تولیه، «ولی غیره جعله والیا» ترکیبده کی ولی لفظندن مصدردر. شرعده «بیعه بئمه الاول» تعریفی ایله معرف درکه بونلره متعلق مسائل شرعیه باب مذکورده محرردر.

{ باب الربا }

(ربا) لغتده مطلق زیاده معناسه در شرعده «فضل خال عن عوض بمعیار شرعی مشروط لاحد المتعاقدين فی المعاوضة» تعریفی ایله معرف اولوب بوکا متعلق احکام و مسائل شرعیه باب مذکورده محرردر.

{ باب الحقوق }

(حقوق)، حق لفظنک جمعی در.

(حق) باطلک خلافی در. مبیعه تابع اولان حقوقه متعلق مسائل شرعیه باب مذکورده

محرردر.

[۱] عروض، «عرض» ک جمعی اولوب نقود و حیواناتدن و مکیلات و موزوناتدن بشقه اولان متاع و قاش و امثالی شیلره اطلاق اولنور.

§ - ۱۹

[کتاب البیوع]

(بیوع)، بیع لفظک جمعی در. بیع «مقابله شیء مرغوب فیہ بمثل علی وجه مخصوص» تعریفی ایله معرف در.

علمای کرام حضراتی جانبندن بیوعه متعلق احکام و مسائل شرعیہ بروجه آتی ابواب عدیده اوزرینه جمع و ترتیب بیورلمشدر. ابواب مذکورہ، (باب خیار الشرط) (باب خیار الرؤیہ) (باب خیار العیب) (باب البیع الفاسد) (باب الاقاله) (باب المراجعة والتولیه) (باب الربا) (باب الحقوق) (باب الاستحقاق) (باب السلم) (باب الصرف) در.

{ باب خیار الشرط }

(خیار)، مخیرک دیمکدر.

(خیار شرط)، بایع ویا مشتری ویاخود ایکسی بردن مدت معلومه ایچنده بیعی فسخ ایتمک ویاخود اجازت ایله انفاذ ایتمک خصوصنده مخیر اولمق اوزره بیعده شرطدن عبارت اولوب بوکا متعلق احکام و مسائل شرعیہ باب مذکورده محرردر.

{ باب خیار الرؤیہ }

(خیار رؤیت) برکیمسه برمالی کورمدین اشترایتسه کورنجه یه دک مخیر اولوب کوردکده دیلرسه فسخ ایتمک و دیلرسه قبول ایلمکدن عبارتدر که بوکا متعلق احکام و مسائل شرعیہ باب مذکورده محرردر.

{ باب خیار العیب }

(بیع مطلق)، مبیعک عیدن سالم اولسنی اقتضا ایدر. بیع مطلق ایله صاتیلان برمالده عیب قدیمی تبین ایتمکده مشتری مخیردر. دیلرسه رد ایدر و دیلرسه ثمن ایله قبول ایلر. یوقسه مالی یقویوبده عیبی ایچون بهاسنی تنقیص ایده مز. ایشته بوکا خیار عیب دینور. عیب دیو اهل و اربابی بیننده مالک بهاسنه ایراث نقصان ایدن قصوره دینور. خیار عیبه متعلق احکام و مسائل شرعیہ باب مذکورده محرردر.

§ - ۱۸

[کتاب الوقف]

(وقف)، واوڪ فحی وقافك سكونی ایله لغتده حبس معناسنه در. شرعهده «حبس العین علی ملک الوقف والتصدق بالمنفعة» تعریفی ایله معرف در یعنی برملکی بیع وشرادن علی وجه التابید [۱] آلیقومق معناسنه درکه مالنی وقف ایلك تعیر اولنور. وقفه متعلق مسائل واحکام شرعیه، کتاب مذکورده محرردر.

[۱] تأیید، تفعیل وزننده، ابد لفظندن مصدر اولوب باقی ومخلد قیلق معناسنه در. «یقال فلان وقف ارضه وقفا مؤبدا اذا جعلها بحیث لاتباع ولا تورث».

(ابد)، همزه نك وبای موحده نك فحی یله دهر معناسنه درکه زمان طویل وامد ممدوددن عبارتدر. همزه نك مدی ایله جمی (آباد) کلور وهمزه نك ضمی ایله جمی (ابود) کلور. بعض علمای کرام حضراتنك بیاننه کوره ابد، متجزی اولیان زمان ممتدك مدتدن عبارتدر زمان، متجزی اولور ابد، متجزی اولز مثلا «وقع فی زمان کذا» دینور «فی ابد کذا» دینز. بو حاله کوره ابد، آخرك انضمامی قابل اولماقله ثنیه وجعلنسی کرچه ممکن اولیوب لکن اسم جنسی بعض افرادینه تخصیص ابتدکلی کبی بونی دخی بعض مشمولاتنه تخصیص ایله جمع وثنیه سنه مساغ بولدیر. بعض علمای کرم حضراتنك بیاننه کوره ابد، ظرف زماندر وقت بیغایه مستقبلده مستعملدر ضدی اولان لفظ ازل، ماضیده مستعملدر. ابد، دهر معناسنه استعمال اولنورکه زمان مدیددن عبارتدر و بونلر جعلرینه مضاف اولوب (ابد الآباد) و (ازل الآزال) دینور ایکی معنای سردی جامع کله لردر و ابد لفظندن بعض مشتقات تصریف ایدوب انلره تأکید ایچون مضاف ایدرلر. (ابد)، همیشه ودائم معناسنه دخی استعمال اولنور. (ابدی)، دائمی دیمکدر. (ابد)، قدیم ازلی معناسنه درکه صفات الهیهدن در.



§ — ۱۷

[کتاب الشركه]

(شركت)، شينك كسرى وضحى ايله لغتده خلط معناسنهدر. شرعده «عبارة عن عقد بين المتشركين في الاصل والربح» تعريفى ايله معرف دركه فى الاصل بردن زياده كيسه لره برشيتك اختصاصى وانلرك اول شى ايله امتيازى در. فقط اويله بر اختصاصه سبب اولان عقد، شركت معناسنده دخی عرف واصطلاح اوله رق مستعملدر . بناءً عليه مطلقا .
 شركت، ايكي قسمه تقسيم اولنوب بريسي (شركت ملك) وديكرى (شركت عقد) در. (شركت ملك)، اسباب تملكدن اولان اشترا و آهاب وقبول وصيت و توارث كبي بر سبب ايله وياخود خلط و اختلاط اموال ايله يعنى ماللىرى يكديكره قابل تميز وتفريق اوليه جق صورتده قارشديرمىق وياخود ماللى اول صورتده يكديكره قارشتمق ايله برشيتك بردن زياده كيسه لريننده مشترك يعنى اول شينك انلره مخصوص اولميسيدر. (شركت عقد)، ايكي ياخود زياده كيسه لريننده سرمايه وفائده سى مشترك اولمق اوزره عقد شركتدن عبارت اولوب شريكلريننده ايجاب وقبول ايله حاصل اولور. بونلردن بشقه برده (شركت اباحه) واردركه مباح اولان صوكبى فى الاصل كمسنه نك ملكى اولميان شيلرى اخذ واحراز ايله تملكه صلاحيتده عامته نك متشارك اولميسيدر.

(اشترك)، افتعال وزننده اورتاق اولمق معناسنهدر .

(تشارك) دخی او معناده در .

(مشارك) دخی عين معناده مستعملدر .

(شريك)، امير وزننده اورتاغك هر برينه دينور . جمعى (اشراك) كلور شهيد و اشهاد كبي . كذلك جمعى شركاء دخی كلور كرماء كبي . مؤتى شريكه اولوب جمعى شرانك در .

معاملات شركته متعلق احكام ومسائل شرعيه، كتاب مذكوره محرردر .



§ - ۱۶

[کتاب المفقود]

(مفقود)، فقد لفظدن مأخوذ اولوب لغته معدوم معناسه درکه غائب اولان شیئه دینور. شرعه اول برغائبه اطلاق اولنور که حیات و یا نمانی معلوم دکلدر. (فقید) دخی او معنایه در.

(فقد)، فانك فتحی وقافك سکونی ایله و (فقدان) فانك کسری ایله و (فقود)، قعود و زننده موجود نسنه یی غائب ایلك معناسه در.

(افقاد)، همزه نك کسری ایله برکسنه یه برنسنه سنی غائب ایتدیرمك معناسه در.

(فاقد)، زوجی یا خود ولدی وفات ایلمش اولان خاتونه اطلاق اولنور. برروایت کوره زوجی وفات ایلدکن صکره بشقه اره وارمش اولان خاتونه اطلاق اولنور. كذلك یاوریسنی یرتیجی جانور یارهلمش اولان اینکه دخی اطلاق اولنور.

(افتقاد)، افتعال و زننده و (تفقد)، تفعل و زننده بر آدم غائب ایلدیکی نسنه یی آراشدیرمق معناسه در.

مفقوده متعلق احکام و مسائل شرعیه کتاب مذکورده محرردر.



§ - ۱۵

[کتاب الآبق]

(آبق) ، همزه نك فتحی و بانك سكونی و فتحین ایله و (آباق) كتاب وزنده كوله ،
افديسندن خوف و اندیشه سی یا خود اعمال شاقه دردی اولیه رق هواسنه تبعیله قاجق
معناسه در. برقوله كوره كیزلنوب بعده برستمه قاجوب کیتك معناسه در .

(آبق) ، صاحب وزنده و (ابوق) ، صبور وزنده اسم فاعل لر در . مولا سندن فرار
ایدن كوله یه اطلاق اولنور . (آبق) لفظنك جمعی كقار و ركع و زلرنده (آباق) و (آبق)
كلور . لكن مقتضای ماده (ابوق) لفظی قاجان كوله یه اطلاق اولنمقدرد .

(تأبق) ، تفعل وزنده كیزلنك و برقوله كوره بریرده اویالنوب قالمق معناسه در .
كناه ارتكاب ایلک معناسنده دخی مستعملدر .

كتاب مذکور ، (آبق) متعلق احكام و مسائل شرعی بی حاوی در .



§ - ۱۴

[کتاب اللقطه]

(لقطه) ، لامك ضمی وقافك فتحی ایله ویاخود هر ایکی حرفك فتحی ایله مال ملتقطه موضوع اولان اسم در.

(لقطه) ، شرعهده «هو مال يوجد على الارض ولا يعرف له مالك» تعریفی ایله معرف در. یعنی لقطه، ارضده بولنان و مالکی بیلنمیان مال دیمکدر. برکیسه لقطه یی صاحبنه رد ایتمک نیتی ایله اخذ ایدر ایسه لقطه نك یردن رفعی اوکیسه ایچون حلال اولور. اگر اوکیسه لقطه یی کندوسنه مال اولمق نیتی ایله اخذ ایدر ایسه اوکیسه غاصب و اثم اولور.

(لقیط) لفظی بنی آدمه و (لقطه) لفظی بنی آدمک غیرینسه مخصوصدر.

(التقاط) ، افعال وزنده فی الاصل یره دوشمش نسنه یی قالدیروب المق معناسنه در.

(تلقط) ، تفاعل وزنده بر نسنه یی شورادن بورادن طوبلایوب دیوشیرمک معناسنه در.

کتاب مذکور ، لقطه یه متعلق احکام و مسائل شرعیه یی حاوی در.



§ - ۱۳

[کتاب اللقیط]

(لقیط)، فعلیل وزننده مفعول اوله رق لغتده «ملقوط» [۱] معناسنه در. صکره مأل اعتباری ایله ولد منبوذ [۲] معناسنده استعمالی غالب در. شرعده «اسم لحنی مولود طرحه اهله خوفا من العیلة [۳] او فرارا من تهمة [۴] الریبه» [۵] تعریفی ایله معرف در. یعنی لقیط، فقیرلکدن خوفا یا خود شک وشبهه دن اجتناباً طرح [۶] اولنان حیّ مولودک اسمی درکه انک طارج وتارکی آثم ومحززی غانم در.

لقیطه متعلق مسائل واحکام شرعیه، کتاب مذکورده محرردر.

[۱] ملقوط، ارضدن مأخوذ دیمکدر.

[۲] منبوذ، حرام زاده دیمکدر.

[۳] عیله، عین حرفنک قحی ایله فقیرلک معناسنه در.

[۴] تهمة، ها حرفنک قحی ویاسکونی ایله شک معناسنه در.

[۵] طرح، جرح وزننده برنسنه بی یره براقق والندن آتمق معناسنه در.

[۶] ریبه، ظن وشک معناسنه در. لکن بومبجده ریبه دن مراد، خلاف شرع قربان در.



{ باب الغنم }

وقسمته

باب مذکور، جهاداً النان مال غنیمه ایله انک تقسیمه متعلق مسائل واحکام شرعیه بی حاوی در.

{ باب استیلاء الکفار }

باب مذکور، استیلاءه متعلق مسائل واحکام شرعیه بی حاوی در.

{ باب المستامن }

(مستامن)، لغتده «طالب الامان» معناسنه اولوب بوکا متعلق مسائل واحکام شرعیه، باب مذکورده محرردر.

{ باب العشر والخراج والجزیه }

باب مذکور، عشر وخراج ایله جزیهه متعلق مسائل واحکام شرعیه بی حاوی در.

{ باب المرتد }

(مرتد)، لغتده مطلقاً راجع معناسنه در. شرعه العیاذ بالله تعالی دین اسلامدن راجع اولوق معناسنه اولوب بوکا متعلق مسائل واحکام شرعیه، باب مذکورده محرردر.

{ باب البغاة }

(بغاة)، باغی لفظنک جمعی در. بغی لغتده طلب معناسنه در. عرفده «طلب مالایحل من جور وظلم» تعریفی ایله معرفدر. باغی، شرعهده «هو الخراج علی امام الحق بغیر حق» تعریفی ایله معرف اولوب بوکا دائر مسائل واحکام شرعیه، باب مذکورده محرردر.



§ — ۱۲

[کتاب الجهاد]

(جهاد) لغتده «جاهد فی سبیل الله» کلامنده کی «جاهد» لفظندن مصدردر. شرعده «الدعا الی الدین الحق و قتال من لم یقبله» تعریفی ایله معرف اولدینی کبی «بذل الوسع فی القتال فی سبیل الله مباشرة او معاونة بمال او رأی او تکثیر سواد او غیر ذلك» تعریفی ایله معرف در.

جهاد ایله امثالی افعال خیریه نك بعد الموت مثنواتی باقی اولدینی ثابت اولوب اولباده الشیخ المحدث عبد الباقي الحنبلی حضرتلرینک انشاد بیوردقلمی نظم، تبرکاً اشبو محله درج ایله تزیین صحیفه بیان اولندی.

(نظم)

اذا مات ابن آدم جاء یجری	علیه الاجر عد ثلاث عشر
علوم بها ودعاء نجل	وغرس النخل والصدقات تجری
ورائة مصحف ورباط ثغر	وحفر البئر او اجراء نهر
وبیت للغریب بناء یاوی	الیه او بناء محل ذکر
وتعلیم لقرآن کریم	شهید للقتال لاجل برّ
کذا من سنّ صالحه لیقفی	فخذها من احادیث بشعر

علمای کرام حضراتی جانبندن جهاده متعلق مسائل واحکام شرعیه بوجه آتی ابواب عدیده اوزرینه جمع وترتیب بیورلمشندر. ابواب مذکوره، (باب المغنم وقسمته) (باب استیلاء الکفار) (باب المستامن) (باب العشر والحراج والجزية) (باب المرتد) (باب البغاة) در.

§ - ۱۱

[کتاب السرقة]

(سرقه) ، لغته « اخذ الشيء من الغير خفية » دیکدر . مسروق اولان شیئه سرقه تسمیه سی مجازه منی در . شرعه « اخذ مکلف ناطق یصیر عشرة دراهم جیاد او مقدارها مقصوده ظاهرة الاخراج خفیه من صاحب ید صحیحة » تعریفی ایله معرف در . علمای کرام حضراتی جانبندن سرقه متعلق مسائل واحکام شرعیه بوجه آتی ابواب اوزرینه جمع وترتیب بیولمشر . ابواب مذکوره (باب کیفیة القطع واثباته) (باب قطع الطريق) در .

{ باب کیفیة القطع واثباته }

باب مذکور، سارق قطع یدینه متعلق مسائل واحکام شرعیه بی حاوی در .

{ باب قطع الطريق }

(قطع طریق) ، سرقه کبرادن اولوب بوکا متعلق مسائل واحکام شرعیه باب مذکوره محرردر .



{ باب حد الشرب }

باب مذکور، شرب خمر ایدن مسلم ناطق مکلف اوزرینه ترتب ایدن حدّه متعلق مسائل واحکام شرعیه بی حاوی در.

{ باب حد القذف }

(قذف) ، لغتده رمی معناسنه در. شرعده «الرمی بالزنا» تعریفی ایله معرف در. باب مذکور، بالاجماع کبأردن اولان حد زنايه متعلق مسائل واحکام شرعیه بیاننده در.

{ باب التعزیر }

(تعزیر) ، لغتده مطلقا تأدیب معناسنه در. شرعده «تأدیب دون الحد» تعریفی ایله معرف اولوب بوکا متعلق مسائل واحکام شرعیه باب مذکورده محرردر.



۱۰ - §

[کتاب الحدود]

(حدود)، حد لفظنك جمعی در .

(حدّ)، لغتده منع معناسنهدر. شرعده «عقوبة مقدّرة وجبت حقا لله تعالى» تعریفی ایله معرف در .

(عقوبت)، ضرب یاخود قطع یاخود رجم یاخود قتل کبی جزادن عبارتدر .

(عقوبت مقدّره)، کتاب یاخود سنت ویاخود اجماع ایله مفروض ومقدّر اولان جزادن عبارتدر .

علمای کرام حضراتی جانبندن عقوبت مقدّرهیه متعلق مسائل واحکام شرعیه بوجه آتی ابواب عدیده اوزرینه جمع وترتیب بیورلمشدر .

ابواب مذکوره، (باب الوطء الذی یوجب الحد والذی لایوجبه) (باب الشهادة علی الزنا والرجوع عنها) (باب حد الشرب) (باب حد القذف) (باب التعزیر) در .

{ باب الوطء الذی یوجب الحد
والذی لایوجبه }

باب مذکور، حد شرعی بی موجب وغیر موجب اولان وطئه متعلق مسائل واحکام شرعییه حاویدر .

{ باب الشهادة علی الزنا والرجوع عنها }

باب مذکور، زنا اوزرینه شهادته وآندن رجوعه متعلق مسائل واحکام شرعییه حاویدر .

{ باب اليمين في البيع والشرا والصوم والصلاة وغيرها }

باب مذکور، بیع وشراعه وصوم وصلاته وسائر امورده یمینه متعلق احکام
ومسائل شرعیہ بی حاوی در.

{ باب اليمين في الضرب والقتل وغير ذلك }

باب مذکور، ضرب وقتله وسائر فعلده یمینه متعلق مسائل واحکام شرعیہ بی حاوی در.



۹ - §

{ کتاب الایمان }

(ایمان)، یمین لفظنک جمعى در. یمین، لغتده «جارحه» و «قوه» و «قسم» یننده مشترك در. شرعده «عبارة عن عقد قوی به عزم الحالف على الفعل او الترك» تعریفی ايله معرف در. علمای کرام حضراتی جانبندن «ایمان» متعلق مسائل واحکام شرعیه، بوجه آتی ابواب عیدیه اوزرینه جمع و ترتیب بیورلمشدر. ابواب مذکور، (باب الیمین فی الدخول والخروج) (باب الیمین فی الاکل والشرب واللبس والکلام) (باب الیمین فی الطلاق والعناق) (باب الیمین فی البیع والشراء والصوم والصلاة وغيرها) (باب الیمین فی الضرب والقتل وغير ذلك) در.

{ باب الیمین فی الدخول والخروج
والسکنی و الاتیان
والرکوب و غیر ذلك }

باب مذکور، دخول و خروجده و سکننا و اتیان و رکوب و سارده یمینه متعلق احکام و مسائل شرعیه بی حاوی در.

{ باب الیمین فی الاکل والشرب واللبس والکلام }

باب مذکور، اکل و شربده و لباس و کلامده یمینه متعلق مسائل واحکام شرعیه بی حاوی در.

{ باب الیمین فی الطلاق والعناق }

باب مذکور، طلاق و عناقده یمینه متعلق مسائل واحکام شرعیه بی حاوی در.

{ باب التدبیر }

(تدبیر)، تفعل وزنده عاقت اندیشك ايله انجام كاره نظر و صرف بصر ايلك معناسنه در. بر خصوصك تمشیتی ضمننده سعی و ترتیب اسباب ايلك معناسی بوندن مأخوذدر. كذلك تدبیر، بر كیمسه دن بر كلام و خبر نقل و روایت ایتمك معناسنه در. شرعه تدبیر، «تعليق العتق بمطلق موته» تعریفی ايله معرف در یعنی بر ادم كندوسنك موته كوله سنك و جاریه سنك عتقی تعليق ايلك معناسنه در كه موتندن صكره انلرك آزاد اولمیرنی وصیت ايلكدن عبارتدر. او كوله یه «مدبر» و جاریه یه «مدبره» دینور. باب مذکور، عتق تدبیری به متعلق احكام و مسائل شرعیه بی حاویدر.

{ باب استیلا د }

استیلا د، لغته «طلب الولد من زوجة او امة» معناسنه در. فقهای گرام حضراتی كلمه مذکورده بی «طلب الولد من امة» معناسنه حصر و تخصیص بیوردیلر. بوكا متعلق مسائل و احكام شرعیه باب مذکورده محرردر.



§ - ۸

[کتاب العتق]

(عتق)، لغتده «الخروج عن المملوکیة» معناسنه در. شرعده «عبارة عن اسقاط المولی حقه عن مملوکه بوجه یصیربه المملوکه عن الاحرار» تعریفی ایله معرف در.

علمای کرام حضراتی جانبندن «عتق»ه متعلق مسائل و احکام شرعیه بوجه آتی ابواب عدیده اوزرینه جمع و ترتیب بیورلمشدر. ابواب مذکوره (باب عتق البعض) (باب الحلف بالعتق) (باب العتق علی جعل) (باب التذیر) (باب الاستیلا)در.

{ باب عتق البعض }

(عتق البعض)، «عبارة عن زوال الملك عن البعض لاعن زوال الرق» تعریفی ایله معرف اولوب بوکا دائر مسائل و احکام شرعیه باب مذکوره محرردر.

{ باب الحلف بالعتق }

باب مذکور عتق ایله حلفه یعنی یمنه متعلق احکام و مسائل شرعیه بی حاوی در.

{ باب العتق علی جعل }

جعل، لغتده جیم حرفنک فتحی ویا ضمی ایله «ما یجعل للعامل علی عمله» تعریفی ایله معرف اولوب باب مذکور، اکا متعلق احکام و مسائل شرعیه بی حاوی در.

{ باب العدة }

(عدة)، عين حرفك كسرى ايله لغته احصا معناسنه در. عين حرفك ضمی ايله «الاستعداد للامر» معناسنه در. اصطلاحده «تربص يلزم المرأة عند زوال النكاح او شبهته» تعریفی ايله معرف اولوب بوكا دائر احكام و مسائل شرعية. باب مذكوره محرردر.

{ باب الحضانه }

(حضانة)، حا حرفك فتحی و كسرى ايله «تربية الولد» معناسنه اولوب بوكا دائر احكام و مسائل شرعية، باب مذكوره محرردر.

{ باب النفقة }

(نفقة)، لغته انسانك عیالی اوزرینه اتفاق ایلدیکی شیئه اطلاق اولنور. شرعهده طعام، کسوه، سکنادر. عرفده «طعام» در. باب مذکور، نفقهیه متعلق احكام و مسائل شرعییه حاوی در.



{ باب الخُلَع }

(خُلَع) ، خاء معجمه نك ضمی ایله ازاله زوجیت معناسنه در كه علم فقه شریفده « ازاله ملك النكاح المتوقفة على قبولها بلفظ الخُلَع او ما فی معناه » تعریفی ایله معرف اولوب باب مذکور اكا متعلق احكام و مسائل شرعیه بی حاوی در .

{ باب الظهار }

(ظهار) ، لغته « ظاهر من امرأة » ترکینده اولان « ظاهر » کله سندن مصدر در كه زوج طرفندن زوجهیه « انت علی كظهر امی » قولى ایله خطاب ایتكدر . شرعه « تشبیه المسلم زوجته او جزء شائع منها بحرم علیه تأبیداً » تعریفی ایله معرف اولوب بوكا دائر احكام و مسائل شرعیه باب مذکورده مسطوردر .

{ باب الكفاره }

(كفارت) ، كفر لفظندن مأخوذ اولوب لغته تغطیه و ستر معناسنه در . شرعه تحریر رقبه در . ركنی ، اعتاق و صیام و اطعامدن فعل مخصوص اولوب باب مذکور ، بوكا متعلق مسائل و احكام شرعیه بی حاوی در .

{ باب اللعان }

(لعان) ، لغته « لاعن » کله سنك مصدری در . قائل کبی . لفظ مذکور ، لعن کله سندن مأخوذ اولوب طرد و ابعاد معناسنه در . شرعه « شهادات مؤکدات بالایمان مقرونة باللعن قائمة فی حقه و مقام حد الزنا فی حقه » تعریفی ایله معرف در كه بوكا متعلق احكام و مسائل شرعیه باب مذکورده محرردر .

{ باب العنین و غیره }

(عنین) ، لغته جماعه قادر اولیان کیسه دیمکدر . فعیل بمعنى مفعول معناسنده اولوب جمعی عنین حرفنك و نون اولانك ضمی ایله « عنین » لفظی در . شرعه « من لا یقدر علی جماع فرج زوجته » تعریفی ایله معرف اولوب بوكا متعلق مسائل و احكام شرعیه باب مذکورده محرردر .

{ باب تفویض الطلاق }

باب مذکور، و یا غیر یه طلاقك تفویضه تعلق ای دن مسائل و احکام شرعی بی حاوی در.

{ باب الامر بالید }

باب مذکور، امر بالید صورتند اولان طلاقه متعلق مسائل و احکام شرعی بی حاوی در.

{ باب التعلیق }

(تعلیق)، تفعل باندن مصدر اولوب لغتده بر شیئی معلق قیلق معناسنه در. اصطلاحده «ربط حصول مضمون جملةً بحصول مضمون جملةً اخرى» تعریفی ایله معرف در. باب مذکور، تعلیق صورتند طلاقه متعلق مسائل شرعی بی حاوی در.

{ باب طلاق المریض }

باب مذکور، طلاق مریضه متعلق مسائل و احکام شرعی بی حاوی در.

{ باب الرجعه }

(رجعة)، را حرفك فحی و یا کسری جائز اولق اوزره رجوع معناسنه در. فقهده، «هی استدامة الملك القائم في العدة» تعریفی ایله معرف در.

{ باب الايلاء }

(ایلاء)، لغتده یمین معناسنه در. شرعده «الحلف على ترك قربانها» تعریفی ایله معرف در یعنی زوجهك قربانی [۱] ترك اوزرینه حلف [۲] ایلكدر. باب مذکور، ایلاءه متعلق احکام و مسائل شرعی بی حاوی در.

[۱] قربان، زوجه به قریب اولق معناسنه در.

[۲] حلف، یمین معناسنه در.

۷ - §

[کتاب الطلاق]

(طلاق)، لغتده «رفع القید» معناسنه در. لکن خاتونده طلاق و غیرسنه اطلاق تعبیر اولنور. شرعده «رفع قید النکاح فی الحال او المال بلفظ مخصوص» تعریفی ایله معرف در.

علمای کرام حضراتی جانبندن «طلاق» متعلق مسائل و احکام شرعیه بوجه آتی ابواب عدیده اوزرینه جمع و ترتیب بیورلشدر.

ابواب مذکورہ، (باب الصریح) (باب طلاق غیر المدخول بها) (باب الکنایات) (باب تفویض الطلاق) (باب الامر بالید) (باب التعليق) (باب طلاق المریض) (باب الرجعة) (باب الایلاء) (باب الخلع) (باب الظهار) (باب الکفاره) (باب اللعان) (باب الغین وغیره) (باب العده) (باب الحضانه) (باب النفقه) در.

{ باب الصریح }

(طلاق صریح)، انجق طلاقده استعمال اولنان الفاظ در. «طلقتك وانت طالق ومطلقة» کی.

باب مذکور، طلاق صریحه متعلق احکام و مسائل شرعیه بی حاوی در.

{ باب طلاق غیر المدخول بها }

باب مذکور، غیرمدخول بهانک طلاقده تعلق ایدن مسائل و احکام شرعیه بی حاوی در.

{ باب الکنایات }

(کنایه)، عند الفقها یالکز طلاق ایچون وضع اولنیموب طلاقه و طلاقک غیریه دلالتده احتمالی اولان لفظ در.

باب مذکور، طلاقده کنایاته تعلق ایدن مسائل و احکام شرعیه بی حاوی در.

{ باب نکاح الرقيق }

(رقيق)، صاحب «صحاح» ك بيانہ كورہ مملوك ادمی معناسه اولوب واحد وجمعہ اطلاق اولنور.

باب مذکور نکاح ارقہیه متعلق مسائل و احكام شرعيہ بي حاوی در.

{ باب نکاح الكافر }

«كتاب النكاح» ك ابواب سابقه سی مسليندن احرار و ارقه نك احكام نكاحه متعلق اولديني كبي باب مذکور دخي نکاح الكافر مسائلي حاوی در.

{ باب القسم }

(قسم)، قاف حرفك فتحی ايله مصدر اولوب قسبت معناسه در. حرف مذکورك كسری ايله نصيب معناسه در.

اهل و عيال بيننده سکناده و ملبوسات ايله ما كولاتده عدالت واجب اولمسيه باب مذکور، اكا متعلق احكام و مسائل شرعيہ بي حاوی در.

{ باب الرضاع }

(رضاع)، را حرفك فتحی ويا كسری جائز اولمق اوزره لغتده «مص الثدي» معناسه در. شرعده «مص من ثدي [۱] ادمية في وقت مخصوص» تعريفی ايله معرف دركه وقت مخصوصده ثدي آدميدن مص ايتمك معناسه در.

(مسترضع)، اجرت ايله سود آنا طوتان كيمسه در.

باب مذکور، رضاعه متعلق مسائل و احكام شرعيہ بي حاوی در.



[۱] ثدي، ثاتك فتحی و دالك سكوتی ايله پستان يعنی مه ديمكدر.

{ باب الولی }

(ولی)، لغتده خلاف عدوّ دیمکدر. ولی، فعیل وزننده فاعل معناسنه در. اهل اصول الدین اصطلاحنده «العارف بالله تعالی باسمائه وصفاته حسبما یمكن المواظب علی الطاعات المجتنب عن المعاصی الغیر المنهمک فی الشهوات والذّات» تعریفی ایله معرف در. یعنی ولی، جناب حتی اسماء شریفه وصفات جلیله سی ایله ممکن اولدینی قدر عارف و طاعاته مواظب و معاصیدن مجتنب و شهوات و لذّاته غیر منهمک اولان ذات در. شرعده «هو البالغ العاقل الوارث» تعریفی ایله معرف در.

باب مذکور، ولیه متعلق مسائل و احکام شرعیه بی حاوی در.

{ باب الکفائه فی النکاح }

(کفائه)، «کفو» لفظندن اولوب بومجئده مساوات مخصوصه معناسنه در. کفائه، نسبا و دیانة و مالا و حرقة و حرية و اسلاماً معتبر در.

(نظم)

ان الکفائة فی النکاح تكون فی ست لها بیت بدیع قد ضبط
نسب و اسلام كذلك حرقة حرية و دیانة مال فقط

باب مذکور، کفائه متعلق مسائل و احکام شرعیه بی حاوی در.

{ باب المهر }

(مهر)، نهر وزننده اولوب خاتونک تزوجنده تعیین اولنان بدل نکاحدر. جمعی (مهور) کلور. (مهر) ک اقل مقداری (۱۰) درهم فضّه در.

باب مذکور، مهره متعلق مسائل و احکام شرعیه بی حاوی در.

(فائدهٔ رابعه)، تدبیر منزلدن تفریغ قلبدر. زیرا جمیع اشغال منزلی تکفل ایتمک اوقاتک تضييعنه سبب وعلم وعمله مانعدر.

(فائدهٔ خامسه)، مجاهدهٔ نفسدر. مجاهدهٔ نفس، حقوق اهل و عیاله رعایت وانلرک اذاسنه تحمل واصلاح وارشاد وتربیہ لرینه وانلر ایچون کسب حلاله وامثالی امور مشروعهیه سعی واقدام ایله حاصل اولور.

{ آفات نکاح }

- (آفات نکاح)، اوج آفتدر.
 (آفت اولی) که آفاتک اقواسیدر، طلب حلالدن عجزدر.
 (آفت ثانیه)، ازواجک حقوقه رعایتده و اذالرینه تحملمده قصوردر.
 (آفت ثالثه)، اهل و عیالک زوجی جناب حقندن شاغل و طلب دنیاہ جاذب اولسیدر.

{ شروط عقد نکاح }

- (شروط عقد نکاح) شروط اربعه دن عبارتدر.
 (شرط اول)، اذن ولیدر. اگر ولی اولمز ایسه اذن سلطاندر.
 (شرط ثانی)، رضاء مرأهدر.
 (شرط ثالث)، ایکی شاهددر.
 (شرط رابع)، ایجاب وقبولدر.

علمای کرام حضراتی جانبندن نکاحه متعلق مسائل واحکام شرعیہ بروجه آتی ابواب عیدیه اوزرینه جمع وترتیب بیورلمشدر. ابواب مذکورہ (باب الولی) (باب الکفانه فی النکاح) (باب المهر) (باب نکاح الرقیق) (باب نکاح الکافر) (باب القسم) (باب الرضاع)در.

§ - ۶

[کتاب النکاح]

(نکاح)، لغتده ضم و جمع معناسنه در . عند الفقهاء قصداً ملك متعهی افاده ایدن عقددن عبارتدر . نکاحنه مانع شرعی اولیان قادیندن رجلك استماعی حلال اولمق در . اهل اصول و اهل لغت عندنده نکاح، وطئه [۱] حقیقت و عقدده مجازدر .

{ فوائد نکاح }

(فوائد نکاح)، فوائد خمسهدن عبارتدر .

(فائده اولی) ولددرکه نکاحده اصلدر . چونکه عالمک نوع انساندن خالی اولماسی ایچون نکاح، ولد ایچون موضوعدر . شهوت، تحصیل ولده شوق و میل ایچوندر حکمت ازلیه الهیه، اسباب اوزرینه ترتیب مسیباتی اقتضا ایتمسیله ولد، ازدواج ایله مقدردر . تحصیل ولده و جوه مختلفه ایله خیر کثیر وارددر .

(فائده ثانیه)، شیطاندن تحصن و کسر توقان [۲] و دفع غوائل شهوت و غض البصر [۳] و حفظ الفرجدر .

(فائده ثالثه)، وجه زوجیه نظر و زوجه ایله ملاعبه مشروعهدرکه بونده قلب ایچون راحت و عبادت ایچون تقویت وارددر . چونکه اکثر امور، طبعک خلاقی اوزرینه جاری و واقع اولمسیله نفس انسانی اکثر امورده ملول اولوب دوام ملالت ایسه امر عبادتده کسلانه باعث اولدیغسندن نفس انسانی بعض اوقانده لذات مباحه ایله اراحه اولندقدده کسب قوت و نشاط ایدر و عبادتده شوق کثیر حاصل اولور .

[۱] (وطی)، چیکنه مک، باصمق و جماع الملك معناسنه در .

[۲] توقان، تا و واو وقاف حرفلرینک قعی ایله عدم تزوج حالنده زنا وقوعندن خوف اولنق

حیثی ایله شدت اشتیاق معناسنه در .

[۳] غض، غین حرفنک قعی ایله کوزی نظرندن منع و کف ایتمک معناسنه در .

{ باب الحج عن الغير }

(عبادت ماله) ، زكاة كبی مكلفدن مطلقا عند القدره والحجز نیاتی قبول ایدر .

(عبادت بدنیه) ، صلوة وصوم كبی مكلفدن مطلقا نیاتی قبول ایتمز .

عبادت ماله ایله عبادت بدنیه دن مرکب اولان عبادت، انجق عند الحجز نیاتی قبول ایدر . فرض اولان حج كبی .

حج شریفك نیابةً اجراسنه تعلق ایدن شروط و مسائل واحكام شرعیه كتب فقهیة نك باب مخصوصنده محرردر .

{ باب الهدی }

(هدی) ، هدیه لفظندن مأخوذدر . نعمدن حرم شریفه اهدا اولنان شیء در . ابل ،

بقر ، غنم كبی كه تفصیلی كتب فقهیة نك باب مخصوصنده محرردر .



{ باب القرآن }

(قران) ، لغتده حج ایله عمره یی و یاخود امثالی ایکی شی بیننی جمع ایلک معناسنه در. شرعده حج و عمره ایله معاً تهلیل ایلک یعنی تالییه ایله صوتی ترفیع ایتک و بعد الصلاة « اللهم انی ارید الحج والعمرة فیسرهالی و تقبلهما منی » دعاسنی او قومق و سائر شرایط مخصوصه سنی اجرا ایلکدرکه تفصیلی کتب فقهیه نک باب مخصوصنده محرردر .

{ باب التمتع }

(تمتع) ، متاع لفظندن مشتق اولوب لغتده انتقاع و یاخود نفع معناسنه در. شرعده « ان یفعل العمرة او اکثر اشواطها فی شهر الحج » تعریفی ایله معرف درکه عمره یی یاخود عمره نک اکثر اشواطنی اشهر حجه اجرا ایلک دیمکدر. برکیسه شهر رمضان شریفده اقل اوله رق طواف ایلسه و صکره باقیسنی شوال شریفده طواف ایلسه و او سنه حج ایلسه او کیسه تمتع اولور .

باب مذکور، تمتعه متعلق مسائل واحکام شرعییه حاوی در .

{ باب الجنایات }

بو بجهده جنایت ، بر فعل درکه حرمت مخصوصیه داخل اولدقن صکره او فعلک ایشلمسی جائز دکدر و فعل مذکور ایشلمدیکی حالده جنایت اولورکه بو فعلک حرمتی احرام و یاخود حرم شریفه داخل اولق سببی ایله اولور .

مسائل مذکور نک تفصیلی کتب فقهیه نک باب مخصوصنده محرردر .

{ باب الاحصار }

(احصار) ، لغتده خوف و یاخود مرض و یاخود عجز سببی ایله منع معناسنه در. شرعده « منع عن رکنین » دیمکدر. (رکنین) دن مراد، حجه و قوف و طواف در.

باب مذکور احصاره متعلق مسائل واحکام شرعییه حاوی در.

§ - ۵

[کتاب الحج]

(حج)، حا حرفنك فتحى وكسرى ايله لغتده شى معظمى قصد ايتك معناسنه در. شرعده مكان مخصوصى يعنى بيت اللهى زمان مخصوصده فعل مخصوص ايله زيارت ايتمكدن عبارت در.

حج شريف، شرائط مخصوصه ايله اهل اسلام اوزرينه فرض عين در.

علمای کرام حضرتانی جانبندن حج شريفه متعلق مسائل واحكام شرعيه بروجه آتى ابواب اوزرينه جمع وترتيب بيورلمشدر. ابواب مذكوره (باب الاحرام وصفة المفرد بالحج) (باب القران) (باب التمتع) (باب الجنائيات) (باب الاحصار) (باب الحج عن الغير) (باب الهدى) در.

{ باب الاحرام وصفة المفرد بالحج }

(احرام)، مصدر اولوب لغتده حرمة داخل اولمقدر. شرعده حرمت مخصوصيه داخل اولمقدر. يعنى حرمت مخصوصيه التزام ايلكدر. شو التزام دخول، شرعاً تحقق ايتمز الا مع الذكر نيت ايله وياخود خصوصيت ايله تحقق ايدر. ذكردن مراد، تلبیه [۱] وامثالی ذکر در. خصوصیتدن مراد، تلبیه مقامنه قائم اولان شى در. باب مذکور احرامه متعلق مسائل واحكام شرعيه بي حاوى در.

[۱] تلبیه، «ليک اللهم ليک لاشريك ليک ان الحمد والنعمه ليک و الملك لاشريك» دعاسنى ذکر ايلكدر.

الی المولی و قیل الاعتکاف و العکوف الاقامة معناه لا ابرح عن بابك حتى تغفر لی « تعریفی ایله
دخی معرف در یعنی اعتکاف ، قلبك شغل دنیا دن تفرینی و نفسك مولایه تسلیمی در .
بر روایت کوره اعتکاف و عکوف اقامت معناسنه اولوب اعتکافك معناسی یارب عبد عاصی
مظهر مغفرتك اولدجه باب لطف و کرمکدن آیرلمز دیمکدر .

(اعتکاف) ، اوج قسمدر .

(قسم اول) ندر ایله واجبدر .

(قسم ثانی) رمضان شریفك عشر اخیرنده سنت مؤکدهدر .

(قسم ثالث) ازمنه سائرده مستحبدر .

باب مذکور اعتکافه متعلق مسائل و احکام شرعیه بی حاویدر .



§ - ۴

[کتاب الصوم]

(صوم)، اعظم ارکان دین و اوثق قوانین شرع متین در.

(صوم)، لغتده امساک مطلق معناسنه در. شرعده شخص مخصوصک مع النیه وقت مخصوصده مفطراتدن حقیقه ویا حکماً امساک ایتمسندن عبارت در. شخص مخصوصدن مراد، دار اسلامده کائن مسلم ویا خود حیض و نفاسدن طاهر و عالم بالوجوب اولان کیسه در. (مفطرات)، صومی افساد ایدن اکل و شرب و سایر افعالدن عبارت در.

علمای کرام حضراتی جانبندن صومه متعلق مسائل واحکام شرعیه بوجه آئی ابواب اوزرینه جمع و ترتیب بیورلمشدر. ابواب مذکورده (باب مایفسد الصوم و مالا یفسده) و (باب الاعتکاف) در.

{ باب مایفسد الصوم و مالا یفسده }

باب مذکور، صومی مفسد و غیر مفسد اولان احکام و مسائل شرعیه بی حاوی در. بوجئده مفسد، ایکی قسمدر. بریسی انجق قضایای ایجاب ایدر. دیکری کفارت ایله اولور. غیر مفسد دخی ایکی قسمدر. بر قسمی فعلی مباح اولان شیء در. دیکری مکروه اولان شیء در. فساد و بطلان، عباداتده سیان در. مسائل مذکورده نک تفصیلی، کتب فقهیه نک باب مخصوصده محرردر.

{ باب الاعتکاف }

(اعتکاف)، لغتده مقام و احتباس در. شرعده صائمک مسجد جماعتده نیت ایله لبث [۱] و مکث ایتمسی در. كذلك الاعتکاف تفریغ القلب عن شغل الدنيا و تسلیم النفس

[۱] لبث، لام حرفنک فتحی ویا ضمی ایله مکث معناسنه در. شرعده، ذکورک مسجد جماعتده و انانک خانسی مسجدنده نیت ایله مکث ایتمسی در.

{ باب الرکاز }

(رکاز)؛ لغتده رکز لفظندن مأخوذدر. اسم مفعول اولان مرکوز معناسی مراد اوانمشدر. شرعده تحت الارض (معدن خلقی) [۱] و (کنز مدفون) [۲] دن عبارتدر. باب مذکور رکازه متعلق مسائل و احکام شرعییه حاویدر.

{ باب العشر }


(عشر)، اجزای عشره نك واحدیدر.
 (عشر)، کتاب وسنت و اجماع ایله ثابتدر.
 باب مذکور، عشره متعلق مسائل و احکام شرعییه حاویدر.

{ باب المصرف }

باب مصرف، مصرف زکاة و عشر تقدیرندهدر.
 (مصرف)، محل صرف دیمکدر. مصرف زکاة و مصرف عشر، فقیر و مسکین و مدیون و امثالی محال صرفدن عبارتدر.
 باب مذکور، مصرف زکاة و عشر مسائله متعلق مسائل و احکام شرعییه حاویدر.

{ باب صدقة الفطر }

(صدقه)، اول بر عطیهدرکه انکله جناب حقندن ثوبات مراد اولنور.
 (صدقه فطر)، رمضان شریف بیرامندن اول اعطا اولنان صدقه مخصوصهدر.
 باب مذکور، صدقه فطره متعلق مسائل و احکام شرعییه حاویدر.



[۱] معدن، میم حرفنک فتحی و دال حرفنک کسری و یا فتحی ایله اقامت معناسنه اولان (عدن) لفظندن در. معدن لفظنک اصلی مکان مستقر دیمکدر. صکره بولفظ اجزاء مستقره معناسنده اشتهار ایشدر. (معدن خلقی) دن مراد، جناب خالق السموات و الارض حضرتلرینک ارضده خلق ایلدیکی معادنن عبارتدر.

[۲] کنز، فی الاصل فعل انسان ایله ارضده مثبت اولان شیک اسمی در.

{ باب زكاة المال }

(مال) دن مراد، سائمه نك غيرى مالك زكاتى در.

نصاب ذهب (۲۰) مثقال در.

نصاب فضة (۲۰۰) درهم در.

هراون درهم (۹) مثقال وزنده در.

دينار (۲۰) قيراط در.

درهم (۱۴) قيراط در.

قيراط (۵) شعير در. بو حالده درهم شرعى (۷۰) شعير اولوب مثقال، (۱۰۰)

شعير در يعنى (۱) درهم وثلث اسباع در هدر.

ارباب علم و كلك معلومى اولدينى اوزره خليفه ثانى «عمر بن الخطاب» رضى الله تعالى

عنه حضرتلى زمان عاليارنده هر (۱۰) درهم (۱۰) مثقال وينه هر (۱۰) درهم

(۶) مثقال وينه هر (۱۰) درهم (۵) مثقال وزنده اولق اوزره در هملر مختلف ايدى.

فاروق اعظم رضى الله تعالى عنه حضرتلى اخذ و اعطاده خصوصت ظاهر اولماق ايچون

هر نوعدن ثلث الهرق مجموع ثلث (۷) عدده بالغ اولدى. اشبو (۷) عدد، اوزان مختلفه نك

مقدار مجموعى اولان (۲۱) عددك ثلثى اولمسيه هر (۱۰) درهم (۷) مثقال وزنده اولدى

و شو درهم شرعى، هر شينده وحتى زكائده و مهرده و تقدير دياتده جارى اولدى.

باب مذكور «زكاة المال» ه متعلق مسائل و احكام شرعيه يى حاوى در.

{ باب العاشر }

(عاشر)، عشر لفظدن مأخوذ در.

(عشر)، عاشر ك اخذ ايلديكى شيئه علم اولوب عاشر، حرّ مسلم وغير هاشمى

و حمايه قادر اوله رق تجاردين عشر مال اخذى ايچون امام مسلمين حضرتلى نيك نصب ايلديكى

كيسه در.

باب مذكور عاشره متعلق احكام و مسائل شرعيه يى حاوى در.

{ باب نصاب الابل }

(ابل)، با حرفك كسرى وسكونى ايله واحد مذكرى اوليان جمع اولوب لسان تركيده دوه دينيلان حيوانك اسمى در. لفظ مذكورك نسبتى با حرفك فحى ايله «ابلى» در. حيوان مذكوره «ابل» تسميه اولغنى اويلوقلى اوزرينه تبول ايلك مناسبت اشتقاقه سنه مبنى در.

(نصاب)، نون حرفك كسرى ايله زكاة واجب اولان مقدارى مال ديمكدر.
باب مذكور، (نصاب الابل) متعلق مسائل واحكام شرعيه يى حاوى در:

{ باب زكاه البقر }

(بقر) لفظى قاف حرفك سكونى ايله (بقر) لفظندن مشتق در. بقر، شق معانسه اولوب حيوان معروفك اسمى در. بقر تسميه اولغنى حيوان مذكورك ارضى شق ايلسى مناسبتنه مبنى در. لفظ مذكورك مفردى «بقرة» لفظى اولوب (تا) حرفى تائيت ايجون اوليوب وحدت ايجون در. بو حالده ذكور وانا سنه شامل در.

باب مذكور (زكاة البقر) متعلق مسائل واحكام شرعيه يى حاوى در.

{ باب زكاة الغنم }

(غنم) لفظى غنيمه لفظندن مشتق در. سبب اشتقاق، غنم ايجون آلت دفع اولماق حسييله طالبي ايجون غنيمه اولمق مناسبتندن عبارتدر. هر نقدر قرونى وار ايسه ده آلت غير دافعه در.

باب مذكور، «زكاة الغنم» متعلق مسائل واحكام شرعيه يى حاويدر.

§ - ۳

[کتاب الزکاة]

(زکاة)، بعد الصلاة عبادتک افضلی در.

(زکاة) ک قرآن کریمه (۸۲) موضعه صلاته مقارنتی صلاة ايله زکاة بینده اولان کمال اتصاله دلیل در.

(زکاة)، لغته طهارت و نما معناسنه در. برکت، مدح، ثنای جمیل معالرنده دخی استعمال اولنور. شرعه فقیر مسله تمليك جزء مالدن عبارتدر.

علمای کرام حضرتای جانبندن زکاته متعلق مسائل واحکام شرعیه بوجه آتی ابواب عدیده اوزرینه جمع وترتیب بیورلمشدر. ابواب مذکورہ (باب السائمة) (باب نصاب الابل) (باب زکاة البقر) (باب زکاة الغنم) (باب زکاة المال) (باب العاشر) (باب الركاز) (باب العشر) (باب المصرف) (باب صدقة الفطر) دن عبارتدر.

{ باب السائمة }

(سائمة)، لغته مال راعی معناسنه در. جمعی سوائم کلور شرعه (سائمة) محل کلاؤده [۱] لبن ونسل کبی منفعت قصدیه رعی اولنان حیواناتدن عبارتدر.

باب مذکور، سوائمک زکاته متعلق مسائل واحکام شرعیهی حاوی در.

[۱] کلاؤ، کاف حرفنک فتحی وقصر ايله کرک یا بس و کرک رطب اولان اوتہ اطلاق اولنور. بعض قوله کوره یاش اوتہ اطلاق اولنور.

{ باب الشهيد }

(شهید)، فعل و زننده مفعول اوله رق مشهود معناسنه در .

(شهید)، یا شهود لفظندن اولورکه حضور معناسنه در یا خود شهادت لفظندن اولورکه بصر و یا خود بصیرت ایله مع المشاهده حضور معناسنه در .

(شهید) لفظی کتب فقهیه ده «کل مکلف مسلم طاهر قتل ظلماً بجارحة» تعریفی ایله معرف در که بوکا متعلق مسائل واحکام شرعیه باب مذکورده محرردر .

{ باب الصلاة في الكعبة }

باب مذکور، کعبه مکرمه ده صلاته متعلق مسائل واحکام شرعیه بی حاوی در .



{ باب الكسوف }

(كسوف)، مصدر اولوب لازم در .

(كسف)، مصدر اولوب متعددی در .

السنة فقهاهه (كسوف) لفظك شمسه و (خسوف) لفظك قره تخصیصی اشهر در .
 بر روایت کوره (كسوف) و (خسوف) شمس ایله قرده مساوی در .
 باب مذکور، صلاة کسوفه متعلق مسائل واحکام شرعیہ بی حاوی در .

{ باب الاستسقاء }

(استسقاء)، لغتده طلب سقی معناسنده در . شرعهده عند شدة الحاجة انزال مطر
 طلبندن عبارت در .

(استسقاء) کیفیت معلومه اوزره دعا واستغفار اولوب تفصیلی باب مذکورده مسطور در .

{ باب الصلاة الخوف }

باب مذکور، صلاة خوفه متعلق مسائل واحکام شرعیہ بی حاوی در .

{ باب صلاة الجنائز }

(جنائز)، جنازه لفظك جمعی در .

(جنازه)، جیم حرفك فتحی ایله میت معناسنده در . جیم کسری ایله سریر
 معناسنده در . بعض قوله کوره جیم حرفك کسری و فتحی ایله لغت اولوب میت معناسنده
 مستعمل دولا :

(موت)، ضد حیات در .

باب مذکور، صلاة جنائزه متعلق مسائل واحکام شرعیہ بی حاوی در .

{ باب صلاة المسافرين }

(مسافر) لفظی «سفر» لفظندن مأخوذ در .

(سفر) ، لغتده من غیر تقدیر قطع مسافه معناسنه در . بوجئده سفردن مراد ، سفر خاص در که بوسفر سببی ایله حکمکر تغییر ایدر . «قصر الصلاة» و «اباحة الفطر» و «امتداد مدة المسح الى ثلاثة ايام» و «سقوط وجوب الجمعة والعیدین والاضحیة» و «حرمت الخروج على الحرمة من غیر محرم» کبی .

باب مذکور، صلات مسافره متعلق مسائل واحکام شرعیه بی حاوی در .

{ باب الجمعة }

(صلاة جمعه) فرض عین در .

نظم آتی، صلاة جمعه نك شرائط مخصوصه سنی مشتمل در .

(نظم)

وحرّ صحیح بالبلوغ مذكر مقيم وذو عقل لشرط وجوبها
مصر وسلطان وقت وخطبة واذن کذا جمع لشرط ادائها

باب مذکور، صلاة جمعه به متعلق مسائلی حاوی در .

{ باب العیدین }

(عیدین)، «عید» کله سنک تئنه صیغه سی اولوب اصلی (عود) لفظی در .

(عود)، عین حرفنک کسری ایله اولوب اشبو کله ده واو حرفی یا حرفنه قلب اولنمشدر . سبب قلبی، واو حرفنک بعد الکسره ساکن اولسندن عبارت در .

ایام مبارکه مخصوصه نك (عید) لفظی ایله تسمیه اولنمی جناب حنک ایام مذکوره ده عبادینه انواع احسانی عائد وشامل اولسندن در . انواع احسان، طعامدن بعد المنع (فطر) و (صدقة الفطر) و (اتمام الحج بطواف الزیاره) و (لحوم الاضاحی) کبی در . یوم مذکوره عادت، فرح وسرور ونشاط وجور حالنده اولمق در .

(بیت)

عید وعید وعید صرن مجتمعه وجه الحبيب ويوم العید والجمعه

باب مذکور، صلاة عیدینه متعلق مسائل واحکام شرعیه بی حاوی در .

{ باب سجود السهو }

(سجود)، سجده لفظك جمعى در .

(سجده)، وجه مسنون و مخصوص اوزره اولان فعلدن عبارت در. (سهو) ايله (نسيان) بيننده لغته فرق يوقدر .

(سهو)، شيئك وقت حاجته عدم استحضارندن عبارت در. بر قوله كوره (سهو)، معلومدن غفلت معناسنه در كه صاحبي ادنى تنبيه ايله متنبه اولور .
(نسيان)، معلومك زوالندن عبارت در.

حكمانك تعريفنه كوره سهو، قوه مدركه دن صورتك زوالى در. شو زوال، صورتك قوه حافظه ده بقاسى ايله اولور. نسيان، صورتك قوه مدركه وقوه حافظه دن معاً زوالندن عبارت اولوب بوحالده صورتك تحصيلنده سبب جديده حاجت مس ايدر.
(نسيان) و (شك) عند الفقها معنای واحدندن عبارت اولور. (ظن) طرف راجحه و (وهم) طرف مرجوحه اطلاق اولور .

باب مذکور، سجود سهوه متعلق مسائل واحكام شرعيه يي حاوى در .

{ باب صلاة المريض }

باب مذکور، مريض اولان كيمسه لك صلاتنه متعلق مسائل شرعيه يي حاوى در .

{ باب سجود التلاوه }

(سجود تلاوت) سجده آيت كريمه سنك تلاوتى سببى ايله واجب اولور .

آيات كريمه سجده (۱۴) آيت كريمه در . اشبو مقدارندن (۹) عددى قرآن كريمك نصف اولنده و (۱۰) عددى نصف ناييسنده شرف واقع اولمشدر .

باب مذکور، سجود تلاوته متعلق مسائل واحكام شرعيه يي حاوى در .

{ باب ما یفسد الصلاة وما یکره فیها }

فساد و بطلان، عبادتده مساوی در. عبادتده فساد و بطلاندن مراد، بعض اسباب ایله عبادتک عبادت حالندن خروج ایتمسندن عبارتدر.
باب مذکور، مفسد صلاة اولان شیر ایله صلاتده مکروه اولان مسائل شرعیه بی حاوی در.

{ باب الوتر والنوافل }

(وتر)، او حرفک فتحی و کسری ایله «شفع» ک [۱] ضدی در.
(نوافل)، نافله لفظنک جمعی در. (نفل)، لغتده زیاده معناسنه در. شریعتده زوائد عبادتدن عبارتدر.
(صلاة وتر)، لیسلاً یعنی صلاة عشادن صکره وجه مخصوص اوزره ادا اولنسان اوج رکعت نمازدر. اشبو صلاة، عملاً فرض واعتقاداً واجب و ثبوتاً سنت در.
باب مذکور، صلاة وتر ایله صلاة نوافله متعلق مسائل واحکام شرعیه بی حاوی در.

{ باب ادراك الفريضة }

باب مذکور، حقیقتده امامت بابنک ممتی اولوب ادای فرائضه متعلق مسائل شتی بیاننده در.

{ باب قضاء الفوائت }

مفروض اولان عبادتک اوقات مخصوصه سننده اداسی فوت اولمق حسبیه اوقات اخراده قضاسنه تعلق ایدن احکام ومسائل شرعیه باب مذکورده محرردر.

[۱] شفع، چفت معناسنه درکه «وتر» ک ضدی در.

{ باب شروط الصلاة }

(شروط صلاة) ديمك، صلاتك شروط جواز وصحتي در .

(شروط) شرط لفظك جمعي در .

(شروط) ، لغتده علامت لازمه معناسنه در . شرعهده «مايتوقف عليه الشيء ولايدخل فيه» تعريفى ايله معرف در .

شروط صلاة، حدث وخبثدن طهارت بدن وطهارت ثوب وطهارت مكان وسترعورت ويت واستقبال قبله كبي شروطدن عبارتدر .

باب مذكور، شروط صلاته متعلق مسائل واحكام شرعيه يي حاوى در .

{ باب صفة الصلاة }

(صفت) لفظى لغتده مصدر اولوب برشيثك .كيفيتي ديمكدر . عرفده فرض، واجب، سات، مندوب كيفيتي مشتمل در .

(صفت صلاة)، قيام وتكبيرة الافتتاح وعود وركوع وسجود كبي كيفيات صلاتدن عبارت در .

باب مذكور، صفت صلاته متعلق مسائل واحكام شرعيه يي حاوى در .

{ باب الامامة }

(امامت)، ايكي در . بريسي «امامت كبرى» وديكبرى «امامت صغرى» در .

(امامت كبرى)، اسلام پادشاهلغنى ديمكدر .

(امامت صغرى)، امامت صلاة ديمكدر .

امامت صلاته اولاحكام صلاته اعلم اولان ذات وصره تلاوة احسن اولان ذات وصره اورع اولان ذات وصره اسن اولان ذات وصره احسن خلق اولان ذات وصره احسن وجه اولان ذات وصره اشرف نسب اولان ذات وصره انظف ثوب اولان ذات على الترتيب تقديم اولنور .

باب مذكور، امامته متعلق مسائل واحكام شرعيه يي حاوى در .

§ - ۲

[کتاب الصلاة]

«کتاب الصلاة» ك «کتاب الطهارة» دن وجه تأخیری بالاده ذکر و بیان اولنمشدر .
 (صلاة) کله سی لغتده دعا معناسنهدر . شرعده ارکان معلومه و افعال مخصوصه دن عبارتدر .
 (صلاة) ، بهر کون اوقات خمسه عباد مسلیک ادا ایلدکری نماز اولوب افراد مکلفینک کلیسی اوزرینه فرض عیندر . افراد مکلفیندن مراد، مسلم بالغ و عاقلدن عبارتدر .
 ذکور، نساء، عبد، جمله فرض عینده مساویدر .
 اوقات خمسدن صباح وقتی ادا اولنان نمازه «صلاة فجر» و اوکله وقتی ادا اولنان نمازه «صلاة الظهر» و ایکندی وقتی ادا اولنان نمازه «صلاة العصر» و اخشام وقتی ادا اولنان نمازه «صلاة المغرب» و یاتسو وقتی ادا اولنان نمازه «صلاة العشاء» اطلاق اولنور .
 صلاة، عبادت بدنیة محضدن اولوب احرک نیابتی ایله اصلا ادا اولنمز .
 علمای کرام حضراتی جانبندن صلاته متعلق مسائل و احکام شرعیه بروجه آتی ابواب عدیده اوزرینه جمع و ترتیب بیورلمشدر . ابواب مذکوره «باب الاذان» «باب شروط الصلاة» «باب صفة الصلاة» «باب الامامة» «باب ما یفسد الصلاة و ما یکره فیها» «باب الوتر و التوافل» «باب ادراک الفریضه» «باب قضاء الفوائت» «باب سجود السهو» «باب صلاة المریض» «باب سجود التلاوه» «باب صلاة المسافر» «باب الجمعة» «باب العیدین» «باب الکسوف» «باب الاستسقاء» «باب الصلاة الخوف» «باب صلاة الجنائز» «باب الشهيد» «باب الصلاة فی الکعبه» دن عبارتدر .

{ باب الاذان }

(اذان) لفظی لغتده اعلام معناسنهدر . اصطلاحده الفاظ مخصوصه ایله وجه مخصوص اوزره اعلام مخصوصدن عبارتدرکه مؤذنلر ، صلوات مفروضه نك اعلامی ایچون اوقات معینهده امکنه عالیدهده علی وجه المسنون قرائت و تلاوت ایدرلر .

باب مذکور، اذانه متعلق مسائل و احکام شرعیه بی حاویدر .

{ باب المسح علی الخفین }

(مسح)، لغتده اصرار الید علی الشئ « معناسنه در. شریعتده زمان مخصوصده خفینه وجه معهود اوزره مسح ایتمکدن عبارتدر.

(خفین)، خاء معجمه نك ضمی و فاحرف نك تشدیددی ایله خف کله سنك تثنیه صیغه سی در. (خف)، کعبینی یعنی طوبوقلری ساتر اولان ومس تعبیر اولنان آیاق قابی درکه اکثریا جلددن وامثالی شیدن اعمال اولنور.

باب مذکور، مسح خفینه متعلق مسائل واحکام شرعییه حاوی در.

{ باب الحیض }

(حیض)، لغتده سیلان معناسنه در. شرعده صلاة، مس مصحف، صوم، دخول مسجد کبی طهارت شرطندن اولان شیدن شرعاً مانع اولان احداثدن واوده دم حیضدن عبارتدر.

باب مذکور، حیض ایله نفاس واستحاضه مسائل مهمه سنی حاویدر.

{ باب الانجاس }

(انجاس) لفظی «نجس» لفظنك جمعی در.

(نجس)، نون وجیم حرف لرینك فتحی ایله در. (نجس)، لغتده نجس حقیقی ونجس حکمی به شامل اولور. اصطلاحده نجس حقیقی به مختص اولور. خبث لفظنك نجس حقیقی به شامل اولدینی کبی.

باب مذکور، انجاسه ومحال انجاسك تطهیرینه متعلق مسائل واحکام شرعییه حاوی در.



طهارت، نجاست مرئیة زوال عین النجس در . نجاست غیر مرئیة ایله حدت اکرده
انجق غسل در . حدت اصغرده «غسل» و «مسح» در .

آلت طهارت، «ماء» و «تراب» و بونلرک امثالی شیردر .

طهارتک دلیلی، «اذا قم الی الصلوة» آیت جلیله سی اولوب بو آیت کریمه، اجماعاً

مدنی در .

علمای کرام حضراتی جانبندن طهارته متعلق مسائل واحکام شرعیه بر وجه آتی
ابواب عدیده اوزرینه جمع و ترتیب بیورلمشدر . ابواب مذکوره، «باب المیاه» «باب التیمم»
«باب المسح علی الخفین» «باب الحیض» «باب الانجاس» دن عبارتدر .

{ باب المیاه }

(میاه) کله سی مدّ ایله «ماء» لفظنک جمعی در . قصر ایله دخی اولور .

• (ماء) کله سنک اصلی «موه» لفظی در . کله مذکوره واقع واو حرفی الف حرفه
و ها حرفی همزه قلب اولمشدر .

(میاه) لفظی «ماء» لفظنک جمع کثرتی در . جمع قلتی «امواه» در .

(موه) لفظنده کی ها حرفی واوک الف حرفه قلبندن صکره بعضاً حالی اوزره
ابقا اولنوب «ماه» دینور .

(ماء) ، جسم لطیف سیال اولوب صاحب نمو اولان هر شینک مابه الحیاتی در .

باب مذکور، میاهه متعلق احکام و مسائل شرعیه بی . حاوی در .

{ باب التیمم }

(تیمم) کله سی لغتده مطلقاً قصد معناسنه در . شرعده صعید مطهری [۱] قصد
ایلکدر . صفت مخصوصه اوزره استعمالی، عبادت مقصوده ایچون در . عبادت مقصوده
طهارتسنر صحیح دکلددر .

باب مذکور، تیممه متعلق مسائل واحکام شرعیه بی حاوی در .

ایمان و اعتقاد صحیحین صکره (صلاة)، عبادتک اشرفی و (طهارت) دخی صلاتک مفتاح و شرطی در .

مشروط، انجق شرط ایله حاصل اولدینی جهتله شرطک مشروط اوزرینه تقدیمی بدیدر .

(کتاب). جمع معناسنه مصدر اولوب شرعه مسائل مستقله نك عنوانی اوله رق مکتوب معناسنده در .

(مسائل)، مسئله لفظنک جمعی در . (مسئله) مرکب تام معناسنده در . صدق و کذب محتمل اولان مرکب تام، حکم اوزرینه مشتمل اولق حیثیتی ایله (قضیه) و صدق و کذب احتمالی حیثیتی ایله (خبر) و دلیل ایله طلب اولنق حیثیتی ایله (مطلوب) و دلیلین حاصل اولق حیثیتی ایله (نتیجه) و علمده واقع اولوب اندن سؤال اولنق حیثیتی ایله (مسئله) تسمیه اولنورکه جمله سی ذات واحددن عبارت اولوب اختلافات عبارات، اختلاف اعتبارات ایله حاصل اولور .

{ صفت طهارت }

طهارت، صلاة ایچون فرض و طواف ایچون واجب در . بر روایت کوره مس مصحف شریف ایچون دخی واجب در . نوم ایچون سنت در . اوتوز بو قدر موضعه مندوب در . مندوب اولان طهارتدن بعضیسی کذب و غیبت و قهقهه و شعر قیغ و اکل جذور [۱] و نومدن و بونلرک امثالی افعالدن صکره اولان طهارت کبی در .

طهارتک رکنی [۲] «غسل» [۳] و «مسح» [۴] و «زوال نجس» [۵] در .

[۱] اکل جذور، (اکل لحم جذور) سبکنده اولوب دوه اتی یمک معناسنده در .
[۲] رکن، لغتده جانب اقوی معناسنده در . اصطلاحده برجزه ذاتی درکه ماهیت، اوجزیدن و اوجزک غیر یسندن ترکب ایدر .
[۳] غسل، غین حرفنک ضمی ایله اغتسال کلمه سندن اسم اولوب اصطلاحده تمام غسل جسندن عبارتدر . (اغتسال) بیقائمق معناسنده در .

[۴] مسح، لغتده «امرار الید علی الشیء» تعریفی ایله معرف درکه الی برشی اوزرینه مرور ایتدیرمک دیمکدر شرعهده باشه و یا اقلرک مسنه وجه معلوم اوزره مسح ایتمکدن عبارتدر .
[۵] نجس، نوزو جیم حرفلرینک قحه حرکتلری ایله عینی نجس اولان نسنه دیمکدر . جیم حرفنک کسری ایله طهارتی اولیان مردار نسنه دیمکدر .
(زوال نجس)، نجاستک زوالندن عبارتدر .

۱ - §

[کتاب الطهاره]

طهارت) لفظی طا حرفنك فتحه حرکه سی و(طهر) لفظی طا حرفنك ضمه حرکه سی ایله مصدر اولوب لغته باك و نظافت معناسه در.

طهارت) لفظی شرعه «حدث» [۱] و «خبث» دن [۲] یعنی نجاست حکمیہ و نجاست حقیقیه دن نظافت معناسه در.

معلوم اولدیغی اوزره امور دینیته، اعتقادات و (آداب) و (عبادات) و (معاملات) و (عقوبات) قسملرن دن عبارتدر.

(عبادات) بش قسم اولوب قسم اول (صلوة) و قسم ثانی (زکاة) و قسم ثالث (صوم) و قسم رابع (حج) و قسم خامس (جهاد) در.

(معاملات) دخی بش قسم اولوب قسم اول (معاوضات مالیه) و قسم ثانی (مناسکات) و قسم ثالث (مخاصات) و قسم رابع (امانات) و قسم خامس (ترکات) در.

(عقوبات) دخی بش قسم اولوب قسم اول (قصاص)، قسم ثانی (حد السرقة)، قسم ثالث (حد الزنا)، قسم رابع (حد القذف)، قسم خامس (حد الردة) در.

کتب فقهیه ده شاننه اهمتاً عبادات قسبی اقسام سائره اوزرینه تقدیم بیورلمشدر. چونکه عباد، جناب حقه عبادت ایچون خلق بیورلمشدر. بوجهتله عبادتک شانی اقسام سائرتهک حال و شانندن افضل اولدیغی بدیهیدر.

[۱] حدث، حا و دال حرفلرنک فتحه حرکه لری ایله آبدستزلک و جنابت حاللرندن عبارتدر. فعل قبیح ایتک و صکره دن اولق و شاب معنارنده دخی استعمال اولنور. بوجهتله «حدث»، مانع صلاة اولان نجاست حکمییه دن عبارت اولور.

[۲] خبث، خا حرفنك ضمه حرکه سی و با حرفنك کذلک ضمه حرکه سی ایله لغته نجاست و مردارلق معناسه در.

علمای کرام حضرتانی طرفندن مسائل فقیهه جمع ایله مثلا «کتاب الطهاره» و «کتاب الصلاة» کبی کتاب عنوانی تحتده ذکر و بیان اولنمش و کتابلری بابلره و بابلری فصللره تقسیم ایله مسائل مذکوره کتب مؤلفده بووجهله ترتیب بیورلمشدرکه ذکر اولنان تقسیم و ترتیب، علم فقه شریفک مفتاحی مقامنده اولمق اوزره بوجه آتی بیان اولنور .

(٣٩) کتاب الشفعه	(٢٠) کتاب الکفاله	(١) کتاب الطهاره
(٤٠) کتاب القسمة	(٢١) کتاب الحواله	(٢) کتاب الصلاة
(٤١) کتاب المزارعه	(٢٢) کتاب القضاء	(٣) کتاب الزکاة
(٤٢) کتاب المساقاة	(٢٣) کتاب الشهادات	(٤) کتاب الصوم
(٤٣) کتاب الذبائح	(٢٤) کتاب الوکاله	(٥) کتاب الحج
(٤٤) کتاب الاضحیه	(٢٥) کتاب الدعوی	(٦) کتاب النکاح
(٤٥) کتاب الحظر والاباحه	(٢٦) کتاب الاقرار	(٧) کتاب الطلاق
(٤٦) کتاب احیاء الموات	(٢٧) کتاب الصلح	(٨) کتاب العتق
(٤٧) کتاب الاشریه	(٢٨) کتاب المضاربه	(٩) کتاب الایمان
(٤٨) کتاب الصيد	(٢٩) کتاب الایداع	(١٠) کتاب الحدود
(٤٩) کتاب الرهن	(٣٠) کتاب العاریه	(١١) کتاب السرقة
(٥٠) کتاب الجنایات	(٣١) کتاب الهبه	(١٢) کتاب الجهاد
(٥١) کتاب الدیات	(٣٢) کتاب الاجاره	(١٣) کتاب اللقیطه
(٥٢) کتاب المعاقل	(٣٣) کتاب المکاتب	(١٤) کتاب اللقطه
(٥٣) کتاب الوصایا	(٣٤) کتاب الولاء	(١٥) کتاب الآبق
(٥٤) کتاب الحنفی	(٣٥) کتاب الاکراه	(١٦) کتاب المفقود
(٥٥) کتاب الفرائض	(٣٦) کتاب الحجر	(١٧) کتاب الشركه
	(٣٧) کتاب المأذون	(١٨) کتاب الوقف
	(٣٨) کتاب الغصب	(١٩) کتاب الیوع



[علامات افتا]

علامات افتاء مسائل شرعیة فرعیة نك يكديكره نسبةً مراتب رحجانی معلوم اولمق اوزره فقهای کرام حضراتی طرفدن اشارات مخصوصه وعلامات میزه وضع اولمشدر. علامات مذکورہ «وعلیه الفتوی» «وبه یفتی» و«وبه ناخذ» «وعلیه الاعتقاد» «وعلیه عمل الیوم» «وعلیه عمل الامة» «وهو الصحیح او الاصح او الاظهر او الاشبه او الاوجه او المختار» وبونلرک امثالی علامتلردر.

بعض فقهای کرام حضراتنک بیانسه کوره علامات افتادن بعض الفاظ، بعض الفاظدن آکددر.

نته کیم «فتوی» لفظی «صحیح» و «واصح» و «اشبه» و بونلرک امثالی لفظلردن آکددر. «وبه یفتی» لفظی، «الفتوی علیه» لفظندن آکددر. «اصح» لفظی، «صحیح» لفظندن آکددر. «احوط» لفظی، «احتیاط» لفظندن آکددر.



(طبقه ناله)، واقعات درکه مجتهدین متأخرینک سؤال اولندقلری شیلده روایت بوله مدقلری ایچون استنباط ایلدکلری مسألدن عبارتدر. مجتهدین متأخرین، اصحاب «ابی یوسف» و «محمد» رحمهمالله حضرتی ایله مشارالیهمانک الی نهایت اصحابنک اصحابی اولوب اوده ذوات کثیره دن عبارتدر. «عصام بن یوسف» و «ابن رستم» و «محمد بن سماعه» و «ابوسلیمان الجرجانی» و «ابوحفص البخاری» مشارالیهما حضرتنک اصحاب کرامندندر. ذوات مشارالیهمدن صکره «محمد بن سلته» و «محمد بن مقاتل» و «نصیر بن یحیی» و «ابو النصر القاسم بن السلام» کبی ذوات کرامدر. مشارالیهم حضرتنک فتاواسنی حاوی تألیف اولنان کتابلرک اولی «الفقیه ابواللیث السمرقندی» حضرتلرینک تألیف بیوردقلری «کتاب النوازل»در. بعده ققهای کرام حضرتی اخر کتابلر جمع وتألیف بیورمشلردر «ناطفی» نک «مجموع النوازل والواقعات» و «صدر الشهد» ک «واقعات» کتابلری کبی. بعده متأخرین ققهای کرام حضرتی مسائل مذکورهی مختلط وغیرمتمیز اوله رق ذکر و بیان بیورمشلردر. «فتاواى قاضیخان» و «خلاصه» اسمی ایله. مسمی اولان کتابلر ایله بونلرک غیری کتابلرک محتویاتی کبی. بعض متأخرین دخی مسائل مذکورهی تمیز وتفریق بیورمشلردر «رضی الدین السرخسی» حضرتلرینک «محیط» اسمی ایله مسمی اولان کتاب مستطابنک حاوی اولدینی مسائل کبی. مشارالیه رضی الدین السرخسی علیه رحمة الباری حضرتلری کتابنده اولا مسائل اصولی وبعده نوادری وبعده فتاواى ذکر و بیان بیورمشدر.

ارباب فضل و کمالک معلومی اولدینی اوزره کتب مسائل اصولدن «الحاکم الشهد» حضرتلرینک «کتاب الکافی» اسمی ایله مسمی اولان کتاب مستطابی نقل مذهبده حائز درجه اعتماد اولوب کتاب مذکور اوزرینه مشایخ ققهای کرام طرفدن شروح کثیره یازلمشدر.



[طبقات المسائل و کتب ظاهر الروایة]

مسائل اصحاب حنفیه، اوج طبقه اوزرینه در.

(طبقه اولی) مسائل اصولدر. اشبو مسائل اصوله «ظاهر الروایه» دخی تسمیه اولنور. مسائل مذکوره اصحاب مذهبدر مروی اولان مسائلدر. اصحاب مذهب، «ابوحنفیه» و «ابویوسف» و «محمد» رحمهم الله حضراتیدر. مشارالیهیم حضراته «امام زفر» و «حسن بن زیاد» ایله امام اعظمدرن اخذ علم ایدن سائر ذوات کرام دخی ملحقدر. لکن «ظاهر الروایه» ده غالب شایع اولان مسائل، ائمه ثلثه نك اقوال شریفه سیدر. کتب ظاهر الروایه، «امام محمد» رحمه الله حضرتلرینک کتابلریدر. کتب مذکوره الی عدد کتاب مستطابدر. اولکیسی (مبسوط)، ایکنجیسی (زیادات)، اوجنجیسی (جامع صغیر)، دردنجیسی (سیر صغیر)، بشنجیسی (جامع کبیر)، آلتنجیسی (سیر کبیر)در. مسائل اصوله «ظاهر الروایه» تسمیه اولنسنک سببی مسائل مذکوره نك «امام محمد» رحمه الله حضرتلرندن روایات ثقات ایله مروی اولسندن عبارتدرکه روایات مذکوره، امام مشارالیه حضرتلرندن متواتراً و یاخود مشهوراً ثابتدر.

(طبقه ثانیه)، مسائل نوادردر. اشبو مسائل، ذکر اولنان اصحاب حنفیه رحمهم الله حضرتلندن مرویدر. لکن بو مسائل کتب سته ده مذکور دکلددر. بلکه «امام محمد» رحمه الله حضرتلرینک «کیانیات» و «هارونیات» و «جرجانیات» و «رقات» کبی اخر کتابلرنده مسطوردرکه بومسائله «غیر ظاهر الروایه» تسمیه اولنور چونکه مسائل مذکوره، کتب سته کبی «امام محمد» رحمه الله حضرتلرندن روایات ظاهره ثابته و صحیحه ایله مروی دکلددر. یاخود مسائل نوادر، امام محمد رحمه الله حضرتلرینک کتابلرینک غیری کتابلرده مسطوردر «حسن بن زیاد» حضرتلرینک «محرر اسمی ایله مسمی اولان کتابی و بو کتابک غیری کتابلر کبی. «ابویوسف» رحمه الله حضرتلرندن مروی اولان «کتب امالی» دخی مسائل مذکوره بی حاویدر. یاخود مسائل مذکوره، «ابن سماعه» و «معلى بن منصور» ایله مشارالیه نك غیری ذواتک مسائل معینه ده روایتی کبی روایت مفرده قیلندن اولوز.

و «فخر الاسلام البزدوی» و «فخرالدین قاضیخان» و امثالی ذوات کرام حضراتی طبقه نائمه رجال کرماندن در. طبقه مذکوره رجال کرامی اصول و فروعده هیچ بر مسئلهده مخالفته قادر اولیوب لکن علی حسب الاصول والقواعد نص اولیان مسائله استنباط احکام ایدر لر .

(طبقه رابعه)، صاحب اجتهاده تقلید و تبعیت ایدن اصحاب تخریج طبقه سی در. «امام رازی» و امثالی ذوات کرام حضراتی طبقه رابعه رجالندن در. طبقه رابعه رجال کرامی اصلا اجتهاده قادر اولیوب لکن اصول مأخذی ضبط و احاطه ایتملری حسبله صاحب مذهبندن و یاخود صاحب مذهبک اصحابندن برذات طرفندن منقول ایکی وجهه شامل قول مجملی ایکی امره محتمل اولان حکم مبهم ایله اصوله تطبیق و فروعندن امثال و نظائرینه قیاس ایله تفصیله قادر اولور لر .

(طبقه خامسه)، صاحب اجتهاده تقلید و تبعیت ایدن اصحاب ترجیح طبقه سی در. «ابو الحسن القدوری» و «صاحب الهدایه» و امثالی ذوات معالی سمات حضراتی طبقه خامسه رجالندن در. طبقه خامسه رجال کرامنک مسلککری بعض روایاتی بعض روایات اوزرینه ترجیح و تفضیلندن عبارتدر. ترجیح و تفضیلکری «هذا اولی» و «هذا اصح روایه» و «هذا ارفق للناس» تعیراتی ایله جاری در .

(طبقه سادسه)، صاحب اجتهاده تقلید و تبعیت ایدن «صاحب کنز» و «صاحب المختار» و «صاحب الوقایه» و «صاحب المجموع» مثللو فقهای متأخرینندن متون معتبره اصحابی در. طبقه مذکوره رجال کرامی «قول اقوی» و «قول قوی» و «قول ضعیف» ینلری ایله «ظاهر المذهب» و «روایت نادره» ینلرینی تمیزه قادر در. اقوال مردوده و روایت ضعیفه ینی نقل ایتمز لر .

(طبقه سابعه)، تفریق و تمیز مسائله قادر اولیان اصحاب تقلید در .

بیورلمشدر. تاریخ هجرت نبویه نیک (۶۵۴) نجی سنه سنده قدم زن مهد وجود اولوب (۷۴۲) نجی سنه سنده ارتحال دار نعیم بیورمشدر.

—*—

[طبقات فقهها]

اکابر علمای کرامدن المحقق ابن کمال پاشا حضرتلرینک بعض رسائنده توضیح و بیان بیورلدینی اوزره مفتی اولان ذات، امر فتواده [۱] هر صورتله بصیرت اوزره اولمق ایچون قولی ایله افتا ایلدیکی ذات عالیقدرک یالکز اسم ونسبتنی بیلمکله اکتفا ایتمیوب درجه و مرتبه و طبقه سی ایله احوالی دخی بیلمک لابد و لازم در.

فقههای عظام حضراتی، طبقات سبعة اوزرینه در.

[طبقه اولی]، شرعه مجتهدین عظام حضراتی در. ائمّه اربعه رضوان الله تعالی علیهم اجمعین حضراتی ایله تأسیس قواعد اصولده مشارالیهم حضرتانک مسلکته سالک اولان ذوات کرام حضراتی طبقه اولی رجالدن در. بومثلو ذوات جلیل الصفات حضراتی تأسیس قواعد اصول ایله طبقات سائره اصحابندن ممتازدر.

(طبقه ثانیه)، مذهبده مجتهد اولان ذوات کرام در. «ابو یوسف» و «امام محمد» ایله سائر اصحاب ابی حنیفه طبقه ثانیه رجال کرامندن در. بومثلو ذوات کرام، استاذ اعظم لری اولان امام ابی حنیفه رضی الله تعالی عنه حضرتلرینک احکامده تقدیر بیوردقلری قواعد مقتضاسی اوزره ادله دن استخراج احکامه قادر اولان ذوات معالی سمات در. ذوات مشارالیهم احکام فروعه هر نقدر امام اعظم ابی حنیفه حضرتلرینه مخالف ایسه ده قواعد اصولده امام مشارالیه حضرتلرینه تبعیت و تقلید ایدرلر. بو حال ایله امام شافعی و امثالی ذوات کرام حضراتی اصول و احکامده مذهب لرینک معارض و مخالف لری ایله غیر مقلدلرندن ممتاز اولورلر.

(طبقه ثالثه) نص اولیمان مسائله مجتهد اولان ذوات کرام طبقه سی در. «ابو جعفر الطحاوی» و «ابو الحسن الکرخی» و «شمس الائمة الحلوانی» و «شمس الائمة السرخسی»

[۱] فتوی لفظی «فتی» دن مشتق در. (فتی) شاب قوی معنا سنه در. مشتق ایله مشتق منه بیننده اولان مناسبت، مقتینک جواب شرعی ایله سائله دعواسنده قوت بخش اولمسندن عبارتدر. فتوی لفظنک جمعی «فتاوی» در.

مشاهیر کرام ذوی الاحترامدن « عبدالکریم بن علی بن عمر الانصاری الشیخ علم الدین العراقی الضریر » حضرت تبری اصناف علومده بحر زاخر و افتخار اکابر ایدی . تاریخ هجرتک (۶۲۳) نجی سنه سنده قدم زن مهد وجود اولوب (۷۰۴) نجی سنه سنده قاهرده ارتحال کلزار جنان بیورمشدر .

مشاهیر کرامدن بر ذات معالی سمات دخی « الشیخ الامام الفقیه المحدث الحافظ المفسر علی بن عبدالکافی بن علی بن تمام السبکی » حضرت تبری در . تاریخ هجرتک (۶۸۳) نجی سنه سنده زیور مهد وجود اولوب (۷۵۶) نجی سنه سنده قاهرده ارتحال دار نعیم بیورمشدر . مشارالیه حررتلرینک بیان فضائل کالاتنده السنه و اقلام عاجز اولوب کتب و رسائلدن مجموع تصانیفی (۱۲۰) بوقدر عدده بالغ اولدینی علمای کرام حضراتی طرفندن بیان بیورمشدر .

(نظم)

لیس علی الله بمستنکر ان یجمع العالم فی واحد

مشاهیر فقههای کرامدن « علی بن محمد بن عبدالرحمن بن خطاب الشیخ الامام علاءالدین الباجی » حضرت تبری امام الاصولیین و سیف المناظرین و رئیس المتقین بر ذات جلیل الصفات اولوب احوال و مناقبی اکابر فضلا طرفندن لسان تعظیم الیه یاد و تدکار بیورمشدر . تاریخ هجرتک (۶۳۱) نجی سنه سنده زیور عالم شهود اولوب (۷۱۴) نجی سنه سنده ارتحال دار جنان بیورمشدر .

مشاهیر کرامدن « هبة الله بن عبدالرحیم الجهنی قاضی القضاة شرف الدین البارزی » علیه رحمة الباری حضرت تبری تصانیف کثیره و فضائل سنیه اصحاب ذوی الاحترامدن ایدی . تاریخ هجرتک (۶۴۵) نجی سنه سنده قدم زن مهد وجود اولوب (۷۳۸) نجی سنه سنده ارتحال کلشنسرای جنان بیورمشدر .

افاخم فقههای کرامدن « یوسف بن زکی عبدالرحمن بن یوسف الکلبی القضاعی الدمشقی الشیخ جمال الدین ابو الحجاج المزی » علیه رحمة الباری حضرت تبری اصناف علومده و سیمای علم حدیث شریفده بحر زاخر و منفخر اکابر اوله رق مناقب جلیله و فضائل کثیره سی افضل کرام و اعظم ذوی الاحترام حضراتی طرفلرندن لسان احترام الیه ذکر و بیان

مشاہیر کرام ذوی الاحتشامدن «محمد بن احمد بن عثمان الحافظ شمس الدین ابو عبد اللہ الترکانی الذہبی» علیہ رحمۃ الباری حضرت تری تصانیف کثیرہ وفضائل سنہ اصحاب کرامندن برذات ستودہ صفات ایدی. تاریخ ہجرتک (۶۷۳) نجی سنہ سنہ زیور عالم شہود اولوب (۷۴۸) نجی سنہ سنہ ارتحال دار نعیم بیورمشدر.

مشاہیر کرامدن برذات معالی سمات دخی «محمد بن عبدالرحمن بن عمر قاضی القضاة جلال الدین الخطیب القزوينی» علیہ رحمۃ الباری حضرت تری در. تاریخ ہجرتک (۷۳۷) نجی سنہ سنہ دمشقہ عازم کلزار جنان اولمشدر.

مشاہیر کرامدن برذات فحامت سمات دخی «محمد بن عبدالرحیم بن محمد الشیخ صفی الدین الہندی الارموی» حضرت تری در. تاریخ ہجرتک (۶۴۴) نجی سنہ سنہ بلاد ہندہ زیور کہوارہ وجود اولوب (۷۱۵) نجی سنہ سنہ دمشقہ ارتحال دارجنان بیورمشدر. مشارالہ حضرت تری فضائل کثیرہ و مناقب جلیلہ اصحاب ذوی الاحترامدن ایدی.

مشاہیر کرامدن برذات فضائل سمات دخی «الامام العلامہ محمد بن علی بن عبدالواحد بن عبدالکریم قاضی القضاة کمال الدین بن الزملکانی» حضرت تری در. تاریخ ہجرتک (۶۶۷) نجی سنہ سنہ قدم زن مہد وجود اولوب (۷۲۷) نجی سنہ سنہ ارتحال دار بقا بیورمشدر.

اجلہ ائمہ کرامدن «محمد بن علی و ہب بن مطیع القشیری» علیہ رحمۃ الباری حضرت تری اصناف علوم وفضائلہ بحر عمیق وصاحب التصانیف والکرامات برذات ستودہ صفات اولہرق مناقب جلیلہ سی حد احصادن خارجدر. تاریخ ہجرتک (۶۲۵) نجی سنہ سنہ زیور کہوارہ وجود اولوب (۷۰۲) نجی سنہ سنہ ارتحال دار نعیم بیورمشدر.

مشاہیر کرامدن «محمد بن علی البار نباری المقلب طویر اللیل تاج الدین» علیہ رحمۃ رب العالمین حضرت تری فضائل وکالاتہ فرید الزمان ایدی. تاریخ ہجرتک (۶۵۴) نجی سنہ سنہ زیور کہوارہ عالم شہود اولوب (۷۱۷) نجی سنہ سنہ ارتحال دارجنان بیورمشدر.

مشاہیر کرامدن «محمد بن محمد بن محمد بن سید الناس الحافظ الادیب فتح الدین ابو الفتح» حضرت تری اصناف علومہ و سیمای علم حدیث شریفہ بحر عمیق ایدی. تاریخ ہجرتک (۶۷۱) نجی سنہ سنہ زیور مہد وجود اولوب (۷۳۴) نجی سنہ سنہ ارتحال کلشنسرای جنان اولمشدر.

عبدالکریم بن الفضل بن الحسن القزوينی «علیه رحمة الباری حضرت تری اصناف علومده و سیمای علم فقه شریفده و اصل اقصی الغایات بر ذات ستوده صفات و کثیر الکرامات ایدی. مشارالیه حضرت تری عمده المحققین و استاذ المصنفین و افتخار المدققین و امام المسلمین اولوب فضائل علیه و عملیه سی و مناقب علیه سی حداحصان خار جدر. تاریخ هجرتک (۶۲۳) نجی سنه سنده ارتحال دار بقا بیورمشدر.

مشاهیر فقهای شافعیه دن «الشیخ العلامة المعروف بابن الصلاح تقی الدین عثمان بن عبدالرحمن بن موسی بن ابی نصر الکردی الشهر زوری» علیه رحمة الباری حضرت تری ائمه مسیلندن و فضائل و فیره و مناقب جلیله اصحاب ذوی الاحتشامندن ایدی. تاریخ هجرتک (۵۷۷) نجی سنه سنده زیور مهد و جود اولوب (۶۴۳) نجی سنه سنده ارتحال کلزار جنان بیورمشدر.

مشاهیر کرامدن «عمر بن محمد بن عبدالله من اولاد ابی بکر الصدیق رضی الله تعالی عنه و هو ابو عبدالله او ابو نصر او ابو القاسم الصوفی بن اخ الشیخ النجیب هو الشیخ شهاب الدین السهروردی» علیه رحمة الباری حضرت تری صاحب عوارف المعارف، صوفی، فقیه، فاضل، صاحب زهد و ورع بر ذات معالی سمات ایدی. تاریخ هجرتک (۵۳۹) نجی سنه سنده زیور عالم شهود اولوب (۶۳۲) نجی سنه سنده ارتحال دار نعیم بیورمشدر.

مشاهیر کرامدن «موسی بن ابی الفضل الشیخ العلامة رضی الدین یونس بن محمد» علیه رحمة الصمد حضرت تری تاریخ هجرتک (۵۵۱) نجی سنه سنده زیور مهد و جود اولمشدر. مشارالیه حضرت ترینک اصناف علومده و اصل اقصی الغایات اوله رق (۲۴) فدن تعلیم و تدریس بیوردقاری و فضائل و مناقب جلیله سی حداحصان خارج اولدینی اصحاب فضائل طرفندن بیان بیورمشدر.

مشاهیر کرامدن «الشیخ الامام شیخ السلام نجم الدین ابو العباس احمد بن محمد بن علی بن مرتفع بن حازم بن الرفعة» حضرت تری تألیفات کثیره و مناقب جلیله اصحاب کرامندن بر ذات جلیل الصفات ایدی. تاریخ هجرتک (۷۱۰) نجی سنه سنده مصرده ارتحال کلشنسرای جنان بیورمشدر.

اجلة اعلام کرامدن بر ذات فضائل سمات دخی «الامام یحیی بن شرف النووی» علیه رحمة الباری حضرت تری اولوب ذکر جمیلری علم حدیث شریف مجتهده کذران ایلشدر.

بن الموفق الخيوشاني «حضرتلری در. مشاراليه حضرتلری احوال رضیہ اصحاب ذوی الاحترامندن و ائمہ مسليندن ايدي. تاريخ هجرتك (۵۱۰) نجی سنهسنده زيور كهواره وجود اولشدر. مشاهير كرامدن بر ذات جليل القدر دخي محي السنه «الامام الحسين بن مسعود الفراء البغوي» عليه رحمة الباري حضرتلری اولوب مناقب جليله احبابندن بر امام بي همالدر.

مشاهير ائمه شافعيه دن بر ذات ستوده صفات دخي «عبدالواحد بن اسماعيل بن احمد بن محمد ابوالحسن الروياني» عليه رحمة الباري حضرتلری در. مشاراليه «فخر الاسلام» لقب جليلي ايله ملقبدر. مصتفاي آفاق علمده كسب اشهار ايلشدر. بو ذات فضائل سمانك قوه حافظهسنده اولان كال، ضرب مثل اولشدر. «كتب شافعيه محترق اولسه حفظمدن تحرير ايدرم» كلامني قائل اولدقلری مروی در. فخر الاسلام الروياني حضرتلری تاريخ هجرتك (۴۱۵) نجی سنهسنده زيور مهد وجود اولوب (۵۰۲) نجی سنهسنده ارتحال دار نعيم بيورمشدر.

مشاهير كرامدن «علي بن الحسن بن هبة الله ابو القاسم بن عساكر» حضرتلری علم حديث شريف و علم فقه شريفده واصناف علومده عصرينك فريدي وزماننك وحيدى ايدي. هجرت نبويهنك (۴۹۹) نجی سنهسنده زيور مهد وجود اولوب (۵۷۱) نجی سنهسنده دمشقده ارتحال دار جنان بيورمشدر.

مشاهير كرامدن «الشيخ الزاهد صدر الدين القونوي محمد بن اسحق» حضرتلری علم تصوف و سائر علومده اصحاب تصانيفدن ايدي. آلياته متعلق مسائل غامضهده «الحكيم خواجه نصير الدين الطوسي» و سائر حكما ايله بينلرنده مراسله و مباحثه جريان ايلشدر. صدر الدين القونوي حضرتلری هجرت نبويهنك (۶۷۳) نجی سنهسنده ارتحال دار جنان بيورمشدر.

مشاهير كرامدن «عبد العزيز بن عبد السلام سلطان العلماء الشيخ عز الدين» عليه رحمة رب العالمين حضرتلری عصرينك فريدي وزماننك وحيدى ايدي. هجرت نبويهنك (۵۷۸) نجی سنهسنده زيور كهواره وجود اولوب (۶۶۰) نجی سنهسنده ارتحال دار نعيم بيورمشدر. مشاراليه حضرتلرينك مناقب عليه سي حد احصادن خارجدر.

مشاهير ائمه شافعيه دن «الامام الجليل ابو القاسم الرافي عبد الكريم بن محمد بن

اجلّه أمّه کرامدن «امام الحرمین ابوالمعالی عبدالملک بن عبدالله بن یوسف بن محمد بن عبدالله» علیه رحمة الاله حضرتلری بحر فضائل وافتخار افضل اوله رق شهرتلی مثل سائر کبی هرملک و دیاری دأردر. مناقب جلیله سنک توصیف و تعریفده اهل بیانک لسان وقلبی عاجز و قاصر در. هجرت نبویه نك (۴۱۹) نجی سنه سنده زیور علم ناسوت و (۴۷۸) نجی سنه سنده عازم کلشن لاهوت اولمشدر.

مشاهیر فقههای کرامدن بر ذات ستوده صفات دخی «الامام ابو الحسن الماوردی علی بن محمد بن حیب» علیه رحمة المحبیب حضرتلری در. مشارالیه حضرتلری فضائل جلیله و تصانیف کثیره اصحابندن ایدی. هجرت نبویه نك (۴۵۰) نجی سنه سنده ارتحال داربقا بیورمشدر.

مشاهیر فقههای کرامدن بر ذات فضائل سمات دخی «علی بن محمد ابو حنیان التوحیدی» علیه رحمة الباری حضرتلری در.

مشاهیر کرامدن «منصور بن محمد بن عبدالجبار ابوالمظفر ابن الامام ابو منصور السمعانی» حضرتلری اصحاب تصانیفدن رفیع القدر و شیر الذکر بر ذات معالی صفات ایدی. هجرت نبویه نك (۴۲۶) نجی سنه سنده زیور کهواره وجود اولوب (۴۸۹) نجی سنه سنده ارتحال دارنعیم بیورمشدر.

مشاهیر فقههای شافیه دن بر ذات بی همال دخی «محمد بن محمد بن احمد الطوسی حجة الاسلام ابو حامد الغزالی» قدس سره العالی حضرتلری در. مشارالیه، جامع اشتات علوم اولوب فضائل علیه و مناقب جلیله سنک و صفنده السنه اهل بیان عاجز و اقلام زمره فضلا قاصر در. جمله تصانیف کثیره سندن اولان «کتاب احیاء علوم» مظهر قبول اعلی اولمش و ذات بی مثاللری حجة الاسلام اولوب کتاب شریف مذکور ایله سائر کتب مؤلفه سی فضائل و کمالاته جمله حجج و براهیندن عد و شمار اولمشدر.

ابو حامد الغزالی حضرتلرینک برادر مکرملری «احمد بن محمد الطوسی الغزالی» حضرتلری دخی كذلك مشاهیر کرامدن و اصحاب فضائلدن بر ذات معالی صفات اولوب تفصیل احوال شریفه و مناقب جلیله سی کتب سیر و تواریخده مذکور و مندر جدر.

مشاهیر فقههای شافیه دن بر ذات جلیل الصفات دخی الفقیه الصوفی «محمد

افاخم فقه‌های کرآمدن «عبدالله بن عبدالکریم القشیری» علیه رحمة الباری حضرت‌تبری علم تصوف و علم اصولده و سائر اصناف علومده سباق الغایات برذات ملک صفات ایدی . تاریخ هجرتک (۴۱۴) نجی سنه‌سنده قدم زن مهد وجود اولوب (۴۷۷) نجی سنه‌سنده ارتحال داربقا بیورمشدر . مشارالیه حضرت‌ترینک مناقب جلیله‌سی حد احصادن بیرون‌در . اعظم فقه‌های کرآمدن والد امام الحرمین « الشیخ ابو محمد الجونینی عبدالله بن یوسف بن عبدالله بن یوسف بن محمد » علیه رحمة الصمد حضرت‌تبری اصناف علومده زمانک وحیدی وعصرینک فریدی اولوب زهد وتقواده وعبادات وطاعانده نادر الامثال بر امام بی هال اولوب « رکن الاسلام » لقبی ایله ملقب وفضائل کثیره و مناقب جلیله و تصانیف و فیره اصحاب کرآمدن ایدی . تاریخ هجرتک (۴۳۸) نجی سنه‌سنده نیسابور شهرنده ارتحال دار نعیم بیورمشدر .

اکابر فقه‌های کرآمدن برذات حمیده صفات دخی « عبد السید بن محمد بن عبد الواحد بن احمد بن جعفر ابو نصر بن الصبّاع » علیه رحمة الباری حضرت‌تبری‌در . هجرت نبویته‌ک (۴۷۷) نجی سنه‌سنده ارتحال دارجنان بیورمشدر . مشارالیه حضرت‌ترینک فضائل و کالاتنه نهایت و مناقب جلیله‌سنه غایت اولمدینی علمای کرام حضراتی جانبندن بیان بیورمشدر .

مشاهیر فقه‌های کرآمدن « عبد القاهر بن طاهر بن محمد التیمی » علیه رحمة الباری حضرت‌تبری عظیم القدر و کثیر العلم بر امام هام اولوب (۱۷) فندن تدریس علوم ایدر و صاحب ثروت و یسار اولملریله اهل علمی انفاق و اعاشه ایدر ایدی . اکثر اهل خراسان ، مشارالیه حضرت‌لرندن اخذ علوم ایلشدر . الحاصل مشارالیه حضرت‌ترینک مناقب جلیله‌سنه حد و غایت یوقدر . تاریخ هجرتک (۴۲۹) نجی و برروایت‌ه کوره (۴۲۷) نجی سنه‌سنده عازم کلشنسرای جنان اولشدر .

مشاهیر کرآمدن برذات حمیده صفات دخی « عبدالکریم بن هوازن بن عبدالملک النیسابوری ابو القاسم القشیری » علیه رحمة الباری حضرت‌تبری اولوب « زین الاسلام » لقب جلیلی ایله ملقب‌در . علم تصوفده رساله مشهوره و اصناف علومده تصانیف کثیره صاحبی برذات بی هال ایدی . مشارالیه حضرت‌ترینک مناقب جلیله‌سنه غایت و فضائل و کالاتنه نهایت یوقدر . تاریخ هجرتک (۳۷۶) نجی سنه‌سنده زیور بزم شهود اولوب (۴۶۵) نجی سنه‌سنده ارتحال دار نعیم بیورمشدر .

فقه‌های عظامدن «ابراهیم بن علی بن یوسف الفیروز ابادی ابو اسحق شیرازی»
 علیه رحمة الباری حضرتلری اصناف علومده سباق الغایات و مناقب سنیه و تصانیف کثیره
 و فضائل و فیره اصحاب کرامندن بر ذات حمیده صفات ایدی. تاریخ هجرتک (۳۹۳) نجی
 سنه‌سنده قدم زن مهد وجود اولوب (۴۷۶) نجی سنه‌سنده ارتحال دارجنان بیورمشدر.

مشاهیر فقه‌های کرامدن «ابراهیم بن محمد بن ابراهیم الاستاذ ابو اسحق الاسفرائینی»
 علیه رحمة الباری حضرتلری جامع اشتات علوم ایدی. تاریخ هجرتک (۴۱۸) نجی سنه‌سنده
 ارتحال داربقا بیورمشدر. مشارالیه حضرتلرینک مناقب جلیله‌سی حداحصادن خارجدر.

مشاهیر فقه‌های کرامدن «اسمعیل بن عبدالرحمن الصابونی» علیه رحمة الباری حضرتلری
 مناقب جلیله و فضائل کثیره اصحابندن نادر الوجود بر ذات ستوده صفات ایدی.
 هجرت نبویه‌نک (۴۴۹) نجی سنه‌سنده ارتحال دار نعیم بیورمشدر.

مشاهیر فقه‌های کرامدن «حسن بن علی بن محمد ابو علی الدقاق» علیه رحمة الخلاق
 حضرتلری علوم و فضائلده عصرینک فریدی و زماننک وحیدی ایدی. تاریخ هجرتک
 (۴۰۵) نجی سنه‌سنده ارتحال دار جنان بیورمشدر.

مشاهیر فقه‌های عظامدن «سهل بن محمد ابو الطیب الصعلوکی» حضرتلری انواع علومده
 عصرینک وحیدی و زماننک فریدی بر ذات معالی سمات اولوب «شمس الاسلام» لقبی ایله
 ملقب ایدی. تاریخ هجرتک (۴۰۴) نجی سنه‌سنده نساپور شهرنده عازم کلشنسرای جنان
 اولمشدر. مشارالیه حضرتلرینک فضائل جلیله و مناقب سنیه‌سی حد احصادن خارجدر.

مشاهیر فقه‌های عظامدن «طاهر بن عبدالله القاضی ابو الطیب الطبری» علیه رحمة الباری
 حضرتلری غوّا ص بحر علوم اولوب فضائل و کمالاتده عصرینک وحیدی و زماننک
 فریدی ایدی. تاریخ هجرتک (۳۴۸) نجی سنه‌سنده زیور مهد وجود اولوب (۴۵۰) نجی
 سنه‌سنده عازم کلزار جنان اولمشدر.

اجلّه فقه‌های کرامدن «الامام الزاهد عبدالله بن احمد بن عبدالله» علیه رحمة الاله
 حضرتلری امام کبیر و غوّا ص بحر علوم و ثاقب الفهم و دقیق النظر و عظیم النظر بر ذات
 بی‌همال ایدی. تاریخ هجرتک (۴۱۷) نجی سنه‌سنده (۹۰) یاشلرنده اولدققری حالده
 ارتحال دارجنان بیورمشدر.

اعظم ائمة شافعيه دن «محمد بن جرير ابو جعفر الطبري» عليه رحمة الباري حضرت تلمی تصانیف کثیره و مناقب جلیله و فضائل و فیره اصحاب کرامندن ایدی. تاریخ هجرتک (۲۲۴) نجی سنه سنده زیور کهواره وجود اولوب (۳۱۰) نجی سنه سنده ارتحال دار جنان بیورمشدر.

مشاهیر ائمة شافعيه دن «محمد بن حنیف الشیرازی» علیه رحمة الباري حضرت تلمی شیخ المشایخ و علم و دینده صاحب قدم راسخ بر ذات جلیل الصفات اولوب مناقب جلیله و فضائل کثیره سی بی حد و پایان در. تاریخ هجرتک (۳۷۱) نجی سنه سنده عازم دار جنان اولمشدر.

افاخم ائمة شافعيه دن «محمد بن سلیمان بن هارون بن سهل الصعلوکی» حضرت تلمی اصناف علومده سباق الغایات بر ذات جلیل الصفات ایدی. تاریخ هجرتک (۲۹۶) نجی سنه سنده زیور کهواره وجود اولمش و بصره و نيسابور شهر لرنده مدت مدیده تدریس علوم بیورمش و هجرت نبویه نك (۳۶۹) نجی سنه سنده ارتحال دار نعیم ایلمشدر.

مشاهیر ائمة شافعيه دن «محمد بن عبدالله ابو بكر الصیرفی» حضرت تلمی تصانیف کثیره و فضائل و فیره اصحاب کرامندن بر ذات حمیده صفات ایدی. تاریخ هجرتک (۳۳۰) نجی سنه سنده ارتحال دار بقا بیورمشدر.

اجله ائمة شافعيه دن «محمد بن علی القفال» حضرت تلمی علم تفسیر و علم حدیث شریف ایله علم کلامده و اصول و فروعده و علم لغت و شعرده امام ماهر و فاضل کامل و صاحب زهد و ورع بر ذات جلیل الصفات ایدی. تاریخ هجرتک (۲۹۱) نجی سنه سنده زیور کهواره وجود اولوب (۳۳۵) و یاخود (۳۳۶) نجی سنه سنده ارتحال کلزار جنان بیورمشدر.

اکابر ائمة شافعيه دن امام المتکلمین ناصر سنت سید المرسلین «علی بن اسمعیل الشیخ ابو الحسن الأشعری البصری» علیه رحمة الباري حضرت تلمی مناقب جلیله و فضائل کثیره اصحاب کرامندن اولوب علم کلام مجتهده ذکر جمیلی مرور ایلمشدر.

مشاهیر ائمة شافعيه دن «أحمد بن محمد بن احمد الاسقرائنی» علیه رحمة الباري حضرت تلمی مناقب جلیله و فضائل کثیره اصحاب کرامندن بر ذات ستوده صفات ایدی. تاریخ هجرتک (۳۳۴) نجی سنه سنده زیور مهد وجود اولوب (۴۰۶) نجی سنه سنده ارتحال دار نعیم بیورمشدر.

مشاهیر ائمه شافعیہ دن برذات معالی سمات دخی «عثمان بن سعید الدارمی» علیہ رحمۃ الباری حضرت تلی در. تاریخ ہجرتک (۲۵۵) نجی سنہ سنہ بیت مقدسہ عازم دار جنان اولمشدر.

افاخم ائمه شافعیہ دن برذات ستودہ صفات دخی «عسکر بن الحصین» و بر روایتہ کورہ «عسکر بن محمد بن الحصین الشیخ ابو تراب النخشی» [۱] حضرت تلی در. تاریخ ہجرتک (۲۴۵) نجی سنہ سنہ ارتحال داربقا بیورمشدر. امام مشارالیہ حضرت تلی مناقب جلیہ و کرامات سنیہ احبابندن ایدی.

مشاهیر ائمه شافعیہ دن برذات حمیدہ صفات دخی «ابو عبد الرحمن احمد بن شعیب النسائی» حضرت تلی در.

اعظم ائمه شافعیہ دن «احمد بن عمر بن سرج» حضرت تلی مناقب جلیہ احبابندن اولوب مصنفاتی (۴۰۰) عدده بالغ اولمشدر. تاریخ ہجرتک (۳۰۶) نجی سنہ سنہ ارتحال دار جنان بیورمشدر.

اکبر ائمه شافعیہ دن «احمد بن محمد بن القاسم بن منصور» حضرت تلی ائمه صوفیہ دن و بغدادی الاصل و ابنای وزرا و رؤسادن برذات جلیل الصفات اولوب نسبری نوش روان عادلہ منتهی و متصل در. تاریخ ہجرتک (۳۲۳) و یا (۳۲۲) نجی سنہ سنہ ارتحال دار نعیم بیورمشدر.

اجله ائمه شافعیہ دن «محمد بن احمد بن الازهر بن طلحة الهروی ابو منصور الازهری اللغوی» حضرت تلی مناقب جلیہ احباب کرامندن در. تاریخ ہجرتک (۲۸۲) نجی سنہ سنہ زیور مہد وجود اولوب (۳۰۷) نجی سنہ سنہ عازم کلزار جنان اولمشدر.

مشاهیر ائمه شافعیہ دن «محمد بن احمد بن عبد الله الفاشانی» حضرت تلی مناقب جلیہ و فضائل کثیرہ احبابندن برذات ستودہ صفات ایدی. تاریخ ہجرتک (۳۰۱) نجی سنہ سنہ زیور کھوارہ وجود اولوب (۳۷۱) نجی سنہ سنہ ارتحال دار نعیم بیورمشدر.

مشاهیر ائمه شافعیہ دن «محمد بن احمد بن محمد بن جعفر ابوبکر بن الحداد المصری» حضرت تلی مناقب جلیہ و فضائل کثیرہ احباب کرامندن برذات جلیل القدر ایدی. تاریخ ہجرتک (۳۴۴) و یا خود (۳۴۵) نجی سنہ سنہ عازم کلزار جنان اولمشدر.

[۱] نخشب، ماوراء النهر بلادندن بربلدہ تک اسمی در.

بن میسرہ بن حبتان» حضرتلری در. تاریخ ہجرتک (۱۷۰) نجی سنہ سنندہ قدم زن مہد وجود اولوب (۲۶۴) نجی سنہ سنندہ عازم کلزار جنان اولمشدر.

اکابر ائمہ شافعیہ دن بر ذات ستودہ صفات دخی «محمد بن ادیس الرازی» حضرتلری در. تاریخ ہجرتک (۱۹۵) نجی سنہ سنندہ قدم زن مہد وجود اولمشدر.

افاخم ائمہ کرامدن بر ذات جلیل الصفات دخی رئیس المحدثین صاحب جامع الصحیح «محمد بن اسمعیل البخاری» علیہ رحمۃ الباری حضرتلری در. مشارالیه حضرتلرینک بعض مناقب جلیلہ سی علم حدیث شریف مجتہدہ ذکر و بیان اولمشدر.

مشاہیر ائمہ شافعیہ دن بر ذات معالی سمات دخی المحدث «محمد بن علی بن الحسن بن بشر الترمذی» حضرتلری در.

مشاہیر ائمہ شافعیہ دن «محمد بن نصر المروزی» حضرتلری تاریخ ہجرتک (۲۹۴) نجی سنہ سنندہ سمرقندہ ارتحال دار بقا بیورمشدر.

اعاظم ائمہ شافعیہ دن بر ذات ستودہ صفات دخی سید الطائفہ «جنید بن محمد بن جنید البغدادی» حضرتلری در. تاریخ ہجرتک (۲۹۷) و یا خود (۲۹۸) نجی سنہ سنندہ ارتحال دار نعیم بیورمشدر. مشارالیه جنید بغدادی قدس سرہ العالی حضرتلرینک مناقب جلیلہ سی بی حد و پایاندر.

اجلہ ائمہ شافعیہ دن «حرث بن اسد المحاسبی» حضرتلری علم ظاہر ایلہ علم باطن یقینی جامع بر ذات جلیل الصفات اولوب ہجرت نبویہ نک (۲۴۳) نجی سنہ سنندہ عازم کلزار جنان اولمشدر.

مشاہیر ائمہ شافعیہ دن بر ذات حمیدہ صفات دخی «داود بن علی بن خلف ابوسلیمان البغدادی الاصبہانی» حضرتلری در. تاریخ ہجرتک (۲۰۲) یا خود (۲۰۰) نجی سنہ سنندہ زیور کھوارہ وجود اولوب (۲۷۰) نجی سنہ سنندہ بغداددہ ارتحال دار نعیم بیورمشدر.

اعلام ائمہ شافعیہ دن بر ذات عالی قدر دخی صاحب سنن «سلیمان بن اشعث السجستانی» حضرتلری در. مشارالیه حضرتلرینک بعض مناقب جلیلہ سی علم حدیث شریف مجتہدہ ذکر و بیان اولمشدر.

مشاهیر ائمه شافعیه دن «عبدالله بن الزبیر بن عیسی القرشی الاسدی المکی» حضرتلری مکّه مکرّمده محدث و فقیه ایدی .

اکابر ائمه شافعیه دن «ابوبکر الحمیدی حمید بن زهیر بن الحرث بن اسد» حضرتلری تاریخ هجرتک (۲۱۹)نجی سنه سنده مکّه مکرّمده عازم کلشنسرای جنان اولمشدر .

اعاظم ائمه شافعیه دن «عبدالعزیز بن عمران بن ایوب بن مقلاص» حضرتلری تاریخ هجرتک (۲۳۴)نجی سنه سنده ارتحال دار نعیم بیورمشدر .

مشاهیر ائمه شافعیه دن بر ذات عالیقدر «عبدالعزیز بن یحیی بن عبدالعزیز بن مسلم بن میمون الکنانی المکی» حضرتلری در .

افاخم ائمه شافعیه دن بر ذات جلیل الصفات دخی «علی بن عبد الله بن جعفر» حضرتلری در . تاریخ هجرتک (۱۶۱)نجی سنه سنده زیور مهد وجود اولوب (۲۳۴)نجی سنه سنده ارتحال کلزار جنان بیورمشدر .

اجله ائمه شافعیه دن بر ذات ستوده صفات دخی «فضل بن ربیع بن یونس بن محمد بن عبدالله بن ابی فروه» حضرتلری در . تاریخ هجرتک (۲۰۸)نجی سنه سنده عازم کلزار جنان اولمشدر .

مشاهیر ائمه شافعیه دن بر ذات حمیده صفات دخی «القاسم بن سلام» حضرتلری در . تاریخ هجرتک (۲۲۴)نجی سنه سنده مکّه مکرّمده ارتحال دار بقا بیورمشدر .

اکابر ائمه شافعیه دن بر ذات جلیل القدر دخی «قزم بن عبدالله بن قزم» [۱] حضرتلری در . تاریخ هجرتک (۲۷۱)نجی سنه سنده ارتحال دار نعیم بیورمشدر .

مشاهیر ائمه شافعیه دن بر ذات عالیقدر دخی «موسی بن ابی الجار» حضرتلری در . اعاظم ائمه شافعیه دن «یوسف بن یحیی البویطی» حضرتلری امام جلیل، عابد، زاهد، فقیه و عظیم، مناظر، بر ذات عالیقدر اولوب تاریخ هجرتک (۲۳۱)نجی سنه سنده بغدادده ارتحال دار بقا بیورمشدر .

مشاهیر ائمه شافعیه دن بر ذات معالی سمات دخی «یونس بن عبد الاعلی بن موسی

[۱] قزم، قاف حرفتک فتحی و حای مهمله تک سکونی وزای معجمه مفتوحه ایله اسم .

مشاهیر ائمہ شافعیہ دن «مجر بن نصر» حضرت تری تاریخ هجرتك (۱۸۱) ویا (۱۸۰) نجی سنه سنده قدم زن كهواره وجود اولوب (۲۶۹) نجی سنه سنده مصرده ارتحال كلزار جنان بیورمشدر.

اجله ائمه شافعیه دن «حرث بن شریح» حضرت تری دخی بر ذات جلیل الصفات اولوب تاریخ هجرتك (۲۳۶) نجی سنه سنده عازم كلزار جنان اولمشدر.

اعاظم ائمه شافعیه دن «حرث بن مسکین بن محمد بن یوسف الاموی ابو عمر المصری» حضرت تری فقیه، محدث، صالح بر ذات ستوده صفات اولوب تاریخ هجرتك (۱۵۴) نجی سنه سنده زیور مهد وجود اولمش و (۲۵۰) نجی سنه سنده ارتحال دار بقا بیورمشدر.

مشاهیر ائمه شافعیه دن «حسن بن محمد بن الصیاح البغدادی» حضرت تری اجله ائمه کرامدن بر ذات حمیده صفات اولوب تاریخ هجرتك (۲۶۰) نجی سنه سنده ارتحال دار نعیم بیورمشدر.

اکابر ائمه شافعیه دن «حسن بن علی» حضرت تری علم حدیث و علم فقه شریف ینقی جامع بر امام هام اولوب تاریخ هجرتك (۲۴۵) یا خود (۲۴۸) نجی سنه سنده عازم کلشنسرای جنان اولمشدر.

مشاهیر ائمه شافعیه دن بر ذات عالیقدر دخی «الحسین القلانسی» حضرت تریدر.

مشاهیر ائمه شافعیه دن «حرمله بن عبد الله النجیبی» حضرت تری تاریخ هجرتك (۱۶۶) نجی سنه سنده قدم زن مهد وجود اولوب (۲۴۳) نجی سنه سنده ارتحال دار بقا بیورمشدر.

اجله ائمه شافعیه دن «ربیع بن سلیمان بن داود» حضرت تری تاریخ هجرتك (۲۵۶) ویا خود (۲۵۷) نجی سنه سنده ارتحال كلزار جنان بیورمشدر.

اعاظم ائمه شافعیه دن «ربیع بن سلیمان بن عبد الجبار بن کامل المرادی» حضرت تری تاریخ هجرتك (۱۷۴) نجی سنه سنده زیور مهد وجود اولوب (۲۷۰) نجی سنه سنده ارتحال دار جنان بیورمشدر.

مشاهیر ائمه شافعیه دن «سلیمان بن داود بن داود علی بن عبد الله بن عباس القرشی الهاشمی ابو ایوب البغدادی» حضرت تری تاریخ هجرتك (۲۱۹) ویا (۲۲۰) نجی سنه سنده ارتحال دار بقا بیورمشدر.

مشاهیر ائمه شافعیه دن «یحیی بن عبد العزیز البغدادی ابو عبد الرحمن الشافعی»
حضرتلری دخی، مناقب جلیله اصحابندن برذات جلیل الصفات ایدی .

مشاهیر ائمه شافعیه دن «احمد بن یحیی بن الوزیر بن سلیمان» حضرتلری تاریخ هجرتک
(۱۷۱)نجی سنه سنده زیور مهد وجود اولوب (۲۵۰) ویا (۲۵۱)نجی سنه سنده ارتحال
دار بقا بیورمشدر.

مشاهیر ائمه شافعیه دن برذات عالیقدر دخی «احمد بن ابی سریح الرازی» حضرتلری در.
مشاهیر ائمه شافعیه دن «محمد بن عبد الله بن عبد الحکم» حضرتلری تاریخ هجرتک
(۱۸۲)نجی سنه سنده قدم زن مهد وجود اولوب (۲۶۸)نجی سنه سنده ارتحال دار جنان
بیورمشدر.

اکابر ائمه شافعیه دن «محمد بن الامام الشافعی الشیخ ابو عثمان القاضی» حضرتلری
امام شافعی علیه رحمة الباری حضرتلرینک اکبر اولادی اولوب تاریخ هجرتک (۲۴۰)نجی
سنه سنندن صکره جزیره ده عازم کلزار جنان اولمشدر .

مشاهیر ائمه شافعیه دن «ابراهیم بن خالد بن ابی سلیمان» حضرتلری فقیه، عالم، فاضل،
متورّع برذات جلیل الصفات ایدی.

مشاهیر ائمه شافعیه دن «ابراهیم بن محمد بن العباس بن عثمان الشافعی» حضرتلری
تاریخ هجرتک (۲۳۸)نجی سنه سنده عازم کلشنسرای جنان اولمشدر.

مشاهیر ائمه شافعیه دن برذات معالی سمات دخی «ابراهیم بن محمد بن هرم» حضرتلری در.
مشاهیر ائمه شافعیه دن «ابراهیم بن المنذر بن عبد الله بن المنذر الحزامی المدنی»
حضرتلری تاریخ هجرتک (۲۳۵) ویا خود (۲۳۶)نجی سنه سنده ارتحال دار بقا بیورمشدر.

اجله ائمه شافعیه دن «اسحق بن ابراهیم بن مخلد ابو یعقوب المروزی بن راهویه»
حضرتلری ائمه دین واعلام مسلمین وهداة المؤمنین حضراتندن برذات جلیل الصفات
اولوب علم فقه و علم حدیث شریف بیننی جامع در. تاریخ هجرتک (۱۶۱) ویا خود (۱۶۶)نجی
سنه سنده زیور کهواره وجود اولوب (۲۳۸)نجی سنه سنده ارتحال دار نعیم بیورمشدر.

مشاهیر ائمه شافعیه دن «اسمعیل بن یحیی بن اسمعیل بن عمرو بن اسحق» حضرتلری
تاریخ هجرتک (۱۷۵)نجی سنه سنده قدم زن مهد وجود اولوب (۲۶۴)نجی سنه سنده
ارتحال دار جنان بیورمشدر.

[مشاهیر ائمه شافعیه]

معلوم اولدینی اوزره امام شافعی علیه رحمة الباری حضرتلرندن اخذ علوم ایدن ذوات کرام ایله سائر علمای شافعیه نك حد و حسابی اولیوب اك مشهور اولنری آتیا ذکر و بیان اولنور .

مشاهیر ائمه شافعیه دن «احمد بن خالد الحلال» حضرتلری . اجله فقهدان و محدثین کرامدن اولوب هجرت نبویه نك (۲۴۷)نجی سنه سنده ارتحال دار نعیم بیورمشدر .

مشاهیر ائمه شافعیه دن «احمد بن سنان بن اسد بن حبان القطان» حضرتلری اجله فقها و محدثین کرامدن اولوب هجرت نبویه نك (۲۵۶)نجی سنه سنده ارتحال دار بقا بیورمشدر .

مشاهیر ائمه شافعیه دن «احمد بن صالح المصری» حضرتلری دخی اعظم فقها و محدثین کرامدن اولوب تاریخ هجرتك (۱۷۰)نجی سنه سنده قدم زن مهد وجود اولمش و (۲۴۸)نجی سنه سنده ارتحال دار جنان بیورمشدر .

مشاهیر ائمه شافعیه دن «القاضی ابو حامد بن بشر بن حامد المروروزی» [۱] حضرتلری تاریخ هجرتك (۳۶۲)نجی سنه سنده عازم کلشنسرای جنان اولمشدر .

مشاهیر ائمه شافعیه دن بر ذات عالی قدر دخی «احمد بن ابی سرح الصیاح النهشلی» و یاخود «احمد بن عمر بن الصیاح ابو جعفر الرازی البغدادی» حضرتلری در .

مشاهیر ائمه شافعیه دن بر ذات عالی قدر «احمد بن عبد الرحمن وهب بن مسلم القرشی ابو عبدالله المصری» حضرتلری در تاریخ هجرتك (۲۶۴)نجی سنه سنده ارتحال دار بقا بیورمشدر .

مشاهیر ائمه شافعیه دن «احمد بن عمرو بن عبدالله بن عمرو» حضرتلری اعظم علمای کرامدن اولوب تاریخ هجرتك (۲۰۵)نجی سنه سنده عازم کلزار جنان اولمشدر .

مشاهیر ائمه شافعیه دن «احمد بن محمد بن الولید» حضرتلری تاریخ هجرتك (۲۲۲)نجی سنه سنده ارتحال دار نعیم بیورمشدر .

[۱] مروروزی، میم حرفنك قنحی و رای مهمله نك سکونی و واو حرفنك قنحی و رای مهمله مضمومه نك تشدید و بعد الواو زال معجمه ایله خراسان بلادندن بر بلده نك اسمی در .

(وصایا)

او صيكم بتقوى الله في السر والعلانية وبقلة الطعام
 وقلة الكلام وهجران المعاصي والاثام ومواظبة الصيام ودوام القيام
 وترك الشهوات على الدوام واحتمال الجفا من جميع الانام
 وترك مجالسة السفها والعوام وملازمة مصاحبة الصالحين والكرام
 وان خير الناس من ينقع الناس و خير الكلام
 ما قل ودل

مولانا جلال الدين رومی قدس سره السامی حضرت تلیرنک ولد مکرم ملری «مولانا
 بهاء الدین» حضرت تلیری «سلطان ولد» لقبی ایله ملقب اولوب ائمه کرام وفقهای عظامدن
 برذات بی هال ایدی . پدر لرندن صکره قونیه ده تدریس علوم بیورمش و تاریخ هجرتک
 (۷۱۲) نجی سنه سنده ارتحال دار جنان ایلشدر .

امام اعظم وهام افخم ابو حنیفه حضرت تلیری مذهبنه «ابراهیم بن ادهم» و «شقیق البلخی»
 و «معروف الکرخی» و «ابو یزید البسطامی» و «فاضل بن عیاض» و «داود الطائی»
 و «ابو حامد اللّفاف» و «خلف بن ایوب» و «عبدالله بن المبارک» و «وکیع بن الجراح»
 و «ابو بکر الوراق» و بونلرک غیری اصحاب مجاهده [۱] و مشاهده دن اولان اولیای کرام
 حضراتی دخی اتّباع بیورمشلدر . مشارالیهم حضراتی اکابر اولیای کرامدن واصحاب
 کرامات وفضائلدن اولوب مناقب سنیه واحوال مرضیه لری متعلق اولدینی کتابلرده
 علی وجه التفصیل مسطور و مذکوردر .
 قدس الله اسرارهم



[۱] مجاهده، لفتهه محاربه معنسانه در. شریفتهه «محاربة النفس» معنسانه در.

بن هلال بن وکیع « حضرت تری در تاریخ هجرتک (۲۳۳) نجی سنه سنده عازم کلشنسرای جنان اولمشدر.

مشاهیر ائمه حنفیه دن بردات ستوده صفات دخی « ابو مطیع الحکم بن عبدالله بن سلمه بن عبدالرحمن » حضرت تری در تاریخ هجرتک (۱۷۷) نجی سنه سنده ارتحال دار جنان بیورمشدر. مشارالیه حضرت تری امام اعظم « ابوحنیفه » رضی الله تعالی عنه حضرت تری دن « کتاب فقه اکبر » ی روایت المشدر.

مشاهیر ائمه حنفیه دن بردات عالیقدر دخی « الشیخ بدر الدین محمود بن اسرائیل بن عبدالعزیز » حضرت تری اولوب « ابن قاضی سماونه » دیکله مشهوردر. مشارالیه حضرت تری مناقب جلیله اصحابندن اولوب تاریخ هجرتک (۸۱۸) نجی سنه سنده ارتحال دار جنان بیورمشدر.

مشایخ حنفیه دن بردات جلیل الصفات دخی صاحب منوی « محمد بن محمد بن محمد بن حسین بن احمد بن قاسم بن مسیب بن عبدالله بن عبدالرحمن بن ابی بکر الصدیق بن حقه التیمی » رضوان الله تعالی علیهم اجمعین حضرت تری اولوب مولانا « جلال الدین » و « خداوندکار » لقبی ایله معروف و مشهوردر. (خداوندکار) لفظی فارسی اولوب سلطان معناسنده. پدر لری نیک اسم شریفی « محمد » اولوب لقبی « بهاء الدین » اولدیغی کبی « سلطان علما » دخی لقبی در. نسبتی « چهاریار کزیندن ابو بکر الصدیق » رضی الله تعالی عنه حضرت تری منتهی در. سلطان علما حضرت تری « بلخ » شهرنده تمکن ایدوب « مولانا جلال الدین رومی » قدس سره السامی حضرت تری تاریخ هجرتک (۶۰۴) نجی سنه سنده شهر مذکورده زیور کهواره وجود اولمشدر. مؤخرآ پدر لری سلطان علما حضرت تری قونیه د توطن بیورمسيله مشارالیه مولانا حضرت تری طفل ایکن « جلال الدین رومی » لقبی ایله تلقیب اولمشدر. مشارالیه حضرت تری تاریخ هجرتک (۶۷۲) نجی سنه سنده عازم کلزار جنان اولمشدر. سلطان العارفین حضرت تری انواع علومده و علم فقه شریفده بحر عمیق اولوب مناقب جلیله سی و فضائل و کالاتی حد احصادن بیرون در. اصحابنه ابراه بیوردقلری وصایای برکزیده دن بعضیسی بو محله تبرکاً ذکر اولنور.

اولدینی خالد لقب شریفی اسمنه غلبه ایلشدر. «مندل» «جبان» دن اشهر اولوب تاریخ هجرتک (۱۶۷) ویاخود (۱۶۸) نجی سنه سنده کوفه ده ارتحال دار جنان بیورمشدر.

مشاهیر ائمه حنفیه دن برذات ستوده صفات دخی «علی بن مسهر الکوفی» حضرتلری در. اجله ائمه حنفیه دن برذات معالی سمات دخی «قاسم بن معن بن عبدالرحمن بن عبدالله بن مسعود الکوفی» حضرتلری در.

اعلام ائمه حنفیه دن برذات جلیل الصفات دخی «اسد بن عمرو بن عامر بن اسلم بن مغیث بن یشکر بن ادهم ابو المنذر البجائی الکوفی» حضرتلری اولوب تاریخ هجرتک (۱۸۹) نجی سنه سنده ارتحال دار بقا بیورمشدر.

اعاظم ائمه حنفیه دن برذات عالیقدر دخی «احمد بن حفص» حضرتلری در.

اکابر ائمه حنفیه دن برذات ستوده صفات دخی «نوح بن ابی مریم یزید بن جعوتة المروزی» حضرتلری در. مشارالیه حضرتلری «جامع» لقبی ایله ملقبدر. چونکه فقه ابی حنفیه بی جمع ایدن ذوات کرامک اولی در. بر روایتسه کوره مشارالیه حضرتلری نفائس علومی جامع اولسیله لقب مذکور ایله ملقبدر. تاریخ هجرتک (۱۷۳) نجی سنه سنده ارتحال کلشنسرای جنان بیورمشدر.

مشاهیر ائمه حنفیه دن برذات جلیل الصفات دخی «خلف بن ایوب» حضرتلری اولوب تاریخ هجرتک (۲۲۰) ویاخود (۲۱۵) ویاخود (۲۰۵) نجی سنه سنده ارتحال دار نعیم بیورمشدر.

مشاهیر ائمه حنفیه دن برذات معالی سمات دخی «شداد بن حکم» حضرتلری در. تاریخ هجرتک (۲۱۰) نجی سنه سنده ارتحال دار بقا بیورمشدر.

اجله ائمه حنفیه دن برذات ستوده صفات دخی «موسی بن نصر» حضرتلری در.

مشاهیر ائمه حنفیه دن برذات عالیقدر دخی «ابو سلیمان موسی بن سلیمان الجوزجانی» حضرتلری در.

ائمه حنفیه دن برذات فضائل سمات دخی «هلال بن یحیی بن مسلم» حضرتلری در. تاریخ هجرتک (۲۴۵) نجی سنه سنده ارتحال دار جنان بیورمشدر.

مشاهیر ائمه حنفیه دن برذات جلیل الصفات دخی «ابو عبدالله محمد بن سماعه بن عبید

اکابر ائمه حنفیه دن « وکیع بن الجراح بن ملیح بن عدی ابو سفیان » حضرت تلیری تاریخ هجرتک (۱۲۸) و یاخود (۱۲۹) نجی سنه سنده قدم زن مهد وجود اولوب (۱۹۸) و یاخود (۱۹۹) نجی سنه سنده ارتحال دار جنان بیورمشدر. مشارالیه حضرت تلیری صومه دوام بیورر و هر کیجه ختم شریف ایدر ایدی. بر روایت کوره هر کیجه نکت قرآن قرائت ایتکسزین نوم ایله مشغول اولمز ایدی. آخر لیلده قیام ایدرک قرائت واستغفار ایله مشغول اولورایدی. زهد وتقواده و علم وحفظده نادر الوجود بر ذات جلیل الصفت اولوب مناقب جلیله و فضائل سنیه سی کتب سیرده مسطوردر.

مشاهیر ائمه حنفیه دن « ابو عمرو النخعی الکوفی » علیه رحمة الباری حضرت تلیری تاریخ هجرتک (۱۹۴) نجی سنه سنده عازم کلزار جنان اولمشدر. مشارالیه حضرت لیرینک مناقب جلیله و فضائل کثیره سی کتب متعلقه سنده محرردر.

مشاهیر ائمه حنفیه دن « الامام یحیی بن زکریا ابی زائده بن میمون بن فیروز » حضرت تلیری اهل زهد و ورعدن اولوب تاریخ هجرتک (۱۸۳) و یاخود (۱۸۴) نجی سنه سنده (۶۳) یاشلرنده اولدقلری حالده ارتحال داربقا بیورمشدر. مشارالیه حضرت تلیری کوفده تصنیف کتاب ایدن ذوات کرامک اولی اولوب مناقب جلیله سی متعلق اولدینی کتابلرده مسطوردر.

مشاهیر ائمه حنفیه دن « الحسن بن زیاد » علیه رحمة رب العباد حضرت تلیری بر ذات عالیقدر اولوب تاریخ هجرتک (۲۰۴) نجی سنه سنده عازم کلزار جنان اولمشدر.

اجله ائمه حنفیه دن « الامام العالم العارف ابواسماعیل حماد » علیه رحمة رب العباد حضرت تلیری تاریخ هجرتک (۲۱۲) نجی سنه سنده ارتحال دارنعیم بیورمشدر. مشارالیه حضرت تلیری صاحب زهد و ورع بر ذات جلیل الصفت ایدی.

اکابر ائمه حنفیه دن بر ذات ستوده صفت دخی « یوسف بن خالد » علیه الرحمه حضرت تلیری در.

اعاظم ائمه حنفیه دن بر ذات معالی سمات دخی « عافیه بن یزید الاوری الکوفی » حضرت تلیری در.

افاخم ائمه حنفیه دن ایکی ذات عالیقدر دخی « حبان » و « مندل » ابنا علی الغزی الکوفی « حضراتی در. بر روایت کوره « مندل » لفظی لقب اولوب مشارالهک اسم شریفی « عمرو »

[مشاهیر ائمه حنفیه]

معلوم اولدینی اوزره امام اعظم وهام افخم «ابوحنیفه» رضی الله تعالی عنه حضرت تدرندن اخذ علوم ایدن ائمه کرامک حد وحسابی یوقدر. ائمه مشارالیهمدن بلاد وامصارده کسب اشتهار ایدن (۷۳۰) دن زیاده مشایخ بلدان وائمه مسلمینک سعی واجتهادلرندن اهل عالم مستفید اولمشدر. ذوات مشارالیهم بینده اک مشهور اولنلری آتیا وتبرکا ذکر و بیان اولتور.

مشاهیر ائمه حنفیهدن بر ذات عالیقدر «عبدالله بن المبارک المروزی» علیه رحمة الباری حضرتلری در. تاریخ هجرتک (۱۱۸) ویاخود (۱۲۹) نجی سنهسنده زیور کهواره وجود اولوب (۱۸۰) نجی سنهسنده ارتحال دارجان بیورمشدر. امام مشارالیه حضرتلری حسن ادب اصحابندن اولوب تابعین کرامدن «یحیی بن سعد الانصاری» و «سلیمان التیمی» و «حمید الطویل» حضراتی و امثالی ذوات کرام وائمه کباردن «سفیان» و «ابن جریر» و «شعبه» و امثالی ذوات ستوده صفات ایله ملاقی اولمشدر. «ابن مبارک حضرتلرندن اشبو «ان اول العلم النیة ثم الفهم ثم العمل ثم الحفظ ثم النشر» کلام جلیلی روایت اولنمشدرکه کلام مذکورک معناسی، علم وعرفان طرق خمسهدن عبارت اولوب اولکیسی «نیت» ایکنجیسی «فهم» اوچنجیسی «عمل» دردنجیسی «حفظ» و بشنجیسی «نشر» دیمکدر. مشارالیه حضرتلرینک مناقب سنیه وفضائل جلیله سی بی حدوحساب اولوب تفصیلی کتب سیرده مذکور و محرردر.

اجله ائمه حنفیهدن بر ذات ستوده صفات دخی «زفر بن الهذیل بن صباح الکوفی» حضرتلری در. تاریخ هجرتک (۱۵۸) نجی سنهسنده بصرهده ارتحال دار نعیم بیورمشدر. مشارالیه حضرتلری مناقب جلیله وفضائل کثیره اصحاب کرامندن بر ذات نادر الوجود اولوب تفصیل احوالی کتب سیرده مسطوردر.

افاخم ائمه حنفیهدن بر ذات معالی سمات دخی «الامام داود بن نصیر الطائی» حضرتلری در. تاریخ هجرتک (۱۶۵) نجی سنهسنده ارتحال دار بقا بیورمشدر. مشارالیه حضرتلری اصحاب زهد و ورعدن و مناقب جلیله وفضائل کثیره اصحابندن اولوب تفصیل احوالی کتب سیرده محرردر.

حضرتلری هجرت نبویہ نیک (۱۱۳) نجی سنہ سنہ کوفہ ذیور کھوارہ وجود اولمش و صکرہ بغدادده ساکن اولهرق «امام اعظم ابو حنیفہ» حضرتلرندن و سائر اکابر کرامدن تحصیل فضائل و کمالات بیورمش و پک چوق ذوات کرام حضرتانه مرجع علوم و مأخذ کمالات اولمشدر . برروایتہ کوره تاریخ هجرتک (۱۸۲) نجی سنہ سنہ ارتحال داربقا بیورمشدر . امام مشارالیه حضرتلری تفسیر شریف و حدیث شریف ایله ایام عربک حفظنه اعتنا بیورر ایدی . اهل اسلامک مردمک چشم افتخاری برامام هم اولوب مناقب جلیله و سیر مرضیه و اخلاق حسنہ سی و علم فقه شریف ایله علوم سائرده احراز بیورمش اولدقلری درجات عالیہ سی کتب سیر و توارینخده مسطور و محرردر .

مجتهدین [۱] کرامدن «الامام ابو عبدالله محمد بن الحسن الشیبانی» حضرتلری کوفہده نشأت و بغدادی شرف قدوملری ایله تشریف ایدوب امام اعظم ابو حنیفہ حضرتلری ایله سائر ذوات ستوده صفات حضرتاندن اخذ فضائل و کمالات ایلش و پک چوق ذوات کرامه مأخذ فضائل و کمالات اولمش و تاریخ هجرتک (۱۸۹) نجی سنہ سنده (۵۸) یاشلرنده اولدقلری حالده «ری» شهرنده ارتحال دار نعیم بیورمشدر . امام مشارالیه حضرتلری ایله «امام کسائی» حضرتلرینک شهر مذکورده یوم واحده ارتحال داربقا بیورمش اولدقلری مروی در . مشارالیه حضرتلری وجهاً و لباساً احسن ناسدن و مناقب جلیله اصحاب کرامندن برذات معالی سمات اولوب تفصیل احوال و فضائل کتب سیر و توارینخده مذکور و محرردر .

[۱] مجتهد، «اجتهاد» دن اسم فاعل در .

(اجتهاد)، لغتده «بذل الوسع» معنانه در . اصطلاحده «استفراغ الفقیه الوسع لیحصل له ظن بحکم شرعی» تعریفی ایله معرف در . یعنی فقیه اولان ذات عالی قدرک حکم شرعی به کندوسی ایچون ظن حاصل اولق اوزره وسعی صرف ایلسنندن عبارتدر . کذلک اجتهاد، «بذل المجهود فی طلب المقصود من جهة الاستدلال» تعریفی ایله دخی معرف در . یعنی اجتهاد، استدلال جهتندن طلب مقصوده بذل مجهود ایلکدر .

بن السائب بن عبید بن عبید زید بن هاشم بن المطلب بن عبد مناف القرشی المطلبی
 حضرت تبری امام اعظم ابو حنیفہ حضرت تریسک ارتحال دار بقا بیوردقبری سنہ ۵۰
 یاخود ۵۰ کونہ تاریخ ہجرتک (۱۵۰) نجی سنہ ۵۰ یندہ یاخود «عسقلان» دہ زیور مہد
 وجود اولشدر. امام مشارالیه حضرت تبری علوم وفضائلہ نادر الوجود اولوب پک چوق
 ذوات کرام امام مشارالیه حضرت نردن اخذ علوم بیورمشلردر. تاریخ ہجرتک (۱۹۵) نجی
 سنہ ۵۰ بغدادی شرف قدوملری ایله تشریف ایدوب بر قاج آی اورادہ اقامتن صکرہ
 مصرہ عزیمت بیوروب (۲۰۴) نجی سنہ ۵۴) یاشلرنده اولدینی حالده ارتحال دارنعیم
 بیورمشدر. علمای کرام حضراتی جملةً مشارالیه حضرت تریسک امین، عادل، زاہد،
 صاحب ورع وتقوی اولدقبرینہ وحسن سیرت وعلو قدرینہ اتفاق وشہادت بیورمشلردر.
 مشارالیه حضرت تریسک مناقب جلیلہ واحوال سنہ سی ذکر و بیان اولنان معلومات جزئیہ دن
 عبارت اولیوب تفصیلاتی کتب مناقب وسیردہ مذکور ومسطوردر.

مجتہدین کرامدن «ابو عبداللہ احمد بن محمد بن حنبل الشیبانی المروزی» حضرت تبری
 تاریخ ہجرتک (۱۶۴) نجی سنہ ۵۰ بغداددہ قدم زن مہد وجود اولوب (۲۴۱) سنہ ۵۰
 (۷۷) یاشلرنده اولدقبری حالده بغداددہ عازم کلشنسرای جنان اولشدر. مشارالیہ
 حضرت تبری فقہ شریف ایله حدیث شریفدہ امام ایدی. زہد وورع وعبادتدہ نادر الوجود
 بر ذات معالی صفات اولوب بغداددہ نشأت ایدرک بغدادک اکابر کرامندن تحصیل فضائل
 واخذ احادیث بیوردقندن صکرہ کوفہ وبصرہ ایله مکہ مکرمہ ومدینہ منورہہ وبعین وشام
 وجزیرہ طرفلرینہ رحلت ایدرک عصرینک علمای کرامندن علمی اخذ وتلقی وکتب
 وتحریر بیورمش وپک چوق اکابر کرام حضراتنہ مأخذ علوم اولوب اسلامدہ آثار
 جلیلہ ایله اشتهار وامر دیندہ مقامات عالیہ ودرجات سنہ احراز بیورمش وآفاق وبلاد،
 مشارالیه حضرت تریسک زیور فضائل وکالاتی ایله تزیین ایلشدر. امام مشارالیه حضرت تریسک
 جنازہ نمازندہ بولنان اهل اسلامک عددی حد احصادن بیرون وخبر ارتحالی منتشر
 اولدقندن صکرہ آفاق وبلاددن کلوب مقبرہ شریفلری اوزرنده ادای صلوة ایتمش اولنلرک
 دخی مقداری فوق العادہ افزون اولدینی وزمان ارتحاللرنده دہابعض حالت عجیبہ کورلدیکی
 مشهور ومتعارف اولوب تفصیلی کتب سیر وتواریخده مسطوردر.

مجتہدین کرامدن «الامام ابو یوسف یعقوب بن ابراہیم بن حبيب بن سعد»

(نظم)

لقد زان البلاد ومن عليها امام المسلمين ابو حنيفة
 باحكام و آثار و فقهه كآيات الزبور على صحيفه
 فما في المشرقين له نظير ولا في مغربين ولا بكوفه
 بيت مشمرأ سهر الليالي وصام نهاره لله خيفه
 وصان لسانه عن كل افك وما زالت جوارحه عقيفه
 يعف عن المحارم والملاهي ومرضاة الاله له وظيفه
 فمن كآبي حنيفة في علاه امام للخليفة و الخليفه
 رأيت العائبين له سفاها خلاف الحق مع حجج ضعيفه
 وكيف يحل ان يؤذى فقيهه له في الارض آثار شريفه
 وقد قال ابن ادريس مقالاً صحيح النقل في حكم لطيفه
 بان الناس في فقهه عيال على فقه الامام ابى حنيفة

فلغنة ربنا اعداد رمل

على من ردّ قول ابى حنيفة

مجتهدين كرامدن «ابو عبد الله مالك بن انس بن مالك بن عامر الاصمعي» حضرتلرى
 هجرت نبويهنك (۹۰) ياخود (۹۳) ياخود (۹۴) ياخود (۹۵) سنه لرنده قدم نهاده عالم شهود
 اولوب (۱۷۸) وياخود (۱۷۹) سنه سنده مدينه منورهده ارتحال دارجانان بيورمشدر.
 مشاراليه حضرتلرى عالم مدينه اولوب بك چوق ذوات كرامدن اخذ علوم ايلش
 وبك چوق ذوات كرامه مأخذ علوم اولمشدر. علم حديث شريف ايله علم فقه شريفده
 امام اولوب علم ودينه مبالغه تعظيم ايدر ايدى. امام مالك حضرتلرينك مناقب جليله
 واحوال سنيهسى حد احصادن بيرون اولوب تفصيلي كتب سير و توارينجده مذكور
 ومسطوردر.

مجتهدين كرامدن «الامام ابو عبد الله محمد بن ادريس بن العباس بن عثمان بن الشافع

واصحابك ائرينه تبعيت ايتك لازم كلديكنى وپرروايته كوره ناس، قياس واستحسانده امام ابو حنيفه حضرتلرينك عيالى حكمنده اولديغنى بيان ايله مدح و ثنا بيورمش اولدقلىرى اكابردن «هارون بن سعيد» حضرتلى طرفدن مروى در .

امام مالك حضرتلرينك دخى امام اعظم ابو حنيفه حضرتلى حقهده بووجهله مدح و ثنا بيوردقلىرى امام واقدى حضرتلى طرفدن روايت اولنمش و امام مالك حضرتلرينك اكثر مسائلده امام اعظم ابو حنيفه حضرتلرينك قولنه اعتبار بيوردقلىرى دخى اكابردن اسحق بن محمد حضرتلى طرفدن ذكر و بيان بيورلمشدر .

كذلك امام شافعى حضرتلى امام اعظم ابو حنيفه رضى الله تعالى عنه حضرتلرينك ستايشلىرى بابنده علم مغازيده امام محمد بن اسحق حضرتلرينك و علم فقهده امام اعظم ابو حنيفه حضرتلرينك و علم نحوده امام كسائى حضرتلرينك و علم تفسير شريفده محمد بن مقاتل حضرتلرينك و علم شعرده «زهير» ك مقتدابه اولدقلىرى و علوم مذكورهده تبحر مراد ايدن كيسه ايجون ذوات مشاراليهم حضراتنه اقتدا ايتك لازم اولديغنى و امام اعظم ابو حنيفه حضرتلرينك كتب شريفه سنه نظر ايتيان كيسه نك علم فقهده متبحر اوله ميه جفى ذكر و بيان بيورمشدر .

امام اعظم ابو حنيفه رضى الله تعالى عنه حضرتلرينك التمش بيك (۶۰۰۰۰) مسائل شرعيه وضع بيورمش اولدقلىرى مروى اولديغى كى بش يوز بيك (۵۰۰۰۰۰) مسئله وضع و اجتهاد بيوردقلىرى دخى «الامام ابو بكر بن عتيق» حضرتلى طرفدن روايت اولنمش و خطيب خوارزمى حضرتلى دخى امام اعظم ابو حنيفه حضرتلرينك اوچ يوز بيك (۳۰۰۰۰۰) مسئله وضع و اجتهادينه موفق اولوب بو مقدار مسائلدن (۳۸۰۰۰) اوتوزسكر- بيك مسئله نك عبادته و مسائل متباقيه نك معاملاتنه متعلق اولديغنى و مسائل مذكوره نك وضع و اجتهادى ايله ناسك ضلالات و مشكلاتدن تخلص بيورلمش ايدوكنى بيان بيورمشدر .

الحاصل سلطان الائمة و المجتهدين و عارف اسرار المحققين خليل الرحمن ابو حنيفه بن النعمان رضى عنه المئان حضرتلرينك مناقب جليله سنه حد و پايان يوقدر . «ابن مبارك» حضرتلى طرفدن امام مشاراليه حضرتلرينك مدايحى بياننده انشاد بيوريلان نظم بليغ تبركا اشبو محله ثبت و تحرير اولندى .

وسراج الامه و فخر الأئمه «ابو حنیفه نعمان بن ثابت» رضی عنه الباری حضرت تلی در. مشارالیه حضرت تلیک مناقب جلیله و احوال مرضیه سی حد احصادن بیرون اولوب علمای کرام حضراتی جانبندن منقول اولان مناقب علیه سنک بعضیسی تبرکاً بو محله ذکر و بیان اولنور. امام اعظم «ابو حنیفه» حضرت تلیک زماناً و قدرماً و معرفه و علماً ائمه سائره اوزرینه تقدّم لری بین العلماء متفق علیه در. امام مشارالیه حضرت تلی بر روایت کوره هجرت نبویه نک (۸۰) نجی سنه سنده و بر روایت کوره (۶۱) نجی سنه سنده و امام مالک حضرت تلی دخی هجرت نبویه نک (۹۵) نجی سنه سنده زیور کهواره وجود اولمشدر. شو حالده امام مالک حضرت تلی متأخر در. كذلك امام شافعی حضرت تلی دخی روایت مشهوره کوره امام اعظم ابو حنیفه حضرت تلیک ارتحال دار نعیم بیوردق لری کونی زینده عالم شهود اولسیله امام مشارالیه حضرت تلیک دخی متأخر اولدق لری درکاردر.

امام اعظم ابو حنیفه حضرت تلیک شرفاً تقدّم لری امام مشارالیه حضرت تلی حقنده روایت بیوریلان حدیث شریف ایله ثابت در. فخر عالم صلی الله تعالی علیه وسلم حضرت تلی حدیث شریفنده امام مشارالیه قبل الوجود «سراج الامه» و «محیی الشرع» و «السابق» اوصافی ایله وصف بیورمش اولدق لرندن شو شرف، امام مشارالیه ائمه سائره اوزرینه ترجیح و تقدیمه دلیل کافی اولدینی علمای کرام حضراتی جانبندن بیان بیورلمشدر.

امام اعظم ابو حنیفه حضرت تلیک حائز اولدق لری شرفک بریمی دخی بین الأئمه مشارالیه نغیری تابعیندن برذات بولنامسی در.

«ابن الصلاح» حضرت تلیک ذکر و بیاننه کوره امام مالک حضرت تلی تبع تابعیندن در.

امام اعظم ابو حنیفه رضی الله تعالی عنه حضرت تلی ائمه سائره طرفندن لسان مدح و ثنا ایله یاد و تذکار بیورلمشدر.

امام شافعی علیه رحمة الباری حضرت تلی امام اعظم ابو حنیفه رضی الله تعالی عنه حضرت لرندن ائمه برذات ییلدیکنی و تفقه مراد ایدن کیسه ایچون مشارالیه حضرت تلیک

جمع ایتکله بر مذهب مخصوص اختیار ایدوب مسائل کثیره سنده امام مالک مخالفت ایشلدر.

امام مالک و شافعی رحمهما لله حضرتان سن صکره امام احمد بن حنبل رحمہ الله حضرتلری ظهور ایتمشدر که مشارالیه کبار محدثیندن اولوب اصحابی علم حدیثده حد کماله واصل و اصحاب ابی حنیفه دن اخذ و تلقی ایله کامل اولغله حنبلیلر دخی مذهب اخر اتخاذا ایتمشلدر. بناء علیه امصار اسلامده مذهبده تقلید، ذکر اولنان ائمه اربعیه مختص اولوب مقلدین سائر مذاهبی ترک ورد و ابواب خلافی سد و بند ایشلدر. زیرا علوم دینیده اصطلاحات کثیره و زبته اجتهاده و صوله مانع اسباب و فیره ظهور ایدرک مذهبی ناهل اولان و رأی موثوقه اولمان رجاله اسناددن خوف و خشیت حاصل اولوب اهل اسلام، اجتهاده عجز و اضطرابی تصریح و تقلیدناسی مذاهب اربعه اصحابی اولان ائمه دین وانلره تقلید ایدن علمای شرع مبین مذہبلرینه سوق ایله غیره تقلیددن منع ایدیلر. بوتقدیرجه ایوم محصول فقه شریف، مذاهب اربعه دن عبارت اولوب هر مقاد اقتدا ایلدیکی امامک مذهبی ایله عمل ایدرک بوندن غیری برشی قالماشدر بوسبیدن ناشی باب اجتهاد مسدوددر.

علمای کرام حضرتانی جانبندن ذکر و بیان بیورلدینی اوزره مذاهب اربعه بیننده احق و اولی اولان مذهب، «ابو حنیفه نعمان بن ثابت» حضرتلرینک مذهبی در.

امام اعظم و همام افخم «ابو حنیفه» حضرتلری اتقان [۱] و احکامده وجودت قریحه و علم احکامده قوت رأی و کتاب و سنته کثرت معرفت و صحت رأی و رویت ودها سائر خصائل سببی ایله ائمه سائره بیننده متمیز و متمیز برذات بی همال در. لکن فروعه معین بر مذهبه مقلد اولان کیمسه ایچون لایق اولان شیء کندو اختیار ایلدیکی مذہبک مذهب صواب اولسیله برابر خطا احتمالی دخی اولدیغنه و مذهب مخالفک خطا اولوب صواب اولمق احتماله دخی حکم ایلکدر. شوحال، لوازم ظنیه دن اولوب اعتقادیاتک خلافته ملابس در. اعتقادیاتده «یقین» طلب اولنور. چونکه اعتقادیاتک دلائلی، دلائل عقلیه یقینیه اولوب اعتقادیاتده مذہبک حق اولدیغنه جزماً حکم اولنور و مذهب مخالفک خطا اولدیغنه قطعاً حکم ایدیلور.

ائمه مذاهب اربعه نك اول و افضلی و اولوا و اعلاسی امام المسلمین و سید التابعین

[۱] اتقان، ادله یه علمتلی ایله کسب معرفت و قواعد کلیه بی جزئیاتی ایله ضبط ایلک و برروایت کوره شیئی یقیناً بیلک معناسنه در.

حضرت تری در که قطر حجازده مقام اجتهاده قائم اولوب احیاء معالم دین مبین ایلشدر . امام مشارالیه حضرت تری استنباط احکام شرعیده اهل مدینه نك عملنی دخی مأخذ اتخاذ ایدوب سائر ائمه اجتهاد عندنده معتبر ومرعی اولان اصول وادله دن ماعدا بومأخذ ایله عمل واجتهاده تفرد ایلشدر . زیرا «امام مالک» رأی، مدینه منوره نك دارالجمره ومعدن رسالت اولوب خلفای راشدین وعظمای اصحاب کزین رضوان الله تعالی علیهم اجمعین حضراتی انده ساکن اولغله اهل مدینه امور دینهده اتفاق ایتدکلی فعل وترکه سلفلرینه متابعت واقدا ایدوب سلسله اخذلی افعال واحوال نبویته مشاهده ومعاینه ایدن اصحاب کرامه منتهی اولسندن عبارت اولدینی جهته اهل مدینه نك فعل وعملی امام مالک عندنده اصول شرعیدن عد اولنشدر . اکثر ناس طرفدن «امام مالک» حضرت ترینك عمل اهل مدینه ایله استدلالی مسائل اجماعدن عد ایله رد وانکار اولنه رق دلیل اجماع، عامه امته شامل وعامه امت انکله عامل اولوب اهل مدینه یه مخصوص اولدینی بیان وبو وجهله امام مشارالیه حضرت ترینك اولباده کی رأینه دخل وتعرض اولنشدر . معلوم اولدینی اوزره اجماع شرعی ائمه مجتهدین حضراتنك عصر واحده بر امر دینی اوزرینه علی وجه الاجتهاد اتفاقلندن عبارت اولوب استنباط احکامده اصل ومناطق اولق اوزره اجماع واتفاق اولنشدر . امام مالک حضرت ترینك عمل اهل مدینه یه اعتباری رأی واجتهاده مبنی اجماع جهتیه اولیوب بلکه زمان بعث ورسالته منتهی اولنجه یه قدر اخلافك اسلافدن بالمشاهده اخذ واقتباس وعمللرینه اتباع واقتدرینه منتهی در . شو قدرکه مسئله مذکوره ایله اجماع شرعی میاننده مطلق اتفاقده مناسبت وموافق اولوب بونك باب اجماعده ذکر ی سائر ابوابدن یق وانسب اولغله مسئله مذکوره اصول مالکیده باب اجماعده ذکر وایراد اولنشدر . لکن اهل اجماعك اتفاقلی ادله شرعیده نظر ایله رأی واجتهاده مبنی اولوب اهل مدینه نك فعل وترکه اتفاقلی اخلافك اسلافه بالمشاهده اقتدرینه مبتنی در . مسئله مذکوره نك باب اجماعده ذکر اولنجیوب رسول اعظم صلی الله تعالی علیه وسلم حضرت ترینك فعل وتقریری بابنده ویاخود ادله مختلفه یه حاوی اولان ابوابده ذکر وایرادی انسب اولدینی علمای کرام حضراتی جانبندن بیان بیورلشدر .

معلوم اولدینی اوزره «امام مالک بن انس» رحمه الله حضرت لردن صکره «محمد بن ادریس المطلی الشافعی» رحمه الله حضرت تری بلاد عراقه رحلت و«امام ابوحنیفه» حضرت ترینك اصحابی ایله ملاقات ایدوب انلردن اخذ وتلقی وطریقت اهل حجاز ایله طریقت اهل عراقی

اصول و فروع احكامده بر مذهب ابتداع و برفقه اختراع ايدرك انكله تفرّد ايتمشلردر. اختراع ايتدكلرى رأى سخيف و فقه ضعيفى بعض اصحاب كرام حقنده واقع اولان سوء اعتقادلرينه و اماملرينك عصمت و نزاهتنه و قوللرينك صدق و صحتنه اولان اعتمادلرينه بنا ايتمشلر دركه جمله سى اصول و ايه درر. اشبو مذهب سخيف مثللو طائفه خوارج دخی شنوذ ايدوب جمهوره مخالفت ايتمشلردر. لكن عامه اهل اسلام، انلرك رأى و مذهبلرينه اعتبار ايتيوب بلكه دائره قدح و انكارى توسيع ايديلر. بوسبیدن ناشى انلرك مذاهب و ايه لرندن بر شى معروف اوليوب كلاملى دخی منقول و مروى دكلدر. شويله كه مذاهب شيعه و خوارجك انارى انجق موطنلرنده موجود اولوب اعتقاد و عمله متعلق كتابلى بلده لرنده موجوددر. بعدذا اهل ظاهر ك مذهبلى دخی اماملرينك اندراسى و جمهور اهل اسلامك ردّ و انكارى سببى ايله مندرس اولوب اثرلى انجق كتب مخلصه قديمده باقى قالمشدر. اكثرثا بظاليندن طائفه كثيره مذهب اهل ظاهره و قوف قصديه كتابلرينى مطالعه ايدرك مذهبلرينى اخذ و موجيله عمل ايتمه سعى و اهتمام ايتمشلر ايسده جمهور اهل اسلامك مختارى اولان مذاهب اربعهيه مخالفتدن غيرى برفاندينى منتج اوليوب بلكه تلقى على كتابلره حصر و معيّنندن اخذى ترك ايتلمى ايله اهل بدعتدن عدولتمشدر علمى اندلسدن «ابن حزم» حفظ حديثه على كعب ايكن بو مسلكه سالك اولوب كتب اهل ظاهرى مطالعهيه قيام و مذهبلرينه ميل تام ايدوب زعمى اوزره انلرك اقوالندن اجتهاد ايله تحصيل مهارت و امام اهل ظاهر اولان داوده بعض مسائلده مخالفت ايتلش و ائمه مسليندن چوق كيسهيه دخل و تعرض ايتمكله ناس دخی «ابن حزم» ه بغض ايدوب مذهبنى استهجان و انكار و كتابلرينى ترك و اغفال ايله تلقى ايتمشدر. حتى «ابن حزم» ك كتب مؤلفه سى اسواقده بيعدن منع اولنوب بعض احيانده حرق و تمزيق اولتمشدر. بو تقديرجه بلاد اسلامده جمله مذاهب، متروك و مرفوض اولوب انجق ديار عراقده اهل رأى و قطر حجازده اهل حديث مذهبى باقى قالمشدر.

اهل عراقك مذهبده متبوع و مقتدلرى امام اعظم و هام افخم «ابو حنيفه نمان بن ثابت الكوفى» حضرتلرى دركه ملكه فقهده مشاراليه حضرتلرينك منزل و مقامنه اعلام علمادن برفرد لاحق اوليوب اجتهاده احراز رتبه تقدم بيورمش اولديغنه اصحابى و خصوصا امام مالك و امام شافعى حضرتلرى شهادت بيورمشلردر.

اهل حجازك متبوع و مقتدلرى امام دارالهجره «مالك بن انس الاصمى»

ذکر اولنان امورک جملهٔ وقوعی ضروری اولوب خلاف ظهورینی اقتضا ایتکله سادات اسلاف وائمهٔ اخلاف میاننده اختلاف واقع اولمشدر. بوحالدن صکره دخی اصحاب کرامک مجموعی اهل فتوی اولدیغندن احکام دینیّه اصحاب کرامک جمله سندن اخذ اولنجیوب بلکه ایچلرندن قرآن مبینی حامل و ناسخ و منسوخ و محکم و متشابه و سائر وجوه قرآنیّه عارف اولان کبار اصحاب کرامدن اخذ اولمشدر. بومثللو اصحاب کرام دخی وجوه قرآنیّه واحکام ربانیّه بی بالذات مشکاة صدر نبوتدن یاخود رسول اکرم صلی الله تعالی علیه وسلم حضرتلرندن استماع ایدن عظمای اصحابدن اخذ و تلقی بیورمشلدر. بو سبیدن ناشی ذوات مشارالیهم حضراتی قرآسی ایله تسمیه اولنوب قرآن مبینی قرائت ایله کسب امتیاز و اختصاص ایشلردر. زیرا طائفهٔ عرب فی الاصل قرائت و کتابدن عاری امت ایمیّه اولوب قرائت و کتابت کندی بینلرنده غریب و عجیب اولغله علمای اصحابه قرآ اطلاق ایدرک صدر نبوتده علمای اصحاب بو اسم ایله موسوم و معروف اولمشلدر. ممارسهٔ کتابت ایله طائفهٔ عربدن امیت زائل و استنباط احکامه قدرت و قفاهته مکتت حاصل اوله رق فقه شریف علم و صنعت اولدقده احکام فقهه علم اولان رجال کرامه قرآ رینه «فقهها» و «علمها» اسمی تعیین اولمشدر.

علم فقه بین الفقها ایکی طریقه منقسم اولوب (طریقهٔ اولی) طریقهٔ اهل رأی و قیاس درکه انلر اهل عراقدر. (طریقهٔ ثانیه) طریقهٔ اهل حدیث درکه انلر اهل حجازدر. اهل عراق عندنده تصحیح اسناد، شروط کثیره ایله مشروط اولغله انلرده روایت حدیث قلیل اولوب احکام شرعیّه ای اکثریا قیاسدن اقتباس ایدرک انده ماهر اولملریله انلره اهل رأی اطلاق اولمشدر. اهل رأی و قیاسک پیشوا و مقتدری امام اعظم و همام افخم «ابو حنیفه نهمان بن ثابت الکوفی» و امام اهل حجاز «مالک بن انس» حضراتی اولوب بعده «محمد بن ادريس الشافعی» حضرتلریدر. بونندن صکره طریق قیاس ایله اقتباس احکامی علمادن بر طائفهٔ ردّ و انکار ایدوب انکله عمل و احتجاجی ابطال ایتمشلدر. اشبو طائفه، فرقهٔ ظاهریه درکه مسالک شرعی، نصوص و اجماعه حصر و قیاس جلیبی و علت منصوصه بی نصّه رد ایلوب «علت اوزرینه تنصیص، جمیع مواضعده حکم اوزرینه تنصیصدر» دیدیلر. مذهب ظاهرینک امامی «داود بن علی» و ولدی ایله انلرک اصحابیدر. اشبو مذاهب ثلثه «مذهب حنفی» و «مذهب شافعی» و «مذهب داودی» درکه بین الاثمه مشتهر اولان مذاهب جمهور اولوب عامهٔ اهل اسلام، مذاهب مذکوره اصحابنه تقلید ایتمشدر. لکن اهل بیت نبوت

فقيه اولان ذاتک اجر و مثنوباتی محدث اولان ذاتک اجر و مثنوباتندن اقل دکلدرد .
 فقه شریفی « عبدالله بن مسعود » رضی الله تعالی عنه حضرتلری زرع بیورمش
 و « حضرت علقمه » اسقا و « ابراهیم نخعی حضرتلری » حصاد ایلمش و « حماد بن مسلم الکوفی »
 حضرتلری تنقیح و توضیحیه صرف اجتهاد ایتمش و امام الامه و سراج الملة « ابو حنیفة النعمان »
 حضرتلری طحیح یعنی اکثار اصول و تفریح فروع بیورمش و تلید امام اعظم « ابو یوسف
 یعقوب بن ابراهیم قاضی القضاة » حضرتلری دخی امام اعظم و هام افخم حضرتلرینک
 قواعد و اصولنی تدقیق ایله تزیید فروعاته صرف عنایت ایلمش و « الامام محمد
 بن الحسن الشیبانی » حضرتلری دخی فقه شریفی خبز حاله کتورمش و سائر ناس دخی
 مشارالیه هم حضرتانک محصول سعی و اجتهادلری اولان احکام شرعیہی حاضر بوله رق
 اندن انتفاع و تناول ایلمشدر .

(نظم)

الفقه زرع ابن مسعود و علقمة حصانه ثم ابراهیم دوّاس
 نعمان طاحنه یعقوب عاجنه محمد خابز و الآکل الناس

علمای کرام حضراتی جانبندن ذکر و بیان بیورلدیغی اوزره علمای سلف ؛
 احکام شرعیہی ادله اربعه دن استنباط و استخراجده بذل مجهود ایلوب لکن داعیه
 ضرورت ایله بنسرنده اختلافات کثیره واقع اولمشدر . زیرا ادله شرعیہنک غالبی
 نص قرآن و حدیث اولوب انلر دخی لسان عرب اوزره نازل و وارد اولسندن
 و الفاظ عربیه ، معانی و فیریهی و خصوصیه احکام شرعیہدن اشیا کثیریهی اقتضا
 ایتمسندن ناشی بین العلمای خلاف و قوعی معروف اولمغله بو حال مجتهدین کرامک
 اختلافلرینی ایجاب ایلمشدر . بوندن بشقه سنت و حدیثک مشکلات صدر نبوتدن صدور
 و نبوتنده طریقلری مختلف و اکثرینک احکامی بحسب الظاهر متعارض اولوب ترجیحیه
 محتاج و اسباب ترجیح دخی بین العلمای مختلف فیهدر . كذلك نصوص قرآنیه و احادیث
 نبویهنک غیری ادله شرعیده دخی اختلاف اولمغله ائمّه اجتهادک رأیلری مختلف اولمشدر .
 ینه حوادث یومیه و وقایع متجددهنک جمیع احکامی « کتاب » و « سنت » ده منصوص
 اولمغله نصوصده داخل اولمان احکام ایله حکم منصوص میاننده عللده مناسبت و مشابہت
 اعتبار اولوب اول مشابہت و مناسبت بناء حکم غیر منصوص ؛ منصوصه حمل ایلمشدر .

طبیك نبض ایله صحت ومرضدن استدلال ایتسی کیدر. اگر مختم اولان کسنه جناب حقاك قضا و قدرینی اعتقاد ایتدیکی وبنفسه غیبی ادعا ایلدیکی حالده کافر اولور. بعدذا علم نجومك مواقیت صلوة ایله قبله تعیین اولنه بیله جك مقداری تعینده بأس اولدیغی بو مقداردن زیاده سنك تعلمی حرام اولدیغی و شو جواز و حرمت قیدی علم نجومك حسابی قسمنده اولیوب استدلالی قسمنه تعلق ایلدیکی علمای کرام حضراتی طرفندن بیان بیورلمشدر.

(علم رمل)، «علم بضروب اشكال من الخطوط والنقط بقواعد معلومة تخرج حروفا تجمع ويستخرج جملة دالة على عواقب الامور» تعریفی ایله معرف اولوب قطعاً حرام در. «فتاوی ابن حجر» ده علم مذکورك تعلیم و تعلمی شدیداً حرام اولدیغی بیان بیورلمشدر.

(علم طبیعی)، «علم یبحث فیہ عن احوال الجسم المحسوس من حیث هو معرض للتغیر فی الاحوال والنبات فیها» تعریفی ایله معرف اولوب «فتاوی ابن حجر» ده بیان بیورلدیغی اوزره علم طبیعیدن طریق فلاسفه اوزره اولان مسائل حرام در. چونکه او مسائل، قدم عالمه اعتقاد و سائر کبی مفسده مؤدی در و علم طبیعی جهتنده اولان حرمت، علم نجومك حرمتنه مشابهدر. هر ایکسینده علت حرمت، مفسده مؤدی اولمقدن عبارتدر.

(علم سحر)، «علم یستفاد منه حصول ملكة نفسانية یقتدر بها علی افعال غریبة لاسباب خفیة» تعریفی ایله معرف در. بو علمك تعلیم و تعلمی حرام در.

(علم كهانت)، «هی تعاطی الخبر عن الكائنات فی المستقبل و ادعاء معرفة الاسرار» تعریفی ایله معرف و علم مذکور حرام در.

(علم حرف و موسیقی) دخی تعلمی حرام اولان قسمندر. (علم حرف) دن مراد، «علم الكاف» اولوب اوده کییایه اشارت اولدیغی محتملدر. کییایه ضیاع مال و فائده سز شی ایله اشتغال اولدیغی جهته حرمتنه شبهه یوقدر. «علم حرف» دن مراد، علم طلسمات و سائر کبی علمره اشارت اولمق احتماللری دخی علمای کرام حضراتی طرفندن ذکر و بیان بیورلمشدر.

(مکروه) اولان علم، شرعاً حرام و مکروه اولان الفاظی جامع اشعار و هجودر.

(مباح) اولان علم، شرعاً غیر ممنوع الفاظ ایله انشاد اولنان شعر در.

فقه شریف، حدیث شریفك ثمره و نتیجه سیدر.

(حرام) اولان علملر، علم فلسفه، علم شعبه [۱]، علم تنجیم، علم رمل، علوم طبیعیه، علم سحر، علم کهانت در.

(فلسفه) لفظی، یونانی اولوب بونک عربیسی «الحکم المموّه» یعنی «مزینة الظاهر فاسدة الباطن» دیمکدر. بونک مثالی، فلاسفه‌نک قدم علله قائل اولملری و بونک غیری مکفّرات و محرّمات کبی در. «احیاء علوم» اسمی ایله مسمی اولان کتابده ذکر و بیان بیوردلینی اوزره فلسفه، رأساً علم اولیوب بلکه اجزاء اربعه‌دن عبارت اولور. (جزء اول) هندسه و حساب در. اشبو علملر مباح اولوب بوندن هرکیم اولور ایسه اولسون منع اولنمز. الا حساب و هندسه علملرندن فلسفه‌نک مذموم اولان علملرینه تجاوز ایتسندن خوف اولنان کیسه منع اولنور. (جزء ثانی) علم منطق در. بو علم، وجه دلیلدن و شروطندن و وجه حدّ و شروطندن بحث ایدر. بونلر علم کلامده داخلدر. (جزء ثالث) الّهیات در. علم مذکور، جناب حقک ذات و صفاتندن بحث ایدر. الّهیات بحثنده مذاهب فلسفه‌نک بعضیسی کفر و بعضیسی بدعت در. (جزء رابع) طبیعیات در. اشبو قسم رابعک بعضیسی شرعشریفه مخالفدر. بعضیسی اجسامدن و خواصندن و کیفیت استحاله‌سی ایله تغیرندن باحث اولوب بو حال، نظر اطبایه شبیه‌در. چونکه طیب، بدن انسانده مرض و صحت حیثیتی ایله نظر ایلدیکی کبی فلاسفه دخی جمیع اجسامده تغیر و تحرک حیثیتی ایله نظر ایدر. لکن طب ایچون طبیعیات اوزرینه فضل و رجحان واردر. چونکه طب ایچون احتیاج بدیهی اولوب طبیعیاتده فلاسفه‌نک علملرینه حاجت یوقدر.

(علم تنجیم)، «علم يعرف به الاستدلال بالتشکلات الفلکیة علی الحوادث السفلیة» ایله تعریف اولنمیشدر. یعنی علم تنجیم تشکلات فلکیه ایله حوادث سفلیه اوزرینه استدلاله کسب معرفتدن عبارتدر. حوادث سفلیه‌دن مراد، حوادث دنیا دیمکدر. فقهای کرام حضراتی طرفندن بیان بیوردلینی اوزره علم نجوم، فی نفسه حسن اولوب غیر مذمومدر. چونکه علم مذکور، ایکی قسمدر. بریسی (حسابی) و دیگری (استدلالی) در. (حسابی) اولان نجوم، حق اولوب بوصورت قرآن کریمده شرفوارد اولمشدر. قال الله تعالی «الشمس والقمر بحسبان» ای سیرها بحسبان» ایله مفسردر. (استدلالی) اولان نجوم، سیر نجوم و حرکت افلاک ایله حوادث اوزرینه الله تعالی حضرتلرینک قضا و قدرینه استدلال اولوب بوده جائزدر. بو استدلال، [۱] شعبه لفظنده صواب اولان صورت، «شعوزده» در. (شعوزده)، خفیه الید معناسه در سحر کبی. یعنی برشیدک حال اصلینک غیری حال ایله کورلمسندن عبارتدر.

معلوم اولدینی اوزره علومک تعلی یا «فرض عین» و یا «فرض کفایه» و یا «مندوب» و یا خود «حرام» و یا «مکروه» و یا «مباح» در.

(فرض عین) اولان علملر، فرائض اسلامدن انسانک دیناً و عملاً محتاج اولدینی علملردن عبارتدر. انسانک دیناً محتاج اولدینی علملر «مسائل اعتقادیه» در. عملاً محتاج اولدینی علملر، «وضو» و «غسل» و «صلوة» و «صوم» و «زکاة» و «حج» و «بیوع» و سایر علوم ضروریه در.

(فرض کفایه) اولان، اول علملردرکه امور دنیانک قوامنده او علملردن استغنا حاصل اولیوب آنلرک تعلی فرض کفایه در. او قییلدن اولان علملر، علم طب، علم حساب، علم نحو، علم لغت، علم کلام، علم قرآت، علم اسانید احادیث، قسمت وصایا و مواریث، کتابت، معانی، بدیع، بیان، اصول، معرفت ناسخ و منسوخ، علم انار و اخبار، اصول صناعات و فلاحت و سایر امثالی علملردر. فرض عین، فرض کفایه دن افضل در، چونکه فرض عین، نفس ایچون حقاً مفروض اولغله اهم و مشقّتاً اکثردر. بوحال، فرض کفایه تک خلافتنه ملابس در. چونکه فرض کفایه، کافّة مفروض در. هر بر امرکه عمومی در، اخف اولور. هر بر امرکه خصوصی در، اثقل اولور. بعض قوله کوره فرض کفایه افضل در. چونکه فرض کفایه نك فعلی امتدن باسرها خرج و مشقتی اسقاط ایدر. فرض کفایه نك ترکی ایله بلدهده متمکن اولان کافّة ناس عاصی اولور. شو حال، فرض کفایه نك مهم اولدیغنده شك اولدیغنه دلالت ایدر ایسهده معتمد اولان صورت، فرض عینک فرض کفایه دن افضل اولسیدر.

(مندوب)، لغته سوکیلو و مستحسن مغالرینه در. عندالفقها «هو الفعل الذی یکون راجحاً علی ترکّه فی نظر الشارع و یکون ترکّه جائزاً» تعریفی ایله معرف در. علمده مندوب اولان فقهده و علم قلبده تبحر ایتمکدن عبارتدر. «تبحر» ک معناسی علم فقه شریفده توسع و علم فقهک مسائل غامضه سنه اطلاع کسب ایتمکدر. سایر علوم شرعیده تبحر دخی اوقییلدندر. «علم قلب»، علم اخلاق دیمکدر. علم اخلاق، «علم یعرف به انواع الفضائل و کیفیة اکتسابها و انواع الرذائل و کیفیة اجتنابها» تعریفی ایله معرف در. یعنی علم اخلاق، بر علم درکه انکله فضائل انسانیه نك انواعی و اوفضائلک کیفیت اکتسابی و رذائلک انواعی ایله رذائلدن اجتنابک کیفیتی معلوم اولور.

فقهده تالیف بیورمش اولدقلری کتب شریفه علم مذکورک کتب معتبره ونفیسه سندن اولوب علمای کرام حضراتی طرفلرندن کتب مذکوره اوزرینه پک چوق شرح وحاشیه لر تحریرینه بذل نقدینه عاطفت بیورلمشدر . رحیم الله



[علم فقه]

(فقه) ، لغتده « العلم بالشی » یعنی شیئه علم معناسنه در . اصولین اصطلاحدنه ادله تفصیلیه دن مکتسب اولان احکام شرعیه فرعیه علم معناسنه در . عند الفقهاء حفظ الفروع معناسنه در . اهل حقیقت عندنده علم ایله عمل بیننی جمع ایتمکدن عبارتدر .

(موضوع) علم فقهک موضوعی ، فعل مکلفدر .

(غایت) ، علم فقهک غایتی فوز سعادت داریندر .

علم فقه ، « کتاب » و « سنت » و « اجماع » و « قیاس » دن استمداد ایدر .

علم فقهک فضل و شرفی سائر علملردن کثیر وشهیر اولدینی فقهای کرام حضراتی نزدنده متفق علیه در .

(نظم)

اذا ما اعتزذ و علم بعلم فعل الفقه اولی باعتراز

فکم طیب یفوح ولا کمسک و کم طیر یطیر ولا کباز

« ومن یؤت الحکمة فقد اؤتی خیرا کثیرا » آیت کریمه سنده کی « حکمة »

کلمه شریفه سنک ارباب تفسیر عندنده « علم فروع » یعنی « علم فقه » ایله مقتر اولسی حسیله علم فقه شریفک مظهر مدح خدا اولدینی علمای کرام حضراتی جانبندن بیان بیورلمشدر .

(نظم)

و خیر علوم علم فقه لانه یكون الى کل العلوم توسلا

فان فقها واحدا متورعا علی الف ذی زهد تفضل واعتلی

مروی در. مشارالیه «ابوالیسر» حضرت تری مناقب جلیله و فضائل کثیره اصحابندن ایدی. تاریخ هجرت نبویه نك (۴۲۱) نجی سنه سنده زیور بزم شهود اولوب (۴۹۳) نجی سنه سنده بخاراده عازم کلشنسرای جان اولمشدر.

علم اصول فقهده اکابر مؤلفین کرامدن بر ذات حمیده صفات دخی «شمس الأئمّه» محمد بن احمد بن ابی سهل ابو بکر السرخسی «حضرت تری در. تاریخ هجرت نبویه نك (۵۰۰) نجی سنه سی حدودنده ارتحال دارنیم بیورمشدر.

علم اصول فقهده اکابر مؤلفین کرامدن بر ذات ستوده صفات دخی «المولی» ابوالعباس احمد بن علی بن ثعلب بن ضیا مظفرالدین بن الساعاقی البغدادی «حضرت تری در. تاریخ هجرت نك (۶۸۳) وبرروایته کوره (۶۸۲) نجی سنه سنده عازم کلزار جان اولمشدر.

علم اصول فقهده افخم مؤلفین کرامدن بر ذات جلیل القدر دخی «المولی عبدالله بن احمد بن محمود ابو البرکات حافظ الدین النسفی» حضرت تری در.

علم اصول فقهده اعظم مؤلفین کرامدن بر ذات عالیقدر دخی «عمر بن محمد بن عمر الشیخ جلال الدین الحلبازی» حضرت تری در. تاریخ هجرت نك (۶۹۱) نجی سنه سنده ارتحال داربقا بیورمشدر.

علم اصول فقهده اکابر مؤلفین کرامدن بر ذات معالی سمات دخی «ابو عبدالله محمد بن محمد بن عمر حسام الدین الاخسیکتی» [۱] حضرت تری در. تاریخ هجرت نبویه نك (۶۴۴) نجی سنه سنده ارتحال دار جان بیورمشدر.

اعاظم فقهای کرامدن «امام ارموی» و «امام فخرالدین الرازی» و «المولی الفاضل صدر الشریعه عالم محقق و حبر مدقق عبیدالله بن مسعود بن محمود بن عبیدالله بن محمود صدر الدین محبوبی» و «المولی العالم العامل و الفاضل الکامل شمس الدین الفناری» و «قاضی بیضاوی» و «المولی محمد بن فرامرز بن خواجه علی الشهیر بمولانا خسرو» حضرتای دخی علم اصول فقهده تألیفات نفیسه و معتبره اصحاب ذوی الاحترامندن در.

بالاده اسامی شریفه سی ذکر و بیان اولنان ذوات معالی سمات حضرت نك علم اصول

[۱] اخسیکت، خای معجمه دن صکره سین مهمله و اخرنده های مثله ایله ماوراء النهرده برقریه نك اسمی در.

مساوات معناسه دخی کلور. جمعی اقیسه در. بر روایت کوره اصل قیاس (سبق) در. شرعه «القیاس عبارة عن المعنى المستنبط من النص لتعدية الحكم من المنصوص عليه الى غيره وهو الجمع بين الاصل والفرع في الحكم» تعریفی ایله معرف در. یعنی قیاس، حکمک منصوص علیهدن غیریه تعدیبسی ایچون «نص» دن مستنبط اولان معاندن عبارتدرکه حکمده اصل ایله فرع یبنی جمع ایتمکدر.

(نص)، نونک قحی و صادق تشیدی ایله لغتده دلیل و خبر و ظهور معالرینه در. جمعی «نصوص» و «نصاص» کلور. اصطلاحده معنای واحدنن غیریه معنایه احتمالی اولیان و بر روایت کوره تأویلده احتمالی اولیان لفظدن عبارتدر.

علم اصول فقهده اکابر مؤلفیندن بر ذات عالیقدر «احمد بن علی ابوبکر الرازی» علیه رحمة الباری حضرتلری در. مشارالیه حضرتلری تاریخ هجرت نبویه نك (۳۰۵) نجی سنه سنده زیور مهد وجود اولوب (۳۷۰) نجی سنه سنده بغدادده ارتحال دارجنان بیورمشدر.

علم اصول فقهده اکابر مؤلفین کرامدن بر ذات معالی سمات دخی «عبدالله بن عمر بن عیسی ابو زید الدبوسی» [۱] حضرتلری در. مشارالیه حضرتلری هجرت نبویه نك (۴۳۰) نجی سنه سنده بخاراده عازم کلشنسرای جنان اولمشدر.

علم اصول فقهده اکابر مؤلفین کرامدن بر ذات ستوده صفات دخی «علی بن محمد بن الحسین بن عبدالکریم بن موسی بن عیسی بن مجاهد ابوالحسن فخر الاسلام البزدوی» در. مشارالیه حضرتلری تاریخ هجرت نبویه نك (۴۰۰) سنه سی حدودنده قدم زن مهد وجود اولوب (۴۸۲) نجی سنه سنده ارتحال دار نعیم بیورمشدر.

علم اصول فقهده اکابر مصنفین کرامدن بر ذات جلیل الصفات دخی فخر الاسلام البزدوی حضرتلرینک «ابوالیسر» دیمکله معروف اولان برادر مکرملری «محمد بن محمد بن الحسین بن عبدالکریم ابوالیسر البزدوی» حضرتلری در. مشارالیه حضرتلرینک تصانیف معتبره سنده یسر و سهولت اولمق حسبله «ابوالیسر» دیمکله شهرت شعار اولدینی و فخر الاسلام حضرتلرینک دخی تصانیفنده عسرت اولمق حسبله «ابوالیسر» دیمکله اشتهار ایلدیکی

[۱] دبوسی، دبوسه منسوب دیمکدر. (دبوسه)، دال حرفنک قحه حرکتی و با حرفنک ضمی ایله بخارا ایله سمرقند یبندده برقریه نك اسمی در.

(مبادی)، علم اصول فقهک مبادیسی علوم عربیه ایله بعض علوم شرعیه و عقلیه دن مأخوذدر.

(غرض)، علم اصول فقهک غرضی ادله اربعه دن احکام شرعیه نك صورت استنباطنه تحصیل ملکه ایتمکدر. ادله اربعه (کتاب)، (سنت)، (اجماع)، (قیاس) در.

(فائده)، علم اصول فقهک فائده سی علی وجه الصحه احکام شرعیه یی استنباط ایتمکدر.

(کتاب) لفظ شریفدن مراد، قرآن عظیم الشان در. لفظ مذکورک ذکر، علم تفسیر شریف مجتهد قرآن کریمک بیان اسمی جلیله سی صره سنده گذران ایتمشدر.

(سنت)، لغته طریقت معنا سنهدر. کرم مرضی اولسون و کرم غیر مرضی اولسون.

شرعه فرض و واجب اولیه رق طریقه مسلوه کدر. سنت احیاناً مع الترك رسول اعظم

صلی الله تعالی علیه و سلم حضرتلرینک مواظبت بیوردقلری عادت حسنه در. اگر مواظبت

مذکوره، عبادت طریقیله اولور ایسه (سنن هدی) در. اگر عادت طریقیله اولور ایسه

(سنن زوائد) در. (سنن هدی) اقامتی تکمیل دین ایچون اولان سنت اولوب ترکنده

کراهت ویا اسائت وارددر. (سنن زوائد)، اول بر سنت درکه انک اقامتی حسناندن اولوب

ترکنده کراهت و اسائت یوقدر. سنن زوائد رسول اکرم صلی الله تعالی علیه و سلم حضرتلرینک

قیام و قعودنده و لباس و اکنده اولان عادت سنیه لری کبی در.

(اجماع)، لغته عزم و اتفاق معنا سنهدر. اصطلاحده امت محمدیه علیه الصلوة والسلامدن

اولان مجتهدینک برعصرده دینه منسوب اولان امر اوزرینه اتفاقی در. دیگر برتعریفه کوره

جماعت اهل حل و عقددن بر جماعتک بر امر اوزرینه عزم تام ایتمسندن عبارتدر.

(اجماع مرکب)، مأخذده اختلاف ایله برابر حکمه اتفاقدن عبارتدر. لکن ایکی مأخذدن

بریسنک فسادی ایله حکم مختلفیه اولور. بونک مثالی «قی» ایله «مس» ک معاً وجودنده

انتقاض طهارت اوزرینه اجماعک انعقاد ایتمسیدر لکن مأخذ انتقاض، عندالحنفیه «قی»

و عندالشافعیه «مس» در. «قی» ک ناقض طهارت اولماسی فرض و تقدیر اولنسه عندالحنفیه

انتقاض ایله حکم اولنمز و اولحاله اجماع باقی اولمز. کذلک «مس» ک ناقض طهارت اولماسی

فرض و تقدیر اولنسه عندالشافعیه انتقاض ایله حکم اولنمز و اولحاله کذلک اجماع باقی اولمز.

(قیاس)، قافک کسری ایله لغته بر شیئی اخر شی ایله تقدیر ایتمک معنا سنهدر.

اسمه (اصل) اولان ثبوت اوزرینه دلالت در کرک صفت اولسون عالم کبی و کرک صفتک غیری اولسون غلام کبی. اما تجدد اوزرینه دلالت، صفاتده امر عارضی در. اسم اشارتده (اصل) اولان، محسوس مشاهده اشارتدر کرک قریب اولسون و کرک بعید اولسون .

افعالده (اصل) اولان تصرف در .

عواملدن عاری اولان اسماده (اصل) اولان، سکون اوزرینه وقف در.

تعریفده (اصل) اولان عهددر .

صفاتده (اصل) اولان توضع و تخصیص در.

وصفده (اصل) اولان تمیزدر .

رفعده (اصل) اولان فاعل اولمقدر .

مبتداده (اصل) اولان معرفه در.

خبرده (اصل) اولان افراددر .

عملده (اصل) اولان فعل در.

جوابده (اصل) اولان سؤاله مشاکله و ممانله در.

اسمه (اصل) اولان اعرابدر .

فعلده (اصل) اولان بنادر .

جمله لرده (اصل) اولان جمله فعلیه در.

مثناده (اصل) اولان معرب اولمقدر .

خبرده (اصل) اولان مبتدادن متأخر اولمقدر .

عاملده (اصل) اولان معمول اوزرینه تقدم ایتمکدر .

حروف قسمده (اصل) اولان با حرفی در.

تشبیهده (اصل) اولان مشبه در.

(علم اصول فقه)، علوم شرعیهدن اولوب ادله اجمالیه یقینهدن احکام شرعیه فرعیه نك صورت استنباط و استخراجدن باحثدر.

(موضوع)، علم اصول فقهك موضوعی احکام شرعیه نك کیفیت استنباطی حیثیتی

ایله ادله شرعیه کلیه در.

بیت

(۲۹)

﴿ علم اصول فقه ﴾

(اصول)، اصل لفظك جمعى در.

(اصل)، «اسفل الشئ» معناسنه در. مرجوحه نسبتاً راجحه دخى (اصل) اطلاق اولنور.

جزئیاتنه شامل ومنطبق اولان قانون وقاعدهیه (اصل) اطلاق اولنور.

مدلوله نسبتله دلیله (اصل) اطلاق اولنور.

«الاصل على ما بینى علیه غیره» تعریفی ایله دخى معرف در.

(اصل)، محتاج الیه معناسنه دخى کلور نته کیم حیوانده اصل اولان غدادر دینور.

اولی واحری اولان شیئه دخى (اصل) اطلاق اولنور نته کیم انسانده اصل اولان علم در دینور که علم، جهلدن اولا واحراردر معناسنی متضمن در.

متفرع علیه دخى (اصل) تسمیه اولنور فرزنده نسبتله پدر کبی.

حالت قدیمیه دخى (اصل) اطلاق اولنور نته کیم اشیاده اصل اولان اباحه وطهارت در دینلور.

اشیاده (اصل) اولان، عدم در چونکه عدم، اشیاده وجود اوزرینه مقدم در.

کلامده (اصل) اولان حقیقت در.

مسببک سببه مبتنی ومحتاج اولسی جهتیله سبب دخى (اصل) در.

دینده (اصل) اولان توحید در.

«الاصل بقاء الشئ على ما كان» عبارده سی ایله دخى تعریف اولنور که بر شینک بولندیفی حال اوزره بقاسی (اصل) در دیمکدر.

اسماده (اصل) اولان تنکیردر. یعنی نکره اولمقدر.

شرعیاتده (اصل) اولان برائت ذمت در.

(۶۵)

وَأَنى الدَّهْرَ ادْعُو كُنْهَ وَسْمى
لَمَنَ بِالْخَيْرِ يَوْمًا قَدْ دَعَا لى

(مأل بیت)

برکیمه بنم ایجون برکون که مراد بروقت در دعای خیر ایدر ایسه مدت عمر مده
نهایت قدرتمی انک خیر دعاسنده صرف افراغ ایدرم.

فَرَجُوا مِن اللّٰهِ الْعَمِيمِ الْمَرَّاحِمِ الْبَسِيطِ الْمَكَارِمِ اِنْ يَعْفُو عَنَّا وَعَنِ النَّظَامِ
وَيَرْحَمُنَا وَيَرْحَمِهِ وَيَرْحَمُ آبَاؤَنَا وَاُمَّهَاتَنَا وَمَشَايِخَنَا وَاَحِبَّائَنَا وَجَمِيعِ الْمُؤْمِنِ
بِحَرَمَةِ رَسُوْلِهِ الْاَمِيْنِ وَلِلّٰهِ الْحَمْدُ اَوَّلًا وَاٰخِرًا



(۶۳)

وکونوا عون هذا العبد دهرًا بذكر الخیر فی حال ابتہال
[۱] [۲] [۳] [۴]

(مأل بیت)

درگاه آلهی به حضور و خضوع ایله متوجه اولدیغیز و قتلرده اشبو منظومه نیک
سبب نظمی اولان عید ضعیفه ذکر بالخیر واستغفار ایله اعانه ایلیه سکر.

(۶۴)

لعل الله یعفوه بفضل و یعطیه السعادة فی المأل
[۵]

(مأل بیت)

مرجو و مسئول درکه دعای خیر کز برکاتی ایله حق جل و تعالی بو عید حقیرک
سیناتی فضل و کرمی ایله عفو ایدوب اخرتده فوز عظیم اولان دیدار شریفی ایله
مظهر سعادت ابدیه ایلیه.

[۱] کونوا، کون کله سندن فعل امر در .
[۲] عون، معین معنانه در .

[۳] دهر، اگر معرف اولور ایسه ابد و مدة العمر معنانه در و منکر یعنی نکره اوله رق
استعمال اولنور ایسه زماندن بر قطعه به اطلاق اولنور . امامین یعنی امام محمد و امام یوسف
رضی الله تعالی عنهما حضراتی عندنده دهر، منکر اولور ایسه «حین» معنانه اولوب «حین» مقامنه قائم
اولور دیو بیور مشلدره . «حین» لفظی معرفاً و منکرأ التي ماه مدته اطلاق اولنور بو محل، اعدل
و اوسط محامل اولتی حسیله در . یوقسه بعضا وقت صلوة کبی مدت قصیره ده دخی استعمال اولنور .
بعض علمای کرام حضراتی طرفندن دهر کله سنک «اسماء حسنی» جمله سندن اولدیغی بیان بیورلمشدره .
[۴] ابتہال تضرع معنانه در .

[۵] مال، اول لفظندن اسم مکان اولوب مرجع معنانه در . نظم مذکورده مأل لفظندن

«اخرت» مراد اولنور .

(۶۱)

یسلی القلب کالبشری بروح ویحی الروح کالماء الزلال
[۱] [۲] [۳] [۴] [۵]

(مأل بیت)

اشبو منظومه غرا قلوب اهل ایمانی مژده عظیم کبی ایراث طرب وراحت ایله
متسلی و منبسط ایدوب مانند آب زلال روحک حیات ابدیه سنه وسیله اولور.

(۶۲)

فخو ضوافیه حفظا و اعتقادا تنالوا جنس اصناف المنال
[۶] [۷]

(مأل بیت)

اشبو منظومه غرائک مطالعه سی ایله اکتفا ایتوب بلکه ازبر و اعتقادینه همت
اولتق لازمدرکه انواع الطاف ربانیه و اصناف اعطاف صمدانیه به نائلت میسر اولسون.

[۱] یسلی، تسلیه دن فعل مستقبل دره. تسلیه، کشف و تجلیه معناسنه دره.
[۲] قلبکه، فارسیده دل و ترکیده کوکل تعبیر اولنور، مقلوبیت و قابلیت و سرعت خواطر و تلون
سببی ایله متقلب اولدیفی ایچون قلب لفظی ایله تسمیه اولنمشدر صدرک یسارنده مودوع صنوبری الشكل
مضعه در انکله قائم اولان لطیفه ربانیه که بصیرت لفظی ایله تعبیر اولنور قلب دخی اطلاق اولنور
« لایسعی ارضی و سمانی و لکن یسعی قلب عبیدی المؤمن التقی الوراع » حدیث قدسیسی موجبجه
طرف حقدن « سعه » ایله موصوف اولان اشیاک اعظیمدر و نفس انسانی به متعلق روح حیوانی تک
معدنی در حکما اکا نفس باطنه و روح باطنه اطلاق ایدرلر بعض محققین طرفندن قلبک یدی
طبقه سی اولدیفی بیان بیورلمشدر. طبقه اولی (صدر) درکه محل وسواسدر. طبقه ثانیه (قلب) درکه
محل ایمان دره. طبقه ثالثه (شغاف) درکه محل محبت خلق دره. طبقه رابعه (فواد) درکه محل رؤیت
حق دره. طبقه خامسه (حبه القلب) درکه محل محبت حق دره. طبقه سادسه (سویدا) درکه محل علوم
دینیهدر. طبقه سابعه (هجه) درکه محل تجلی صفات دره.
[۳] روح، را حرفنک قحقی ایله راحت معناسنه دره.
[۴] روح، را حرفنک ضمی ایله حیات معناسنه دره.
[۵] زلال، قطعا متغیر اولیان عذب و صافی صویه دینور. ناظم علیه الرحمه اشبو منظومه سنی
قلوب جاهلیه دفع عطش جهالتله ایراث حیات و یاخود قلوب عالمیه ابقای حیاته آب زلاله تشبیه
البشدر.

[۶] خوضوا، خوض لفظندن فعل امردر «خوض» شروع ایتک معناسنه دره.

[۷] منال، عطا واحسان معناسنه دره. اصنافک مناله اضافتی خاتم فضه قییلندن دره. جنس تعبیرنده
مبالغه اولدیفی ظاهر دره زیرا توحید و ایمان جمله عطایای الهیه به وسیله دره.

(۶۰)

لقد البست للتوحيد نظماً
 بدیع الشكل کالسحر الحلال

[۱] [۲] [۳]

(مأل بیت)

توحيد حضرت واحد بچون چرایه شکل وهیتی بدیع وزیبا وسحر حلال آسا
 دلربا اولان خلعت نظم الباس ایله تزین وترصیع ایلدم دیمکدر.

[۱] نظم، منظوم معناسنه در.

[۲] شکل، برشیتی حدودی ایله محیط اولان هیئته اطلاق اولنور.

[۳] سحر، سین حرفنک فحی وحا حرفنک سکونی و فحی ایله وکدک سین حرفنک ضمی ایله
 لفت در. آق جکره دینورکه ره دخی دینور. جمی، سحور واسحار کلور. سحر، جادولق معناسنده
 دخی استعمال اولنور. سحر، اوچ وجه اوزره در بریسی محض خداع و تخیلات درکه حقیقی یوقدر.
 شعبده وکوز باغیچلیق تعبیر اولنور خفت ید و سرعتدن نشأت ایدر. دیکری شیطینه تقرب سبی
 ایله بعض مرتبه معاونتلیخی استجاب ایله اولور. اوچجیبسی العیاذ بالله ارتکاب کفر ایله افسون ایدرک
 صور وطبایعی کویا که تغیر ایدرلر مثلا بعض ادبی حمار ایدرلرکه بودخی کرچه مؤثردر لکن،
 حقیقی یوقدر مسحور اولان ادم، کندوسنی حمار قیاس ایدر. هر حالده سحرک وقوعی وارددر نته کیم
 «سوره مؤذنین» اولباده شرف نازل اولدیغی معلومدر. سحر، شرعاً مذموم وحرامدر. بعض علمای کرام
 حضراتنک بیانته کوره سحر کله سنک ایکی معناسی وارددر. بریسی، باطلی صورت حقهده اظهار و دیکری
 بعض معجز و محیر اولان علم و عمل ایله نفوس شخصیهده تأثیردر تأثیر مذکور، یا مسحور اولان شخصک
 عقلنی سلب و یاخود قوتی اخذ و یاخود طبیعتنی تغیر ایله اولور. ایکی نوعی دخی شرعاً حرامدر. لکن
 بعض بلیغ و بدیع کلامه اطلاق اولنورکه بوده اومثلوکلامک غرابت و بداعتی نفوسده مؤثر اولوب طباع
 و قلوبی اختیار مشتمل و مجذوب اولق علاقه سی ایله در. نته کیم «ان من البیان لسحرا» حدیث شریفنده
 واقع اولمشدر. ناظم مرحوم حضرتلری سلاست الفاظ و عدوبت عبارات وحسن نظم و ترتیب ایله بی اختیار
 کندوسنه قلوبک مصطاد و منقاد اولدیغی جهتله منظومه مبارکه سنی ابتدا سحره تشبیه وبعده حلال
 ایله توصیف بیورمشدر. زیرا مطلق سحره تشبیه ایلسه حرام اولان سحرک ذهنه متبادر اولمسیله
 طباع اسلامه نفر حاصل اولور ایدی. لکن حلال ایله موصوف اولدقده اتیان مثلندن غیر
 معجز اولدیغی افاده مراد اولدیغی مستبان اولمغله هرکس شوق درون ایله راغب اولور.

(۵۷)

ومرجو شفاعة اهل خير
 لاصحاب الكبار كالجبال

[۱]

[۲]

(مأل بیت)

ایبای عظام علیهم الصلوة والسلام حضراتی ایله اولیای کرام و علمای ذوی الاحترام
 حضرتک و پسرانک اخیارک روز قیامتده جبال کبی کناه کبار مرتکبیرینه شفاعت ایدوب
 مستحق اولدقلری عذاب و عقابدن تخلیصه وسیله اوله جقلری مأمول در.

(۵۸)

وذوالایمان لایبقی مقیما
 بشوم الذنب فی دار اشتعال

[۳]

[۴]

(مأل بیت)

ذنوب کبیره صاحبی اولان کمنسه من غیر توبه فوت اولوب شامت عصیانی سببی
 ایله جهنمه داخل اولسه کفار کبی ابدی قالمیوب لامحاله خروج و جنته دخول و ولوج
 ایله جکدر.

(۵۹)

وما المقتول مقطوعا علیه
 سوی ذاعندا اصحاب الضلال

(مأل بنت)

مقتول اولان میتک اجلی منقطع دکدر. یعنی قتل اولنمسه ده او زمانده فوت اولوب
 اولیه جنی مقطوع و معین دکدر.

[۱] مرجو، رجا لفظندن اسم مفعول در.

[۲] کبار، قتل نفس وزنا و شرب خمر و امثال بیوک کناهلردن عبارتدر.

[۳] شوم، سعادتک ضدی اولوب اغورسزاق معناسنه در.

[۴] اشتعال، علولتمک معناسنه در. «دار اشتعال» لفظندن مراد، جهنم در.

(۵۴)

حساب الناس بعد البعث حق فكونوا بالتحرز عن وبال
 [۱] [۲]

(مأل بیت)

نسخهٔ ثانیه ایله جمله موتا دیریلوب عرصهٔ محشرده هر کس اقوال و افعالندن حساب اولتق حق در اعتقادی واجبدر و خلاف شریعت غرا اعمالدن احتراز ایلک لازمدر.

(۵۵)

ويعطى الكتب بعضا نحو يميني و بعضا نحو ظهر و الشمال
 [۳]

(مأل بیت)

بعد البعث هر کسک خیر و شری محتوی دفتر اعمالی که ایام حیاتنده قید و تحریره مؤکل اولان کرام کاتبین ملکلری ثبت ایلشیرایدی او دفترلر مؤمنلرک صاغ جانبلرندن و کفارک ارقه وصول جانبلرندن ویرلمسی حق و واقعدر.

(۵۶)

و حق وزن اعمال و جرى على متن الصراط بلاهتبال
 [۴] [۵]

(مأل بیت)

عرصهٔ محشرده هر کسک خیر و شر عمللری وزن اولتق حقدر. كذلك جملهٔ عبادک جهنم اوزرینه ممدود اولان صراط اوزرندن مرور ایتلملری حق و واقعدر.

[۱] تحرز، لغتده صافتمق معناسندهر.

[۲] وبال، او حرفنک قعی ایله عبد جهندن اولان کناهدر ظلم و قتل کبی .

[۳] نحو، ظرف اولوب جهت معناسندهر.

[۴] متن، ظهر یعنی ارقه معناسندهر.

[۵] اهتبال، کذب معناسندهر.

(۵۲)

سیدبلی کل شخص بالسؤال

[۲]

وفی الاجداث عن توحید ربی

[۱]

(مأل بیت)

جمله انسان فوت اولوب قبره دفن اولندقدن صکره لامحاله توحید الهی دن سؤال اولنه جقدر.

(۵۳)

عذاب القبر من سوء الفعّال

[۴]

وللکفار والفسّاق بعضا

[۳]

(مأل بیت)

فهیئة اولایه قدر جمیع کفار عذاب برزخه کرفار وبوحال من غیر توبه وفات ایدن بعض عصاة مؤمنین حقنده دخی درکار اولور .

[۱] اجداث، «جدث» لفظنک جمی در . «جدث، جیم و دال حرفلینک فتحه حرکه لری ایله قبر معناسته در.

[۲] سیدبلی کله سنده کی سین حرفی ادات استبدالدر. بلی «بلا» لفظندن فعل مستقبل مجهول در. «بلا» لفظی امتحان معناسته در.

[۳] معلوم اولدیغی اوزره اهل سنت متفق درکه قبرده سؤال و جمله کفار و بعض عصاته عذاب واقعدر. اهل سنتک دلیلی «القبر روضة من ریاض الجنة او حفرة من حفر النيران» و «نعوذ بالله من عذاب القبر» و «استزهوا من البول فان عامة عذاب القبر منه» و «ان الميت لیعذب بیکاء اهله علیه» حدیث شریف لری در و رسول اکرم صلی الله تعالی علیه وسلم حضرت لری برکون ایکی قبر اوزرنه اوغرایوب «انهما لیعذبان وما یعذبان فی کبیره بل لان احدهما کان لایستتره من البول والاخر کان یمشی بالنیمة» بیورمشلدر .

[۴] فعال کله سی فا حرفنک کسری ایله شرده و فتحی ایله خیرده استعمال اولنور.

(۵۱)

وقد ينفيه اصحاب الضلال

[۲]

وللدعوات تأثير بليغ

[۱]

(مآل بیت)

صلحا وزهدا وعامة مؤمنينك احياء واموات حقهده دعارى مؤثر واثار منسافى
متواصل ذر. لکن معتزله طائفهسى انکار ايدرلر.

[۱] دعوات، عين حرفنك فتحى ايله «دعوة» لفظنك جمعى اولوب دعا معناسنه در. علمای کرام حضراتى طرفندن بيان بيورلديغى اوزره بعضاً اثر دعانك فى الحال ظهور ايتامسى وجوه عديده يه مبنى در. (وجه اول) اجابت، لاحاله حاصل در. زيرا اجابت دعا، قضای حاجتک غيرى در زيرا اجابت دعا، عبد يارب ديدکده حضرت حنك ليک يا عبد قول شريفندن عبارتدر بوايسه هر موحد ايجون موعود وموجود در. وقضای حاجت، اجابتک لازمى در که مسئولى اعطا ايلکدر. بوايسه فى الحال وبعضاً فى المآل اولور. (وجه آخر)، اجابت، جهت واحده ايله اولمز بلکه جهات عديده ايله اولور نته کيم «لاترد دعوة المسلم الا لاحدى ثلث اما ان يعجل له فى الدنيا واما ان يؤخر فى الآخرة واما ان يصرف من السوء بقدر مادعى» حديث شريفى اکا دال در. (وجه آخر)، اجابت دعا، هر تقدر «اجيب دعوة الداع اذا دعان» کریمه سنده مطلق ايسه ده «بل اياه تدعون فيكشف ما تدعون اليه ان شاء» آيت کریمه سنده مشيته تعليق ايله مقيد اولمغه مطلق مقيد محمول اولور. (وجه آخر) اجابت الهى، اجابت عبد ايله مشروطدر نته کيم «فليستجيبوا لى وليؤمنوا لى» آيت کریمه سى اکا دلالت ايدر. «فليستجيبوا عملا وليؤمنوا باعتقادا» عباره سى ايله تفسير اولمشدر. ايمدى بوصفت ايله موصوف اولان مرد، محريك شفه ايلديكى آنده دعاسى مستجاب اولور. امام جزرى عليه رحمة البارى حضرتلرى طرفندن تحقيق وبيان بيورلديغى اوزره دعانك اجابتى خصوصنده شروط عديده اولوب شروط مذکوره، مأکولات ومشروبات وملبوسات ومكسوباتده حرامدن اجتناب واخلاص وتنظيف لباس وتطهر ووضوء واستقبال قبله وديز اوزره قعود وناظه نماز وتقديم عمل صالح وحمد وثنا وصلوات شريفه ورفع يدين وتادب وخشوع وتذلل واسماء حسنى ايله سؤال وانبياسى عظام عليهم الصلوة والسلام حضراتنه وعباد صالحينه توسل وخفض صوت وكناهه اعتراف وتوبه واستغفار وادعية صحیحه اختيار وعزم واستحضار قلب ورغبت والحاح واجتهاد وتكرار ايله دعا واثم وقطيعة رحله عدم رجا واخرنده تأمين والبرى يوزه مسح وبنه حمد وثنا وصلوات شريفه قرائت ايتك كى امورذن عبارتدر.

[۲] (بنفيه) نفي كله سندن فعل مستقبلدر.

(۴۹)

ودنیانا حدیث والهیولی عدیم الکون فاسمع باجتذال
[۱] [۲] [۳]

(مال بیت)

دنیا که اشبو عالم کون وفساددر، جمیع اجزاسیله حادثدر. یعنی صکره‌دن وجوده کلشدر وفلاسفهنک «هیولی» دیدکلری که اصل عالم اوله‌جقدر اصلی یوقدر. عدیم وغیرموجوددر. بوکلامی آویزه کوش هوش اینلک لازمدر.

(۵۰)

وان السُّحْت رزق مثل حِلِّ وان یکره مقالی کل قال
[۴] [۵] [۶]

حرام دخی حلال کبی رزقدر. سوق الهی ایله انسانه واصلدر. اهل اعتزال بو عقیده‌نک خلافته‌در.

[۱] دنیا، فلك قمرک ماتحتیدر. لکن نظم مذکورده مراد، آخرت مقابلی درکه اشبو عالم علوی وسفلی در وحدوث عدمدن وجوده خروچدر کافه اهل سنت عندنده جمله سموات وارضین ومافینا جمیع اجزاسیله محدثدر معدوم ایکن ایجاد رب العالمین ایله موجود اولدی.

[۲] هیولی، ها حرفنک فتحی ویا حرفنک ضمی والف حرفنک قصری ایله و «ابن قطاع» نقلی اوزره یای مضمومه‌نک تشدید ایله دخی جائز اولق اوزره لفظ یونانی اولوب قطن یعنی بموق معناسنه‌در. حکمای سلف طینت عالمه بالتشویه هیولی اطلاق ایلدیلر. بموق، اصل انواع نیاب اولدیفی کبی سرشت عالم دخی اصل انواع صور کونیه‌در. بعدذا عالمک بذواتها وصفاتها حدوثنه اهل اسلام بووجهله استدلال ایلدیلر که عالم دنیلان شی، اعیان واعراضدن عبارتدر (اعیان)، بنفسه قائم اولان شی در جسم وچوهرکبی. (اعراض)، غیر ایله قائم اولان شی در حرکت وسکون ولون وصوت کبی. اما اعیانک حدوقی ثابتدر.

[۳] اجتذال، فرح وسرور معناسنه‌در.

[۴] سحت، سین حرفنک ضمی ایله حرام معناسنه‌در.

[۵] حل، حا حرفنک کسری ایله حلال معناسنه‌در.

[۶] «قال» کلمه‌سی «قالا» لفظندن اسم فاعل اولوب بغض ایدیجی معناسنه‌در. «مقال» ایله

«قال» بیننده جناس ناقص وارددر.

(۴۸)

وما المعدوم مرئياً وشيئاً

لفقه لاح في عين الهلال

[۱]

[۲] [۳]

[۴]

(مأل بیت)

معدومه حال عدمه رؤیت آلهی تعلق ایلز واکا «شی» لفظی دخی اطلاق اولنمز
بو دعوايه هلالدن ظاهر اولان علم دلیل اولور.

[۱] مرئ، «رؤیت» دن اسم مفعول معناسنه در.

[۲] فقه، لغتده فهم و علم معناسنه در.

[۳] لاح، ظهر معناسنه در.

[۴] هلال، ها حرفنك كسرى ايله برکجهك على قول ايکي کجهك يکي آيه دينور. ماه نو معناسنه
ياخود اوج کجهيه قدر وياخود يدنجي کجهيه قدر هلال اطلاق اولنور وهر آيك اخرنده يکرمی التنجی
ويکرمی يدنجي کجهك آيه دخی هلال اطلاق اولنور ماعدايه يعنى ماينه قر دينور. ناظم مرحومك
رؤیت مسئله سنده هلالدن ظاهر اولان علم دلیلدر بيور مسندن مقصدی شودرکه هلال، قبل الطلوع
معدوم اولغه غير مرئ اولوب طلوع ایلدجه تدریجاً مرئ اولور قبل الطلوع مرئ اولمديفتدن معلوم
اولدی که رؤیتك انتفاسی علتك و رؤیتدن اولان اشرطك يعنى وجودك انتفاسندن ناشی در و وجود
شاهده علت اولغه غائبه دخی علت اولور زیرا شاهد و غائبه علتك تبدلی ممتنع در. معلوم
اولدیفی اوزره معدومك ايکي نوعی واردر بریسی «معدوم ممتنع» و ديکری «معدوم ممکن» در.
«معدوم ممتنع» وجودی ممتنع وعدمی واجب اوله شريك باری واجتماع ضدین کبی. «معدوم ممکن»
وجود وعدمی کندوسنه نسبتله مساوی اوله. نوع اوله بالاتفاق رؤیت تعلق ایلز و بالاتفاق شی اطلاق
اولنمز. زیرا من کل الوجوه ثبوتی ممتنع در نوع ثانی به قبل وجوده رؤیتك تعلقده اختلاف واردر.
اهل سنتك بیاننه کوره معدوم ممکنه رؤیتك تعلق ممتنع در زیرا علت رؤیت، وجوددر وجود ايسه
منتفی در کذلک حال عدم من حیث هو هو رؤیت وعدم رؤیت ايله متفاوت اولمز معدوم ممتنع
بالاتفاق رؤیتك تعلق ممتنع اولنجه ممکن الوجود اولان معدومه دخی تعلقك امتناعی لازم اولور زیرا
الحالة هذه او دخی معدوم در.

(۴۵)

ومن ینو ارتدادا بعد دهر یصر عن دین حق ذالسال

[۱]

(مآل بیت)

نعوذ بالله تعالی موقتاً ارتداد قصد و نیت ایدن کیسه فی الحال دیندن چیقوب کافر اولور.

(۴۶)

ولفظ الکفر من غیر اعتقاد بطوع رد دین بالاغتفال

[۲]

(مآل بیت)

بر کیسه جهالتی سببی ایله کفر اولدیغنی بیلهرک طوع و اختیار ایله العیاذ بالله برکله کفر تقوه ایلسه اول کیسه دائره اسلامدن چیقوب ظلمت آباد کفره داخل اولور.

(۴۷)

ولایحکم بکفر حال سکر بما یهدی ویلغو بارتجال

[۶]

[۵]

[۴]

[۳]

(مآل بیت)

کیفیت خمر ایله سرخوش اولان کیسه یه حال سکرنده کله کفر تقوه ایلسه کفری ایله حکم اولنمز.

[۱] انسلا، خفیة چیمق معنانه اولوب ترکده صیرلمق لفظی ابله تعبیر اولنور.

[۲] اغتفال، افتعال وزننده غفلت لفظندن مشتق در.

[۳] سکر، اول برحالت درکه شارب ایله عقلی بیننه عارض اولور. بعض قوله کوره سکر، بر

سرورد درکه بعض اسبابنه مباشرتله عقله غالب اولوب انسانی موجب عقلی ایله عملدن منع ایدر. حد سکر، امام اعظم وهام افخم حضرتلری ارضی سمدان ورجلی مرآه دن تمیز ایدم مامکدن عبارت اولمق اوزره بیان بیورمشدر. امامین حضرتلری کلامک مختلط اولوب مستقیم اولماسی ایله تفسیر بیورمشلدر. ایکی مرجعک بیانی بردر. سکرانک وجه مشروح اوزره عدم کفری استحصانی در. قیاس اولان کفری در. وجه استحصان بودرکه سکران، اول هذیان ایله کفری قصد و اعتقاد ایلدیکندن بشقه عقلمده نوع خلل عارض اولمشدر.

[۴] یهدی، هذیان لفظندن مشتق فعل مستقبل معلوم در. هذیان، ساقط الاعتبار اولان

کلام، یاخود کلام فاحش معنانه در.

[۵] یلغو، لغو لفظندن فعل مستقبل در. (لغو)، عبث ویهوده اولان کلام معنانه در.

[۶] ارتجال، من غیر تفکر تکلم اتمک معنانه در.

(۴۲)

وما ایمان شخص حال بأس بمقبول لفقده الامتثال

[۱]

(مأل بیت)

معاینه عذاب وقتنده حادث اولان ایمان که «ایمان بأس» و «ایمان یأس» دینور، مقبول دکلدرد. یعنی ایمان یأس صاحب اولان کیسه عندالله مؤمن اولمز. زیرا مقدا امر آلهی به امتثال ایدوب ایمان ایلامشدر.

(۴۳)

وما افعال خیر فی الحساب من الایمان مفروض الوصال

(مأل بیت)

وصالی مفروض اولان «صوم» و «صلوة» کبی اعمال حسنه، ایمندن محسوب دکلدرد.

(۴۴)

ولایقضی بکفر وارتداد بعه او بقتل و اختزال

[۴]

[۳]

[۲]

(مأل بیت)

بر کیسه به محظورات شرعیهدن اولان زنا و قتل نفوس و غصب اموال کبی افعال منه ارتکاب ایله کفر و ارتداد حکم ایتمک جائز دکلدرد.

[۱] بأس، شدت و مضرت و عذاب معنالیهدرد.

[۲] کفر، لغتده ستر و انکار معنالیهدرد. اهل کفر، حق ستر و انکار ایلدکلری ایچون کافر ایله تسمیه اولنور. عرف شرعده، ایمان شانندن اولان کسنه تک عدم ایمانه اطلاق اولنور. بوالده ایمان ایله کفر بیننده تقابل عدم و الملکه اولور. کفر، واجب الایمان اولنلری انکار ایتمکدن عبارت اولمق ذهبنده بولنانلرک کلامنه کوره بین الکلمتین تقابل و تضاد اولور. کفران، اکثریا نعمته استعمال اولنورکه شکر مقابلیدر. کفور، انکار دینده و انکار نعمتهده استعمال اولنور. کفر، قول و فعل ایله دخی اولور. ایمان کله سنی معرفت لفظی ایله تفسیر ایدنلره کوره کفر، جهل بالله اولور. ایمان کله سنی طاعات لفظی ایله تفسیر ایدنلره کوره کفر، معاصیدن عبارت اولورکه طائفه خوارج اومسلکه ذاهبدر.

[۳] عهر، عین مهمله تک قحی و حائک سکونی ایله زنا معناسهدهرد.

[۴] اختزال، انقطاع معناسه اولمغله نظم مذکورده «اختزال» دن مراد، قطع اعضا و غصب اموال کبی ظلم و جنایتدر.

(۴۰)

<p>بانواع الدلائل كالنصال</p> <p>[۳]</p>	<p>و ايمان المقلد ذو اعتبار</p> <p>[۱] [۲]</p>
--	--

(مأل بیت)

مقلد اولان مؤمنك ايماني معتبر و اعتباری ادله قاطعه نافذه ايله مدلل و مبرهن در .

(۴۱)

<p>بخلق الاسافل والاعالی</p> <p>[۶] [۷]</p>	<p>وما عذر لذی عقل بجهل</p> <p>[۴] [۵]</p>
---	--

(مأل بیت)

عقل و بالغ اولان کیمسه جهلی سببی ايله معرفت الهی دن محروم اولسه حضور رب العالمین ده او کیمسه نك عذری قرین قبول اولمز .

[۱] ايمان، لغتده مطلقا تصدیق معناسنه در . امن کله سندن افعالدره . اكا ايمان ابتدی ديمك ، اني تکذيب و مخالفتدن امين ابتدی ديمك اولغله تصدیق ، حاصل معنا اولور .

[۲] مقلد ، تقلیددن اسم فاعلدر .

[۳] نصال ، نصل لفظنك جمعی در . «نصل» اوق دمیرینه اطلاق اولنور .

[۴] عذر کله سنك اوج معناسی واردور . بریسی «فعل معهودی بن ایشله دم» ديمكدر . ديمكدری «فعل معهودی شو سبب ايله ایشله دم» ديمكدر و ديمكدر بریسی دخی «فعل معهودی ایشله دم لکن من بعد ایشله مم» ديمكدر . نظم مذکورده مراد ، معنای ثالث در .

[۵] عقل ، لغتده منع و قید معنارینه در . عرفده بر نور روحانیدرکه انکله علوم ضروریه و نظریه ادراك اولنور .

[۶] اسافل ، اسفل لفظنك جمعی در . «اسافل» دن مراد قرك فلك ماتحتی در .

[۷] اعالی ، اعلى لفظنك جمعی در . «اعالی» دن مراد ، فلك قرك مافوق در .

(۳۸)

علی الزهراء فی بعض الحلال [۲]	وللصدیقه الرجحان فاعلم [۱]
----------------------------------	-------------------------------

(مأل بیت)

ام المؤمنین زوجه سید المرسلین «حضرت عائشه» رضی الله تعالی عنها حضرت تری بعض خصالده «فاطمه الزهراء» رضی الله تعالی عنها حضرت لردن ارجم در.

(۳۹)

سوی المكثار فی الاغراء غال [۶]	ولم یلعن یزیدا بعد موت [۴]
-----------------------------------	-------------------------------

(مأل بیت)

سلفدن بر کیمسه «یزید بن معاویه» حقدنه لعنت ایلدی الحق حدی تجاوز ایدن رفضه وخواج کبی بعض اشخاص لعنت ایلدیلر.

- [۱] صدیقه، ام المؤمنین «حضرت عائشه» رضی الله تعالی عنها لقب شریفی در.
- [۲] زهراء، ام رسول الله صلی الله تعالی علیه وسلم «حضرت فاطمه» رضی الله تعالی عنها لقب شریفی در. وجوه تلقیبات، «حضرت صدیقه» رضی الله تعالی عنها خدمت نبویه کمال صداقتندن و «حضرت فاطمه» رضی الله تعالی عنها اشراق جمال تابدارلری اولسندن عبارت اولوب تفصیلی، کتب سیر و تواریکده مسطور و مذکوردر.
- [۳] خلال، خصال معناسه در.
- [۴] لعن، لغتده طرد معناسه در. اصطلاحده بر شخصی حضرت حقک رحمت آلهیه سندن طرد و تبعید ایلك معناسده استعمال اولنور.
- [۵] مکثار، مفعال وزنده کثرتدن مبالغه معناسی مفید اولوب «قوال» معناسه در. «قوال» چوق سوزلی کیمسه دیمکدر.
- [۶] غالی، غلو لفظندن مأخوذ اسم فاعلدر. «غلو»، حدی تجاوز ایتمک، «غالی» حدی تجاوز ایدیجی دیمکدر.

(۳۵)

وللفاروق رجحان وفضل
على عثمان ذى النورين عال

[۱]

[۲]

(مأل بیت)

فاروق اعظم عمر بن الخطاب رضى الله تعالى عنه حضرتلری دخی عثمان بن عفان
رضى الله تعالى عنه حضرتلرندن ارجم وافضل در .

(۳۶)

وذو النورين حقاً كان خيراً
من الكرّار في صف القتال

[۳]

(مأل بیت)

«عثمان بن عفان» رضى الله تعالى عنه حضرتلری دخی حیدر کرّار «علی بن ابی طالب»
رضى الله تعالى عنه حضرتلرندن افضل در .

(۳۷)

وللكرّار فضل بعد هذا
على الاغيار طراً لا تبال

(مأل بیت)

«امام علی» رضى الله تعالى عنه حضرتلری دخی سائر صحابه کرام رضوان الله تعالى
عليهم اجمعين حضرتلرندن افضل در . بو بابده بعض کيسه لرك کونا کون اقواله توجیه سامعه
اعتبار اولنمز .

[۱] فاروق، فرق لفظندن مأخوذ صیغه مبالغه در «حضرت عمر» رضى الله تعالى عنه، قضایاده
حق و باطلک بینى فرق ایلدیکی جهته «فاروق» ایله ملقب اولمش در .
[۲] ذی النورین، ایکی نور صاحبی دیمکدر . «حضرت عثمان» رضى الله تعالى عنه، رسول
اکرم صلی الله تعالى علیه وسلم حضرتلرینک کریمه محترمه لری «رقیه» و «ام کلثوم» رضى الله تعالى
عنهما حضرتلرینى تزوج الظکله «ذی النورین» ایله ملقب اولمشدر .
[۳] کرّار، کر لفظندن مأخوذ صیغه مبالغه در . (کر) لفظی جمله وصولت مناسنه در .
حضرت علی رضى الله تعالى عنه، بنایت شجیع و جنکاور اولمغله کرّار ایله ملقب اولدی .

(۳۲)

کرامات الولی بدار دنیا لها کون فهم اهل التّوال
[۱] [۲]

(مأل بیت)

دار دنیا ده اولیاء الله یدلرنده ظهور ایدن خارق عاده کرامت حق وثابت در .
زیرا اولیای کرام، مظهر الطاف مخصوصه ربانیه در .

(۳۳)

ولم یفضل ولی قطّ دهرأ نبیا او رسولا فی انتحال
[۳]

(مأل بیت)

اولیای کرام، رسل و انبیای عظام علیهم الصلوة والسلام درجه سنه قطعاً بالغ دکلد در .

(۳۴)

وللصّدیق رجحان جلی علی الاصحاب من غیر احتمال

(مأل بیت)

اقدم خلیفه رسول الله اولان ابوبکر الصّدیق رضی الله تعالی عنه حضرت تری سائر
اصحاب کرام حضرت آندن ارجم وافضل در . افضلیتی شک واحتمال دن عاری اوله رق قطعی الثبوت در .

[۱] کرامات، کرامت لفظنک جمعی در . دعوی نبوته مقارن اولدیفی حاله طرف اولیادن
خارق العاده اولان امرک ظهوری در . ایمانه وعمل صالحه مقرون اولمزایسه استدراج تعبیر اولنور . دعوی
نبوته مقرون اولور ایسه معجزه در . سحر، نفوس خبیثه اصحابندن ظهور اتمکله «کرامت» دن مفترق
اولور .

[۲] ولی لفظی، «ولی» ویاخود «ولایت» دن مأخوذ اولوب قریب ومحب معنا سنه در . اضطلاعده
ممکن اولدیفی مرتبه عارف بالله وعارف صفات الله اولوب طاعانه مواظب ومعاصیدن مجتنب ولذات
وشهوات حیوانیه دن معرض اولان ذات شریفه اطلاق اولنور .

[۳] انتحال، شرف معنا سنه در .

(۳۰)

وذو القرنين لم يعرف نبيا كذا لقمان فاحذر عن جدال [۱]
[۲]

(مآل بیت)

ذوالقرنین ولقمان حضرتلرینک نبوتلری ثابت اولدیغندن نبوتلری خصوصنده
مجادلهدن کف لسان ایدوب علم الهییه احاله ایلک اسلدر.

(۳۱)

وعیسی سوق یائی ثم یتوی لدجال شقی ذی خیال [۳]
[۴]

(مآل بیت)

علامت قیامت اولمق اوزره محمد مهدی خروج ایدوب بعده دجال ظهور وقرق
کون شرق وغرب عالمده نشر شراره فساد ایلدکن صکره حضرت عیسی علیه الصلوة
والسلام آسماندن آیت سیف کبی نازل اولوب اول شقی قناتی اهلاک ایلجه جکدر.

[۱] ذوالقرنین، لقب اسکندر در واسکندر ایکی پادشاهدر. بریسی رومی و بریسی یونانیدر.
اسکندر رومی، «قاتل دارا بن سمن اسفندیار» درکه صاحب خضر علیه السلامدر. اسکندر یونانی،
فیلفوس اوغلی درکه صاحب ارسطودر. محل اختلاف اولکی ذاتدر یعنی پیشمهر و یاخود ولی می در دیو
اختلاف اولندی. حضرت ذو القرنین ایله حضرت لقمانه متعلق معلومات تفصیلیه کتب تفاسیر شریفه
ایله کتب تواریحده مسطور و محردر.

[۲] جدال، مجادله معنانهدر.

[۳] عیسی، لفظی بعض روایته کوره سریانی و بعض روایته کوره عبرانیدر. «علامه زنجشیری»
«کشاف» ده حضرت عیسی علیه السلامک اصل اسمی «ایشوع» اولمق اوزره بیان ایلشدر.
صاحب «تیسیر» «موشی» کبی شین معجبه ایله عیسی اولوب عربییه نقل اولندقدنه شین حرفنک
نقطه لری اهام اولندیغنی بیان ایلشدر. معناسی سید یاخود مبارک دیمکدر.

[۴] دجال، دجل لفظندن مأخوذ اولوب کذاب و سخار معنانهدر.

(۲۷)

~~~~~  
 وحق امر معراج وصدق      فقیه نص اخبار عوالی  
 [۲]                              [۱]  
 ~~~~~

(مأل بیت)

حضرت رسول اللهك خصیصه معراجی ثابت و متحقق و واقعہ مطابق در. زیرا ثبوتی
 باینده متواتر و مشهور کبی اخبار عالیہ منصوص در.

(۲۸)

~~~~~  
 وانّ الانبیاء لفی امان      عن العصیان عمداً وانعزال  
 [۳]  
 ~~~~~

(مأل بیت)

انبیای عظام علیهم الصلوٰة والسلام حضراتنک جمله سی بالقصد صدور ایدن کفر
 و معاصیدن معصوم و مصون و منصب والای نبوتدن معزول و مهجور اولقندن مأمون در.

(۲۹)

~~~~~  
 و ما کانت نبیاً قطّ اثی      ولا عبد و شخص ذو افتعال  
 ~~~~~

(مأل بیت)

انبیای عظام علیهم الصلوٰة والسلام حضراتی قطعاً اثی دکلدر. یعنی نسوان طائفه سندن
 و عبد جنسندن قطعاً بیغمبر کلز و بیغمبر ساحر و مشعوذ اولمز.

[۱] نص، لغتده تصریح معناسنه در.

[۲] عوالی، عالیه یا خود عالی لفظلرتنک جمی در. زیرا صفت اولان فاعل، ذوی العقولک
 غیریده اولور ایسه «فواعل» وزنی اوزره قیاسی جملنور.

[۳] امان، امن معناسنه در.

(۲۴)

وختم الرسل بالصّدر المعلّى نبی هاشمیّ ذی جمال
[۱]

(مأل بیت)

حضرت محمد علیه الصلوة والسلام خاتم الانبیا والمرسلین اولهرق نبوت ورسالت
ذات رسالتناهیله ختام بولمشدر .

(۲۵)

امام الانبیاء بلا اختلاف وتاج الاصفیاء بلا اختلال
[۲] [۳]

(مأل بیت)

شاه سریر اصطفای علیه ازکی التحایا حضرتلری امام انبیا وپیشوای اصفیادر .

(۲۶)

وباق شرعه فی کلّ وقت الی یوم القیمة وارتحال
[۴]

(مأل بیت)

رسول اکرم صلی الله تعالی علیه وسلم حضرتلرینک شریعت سمحا وملت بیضالری
لسخ وتبیدلدن عاری والی یوم القیامه باقی در .

[۱] صدر، هرشیک مقدّم واولنه دینور. سینه یعنی کوکس معناسنده دخی استعمال اولنور.

[۲] امام، مقتدابه معناسنده در.

[۳] آصفیاء، صق لفظنک جمی در. (صق) کله سی صفات ذمیمه دن مبرا وکدورات نفسانیه دن

معرّا اولان ذات عالیقدره اطلاق اولنور. نظم مذکورده اصفیادن مراد، ملائکه کرام واولیای
ذوی الاحترام حضراتی در .

[۴] شرع، لغتده اظهار و بیان وطریق معنارنده مستمدر . بعده وضع الهی ایله موضوع

وانبیای کرام علیهم الصلوة والسلام حضراتندن برنجی ذیشان ایله ثابت اولان طریقده استعمال اولندی .

بعض علمای کرام حضراتنک بیاننه کوره انبیای کرام علیهم الصلوة والسلام حضراتندن ثابت اولان

(طریق مخصوصه) مابه الجزا اولمق حیثیتی ایله «دین» واجتماع حیثیتی ایله «ملت» وواجب الاذعان اولمق

حیثیتی ایله «ایمان» وتسلیم اولمق اعتباری ایله «اسلام» وزالال کالنه متعشینک ورودی اعتباریله

«شریعت» وجبریل علیه السلام حضرتلرینک اسم شریفلری ناموس اولمغه حضرت جبریل علیه السلام

واسطه سیله وارد اولدیغی اعتباریله «ناموس» اطلاق اولنور.

(۲۱)

فینسون النعیم اذا رأوه فیاضمران اهل الاعتزال

(مأل بیت)

مؤمنین مکرمین دار السرورده لقای شرف التقای ربانی ایله مسرور واستفاضه
نور جور ایله پرسرور اولدوقده جنتک جمله نعم ابدیهسنی خاطرلرنندن فراموش ایدرلر.
زیرا جنت و جنتک جمله لطائف و نعمتی دیدار الهییه نسبتاً نیر اعظمه مقابل ذره
و غیرمتناهی اعداده محاذی مرّه مثابهسنده در . اهل اعتزال، رؤیتی انکار ایدر.

(۲۲)

وما ان فعل اصلح ذوا افتراض علی الهادی المقدس ذوال تعالی

[۲]

[۱]

(مأل بیت)

حق سبحانه و تعالی حضرتلری اوزرینه عبادی ایچون اصلح اولان شیلری اراده
و خلق ایلک واجب دکلدردر . زیرا حق تعالی حضرتلری فاعل مختاردر.

(۲۳)

و فرض لازم تصدیق رسل و املاک کرام بال نوال

[۶]

[۵]

[۴]

[۳]

(مأل بیت)

عاقل و بالغ اولان مکلف اوزرینه وحدانیت الهیهیه ایمان ایتمک فرض اولدینی کبی
رسل و انبیای عظام ایله ملائکه کرامه دخی ایمان ایلک فرض در .

[۱] ذوا افتراض، صاحب و جوب معناسنه درکه واجب تأویلنده در .

[۲] ذوال تعالی، رفعت و عظمت صاحبی دیمکدر .

[۳] رسل، رسول کریمه شریفه سنک جمعی در . تصدیق انبیاده تعیین عدد لازم دکلدردر .
اگرچه بعض قوله کوره انبیای عظام یوز یکریمی درت بیک و رسل کرام علیهم الصلوة والسلام
حضراتی اوج یوز اون اوج ذوات فخرامدن عبارت اولقی اوزره مروی ایسه ده بونده قطعیت یوقدر .

[۴] املاک، ملک لفظنک جمعی در .

[۵] کرام، کریم لفظنک جمعی در . مکرم معناسنه در .

[۶] نوال، عطا و نصیب معناسنه در .

(۱۸)

لاهل الخیر جنات ونعمی ولا کفار ادراک النکال
[۱] [۲] [۳]

(مأل بیت)

حق سبحانه و تعالی حضرتلری اهل خیری یعنی مؤمن مطیعی جنت و نعمت ایله
انابه و تنعم و کفاری درکات جحیم ایله تعذیب و تقیم ایدر .

(۱۹)

ولا یفی الجحیم ولا الجنان و ما اهلوا هما اهل انتقال

(مأل بیت)

جنان و نیران الآن موجوددر . اوزر لرندن احوال خالیه مرور ایتکدهدر . جنت
و جهنم و سکانی فناپذیر اولدینی کبی محال اخرایه دخی انتقال ایتوب صفت خلود و تأبید
ایله متصفدر .

(۲۰)

یراه المؤمنون بغير کیف و ادراک و ضرب من مثال
[۴]

(مأل بیت)

حق سبحانه و تعالی حضرتلری جنتده مؤمنین مکرّمینه عرض دیدار ایدر . مؤمنین
دخی کنه و حقیقتنی غیر مدرك و صور مخلوقه دن بر صورته مشابهنسز اوله رق جمال
خدای لایزالی رؤیت شرفی ایله شرفیاب اوله جق در .

[۱] «نعمی» لفظی نون حرفک ضمی و قصر ایله نعمت معناسهدر . «بشری» و «رجعی» لفظلری
بشارت و رجوع معنارینه اولدینی کبی .

[۲] ادراک، درک لفظنک جمعیدر . «درک» لفظی «دال» و «را» حرفلرینک قعحه حرکه لری ایله
حفره نیراندن برحفره یاخود طبقات ناردن برطبقهدر .

[۳] نکال، عقوبت معناسهدر .

[۴] ضرب، نوع معناسهدر .

(۱۵)

ومستغن الهی عن نساء واولاد اناث او رجال

[۱]

(مأل بیت)

حضرت خالق بی‌همتا تعالی شانه عن الاشیاء، زوجه آنخازندن واولاد تولیدندن منز
ومبرآدر :

(۱۶)

کذا عن کل ذی عون ونصر تفرّد ذوالجلال وذوالمعالی

[۳]

[۲]

(مأل بیت)

حق سبحانه و تعالی حضرتلری ذات و صفاتنده واحد و ملک و قدرتنده و جلال
و عظمتنده منفرددر انفاذ اوامر و احکامنده معین و ناصره محتاج دکلدر. جمله مخلوقات جمیع
ازمنه و امکانده جناب خالق تعالی حضرتلرینه مفتقر و محتاجدر احتیاج علامت عجزدر
حق سبحانه و تعالی عجزدن منز اولوب قادر و غنی و قیومدر .

(۱۷)

ییت الخلق قهرا ثم یحیی فیجز بهم علی وفق الخصال

[۵]

[۴]

(مأل بیت)

حضرت قادر بیچون جل شانه، مجموع خلقی علی سبیل القهر و الغلبه انا و اعدام
ایدوب بعده جمله سنی احیا و عرصه قیامتده عملرینه موافق جزا ایدر .

[۱] اولاد، ولد لفظنک جمعی در . «ولد» لغة و شرعاً ذکور و اناثه شاملدر .

[۲] عون و نصر، یاردم معنساندهدر ،

[۳] معالی، «معالات» لفظنک جمعی در . «معلاة» علو و شرف معنساندهدر .

[۴] خالق، مخلوق معنساندهدر .

[۵] خصال، خصلت لفظنک جمعی در .

(۱۳)

وما التشبيه للرحمن وجهها فحسن عن ذاك اصناف الاهدال

[۱] [۲]

(مأل بیت)

حق سبحانه و تعالی حضرتلری ذاتاً و صفهٔ مخلوقه مشابه دکدر . دلیل عقلی و نقلی ایله اهل اسلامک بواعتقاد اوزرینه ثباته سعی و اهتمام و مشبهه طائفهسی کبی بادیهٔ تشبیهده سرکردان اولماملری خصوصنه اقدام ایله .

(۱۴)

ولا یمضی علی الدیان وقت واحوال وازمان بحال

[۳] [۴] [۵] [۶]

(مأل بیت)

حق تعالی حضرتلری اوزرینه (وقت) و (احوال) و (ازمان) گذران ایتمز . حق تعالی حضرتلری مکاندن منزّه و مبرّی اولدینی کبی زماندن و تحولات و تبدلاتدن و ترقیات و تنزلاتدن دخی منزّه و مبرّادر .

[۱] اصناف، صنف لفظنک جمعی اولوب نوع معنانه در .

[۲] اهالی، اهل لفظنک جمعی در ارض لفظنک جمعی اراضی اولدینی کبی .

[۳] دیان، دین لفظندن مبالغه صیغه سیدر . دین، جزا معنانه اولمغه دیان، مجازی معنانه

مفید اولوب حق تعالی حضرتلریک اسمی در . یوم قیامت، یوم مجازات اولمغه «یوم الدین» ایله تسمیه اولمشدر .

[۴] «وقت» لفظندن وقت معین یاخود جزء وقت مراد اولنور .

[۵] احوال، حال کله سنک جمعی در . موصوفده راسخ اولیان صفته و هیئت نفسانیه اطلاق

اولنور بعد السوخ او صفته «حال» دیتلیوب «ملکه» اطلاق اولنور .

[۶] ازمان، افعال و زنده زمان کله سنک جمعی در . «ازمان» دن ازمئه مختلفه و یاخول زمان

طویل مراد اولنور . یاخود «زمان» دن مدت مقسومه و «وقت» دن براسر ایچون مفروض اولان

مدت مراد اولنور . بعضی قوله کوره وقت لفظنک اکثر استعمالی زمان ماضیه مخصوص در .

(۱۰)

~~~~~  
 وفي الاذهان حق كون جزء      بلا وصف التمكن يا ابن خال  
 [۱]      [۲]

(مأل بیت)

جزء لا يتجزى که جوهر فرددن عبارتدر انک وجودی عقولده ثابت و متحققدر .

(۱۱)

~~~~~  
 وما القرآن مخلوقا تعالى كلام الرب عن جنس المقال
 ~~~~~

(مأل بنت)

قرآن کریم که حق سبحانه و تعالی حضرتترینک کلامی در ، حادث و مخلوق دکلدر .  
 جناب حقک ذات اقدس ایله قائم اولان صفتی در .

(۱۲)

~~~~~  
 ورب العرش فوق العرش لكن بلا وصف التمكن واتصال
 [۳]

(مأل بیت)

حضرت رب العزه عرشدن عالی در و عرشک خالق در . عرشده مستقر و عرشه متصل دکلدر .

[۱] اذهان، ذهن کله سنک جمعی اولوب عقل معناسنه در .

[۲] خال، برادر مادر معناسنه اولوب بیت مذکورده تکمله نظم ایچون ایراد اولنمشدر .

[۳] عرش، اعظم مخلوقات الیهیه در . لسان حکماده « فلك تاسع » ایله تعبیر و تسمیه اولنورکه

فلك اعظم و محدود جهات دخی دینور مجموع موجوداتی محیطدر .

(۸)

ولیس الاسم غیرا للمسمی لدی اهل البصیرة خیر آل
 [۱] [۲] [۳]

(مأل بیت)

اهل سنت عندنده اسم ، مسماک یعنی ذاتک غیری اولیوب بلکه عینی در .

(۹)

وما ان جوهر ربی وجسم ولا کلّ و بعض ذو اشمال
 [۴] [۵]

(مأل بیت)

حق سبحانه و تعالی حضرتلری « جوهر » و « جسم » و « کلّ » و « بعض » دکلدر .

[۱] « لدی » ، ظرف مکان اولوب « عند » معناسنه در . « امام حریری » ایله سائر ائمه نحاة
 « لدی » کلهسی ایله « عند » کلهسی بینلرینی تفریق ایدوب « عند » کلهسی اعیان و معانی به ظرف
 و « لدی » کلهسی اعیانه مخصوص اولوق اوزره بیان اللشدردر . بعض اهل نحو عندنده کلتین مذکور تین
 بیننده فرق یوقدر .

[۲] « بصیرت » ، قلبده برنوردرکه انکله اشیا ادراک اولنور نته کیم بصر ، « عین » ده برنوردرکه
 انکله محسوسات رؤیت اولنور .

[۳] « آل » کلهسنک اصلی اهل در . آل کلهسی بلاد و صنایعه مضاف اولمز بوصورته آل مصر
 و آل التجاره دینمز . امر دنیا و دینده و یاخود یا کز امر دنیاده خاطر و شرف اصحابنه مضاف
 اولور آل النبي علیه الصلوة والسلام و آل فرعون کبی .

[۴] جوهر ، جوب و وزنده علی الاطلاق شول حجره دینورکه اندن انتفاع اولنه حق نسنه استخراج
 اولنور . مراد ، جواهر معدنیه اولان احجاردرکه فلزاندن عبارت اولور و « جوهر الشی » برنسنه تک اصل
 مایه و مادهسی درکه اونسنه اندن صورت پذیر حصول اولور . مثلا جوهر انسانی ، مایه جبلت درکه نشو و نما تک
 و باجمله اوضاع و اطوارک موضوع علیی در . احجار معروفه به جوهر اطلاق ، معنای اولدن مأخوذدر .
 بعض قوله کوره جوهر ، عربی اولوب « جهر » دن مأخوذدر . لکن متعارف اولان جوهر لفظی ،
 فارسی اولان کوه لفظندن معرّ بدر . اهل حکمت اصطلاحنده جوهر ، بنفسه قائم و موضوع مقومدن
 مستغنی موجوددر . متکلمین عندنده متمیز بالذات در مقابلی عرض در و عرض جوهر ایله قائمدر .

[۵] رب ، اصلنده تربیه معناسنه درکه برشیئی تدریج ایله کاله ابلاغ و ایصال ایتکدن عبارتدر .
 بعده مبالغة حق تعالی حضرتلرینه وصف اولشدر . رب کلهسی ، جناب حقک غیری به مقیداً اطلاق
 اولنور .

(۵)

صفات الله لیست عین ذات ولا غیرا سواه ذا انفصال

(مأل بیت)

ذات الهی صفات کمال ایله موصوف و صفات کمال، جناب حقک ذات شریفی ایله قائمدر. لکن صفات، ذات شریفنک عینی اولدیغی کبی ذاتدن منفصل غیری دخی دکلدر.

(۶)

صفات الذات والافعال طرا قدیمات مصونات الزوال

[۳]

[۲]

[۱]

(مأل بیت)

حق سخانه و تعالی حضرتلرینک مجموع صفات ذاتیه و فعلیه سی قدیم اولوب فنا و زوال نظر قدن محفوظدر.

(۷)

نسمی الله شیئا لا کالا شیاء و ذاتا عن جهات الست خال

[۴]

(مأل بیت)

حق تعالی حضرتلرینه شرع شریفده شیء لفظی اطلاق اولنور لکن حقیقت و صفتده اشیای سائریه مائل دکلدر. و جناب حق ذات ایله تعبیر اولنور لکن جهات سته دن [۵] منزله و مبرآدر.

[۱] صفات، صفت کله سنک جمعی در. صفات شریفه آلهیه ایکی نوعدر. نوع اول (صفات ذاتیه) در حیات، علم، سمع، بصر کبی. نوع ثانی (صفات فعلیه) در انشا، ابداع، امامه، احیا، تزئین، انماء، تصویر کبی.

[۲] طرا، طا حرفنک ضمی ایله جمیعاً معناسته در.

[۳] مصونات، مصون کله سنک جمعی در. مصون محفوظ معناسته در.

[۴] خال، خلو کله سندن مشتق اسم فاعلدر. خلو، خالی اولوق معناسته در.

[۵] جهات سته، «فوق» «تحت» «امام» «خلف» «یمین» «یسار» دن عبارتدر.

(۳)

هو الحی المدبر کل امر هو الحق المقدر ذوالجلال

[۱]

(مأل بیت)

حق سبحانه و تعالی حضرتلری حیات صفی ایله متصف در. حیات، ذاتندن اصلا زائل اولماز. جمله امور و احکامی مشیتی تعلق ایلدیکی اوزره تدبیر و قضا و علم ازلیسی مقتضاسی اوزره اصلاح ایدر و جمله امور و افعالی قدر مخصوص اوزره تقدیر و مقتضای حکمتی اوزره ترتیب ایلر.

(۴)

مرید الخیر و الشر القبیح و لکن لیس یرضی بالمحال

[۳]

[۲]

(مأل بیت)

صفات ذاتیه الهیةدن بریسی (اراده) در. حق سبحانه و تعالی حضرتلری خیر و شرّی اراده ایدر. لکن شرّ رضای شریفی تعلق ایلر.

«حیات» «علم» «قدرت» «کلام» «سمع» «بصر» «اراده» در ماتریده عندنده «تکوین» و اشعری عندنده «بقا» صفی دخی داخلدر. زیرا کمال، اول معنادرکه عدی نقصان اولور ذاته و افعال و صفاتده جاری در. «تمام» ایله فرق بودرکه «تمام» ک مفهومنده تزايد محتملدر. لکن کمال، کاملدر. حق سبحانه و تعالی حضرتلری صفات کمال ایله متصف اولسه اوصاف ناقصه ایله متصف اولوق لازم کولور لازم و ملزوم باطل اولغله جناب رب العالمین «حی» و «علم» و «متکلم» و «سمیع» و «بصیر» و «مرید» و «مکون» در.

[۱] مدبر، تدبیر لفظندن اسم فاعلدر «تدبیر» کلمه سی لغتده عواقب اموری تأمل و تفکر معناسنده در. حق سبحانه و تعالی حضرتلرینه نسبتله علم شریفی عواقب اموری محیط اولوب جمله امور و احکامی منزله تزیلندن عبارتدر.

[۲] مرید، اراده لفظندن اسم فاعلدر.

[۳] محال، میم حرفنک ضمی ایله ممکن کلمه سنک ضدی در. محال ایکی نوعدر. بریسی عقلی و دیگری شرعی در. (محال عقلی) اول شیدرکه عقل، اوشیئک خارجده وجودینی منع ایدر محل واحده اجتماع تفیضین کبی. «اجتماع تفیضین» سواد ایله بیاضک بر محله اجتماعی کیدر. (محال شرعی) اول شیدرکه، اوشیئک ارتکابی عقابی موجب اولور کفر و سائر معاصی کبی. بیت مذکورده اولان محالندن مراد، محال شرعی در. ایندی حق سبحانه و تعالی حضرتلری عبادک ایمان و طاعتنی و کفر و معصیتنی اراده ایدر. لکن کفر و معصیتنه رضاسی یوقدر.

(۲)

اله الخلق مولانا قدیم و موصوف باوصاف الڪمال

[۱] [۲] [۳] [۴] [۵]

(مأل بیت)

جمله مخلوق خالق و معبودی قدیم در . وجودی کنیدن اولوب غیریدن دکلدرد
و کافه صفات کمال ايله موصوفدر .

[۱] «اله» لفظی «فعال» وزنی اوزره امام مأموم معناسنه اولدینی کبی لام حرفنک فتحی ايله «اله» دن مأخوذ اولدیغنه کوره «اله الخلق»، معبود الخلق معناسنه در . بعض قوله کوره لام حرفنک کسری ايله «اله» دن مأخوذ اولوب تحیر و دهشت معناسنه در . زیرا اوهام مخلوقات، معرفت ذات آلهیده متحیر و متدهشدر . بعض قوله کوره ینه لام حرفنک کسری ايله «اله» دن مأخوذ اولوب «دام» و «ثبت» معناسنه در . بعض قوله کوره لام حرفنک کسری ايله «اله» دن مأخوذ اولوب «سکن» معناسنه در . زیرا قلوب، لفظه جلاله تک ذکرى ايله مطمئن و ارواح دخی معرفت خدا ايله ساکن اولور . بعض قوله کوره لام حرفنک فتحی ايله «اله» دن مأخوذدرکه «رجع الیه» و «اعتمد علیه» معناسنه در . زیرا هر حاله مخلوقاتک مرجع و معتمدی ذات الهی در . دیگر بعض قوله کوره ینه لام حرفنک فتحی ايله «اله» دن مأخوذ اولوب «ارتفع» معناسنه در زیرا ذات باری، ممکناته مشابهت و محدثاته مناسبتدن رفیع و عالی در . بعض قوله کوره لام حرفنک کسری ايله «وله» دن مأخوذ اولوب «تحیر» معناسنه در . یا خود کسر لام ايله «وله» دن مأخوذ اولوب «فزع» و «لجی» معناسنه در زیرا جمله مخلوقات، امور و حوایجنده جانب الهی به التجا ایدر . یا خود «لاه یلوه» کله سندن مأخوذ اولورق «علا یعلو» معناسنه در . یا خود «احجب» معناسنه اولورق «لاه یلیه» کله سندن مأخوذدر زیرا عالم دنیاده ابصار اهل دنیادن محجبدر . یا خود «استتار» معناسنه «لاه» کله سندن مأخوذدر زیرا جناب حق، کمال صمدیت ايله محجب اولدینی کبی کمال ظهوری ايله دخی عقول و ابصاردن محجبدر . امام اعظم رضی الله تعالی عنه حضرتلینک لفظ شریف مذکورک اشتقاقی امرنده تأدباً سکوت بیورمش اولدقلمی مرویدر . ائمه نجاتدن امام سیویه عندنده دخی لفظ مذکور علم مرتجلدر .

[۲] مولی، الفاظ مشترکه دن اولوب «ولی» کله سندن مشتق در «مفعل» و زننده اولوب «فعلی» و زننده دکلدرد . «معتق» و «معتق» و «سید» و «مرہی» و «قریب» و «متصرف فی الامور» و «ناصر» و «محبوب» معنالیسه در . مولانا جلال الدین الدوانی حضرتلری «نصاب» شرحنده لفظ مذکورک (۱۴) معناسنی بیان بیورمشدر .

[۳] قدیم، دال حرفنک ضمی ايله «قدم» صیغه سندن صفت در وجودی عدم ايله مسبوق اولیوب بقایی مستمر اولان موجوده دینور . مالی، اول و اخری اولیان موجوددر .

[۴] موصوف لفظنک مصدری اولان وصف و صفت، اهل لغت عندنده مترادف در . آخرنده اولان «تا» حرفی «واو» حرفندن عوضدر «وعد، بعد، عدة» کبی .

[۵] ناظم علیه الرحمه حضرتلینک صفات کالدن مرادی صفات ثبوتیه ذاتیه اولورکه

(۱)

يقول العبد في بدأ الامالى لتوحيد بنظم كالالاتى
[۱] [۲] [۳] [۴] [۵] [۶]

(مأل بیت)

ناظم منظومه عليه الرحمة علم توحيدك بيانى ايجون مانند لآلى نظم ايله املا ايلديكى
اترك اولنده كلامه شروع ايدر.

[۱] عید ، عبد الله تقدیرنده اولوب مراد ، نفس ناظم عليه الرحمة در . مفهوم عبودیت ،
لازمه ذمت مخلوق اولان تذلل و خضاعت اظهارندن بشقه اعتراف ربوبیت حق سبحانه و تعالى
حضرتلرینی دخی متضمن اولمغه ناظم عليه الرحمة کندو نفسنی عنوان عبودیتله توصیف ایشدر .

(بیت)

(لا تدعى الآ بياعبديا فانه اشرف اسمائيا)

مدلولی اوزره «عبد» اسمی اشرف اسماء مؤمنین در .

انبیاء عظام عليهم الصلوة والسلام حضرتانك خاصة عبودیتلری خاصة رسالتلرندن اشرفدر . زیرا
عبودیتله خلقندن حقه منصرف ورسالتله حقدن خلقه منعطف اولورلر . بناءً عليه كله شهادته عبد عنوانی
رسول اوزرینه تقدیم اولمشدر .

[۲] بدأ ، ابتدا معنساندر . لكن ابتدا لفظنك مفهومی كلفتی متضمن در حمل واحتمال كبی .

[۳] امالی ، املا*كلمه سنك جمعی در . عن ظهر الغیب یعنی برکتابدن استعانه ایتیهرك تحریر
وكتابت ایتك معنساندر . بعض قوله كوره «امالی» منظومه مذكوره نك اسمی در . بعض قوله
كوره دخی «بدأ الامالی» منظومه نك اسمی در .

[۴] توحيد ، تفعيل باشدن مصدر در . صانع عالم حق سبحانه و تعالى حضرتلرینك ذاتاً
وصفاتاً واحد حقیقی یعنی شريك و نظیردن منزه اولدیغنی قلب ايله تصدیق ولسان ايله اقرار ایلكدن
عبارتدر . نظم مذكوره «توحيد» كلمه سندن مراد ، علم توحيد اولوب علم مذكوره ، علم كلام ايله
شهرتشاردر .

[۵] نظم ، لغته اینجونی ایلکه دزیمکه دنور . اصطلاحده مرتبة المعانی و متناسقة الدلالات
اولان كلماتی مقتضای عقل اوزره جمع و تألیف ایلكدن عبارتدر .

[۶] لا*لی ، «لؤلؤ» كلمه سنك جمعی در . لؤلؤ ، اینجو معنساندر .

مجتهدین کرام حضراتی طرفندن علم کلام حقنده منع و تحذیر وقوعبولدینی منقول و مروی اولوب بو منع و تحذیرک کلام فلاسفهیه و غیر مشروع مناظره و مجادلایه و بحث ایله عجب و غروره عاند اولدینی و علم کلام، قواعد اسلامییه اوزره جناب حنک ذات صفاتندن و نبوتدن و امشالی عقائد دینه دن باحث اولق حسیله علم مذکورک حاوی اولدینی مسائل اعتقادیه علوم شرعیه و دینه نك اصلی اولدیغندن مباحث اعتقادیهیه علی وجه الاجمال کسب و قوف و معرفت ایتمک هر مسلم اوزرینه فرض عین اولدینی کبی علی وجه التفصیل کسب معلومات ایتمک دخی عند الحنفیه فرض کفایه و عند الشافعیه فرض عین اولدینی علمای کرام حضراتی جانبندن ذکر و بیان بیورلمشدر.

حدیث شریف ایله ثابت اولدینی اوزره امت محمد علیه الصلوة والسلام عقائد جهتیله یتمش اوج فرقه اولوب بونلردن بر فرقه سی رسول اکرم صلی الله تعالی علیه وسلم حضرتلری ایله اصحاب کرامنک اعتقادلری اوزره اولان فرقه در که بو فرقهیه فرقه ناجیه و اهل سنت و جماعت اطلاق اولنور. باقی یتمش ایکی فرقه، فرق غیر ناجیه در.

فرق غیر ناجیه نك اصولی یدی فرقه دن عبارت اولوب فرقه اولی «معتزله» و فرقه ثانیه «شیعه» و فرقه ثالثه «خوارج» و فرقه رابعه «مُرَجئه» و فرقه خامسه «نجاریه» و فرقه سادسه «جبری» و فرقه سابعه «مشبهه» در. اشبو یدی فرقه نك فروع و توابعی اولوب جمله سی یتمش ایکی فرقهیه بالغ اولور.

افاخم علمای کرامدن «المولی محمد بن عبدالکریم الشهرستانی» حضرتلرینک «ملل و نحل» اسمی ایله مسمی اولان کتابنده کُرک فرقه ناجیه نك و کُرک فرق غیر ناجیه نك احوال و کیفیات و عقائدی علی وجه التفصیل ذکر و بیان اولدینی کبی علم کلامه متعلق سائر معلومات تفصیلیه دخی کتب کلامیه ده مسطور و محرر در. اهل سنت و جماعتک عقائد صحیحه سنی حاوی اولان کتابلردن اسوة العلماء المحققین و قدوة الفضلاء المدققین سراج الملة و الدین «علی بن عثمان الاوشی» علیه رحمة الباری حضرتلرینک بین العلماء و الطلاب «امالی» اسمی ایله شهرتیب اولان منظومه فاخره پر بها و نشیده ذاخره بی بهاری کافه اصول دینه و عامه عقائد یقینیه بی حاوی اولمسلیله منظومه مذکوره تبرکاً و تینماً اشبو علم کلام بختنه تدبیل و مجتذ کور منظومه مذکوره ایله تزین اولنمش و عمومک تسهیل استفادلری مقصدله هر بیتک زیرینه ممکن مرتبه ترکجه معناری ثبت و تحریر ایدلمشدر.

ناس بیننده فتن کونا کون حدوث ایتکله اختلاف آرا وتشعب اهو و بدع ومحدثات یوماً فیوماً بارز اوله رق و فتاوی و واقعات تکثر ایدرک مهمات دینده علمای کرامه مراجعت متزام اولسلیه مجتهدین عظام، آیات کریمه واحادیث شریفه به نظر ایله استنباط ایلدکلی احکامی ضبط ایچون قواعد و اصول و ابواب و فصول وضع ایدوب ادله تفصیلیه دن احکام عملیه معرفتی مفید اولان علمه «علم فقه» واجمالاً احوال ادله نک معرفتی مفید اولان علمه «اصول فقه» و ادله یقینه دن معرفت عقایدی مفید اولان علمه «علم کلام» تسمیه بیورمشلردر.

علم کلامده اهل سنت و جماعتک رئیس ایکی ذات عالیقدر اولوب بریسی «ابو منصور ماتریدی» و دیگرکی «ابو الحسن الاشعری» حضرتلری در.

مشارالیمه مان «امام الهدی ابو منصور محمد بن محمد بن محمود الماتریدی» رضی عنه الباری حضرتلری حنفی المذهب ایدی. مشارالیه حضرتلری «کتاب التوحید» و «کتاب المقالات» و «کتاب تأویلات القرآن» و «کتاب مآخذ الشرایع فی اصول الفقه» و «کتاب الجدل فی اصول الفقه» ناملری ایله موسوم اولان کتابلری تألیف بیورمش اولدقلری کبی فرقه معتزله [۱] ایله سائر فرقه مخالفه نک ردینه متعلق کتابلر دخی تألیف بیورمش و هجرت نبویه نک (۳۳۳) نجی سنه سنده «سمرقند» ده ارتحال دار بقا ایلشدر.

«ابو الحسن الاشعری البصری» رضی عنه الباری حضرتلری شافعی المذهب ایدی. مشارالیه هجرت نبویه نک (۲۶۰) نجی سنه سنده زیور کهواره وجود اولوب روایت صحیحیه کوره (۳۳۰) ایله (۳۲۰) سنه لری آره سنده و دیگر بر روایت کوره (۳۲۴) نجی سنه سنده و دیگر بر روایت کوره دخی (۳۳۰) بو قدر سنه ده عازم کلزار جنان اولمشدر.

[۱] معتزله، «اعتزال» لفظندن اسم فاعل اولوب فرقه معتزله سبکنده در. «اعتزال»، لغتده آیرلیق معنا سنه در. فرقه «معتزله» فرق غیر ناجیه دن برفرقه اولوب رئیس لری «واصل بن عطا» درکه «حسن بصری» علیه رحمة الباری حضرتلرینک مجلسنه مداوم اوله رق برکون اثنای محاوراته «مرتکب کبیره به مؤمن و کافر اطلاق اولمز» دیوب کفر و ایمان بیننده بر منزله اثبات ایتکله مشارالیه حسن بصری حضرتلری، «واصل بزدن اعتزال ایلدی» کلامنی کویان اولمغله مرقوم واصل و توابنک معتزله ایله ملقب اولدینی و فرقه مرقومه حق تعالی اوزرینه مطیعه ثواب و عاصیه به عقابک وجوبه و صفات قدیمه نک نفینه ذاهب اولمغله کندو ملتزینه اهل توحید و اهل عدل اطلاق ایلدکلی و قدری انکار ایتلری ایله انلره قدره دخی تسمیه اولندینی کتب کلامیه ده مسطوردر.

بحث

(۲۸)

﴿ علم کلام ﴾

(کلام)، اهل نحو عندند «ماتضمن الکلمتین بالاسناد» تعریفی ایله معرف در . یعنی اسناد تاّم ایله ایکی کلهبی متضمن اولان جملهیه «کلام» تعبیر اولنور. «زید قائم» جملهسی، تعریفه مثال اولوب معناسی «زید قائم در» دیمکدن عبارتدر. اسناد، «قیام» فعلنی زید اوزرینه حکم ونسبت ایتمکدن عبارتدرکه تفصیلی، کتب نحویهده مسطور ومندرجدر.

(کلام)، علمای علم عقائد اصطلاحنده قواعد اسلامیه اوزره جناب حقک ذات وصفاتندن ومبدأ ومعاد اعتباری ایله احوال ممکناتدن باحث اولان علمه اطلاق اولنور. دیگر برتعریفه کوره علم کلام، ادلهدن مکتسب اولان قواعد شرعیة اعتقادیهه علمدن عبارتدر.

علم کلامک اکثر مباحثی «کلام الهی» مسئلهسی اولمق و علم مذکور تحقیق شرعیات والزام خصومه ایراد کلامه ایراث قدرت ایلک مناسبتنه وامثالی وجوه مناسباته مبنی علم اصول دین، «علم کلام» اسمی ایله تسمیه اولنمشدر.

(موضوع) علم کلامک موضوعی، حق سبحانه وتعالی حضرتلرینک ذات وصفاتی در. (منفعت) علم کلامک منفعتی، سعادت ابدیه و سیادت سرمدیهه نائل اولمقدر. (مبادی) علم کلامک مبادیسی، علوم شرعیه وصناعات منطقیه در.

صحابه کرام وتابعین ذوی الاحترام حضرتانک صحبت نبویه برکاتی وزمان سعادت نشان رسالتپناهییه قریت حیثیتی ایله صفوت عقیده لری اولدیغندن بشقه او عصرده وقایع واختلافات قلت اوزره اولوب ظهور ایدن مشکلات دخی خلفای راشدین رضوان الله تعالی علیهم اجمعین حضراتی ایله ثقات کاملین طرفلرندن حل اولندیغنی جهتله اثبات عقائد دینییه ایچون بحث و مناظرهیه وتدوین علم توحیده لزوم واحتیاج مفقود ایدی . وقتاکه صحابه کرام ومرجع انام اولان علمای معالی اتسام حضرتانک عصر وزمانی مرور ایلدی

روحانیدن اخذ ایتیموب بلکه قوهٔ متخیله و حافظه مخزون و موجود اولان مغناری ترکیب و تحلیل ایله تحصیل و ملاحظه ایدر اول واقعہ شیطانی و کاذب در. زیرا بو واقعہ اوہام فاسده و خیالات باطله اولوب و شیطان دخی دائماً نفسه امر باطل القا ایکنله شیطانه نسبت اولنمشدر.

رؤیاء نفس انسانه مخصوص و عامهٔ افراد بشرک طبیعتلرنده موجود برحالت اولوب افراد بنی آدمین بر فرد اندن خالی دکلدر بلکه اشخاص بشردن هرکس عالم منامده نیچه واقعہ لر مشاهده ایدرکه حال یقظه ظاهر اولدوقده نفس ناطقه نك انسانی نومده مغیباته واقف اولدیغنه قطع و جزم ایدر چونکه عالم خوابده نفس ایچون غیبه و قوف جائز اولدوقده سائر وقتده دخی طریق آخر ایله نفس ناطقه ایچون مغیباته وصول ممکن اولور. زیرا نوم و یقظه ائنالرنده غیبی ادراک ایدن شی انجق نفس واحد اولوب انسانک اصل و خلقتدن موجود اولان خاصهٔ طبیعیه سی و استعداد ذاتیسی هر حالده دایم و باقیدر.

عالم منامده مشاهده اولنان رؤیایر انسانک قصد و قدرتی ایله حاصل اولیوب بلکه روح انسانی کندوسنک و یا خود شیء احرک احوالی بیلیمک ایچون طرف غیبه متوجه و منتظر اولدوقده لطف باری و عون الهی مقارنتی ایله اول شینک حقیقی و توجه ایلدیکی امرک کیفیتی منظرهٔ غیبین لوح نفسه منعکس و منکشف اولور یوخسه روح انسانی ایستدیکی وقتده مراد ایستدیکی خصوصی عالم منامده رؤیت و مشاهد ایتیمکه قادر دکلدر.

علمای کرام حضراتی جانبندن تعبیر رؤیایه متعلق کتب کثیره تألیف بیورلمشدر. کتب مؤلفه نك بعضیسی «ابن الدقاق» ک فوائد الفرائد اثری کبی مختصر و «امام خنبلی» حضرتلرینک «شرح البدر المنیر» اثری کبی متوسط و «ابوالسهل المسیحی» ایله «المولی محمد بن قطب الدین الازنیقی حضرتلرینک» تألیفات کبی مبسوط اولوب «قطب الدین الازنیقی حضرتلرینک» علم و فضل و زهد و ورعه نادر الوجود برذات حمیده صفات اولدوقلری و ریاست علمیه ایله ریاست کشف بیننی جامع بولندقلری علمای کرام حضراتی طرفندن ذکر و بیان بیورلمشدر.

سلف صالحیندن علم تعبیر رؤیایه تهر ایتیمش اولان ذات عالی قدر «محمد بن سیرین» رضی عنه رب العالمین حضرتلری اولدینفی متفق علیه اولوب مشارالیه حضرتلرینک تعبیرنامهٔ خصوصی اطراف عالمده زیور ایدی اعتبار و اشتهارددر.

بر ترکیب ترتیب ایدر و اکثریا صورت ترکیب واقعه، نفسک عهد قریبده مشاهده ایدوب حال یقظهده مألوف و معتاد اولدینی امور جنسندن واقع اولور بعده حواس ظاهره ایله حس اولنان محسوسات جزئیتهنک جرم دماغده جمعی اولان حس مشترک قوتنه اول صورتلری تزییل ایدوب حواس ظاهره ایله خارجده حس اولنان وجه اوزره مشاهده ایدر و عالم خوابده وقت اولورکه انسانک نفس و روحی قوای ظاهره ایله حاصل اولان مشاغل حسیهدن خلاص اولدینی کبی قوای دماغیه ایله تخییل ایتدیکی صور خیالیهدن دخی تخلص کریبان ایدوب بر لحظه کندی ذات روحانیسی دخی ادراک معنوی ایله مشاهدهیه موفق اولوب لوح غیبندن کندی آینه ذاتنه منعکس اولان معارف غیبیهی دخی معاینه ایدر. بعدذا روح انسانی بلا واسطه کندی ذاتیه طرف حقدن اخذ ایلدیکی امور مغیباتی قوه متخیلهیه عرض ایدوب متخیله دخی او معناری یا حقیقی اوزره نقش و تصویر و یا خود او معنایه مناسب بر قالمه سبک و افراغ ایله تخییل ایدر. اگر اخذ اولنان معنائک عینی رسم و تصویرده عاجز اولوب مناسب بر صورتیه افراغ ایدر ایسه او واقعه تعبیره محتاج اولور. اما نفس ناطقه علائق بشریهدن کندینی تخلص ایله بر لحظه عالم ارواحه اصل و آینه ذاتنه منعکس اولان صور مغیباتی مطالعه حاصل اولیوب بلکه حواس ظاهره واسطهسی ایله حال یقظهده خارجدن داخله وارد و قوه حافظهده مخزون و موجود اولان صور حسیهی قوه متخیلهیه ترکیب و تحلیل ایله تصرف ایدر ایسه او واقعه کاذبه اضغاث احلام یعنی قاریشق رؤیا اولور.

عالم منامده مرئی اولان واقعهلر بالاده ذکر اولنان اوچ مرتبه اوزره واقع اولدینی سلطان انبیا علیه افضل التحایا حضرتلرندن روایت اولنان حدیث صحیح دخی تایید ایدر. زیرا صاحب سعادت حضرتلرندن مروی درکه رؤیا اوچ نوع اوزره واقع اولور. بر نوعی بالذات جناب حقدن و بر نوعی ملک واسطهسیله و بر نوعی دخی شیطان القاسیله حاصل اولور دیو بیوردقلری کلام نبوی مراتب مذکوریه اشارت در.

اول واقعه که نفس انسانی بلا واسطه الآلات کندی ذاتی ایله اخذ ایدوب قوه متخیلهیه دخی حقیقی اوزره عینی تصویر ایدر اول واقعه بالذات طرف حقدن لوح روحه منعکس اولوب تمییردن غنی و عینی واقع اولور. اول رؤیا که روح آئی لوح غیبندن اقتباس ایلوب لکن قوه متخیلهیه عینی ادراکدن عاجز اولغله او معنایه مناسب بر قالمه افراغ ایدر اول واقعه ملک واسطهسیله صحیفه خیالده تعبیره محتاجدر. اول واقعه که روح انسانی، انی عالم

وجه اوّل ظاهر بدنۀ موجود اولان سمع وبصر مقوله سی آلات حسیه واسطه سیله ادراکدن عبارتدر. وجه ثانی دخی جرم دماغده مرکز اولان قوه واهمه وقوه متخیله کبی قوای باطنه ایله تحصیل ایلدیکی ادراکدر. اشبو ایکی وجه ایله اولان حس وادراک، نفس ناطقه یی کندو فوقده عالم غیبده موجود اولان روحانیاتی مشاهدهدن منع ایتمش وفطرت وجبلیتی ایله مستعد اولدینی صور علوم غیبیه یی معاینهدن صرف ایلتشدر. کذلک آلات حس وشعوردن خارج بدنۀ موجود اولان حواس خمسۀ ظاهره اعضای بدنیه دن برر عضوده موجود اولوب قوه باصره عینده وقوه سامعه اذنده وقوه شامه انفده وقوه ذائقه لسانده وقوه لامسه اکثر اجزای بدنۀ واقع امور جسمانیه دن اولمغله نفس ناطقه، بو آلات وقوای محسوساتی ادراک اولنان اشیاده استعمال ایلدکده بوقوتلره تعب وکلال ومشقت وملال کلوب کثرت تصرف واعمال ایله روح حیوانی دخی اطرافه منتشر اولمغله قوای حس وشعوره ضعف وفنور ووهن وقصور عارض اولدقده جناب حکیم بی زوال جلّ شأنه عن الوهم والخیال حضرتلری قوای حسیه یه راحت ویرمک ایچون نفس انسانده بر داعیه خلق ایلدی که انشای لیل ونهارده عارضۀ نوم ایله آلات حس وشعورک استراحت وآرامنه طالب اولوب کثرت استعمال ایله حاصل اولان تعب وکلالی انکله دفع ایلدکدن صکره مجدداً کسب ایده چکی علم وکمال وسائر اثار وافعالنه قدرت کامله تحصیل ایله وحواسّ ظاهره ایچون مطلوب اولان راحت وحضور میسر اولیوب انجق مرکز قلبدن جرم دماغه وسائر اعضایه صعود ایدن بخار لطیفک ظاهر دن باطنه عودت ورجوع ایتمسیله حاصل اولوب خصوصاً شمسک غروب وحرارتک زوالی ایله انشای لیلده بدن انسانه مس ایدن برودتک اعاتی ایله واقع اولور. بو صورتده طبیعت بشر، برودت لیلی حس ایتمکله حرارت غریزه اعماق بدنه میل وتوجه وظاهر دن باطنه عودت ورجوع ایدوب نفس ناطقه نک قطع مسافۀ کماله مطیبه ومرکبی مثابه سنده اولان روح حیوانی یی خارجدن داخل بدنه سوق ایدر بوسیدن درکه نوم انسان، غالب حالده اکثر اوقاتده انشای لیلده واقع اولور. روح حیوانی که بخار لطیف در حواس ظاهره دن داخل بدنۀ واقع قوای باطنیه رجوع ایتمکده نفس ناطقه نک حواس ظاهره واسطه سیله حاصل اولان علائق وموانعی بر طرف اولوب مشغله سنه خفت کلکله قوای دماغیه دن قوه حافظه ده موجود وحاضر اولان صور حسیه یه مراجعت ایدوب قوه متخیله دخی اول صورتلری بر برینه ضم وتالیف ویاخود بینلرینی تقریق وتحلیل ایله صحیفۀ خیالده

(تجویف ایمن) ، درون قلبه جذب غذا ایچون صدرک صاغ جانبی طرفنه مائل اوله رق دم صافی ومقدار قلیل روح حیوانی ایله مملودر.

(تجویف ایسر) ، صدرک صول جانبنه مائل وروح حیوانی دینیلان بخار لطیفک منبع ومعدنی اولوب مقدار قلیل دم صافی دخی موجوددر.

(تجویف اوسط) ، تجویف ایمن ایله تجویف ایسر بیننده دهلیز شکلنده متوسط اولوب کبد طرفندن مجلوب وتجویف ایمنده مخزون اولان دم صافی ایله قلبی تغذیه وتولید روح ایچون تجویف ایسره ایصال ایدر.

قلبک تجویف ایسری روح حیوانی اسمی ایله معروف اولان بخار لطیفک معدن ومنبعی اولوب « شریان » دینیلان مجوف وطولانی طمرلر دخی تجویف ایسردن نابت وکبد و دماغه وسائر اعضایه منتهی اولمغله تجویف ایسردن روح حیوانی شریانلره حلول وحس وحرکته مستعد اولان عضولره وصول بولدقده نفس ناطقه انسانیه، اول بخار لطیف واسطه سیله حس وحرکت عملنی اعضاده اجرا وهر عضوه لایق اولان کمالی اذن حق ایله اعطا ایدر.

روح حیوانی وبخار لطیف نورانی قلبک تجویف ایسرنده حاصل وحرارتی کامل اولمغله شریانلر واسطه سیله جوف دماغه واصل اولدقده جرم دماغدن برودت کسب ایدوب روح حیوانی نک مزاجی معتدل اولور. بعده جرم دماغده مرکوز وبطون ثلثه ده موجود اولان قوای خمسۀ باطنه دن قوه واهمه وحس مشترک وقوه حافظه وقوه خیالیه ومتفکره نک عمللری دخی نفس ناطقه دن اشبو روح حیوانی واسطه سیله صادر اولور.

تفصیلات مشروح ه دن اکلاشیله جفته کوره نفس ناطقه دن صدور وظهور ایدن کالات علیه و عملیه وجمله افعال واعمال بدنیه ، قلبک تجویف ایسرنده موجود اولان روح حیوانی واسطه سی ایله حاصل اولور وروح حیوانی اجزای بدنک الطف واشرفی اولمغله نفس ناطقه یه لطافت جهتیله فی الجمله مناسبت وملائمتی واشبو جوهر نفسدن صدور وظهور ایدن آثار وافعاله الت اولمغله لیاقتی ظاهر اوله رق سائر اعضای ظاهره وباطنه ده نفسک اناری اشبو روح حیوانی وساطتیله صادر اولدینی ثابت اولور.

کذک مقدما ذکر اولدینی اوزره انسانک علم وادراکی ایکی وجهله حاصل اولور.

عالم معنایه داخل ولوح غیبه مرسوم اولان صور مغیباتدن مشتاق اولدینی بعض امور و واقف اولور. بناءً علی هذا روح انسانی، کاهیجه عالم خوابده علائق و شواغل بدنیه دن تخلیص کریبان ایدوب بر لحظه عالم غیبه نظر ایله منزل مقصودینه واصل اولور.

ظهور نوم ایله انساندن حس و شعور کیدوب آلات حسیه نك عملی زائل اولسنك سببی شودرکه انسانك سائر حیوانان دن امتیازینه مدار اولان نفس ناطقه سی جسم و جسمانی اولیوب بلکه ذاتنده حس بصر ایله محسوس و مرئی اولیان ارواح ملکیه کبی دیده دن نهان و بدنده اناری عیان بر موجود روحانی و جوهر نورانی درکه تعلق ایتدیکی جسم و بدنك زمام تصرفی و ابستة رأی و تدیری اولغله هیكل محسوس بشرك ظاهر و باطننده امری نافذ و حکمی جاری در. نوع بشر حس و حرکتده کندوسنه مشارك اولان سائر حیوانان دن نفس ناطقه ایله ممتاز اولدینی کبی نفس ناطقه دخی ارواح ملکیه و سائر روحانیتدن جسم و بدنه تعلق ایله ممتاز اولوب کندوسندن صدور و ظهور ایدن علم و کمال و سائر اعمال و افعال، بدنده موجود اولان آلات ظاهره و باطنیه اعمال ایله حاصل اولور. لکن نفس انسانی ارواح ملکیه کبی بر جوهر لطیف روحانی و هیكل بدن کثیف و ظلمانی اولغله پینلرنده مناسبت بعیده و مابینت شدیدله اولوب شیء لطیفك دخی لطیفده تأثیری قانون حکمته موافق و کشفده اثری و تیره عادت الهیهیه مخالف اولغله نفس ناطقه نك مستعد اولدینی علم و کمال و سائر اعمال و افعالی تحصیل و ذاتی تکمیل ایتك قصد و اراده سی ایله جناب حکیم بی زوال جلّ شانّه عن المثال حضرتلری اخلاط اربعه نك زیاده لطیفندن و علی الخصوص صاف دمدن مخلوق و لسان اطباده روح حیوانی عنوانی ایله معروف اولان بخار لطیفی بدن انسانده خلق و تکوین ایدوب نفسك اعمال و افعالی تحصیله آلت و حکمت و قدرتنه برهان و حجت ایلدی.

رؤسای اطبانك عمده سی «جالینوس» دن و انك غیری سائر مهرم فن طبدن نقلاً کتب تشریحده مسطور اولدینی اوزره بدن انسانده موجود اولان اعضای ریسه نك اشرفی قلب در. قلب دخی چام اغاجی صالحمی کبی مخروطی الشكل بر عضو درکه سیوری طرفی صدرك اسفلنده صول جانبته مائل ویصی جانبی صدرك وسطنه متصل و ملاصقدر. جرم قلبده بعضاً دم صافی و بعضاً روح حیوانی ایله مملو اوج عدد مجوف محل واردرکه بریسی «تجویف امین» و بری «تجویف ایسر» و دیگر اوچنجیسی «تجویف اوسط» تسبیحه اولتور.

مکنون اولان اسرار الهیه و علوم ملکینی طور قیاسدن خارج ذات عالیترینه مخصوص ادراک و شهود ایله مشاهده و اوقات مخصوصه تلقی و وحی الهی بیوررلر . بعدهینه ملکیتدن بشریته رجوع و عودت ایدوب دایره حس و خیالی تشریف ایتدکلرنده ملائکه کرامی صورت بشریه ایله دخی مشاهده و طرف حقندن کندولرینه تبلیغ اولنان کلام الهی سغیر وحی جلیدن اخذ و تلقی بیوررلر .

انبیای کرامک بو حالت سنیهلری سائر افراد بشرک عالم منامده رؤیا طریقله معاینه ایدکلری حالدن پک زیاده مرتبه اعلاده ایسهده ینه استفاضه غیبه بینلرنده فی الجمله مناسبت و مشابهنه واقع اولغله منمخر موجودات علیه افضل الصلوات حضرتلری نبوت ایله رؤیانک مناسبتی و بینلرنده واقع اولان نسبت تفاوتی امت و اصحابنه بیان بیورمق قصدیه « رؤیا، نبوتک قرق آلتی جزؤندن بر جزؤدر » دیو کهر ریز خطاب مستطاب اولدیلر روایت اخراده رؤیا، نبوتک قرق اوچ جزؤندن و بر روایتده دخی یتمش جزؤندن بر جزؤ اولمق اوزره کتب احادیث شریفه ده تخریج اولمشدر . بو روایتلرک جمله سنده اجزای نبوتک ذکر اولنان عدد معینه انحصاری مقصود بالذات اولیوب بلکه نبوت و رسالته مخصوص اولان مراتب علیه کثرتی و رؤیا ایله نبوت میاننده واقع اولان کمال تفاوتی بیان قصد اولمشدر . زیرا بو حدیث شریفک بعض طرق اسنادنده نقل اولدینی اوزره کلام عربده یتمش معناسنه اولان « سبعین » لفظی وارد اولوب « سبعین » لفظی عندالعرب کثرتدن کنایه مقاننده استعمال اولنه کلمشدر .

معلوم اولدینی اوزره عامه افراد بشرک نفس و روحلری کرچه اطلاع مغیباته مستعد اولوب هر شخصک جوهر ذاتنده بو استعداد ذاتی موجوددر . لکن هر شخصک قبولنه مستعد اولدینی کالات علمیه و عملیه ک کندوسنده بالفعل حصولنه موانع کثیره واردر . او موانعک اعظمی ، انسانک ظاهر وجودنده موجود اولان قوای خمسده درکه انلرک هر بریسی ایله انسان، خارجه موجود اولان محسوسات جزیهیی حس و ادراک ایله مشغول اولوب علاقه ایتدیکی امور محسوسه ظهر پرده حس و خیالده موجود اولان عالم معنایی و صور روحانییی مشاهدهدن نفسی منع و صرف ایتمکه جناب حکیم مطلق تعالی شانہ حضرتلری طبیعت بشرده حالت مناحی خلق و ایجاد ایله آینه روحندن پرده حسی رفع و حر مسرای غیبه بر باب فتح ایلشدر که روح انسانی عالم منامده اول بابدن

حاصل ودرجه کماله واصل اولدقن صکره دائره حسدن خارج و آلات بدنیدن عاری اوله رق حاصل اولان علوم غیبیه و معارف آیهی دخی مجرد کندو ذات روحانیسی و طبع نورانیسی ایله ادراک اتمکله ارواح عالیینه و ملائکه مقرّینه فی الجمله مشابهت و مناسبت تحصیل ایدر انجق روحانیات اراسنده نفسک رتبهسی ملکیت طبقه سندن ادنی اولوب کالات علیه و عملیه درجه علیای ملاء اعلایه بالغ اوله من زیرا ملائکه کرام علیهم الصلوة والسلام حضراتنک ذات و صفات حقه و عالم روحانی و جسمانی ده موجود اولان سائر اشیانک حقایقه علم و ادراک لری نفس انسان کبی قوای بدنیه و آلات جسمانیه و ساطتیه علی التدریج کسب و تحصیله موقوف اولیوب بلکه ابتدای فطر تدرنده و اول خلق تدرنده انلرک جمیع کالات علیه و عملیه لری دفعه حاصل و انسانک ازمنه عیدیه کسب و تدریج ایله تحصیل ایده چکی علوم و معارفه اول امرده علی وجه الکمال واصل اولملریله ذات لرینی استکمال ایچون نفس لرندن خارج آلات و قوایه محتاج اولدق لری درکاردر. لکن انسان دخی اصل فطر تدرنده و مایه خلق تدرنده موجود اولان استعدادی فعله کتوروب حقائق اشیایه و طبائع موجوداته علم و ادراک کسب و تحصیل و جوهر ذاتی تکمیل ایلدکن صکره رفع حجاب حس ایله عالم نامده جسمانی بدن روحانیه ترقی ایدوب بر لحظه انوار ملکیه و ذوات روحانیه ایله ملاقات ایلدکده آن واحده لوح غیبدن استعداد و صفوتی درجه سنده علوم غیبیه واقف اولور و روح انسانی، مادامکه حلول موت ایله جسم و بدنن علاقهبی قطع ایتمه کندوسنده بو استعداد ذاتی موجود اولوب علائق و مشاغلدن کندوسنه عالم نامده تجرید حاصل اولدقجه مغیبتدن نیجه اموره مطلع اولور و نفس انسانده مغیباته وصول استعدادی دخی مختلف و قرب و بعدایله درجاتی متفاوت اولوب بر قسمی عامه افرادک طبیعت لرنده موجود درکه عالم نامده اثری حاصل اولور و بر قسمی دخی اولیای کرامه مخصوص استعداد درکه انلر حال نامک غریده دخی کشف و الهام طریقیه بعض مغیباته واقف و مطلع اولور لر. اما انبیای عظام صلوات الله تعالی علیهم اجمعین حضراتنک ذات کروی صفت لرنده عالم غیبیه وصول استعدادی درجه علیا ورتبه قسوایه بالغ درکه انلرک ارواح مقدسه لری اجسام لطیفه لرنده موجود اولان قوای ظاهره و باطنه لری ایله حس و مشاهده اولنان امورک و سائر مشاغل بدنیه نیک جمله سندن علاقهبی قطع ایله لمح بصرده دائره بشریتدن خروج و جمیع روحانیاتک اکمل و اعلاسی اولان ملکیت محضه رتبه سنه عروج ایدوب ارواح عالیین و ملائکه مقرّیندن بر روح اعظم و ملک معظم اولور و بو بناده سرایزده غیبیه

ایدن اشیایه عارف اولمغله نفس انسانی دخی اثنای نومده جسم وبدنه متعلق امور ایله اشتغالدن فی الجمله تخلیص کریبان ایدرک بر لحظه عالم روحانی به وصوله فرصت بولدیغی آنده کندوسی دخی جواهر روحانیه دن بر جوهر اولوب نور بصیرت ایله ارواح علویه به ناظر و آنلرک آینه ذاتلرنده مرسوم ومصور اولان علوم غیبیه دن نیجه معارفه نائل وزمان مستقبلده ظهور ایده جک حوادندن بعضیسنه واصل اولدقدن صکره ینه فی الحال روحایتدن جسمایتیه رجوع و عودت ایدر و اخذ واستفاضه ایله واقف اولدیغی اموری بطن دماغده موجود اولان قوه متخیله به عرض ایدر. اکر روح انسانی، علائق بدنیه دن کندوسی کرکی کبی تخلیص ایده میوب آینه ذاتی کدورات علائق ایله مغبر ایسه لوح غییدن منعکس اولان معنایی علی وجه الکمال مشاهده و عینی ادراکده قاصر اولور. بو صورتده قوای دماغیه دن قوه متخیله، نفسک نقصان و قصور اوزره مشاهده ایتدیکی معنایی اکا مناسب بر صورتله تصویر و کندویه لایق بر قابله سبک و افراغ ایتمکله اول واقعه تعبیره محتاج اولور. مغبر دخی اول صورت خیالییه مناسب و مشابه اولان معنایی صاحب رؤیایه بیان ایدوب نفع و ضرر و خیر و شرّ دن نه مقوله امره دلالت ایدر ایسه انی کشف و اظهار ایدر. اما آینه روح، صاف و تابناک و غبار و همدن پاک اولوب روی بصیرتدن رفع نقاب و کشف حجاب ایله بر لحظه عالم غیبیه ارواح علیین ایله ملاقات ایدوب کندوسنک و یا شخص آخرک احواله متعلق بعض اموری کرکی کبی مشاهده و معاینه ایلدکده اول واقعه مبارکه، واقعه مطابق رؤیای صالحه و خیالندن خالی اولمغله تعبیردن مستغنی اولوب مشاهده ایتدیکی امرک خارجده عینی واقع و ظاهر اولور.

روح انسانی، ابتدای خلقتنده علوم و معارفه و فنون و صنایعه قابل و مستعد بر جوهر روحانی در. لکن مستعد اولدیغی کالاتک کندوسنه حصولی تعلق ایلدیکی جسم و بدنک داخل و خارجده خلق اولنان قوای ظاهره و قوای باطنیه و سایر آلات بدنیه سنی محسوسات خارجیه ده استعماله موقوفدر. مثلا قوای ظاهره دن قوه باصره ایله مرئیاتی رؤیت و قوه سامعه ایله مسموعاتی استماع و قوه شامه ایله روایحی شمّ و قوه ذائقه ایله طعموی درک و قوه لامسه ایله حرارت و برودتی و رطوبت و یبوستی حس ایدوب بعده بطون دماغده موجود اولان قوای خمسّه باطنه ایله دخی محسوسات جزئیته نک احوال و اعراض جزئیته سنی تخیل و تفکر ایدرک جزئیاتدن کلیاتنه ترقی ایلوب بو صورتده اشیانک طبائع و حقائق کلیه سنی و احوال و عوارضی علی وجه الکلی ادراک و اذعان ملکوسی

بحث

(۲۷)

﴿ علم تعبیر رؤیا ﴾

علم تعبیر رؤیا، تخیلات نفسانیه ایله امور غیبیه بیننده کی مناسبتدن باحثدر. تخیلات نفسانیه دن امور غیبیه انتقال اولنور و بو انتقال ایله خارجه اولان احوال نفسانیه ویاخود افاقده کی احوال جاریه استدلال ایدیلور.

علم مذکورک منفعی بشری [۱] ویاخود «انذار» [۲] در.

معلوم اولدینی اوزره رؤیا نفس ناطقه نك فعلی در. اکر رؤیا نك حقیقی اولماق فرض اولنسه انسانده شو حالتك ایجادنده فائده اولماق محذوری لازم کلور حال بوکه حکیم مطلق تعالی شانه حضرتلری ایجاد باطلدن منز اولوب جناب حقک هر بر ابداع و ایجاد کی حکمت و مصلحتدن نظالی دکلدن .

علمای کرام حضراتی جانبندن ذکر و بیان بیوردینی اوزره علم رؤیا، عوالم روحانیه دن بر عالمدرکه عامه افراد بشرده سکون و راحت ایچون نوم یعنی اویقو اطلاق اولنان حالت طبیعه ظهور ایتدکده روح انسانی ظاهر دن باطنه توجه ایدوب لوح غییدن کندی آینه ذاته منعکس اولان صور کائناتی لحظه واحده مشاهده و تماشا ایدر. زیرا انسانک نفسی، حال یقظه کندی جسم و بدنک احوالی تدبیر ایله مشغول و سماع و بصر و سایر قوای ظاهره ایله حس ایتدیکی امورده فکر و تأمله مجبول اولمغله کندی ذاتی ادراکدن غافل و لوح غییدن کندویه منعکس اولان علوم و معارفدن زاهلدر. اما انسان، نوم سببی ایله روزنه [۳] حسی سد و بند ایدوب علائق جسمانیه و عوائق بدنیه دن فکر و نظرخی قطع ایله عالم غیبیه توجه ایلدکده ملائکه کرام و سایر روحانیاتی مشاهده ایدر. روحانیات ایسه علمای محققین عندنده عالمده موجود و واقع اولان امورک جمله سنه واقف و ماضی و مستقبلده ظهور

[۱] بشری، با حرفنک ضمی والف مقصوره ایله سونجولو خبر وخیرو خبر معناسنه در.

[۲] انذار، لغتده بر ماده اعلام ایدوب تحذیر و تخویف ایتک و عذاب و عقوبت وعد ایتک معناسنه در.

[۳] روزنه، پنجه دیمکدر.

بحث

(۲۶)

﴿ علم ادعيه و اوراد ﴾

[۱] [۲]

علم مذکور، ادعيه مآثورہ و اوراد مشہورہ نك صورت تصحيح و ضبطی ایله روایتندن و خاصه لرینك بیانندن و عدد تکرارندن و اوقات قرأتلرندن و شرائطندن باحث در .
(غرض) علم مذکور دن غرض، فوائد دینیه و دنیویہ نائل اولمق ایچون ادعيه مآثورہ و اوراد مشہورہ یه وجه لائق اوزره کسب و قوف و معرفت ایتمکدر .

علم ادعيه، احادیث شریفه دن استمداد ایله دیکی جهتله علم حدیث شریفك جمله فروغندن عد و شمار اولدینی و « امام نووی » علیه رحمة الباری حضرتلرینك « کتاب الاذکار » اسمی ایله موسوم اولان کتاب لطیفی و « المولی محمد بن محمد الجزری » حضرتلرینك « حصن الحصین » اسمی ایله مشهور اولان کتاب شریفی و « المولی عبدالرحمن البسطامی » علیه رحمة الباری حضرتلرینك کتاب مستطابی علم ادعيه نك کتب نافعہ و لطیفه سندن اولدینی و بو کتابلر دن غیر ی علم مذکورہ متعلق پك چوق آثار شریفه بولندی علمای کرام حضرتائی طرفندن ذکر و بیان بیورلمشدر .

[۱] « ادعيه » دعاء لفظنك جمی در . « دعاء » لفظی دال حرفنك ضمه حرکه سی ایله رغبت الی الله معنانه درکه نیاز و ابتهال ایله حق تعالی حضرتلرینك درکاهندن خیر و رحمت رجاسندن عبارتدر .
ادعيه مآثورہ، سلف صالحیندن نقل و روایت اولنان ادعيه شریفه دن عبارتدر .

[۲] « اوراد »، ورد لفظنك جمی در .
« ورد » لفظی واو حرفنك کسری ایله قرآن کریم دن بر جزؤه اطلاق اولنور . بهر کون قرائت ایچون وظیفه اتخاذ اولنان جزؤه اطلاق اولنور . دائماً لسانده متداثر اولان کلامه دخی دینور .



حضراتك شرف صحبتلى ايله مشرف اولان ذوات كرام حضرتنه «تابعين» اطلاق اولنور ايدى. تابعين كرامدن صكره كلان ذوات كرامه «اتباع تابعين» اطلاق اولنور ايدى. اتباع تابعيندن صكره بين الناس وقوع اختلاف وتباين مراتب سبيله افاضل ناسه يعنى امر دينه شدتله اعتنا ايدن ذوات كرامه «زهاد» و «عباد» تسميه اولنور ايدى. دها صكره بدعتلر ظاهر اوله رق وناس بيننده تداعى ظهور ايدرك هر فرقه «زهاد» كندولرنده اولمق اوزره ادعا ايدر ايدى. او زمانده احكام شرع شريفه رعايتله طوارق غفلتدن حفظ و تطهير قلوب ايدن خواص اهل سنت «تصوف» اسمى ايله منفرد و متخيز اولمشدر.

تصوف اسمى، هجرت نبويهك (۲۰۰) تاريخندن اول اشهار ايدوب اسم مذكور ايله تسميه اولنان ذوات كرامك اولى هجرت نبويهك (۱۵۰) تاريخنده ارتحال دارجان بيورمش اولان «ابو هاشم الصوفى» حضرتلى در.

بر زوايته كوره طائفة صوفيه «صوفى» اطلاق اولنسى طائفة صوفيهك صوفدن يعنى يوكدن لباس اكتسا ايتلرندن و صوفدن لباس اكتسا ايتلىرى دخى زينت دنيايه عدم ميل و رغبتلرندن نشأت ايلمشدر. ديكر بر روايه كوره «صوفى» لفظنك اصلى «صفوى» در. يعنى صلواته حق سبحانه و تعالى حضورنده واقف اولان صف اوله نسبتدن عبارتدر. «صفوى» لفظنك تلفظنده ثقلت اولغله (واو) حرفى (فا) حرفى اوزرينه تقديم اولنوب «صوفى» دئيشدر. ديكر بر روايه كوره «صوفى» لفظى «صفه» لفظنه نسبت اولنوب طائفة صوفيه اطلاق اولنور. رسول اكرم عليه الصلوة والسلام حضرتلىنك زمان سعادتلرنده فقراى مهاجريندن بر جماعته «اصحاب صفه» اطلاق اولنور ايدى. شو وجه اشتقاق، لفة مستقيم دكلسده معنا مستقيم در. چونكه طائفة صوفيهك احوالى اصحاب صفه احوالنه مشابه در. زيرا اصحاب صفهك مدينه منوره ده مسكنلىرى واقارب وعشارى اوليوب (۴۰۰) قدر ذوات كرامدن عبارت ايدى كه مسجد رسول عليه الصلوة والسلامده اقامت ايدوب روز و شب عبادت ايله مشغول اولورلر ايدى.

رضوان الله تعالى عليهم اجمعين

صحت

(۲۵)

﴿ علم تصوف ﴾

علم تصوف، اول بر علمدرکه او علم ايله اهل کمالک مدارج سعاداته کیفیت ترقیسنندن ودرجاته اهل کماله عارض اولان اموردن باحثدر. اما شودرجات ومقاماتندن حقیقه تعبیر اولتقی غیر ممکندر. چونکه عبارات، اهل لغاتک فهمی واصل اولدینی معانی ایچون وضع اولمشدر. اما اول معانی که قوای بدنیدن تجرّد و غیوبت حالنده ادراک اولنور اکا اخر صورتله وصول میسر اولمز و او صورتله حاصل اولان معانی به ممکن التعبیر اولان الفاظندن فضله الفاظک وضعی دخی ممکن دکلدر. نته کیم معقولات، اوهام ايله ادراک اولنمدینی کبی موهومات خیالات ايله وتخیلات دخی حواس ايله ادراک اولنمز. كذلك عین الیقین ايله معاینه سی حال وشافی اقتضاسندن اولان شیئک علم الیقین ايله ادراکی ممکن دکلدر. بو حالده علم مذکور ی بیئک مراد ایدن کیمسه اوزرینه واجب اولان شیء، او علمه عین الیقین ايله وصوله سعی واجتهاد ایتکدن عبارتدر. زیرا علم تصوف طور عقلک خارجنده اولدیغندن بیان ايله ارزوی وصول حاصل اوله میسه جفی علمای کرام حضراتی جانبندن ذکر و بیان بیورلمشدر.

ایچون علم تصوف علم اهل کماله عارض اولان اموردن باحثدر

علم التصوف علم ليس يعرفه
 الا اخو فطنة بالحق معروف
 وليس يعرفه من ليس يشهده
 وكيف يشهد ضوء الشمس مكفوف

معلوم اولدینی اوزره مرتبه افضلیتده صحت نبویه فوننده افضل مراتب اولمدینی جهتله رسول اکرم صلی الله تعالی علیه وسلم حضرتلرندن صکره افاضل مسلمین یعنی صحابه سعادت قرین رضوان الله تعالی علیهم اجمعین حضراتی «صحابه» لفظ شریفی ايله شهرتشعار اولوب بشقه بر اسم ولقب ايله یاد اولنمز لر ایدی.

عصر یانیده افاضل مسلمینه یعنی اصحاب کرام رضوان الله تعالی علیهم اجمعین

علم موعظیه کسب و قوف و معلومات ایتمک ایچون « امام غزالی » قدس سره العالی
 حضرت تدرینک مصنفاتی و سیمیا امام مشار الیه حضرت تدرینک « احیاء العلوم » اسمی ایله مسمی
 اولان کتاب جلیل المنافی کافی اولدیفی علمای کرام حضرتی جانبندن ذکر و بیان
 بیورلمشدر.



مبحث

(۲۴)

﴿ علم موعظه ﴾

علم موعظه [۱]، علم حدیث شریفك جمله فروغندند.
علم مذکور، منہیاتدن انزجاره [۲] سبب اولان شییدن وطباع عامه ناسه مناسب
امور خطایبیدن عبارت اولان مأموراته انزعاجك [۳] اسبابندن باحثدر.

(مبادی) علم مذکورك مبادیسی، اعمال مرضیه و اخلاق مشكوره احبابندن اولان
صلا و عباد و مشایخ و زهاد و علمای عاملین رضوان الله تعالی علیهم اجمعین حضراتك
حکایات لطیفه سندن و سوء اعمال و اخلاق سببی ایله مبتلای بلیتات اولان اشراک
حکایاتندن باحثدر. احوال مذکورك جمله سندن غرض، افراد ناسی علم و عمل ایله
تکمیل نفوسه تشویق ایلکدن عبارتدر.

(غایت) علم مذکورك غایتی، سعادت دینیّه و دنیوییه نائل اولمقددر.

علم مذکورك اجلّ مبادیسی، رسول محترم صلی الله تعالی علیه وسلم حضرتلرندن
مرروی اولان احادیث شریفه در.

[۱] وعظ، و او حرفك قحی و عین حرفك سکونی ایله و «عظه» عدّه و زننده و «موعظه»
منزله و زننده برکیمسه به قلبی تلین ایده جك ثواب و عقابه دائر کلام تذکیر ایلك یعنی نصیح و پند
ایلك معناسه درکه لسانمزده اوکوت و یرمك ایله تعبیر اولنور.

[۲] «انزعاج»، افعال و زننده زجر و منعی قبول ایلك معناسه در. «زجر» فجر و زننده منع
و نهی ایلك معناسه در.

[۳] «انزعاج» افعال و زننده زعج لفظندن مشتق و مأخوذ اولوب لغتده قلع و قمع قبول ایلك
معناسه در. «انزعاج» اصطلاح علماده و عظك تأثیری ایله قلبك جناب حقه تحرك ایلسندن عبارتدر.
«زعج» زا حرفك قحی و عین حرفك سکونی ایله برکیمسه بی مضطرب و بیقرار ایلك معناسه در.
برنسنه بی یرندن قویارمق و طرد ایلك معناسه دخی مستعملدر. حایقیرمق معناسه دخی استعمال
اولنور.

{ علم رموز اقوال النبي و اشاراته }

[۱]

علم مذکور، علم حدیث شریفک جمله فروغندن اولوب رسول محترم صلی الله تعالی علیه وسلم حضرتلرینک رموز اقوال شریفه سندن باحث در .
علم مذکور، علمای کرام حضراتی جانبندن تصنیف و تدوین بیورلمشدر .

{ علم الزهد و الورع }

علم مذکور، حرامدن اجتناب و تحرر اتمک و وقوع شبهات خوفی ایله رزق حلالده صاحب تدقیق اولمق و حطام [۲] دنیادن اعراض اینک کیفیتلریندن باحث در .
بعض قوله کوره «زهد»، حرامدن خوفاً شبهاتی ترک ایلمکدر . «ورع»، وقوع شبهاتدن خوفاً حلالی ترک ایتمکدر .

«امام غزالی» قدس سره العالی حضرتلرینک تالیف بیوردینی کتابلر و سیمای امام مشارالیهک «احیاء علوم» کتابی علم زهد و ورع بیاننده کتب و افیهدن اولدینی و علم مذکور، علم حدیث شریفک نتیجه و ثمره سی اولمق حسبیه علم حدیث شریفک جمله فروغندن ای دوکی علمای کرام حضراتی جانبندن ذکر و بیان بیورلمشدر .

{ علم المغازی [۳] }

علم مذکورک، علم تاریخ فروغندن عد و شمار اولنسی ممکن اولوب لکن ثبوتی، احادیث و آثار ایله حاصل اولدینی جهتله علم حدیث شریفک جمله فروغندن عد و اعتبار اولدینی و علم مغازی به متعلق کتب کثیره تالیف بیورلدینی و کتب مؤلفه نیک اجل و افضلی «عبدالله بن هشام» تالیفی ایله «مغازی ابن اسحق» اولدینی علمای کرام حضراتی جانبندن ذکر و بیان بیورلمشدر .

[۱] رموز، «رمز» ک جمعی در . (رمز) غمز وزننده مطلق اشارت اتمک معنایسته در .

برقوله کوره دوداقلر ایله یاخود ال ایله یاخود دلیل ایله اشارت اتمک معنایسته در .

[۲] حطام، حا حرفنک ضعی ایله پک زیاده قوری اولسی حسبیه متکسر اولان اوتیه اطلاق اولنور . صمان اوقاغی و فائده معنایزنده دخی استعمال اولنور . «حطام دنیا» فوائد دنیا دیمکدر .

[۳] مغازی، میم حرفنک فتحی ایله غازیلرک مناقبیه دینور . «کتاب المغازی» مناقب غزاة دیمکدر . بعض قوله کوره مغازی لفظنک مفردی اولیوب بعض قوله کوره دخی مفردی، مغزی مغزاة کله لر در .

{ علم احوال رواة الاحادیث }

علم مذکور، احادیث شریفه راویلرینک ارتحاللری ایله قبائل و اوطانندن وسائر احوالندن باحثدر.

علم مذکور، من وجه علم تاریخک ومن وجه علم حدیث شریفک جمله فروغندن اولوب علمای کرام حضراتی جانبندن علم مذکوره متعلق کتب کثیره تألیف وتصنیف بیورلمشدر.



{ علم طب النبی علیه الصلوة والسلام }

علم مذکور، علم حدیث شریفک جمله فروغندن اولوب مرضانک طلبلری اوزرینه شرف صادر اولان احادیث شریفه نبویه دن باحثدر.

علم شریف مذکورک تدویننه علمای کرام حضراتی جانبندن اعتنا بیورلمشدر. اولبابه تصنیف بیوریلان کتب شریفه نک اشهری « ابن طرخان » لک وافضلی « امام مستغفری » نک جمع وتحریر بیوردقلری کتابلردر. بو ایکی کتاب مستطاب بین العلاما والطلاب مشهور ومعروفدر.

علم شریف مذکورک منفعتی، غایتی، غرضی غیر خفی در.



{ علم تلقیق الحدیث }


[۱]

علم مذکور، علم حدیث شریفک جمله فروغندن اولوب بعض احادیث نبویه بیننده اولان تنافینک صورت توفیقندن باحثدر.




[۱] تلقیق، « لفق » لفظندن مأخوذدر. (لفق) لام حرفنک قحی وفا حرفنک سکونی ایله بر پارچه ثوبی بر پارچه ثوبه یناشدیروب دیکمک و مطلوب اولان نسنه یتیشلیوب خائب و ناامید اولق معناسنه در. تلقیق دخی کدالک لغتده بر پارچه ثوبی دیکر بر پارچه ثوب اوزرینه ضم وربط ایلمک معناسنه اولوب لفق لفظندن مبالغه بی مفیددر. مسائلده تلقیق، مسائلی جمع وتحریر ویکدیگریته ضم والحاق وقید وربط ایتمکدن عبارت در.

(مبادی) علم مذکورک مبادیسی نقادن مسموع اولان ائاردن عبارتدر .
 (غرض) علم مذکوردن غرض، ذوات کرام حضراتنک امر دین و امر دنیاہ متعلق
 اقوال و افعاله اقتدا و تطبیق حال و حرکت ایتمکة اعتنا ایله نائل درجات عالیہ اولمق اوزره
 امور مذکورہ بہ کسب و قوف ایتمکدر .
 علم مذکور بیاننده « کتاب سیر الصحابه و التابعین و الزهاد » تألیف بیورلمش
 اولدینی کبی « امام یافعی » حضرتلری دخی « کتاب روض الریاحین » اسمی ایله مسمی اولان
 کتاب لطیفی تصنیف بیورمشدر . بو کتابلردن بشقه ده سائر کتاب و اثر لر حد و حسابدن
 بیروندر .




{ علم الثقات والضعفا } { من رواة الحديث }

علم مذکور، علم اسما و رجالک نوع اجل و اعظمی واحادیث شریفه نک صحت و ضعفه
 معرفت ووقوفک مرقاتی اولوب امور دینیته ده صورت احتیاطی و مواقع غلط و خطایی
 تمیز و تعریف ایدر .



{ علم صلوات الحاجات }

علم مذکور، احادیث شریفه ده وارد اولان صلوات حاجات بیاننده در .
 صلوات حاجاتک اشهری « صلوة الضحی » و « صلوة التهجید » و « صلوة التسبیح »
 و بونلردن غیری نوافل صلوات در .
 الشیخ فخرالدین رومی حضرتلری « کتاب دعوات اللیل والنهار » اثرنده صلوات
 حاجاتی جمع و تحریر بیورمشدر .



{ علم شرح الحدیث }

علم مذکور، علم حدیث شریفک جملہ فروغندن اولوب قواعد عربیہ و اصول شرعیہ اوزره بقدر الطاقۃ البشریہ احادیث شریفنک شرح و بیانندن باحث در .

علمای کرام و فضلاى معالی اسام حضراتی جانبندن کتب احادیث شریفیه شروح کثیره تألیف بیورلمشدر .

شروح شریفنک اشهری شروح «صحیح بخاری» ایله شروح «صحیح مسلم» در .




{ اربعینیات فی الحدیث }

رسول محترم صلی الله تعالی علیه وسلم حضرتلرندن روایات متنوعه ایله مروی اولان اشبو «من حفظ علی امتی اربعین حدیثاً فی امر دینها بعثه الله تعالی یوم القیامة فی زمرة الفقهاء والعلماء» حدیث شریفندن حصه دار فیض و شرف اولمق نیت خیریه سیله محدثین کرام و علمای ذوی الاحترام حضراتی جانبندن احادیث نبویه دن اربعینیات جمع و تدویننه صرف عنایت بیورلمش و اولبابده پک چوق کتب شریفه تألیف اولنمشدر .

اربعینیات جمع و ترتیننده مقاصد علما مختلف اولوب علمای کرام حضراتندن بعضیسی علم توحیده و بعض علمای کرام حضراتی دخی احکامه و بعضیسی عباداته و بعض علمای کرام حضراتی دخی مواعظه متعلق قرقر عدد احادیث شریفه جمع و تحریر بیورمشلر در .

رحمة الله تعالی علیهم اجمعین



{ علم الآثار }

علم مذکور، علمای راسخین یعنی اصحاب و تابعین و سلف صالحین رضوان الله تعالی علیهم اجمعین حضراتنک امر دین و امر دنیایه متعلق اقوال و افعال شریفه و مرضیه سنندن باحث در .

تاویلاتدن بعضیسنک مرجعی کشف و شهود اولوب ظاهر شرعشریفه موافق اولدینی
علمای کرام حضراتی جانبندن ذکر و بیان بیورلشدرد.

{ علم غریب الحدیث }

علم مذکور، علم حدیث شریفک جمله فروغندرد.

اکابر کرامدن «ابوسلیمان محمد الخطابی» حضرتلری طرفندن بیان بیورلدینی اوزره
وطنندن واهل وعیالندن دور وبعید اولان کیسهیه بینالناس غریب اطلاق اولدینی کبی
الفاظی فهمه بعید اولان کلامه دخی «غریب» اطلاق اولتور.

کلامده غرابت، ایکی صورتله اولور.

(وجه اول) معناسی فهم وادراکه بعید اولان کلامدر.

(وجه ثانی) قبائل عربک لغات مختلفهسی درکه رسول اکرم صلی الله تعالی علیه وسلم
حضرتلری اثر مجزه شریفه لری اولوق اوزره قبائل مختلفه عربدن هر برقیله نک فهم وادراک
ایده بیله جکلری کلمات ایله هر قبیله جماعته خطاب بیوررلر ایدی.

احباب کرام رضوان الله تعالی علیهم اجمعین حضراتی دخی رسول محترم
علیه الصلوة الاتم حضرتلرینک اوصورتله شرف واقع اولان خطاب مستطابلرینک اکثر
معنالرینی فهم وادراک ایدرلر وفهم وادراک ایدهمدکلری معنایی خواجه کائنات علیه ازکی
التحیات حضرتلرندن تعلم بیوررلر ایدی.

تابعین سعادت قرین حضراتنک عصرنده دخی احادیث شریفه نک غرابی معلوم ایدی.
مؤخرآ بلاد اسلامیه نک توسع ایتیمی وقوم عربک قوم آخرله اختلاط ایلمسی حسیدیه لسانک
وضع اصلیسنه خلل طریان ایتمک اماره لری ظاهر اوله رق علمای کرام حضراتی طرفندن محافظه
سنت نبویه مقصد خیرخواهانه سیله احادیث شریفه نک غرابی جمع وتدوین بیورلشدرد.

علم مذکورده تألیف کتاب ایدنلرک اولی «ابوعبیده معمر بن المثنی التیمی البصری»
حضرتلری اولدینی مروی در. مشارالیه حضرتلری غریب الحدیث فتنده برکتاب مستطاب
تألیف بیورمش اولدینی کبی غریب القرآن فتنده دخی برکتاب تألیف بیورمش وهجرت
نبویه نک (۱۰) نبی سنه سنده ارتحال دار نعیم ایلمشدر. رضی الله تعالی عنه

{ علم ناسخ الحدیث و منسوخه }

علم مذکور علم حدیث شریفك جمله فروغندن اولوب شریفهك ناسخ و منسوخدن باحثدر .

معلوم اولدینی اوزره ایکی خبر نفی و اثبات ایله متعارض و بحسب الظاهر متناقض اولوب بینلرینی بعض تاویل ایله جمع و تلیق ایتمک متعذر و او ایکی خبردن بریسنك تقدیمی متحقق اولدقده متأخر اولان خبرك ناسخ اولدینی تعین ایدر .

احادیث نبویه انواعندن اشبو ناسخ و منسوخ قسمك اهم و اصعب اولدینی وضبط و احاطه سی مشکل ایدوکی علمای کرام حضراتی جانبندن ذکر و بیان بیورلمشدر . امام شافعی علیه رحمة الباری حضرتلرینك احادیث ناسخه و منسوخه بی ضبط و احاطه امرنده راسخ القدم و سباق الغایات اولدقلمی مروی در .


علمای کرام حضراتی جانبندن اشبو علمك تدوین و تصنیفه صرف عنایت بیورلمشدر .



{ علم اسباب ورود الاحادیث و ازمنته و امکته }

علم مذکور، علم حدیث شریفك جمله فروغندن اولوب احادیث شریفهك اسباب ورودندن و ازمنه و امکته سندن باحثدر .

علمای کرام حضراتی جانبندن بو علمه متعلق کتابلر تألیف بیورلمشدر .



{ علم تاویل اقوال النبی علیه الصلوة والسلام }

علم مذکور، علم حدیث شریفك جمله فروغندن اولوب تاویل اقوال نبی علیه الصلوة والسلامدن باحثدر .

اجله علمای کرامدن «شمس الدین الفناری» حضرتلری طرفندن علم مذکوره متعلق تألیف بیوریلان رسالهده احادیث شریفه بی متعلق ایراد اولنان تاویلاتك شرعشریفه موافق اولدینی و «صدرالدین قونوی» حضرتلرینك احادیث شریفه شرحده ایراد ایلدیکی

{ علم حدیث شریفہ متعلق قاعدہ مهمہ }

اہل حدیث اصطلاحندہ [صحیح] لفظی، مطلق ذکر اولنور ایسہ اندن مراد، «جامع صحیح بخاری» در.

[صحیحین] لفظی ذکر اولنور ایسہ اندن مراد، «صحیح بخاری» و «صحیح مسلم» در.
[صحاح] لفظی ذکر اولنور ایسہ اندن مراد، «صحاح ستہ» یعنی کتب ستہ مشہورہ در.
بونلردن غیریبی، مقید اولہرق ذکر اولنوب علی الاطلاق ذکر اولنمز. «صحیح ابن خزیمہ» و «صحیح ابن حبان» و «صحیح ابی عوانہ» و «صحیح مستدرک الحاکم» کبی.

[سنن] لفظی، مطلق ذکر اولنور ایسہ اندن مراد «سنن ابی داود» و «سنن ترمذی» و «سنن نسائی» و «سنن ابن ماجہ القزوینی» در. بونلردن ماعدا سنن، مقید اولہرق ذکر اولنور. «سنن دارقطنی» «سنن کبیر بیہقی» مثللو.

[مسانید] لفظی مطلق اولہرق ذکر اولنور ایسہ اندن مراد، «مسند احمد بن حنبل» و «مسند ابی یعلیٰ الموصلی» و «مسند الدارمی» و «مسند البزار» کبی.

[معاجم] لفظی مطلق اولہرق ذکر اولنور ایسہ اندن مراد، «امام طبرانی» نک «معجم کبیر» و «معجم اوسط» و «معجم صغیر» کتابلری در.

علمای کرام حضراتی طرفندن اصحاب کتب ستہ ایچون حروف ایله رمز و علامت وضع اولمشدر.

«امام بخاری» حضرتلرینه مخصوص اولان علامت (خ) حرفی در.

«امام مسلم» حضرتلرینه مخصوص اولان علامت (م) حرفی در.

«امام ابن مالک» حضرتلرینه مخصوص اولان علامت (ط) حرفی در.

«امام ترمذی» حضرتلرینه مخصوص اولان علامت (ت) حرفی در.

«امام ابی داود السجستانی» حضرتلرینه مخصوص اولان علامت (د) حرفی در.

«امام نسائی» حضرتلرینه مخصوص اولان علامت (س) حرفی در.

سائر اصحاب مسانید ایچون افراد و ترکیب ایله وضع علامت بیورلمشدر.

و «سن نسائی» اسماعیلی ایله مشهور اولوب علم حدیث شریفده امّ الکتب اعتبار اولنان کتب سنّتی جمع و تحریر و ابواب اوزرینه ترتیب و تسطیر بیورمشدر. «کتاب رزین» کتب سنّته شریفینی حاوی اولدیغندن کتب احادیث شریفه نك حجماً اکبری و انفعلاً اعظمی در. کتب سنّته شریفه، کتب احادیث شریفه نك اشهری اولوب علمای کرام حضراتی کتب سنّته نك حاوی اولدیغی احادیث شریفینی اخذ و قبول ایش ایش اولدقلری کبی فقهای عظام حضراتی دخی کتب سنّته نك احادیث شریفه سندن استدلال احکام بیورمشدر.

«الامام ابو السعادات المبارک بن محمد بن الامیر الجزری» حضرتلری «جامع الاصول» اسمی ایله مشہمی اولان کتاب مستطابی تألیف ایدوب «کتاب رزین ایله اصول سنّته بیننی ذکر اولنان کتایده جمع و ترتیب بیورمشدر.

«الحافظ جلال الدین عید الرحمن بن ابی بکر السیوطی» حضرتلری «جمع الجوامع» اسمی ایله مسمی اولان کتابی تألیف ایله کتاب مذکورده کتب سنّته ایله مسانید عشره بیننی جمع ایشدر. کتاب مذکور، من جهة التون «جامع الاصول» کتابندن اکثر واعظم در. متأخرین اهل حدیث، احادیث شریفه دن اسانیدی حذف ایله «خبر» ده صحابیدن حدیث روایت ایدن و «اثر» ده دخی صحابیدن روایت ایدن ذواتک ذکر ایله و مخرجه رمز ایله اکتفا بیورمشدر. چونکه اسانیدک ذکرندن غرض، حدیث شریفک اثبات و تصحیحندن عبارت اولوب بومقصد ایسه علمای متقدمینه متعلق وظائف جمله سندن اولدیغی و علمای متقدمین حضراتی دخی بو وظیفه یی اجرا و اکمال بیورمش اولدقلری جهته علمای متأخرین حضراتی تألیف بیوردقلری کتابلرنده اسانید ذکرینه حاجت کورمامشدر.

صحابه کَرِین و تابعین سعادت قرین رضوان الله تعالی علیهم اجمعین حضراتی عصر لرنده احادیث شریفه نقل و روایت ایدن ذوات کرامک احوالی بلاد و امصارده مشهور و معروف ایدی. احادیث شریفه نقل و روایت ایدن ذوات کرامک بعضیسی بصره و کوفه ده و بعضیسی شام و مصرده آراماساز عز و اقبال ایدی. اسانیدده اهل حجازک طریقی، طرق سائره دن اعلی و صحتده غایت متین در. چونکه اهل حجاز محدثین کرامی، شروط نقله زیاده سیله صرف عنایت بیورمشدر.

طیب الله ثراهم و جعل الجنة منوهم.

بعضاً راوی خبری بیلزسه ده معنای خبری بیلور و بلکه اکثر وقتند راوی خبری بیلکه محتاج اولمز. كذلك انسان، صلاته تعلق ایدن حدیث شریفی بیلک مراد ایلدکده اوحدیث شریفی باب صلاتدن تحری ایدوب بولور و او حاله باب صلاتده ذکر و ایراد اولنان حدیث شریفه نظر ایدن کیمسه اوحدیث شریفک صلاته دلالتی آسان صورته بیلور.

بعض محدثین کرام حضراتی دخی احادیث نبویّه نیک الفاظ لغویه و معانی مشکله سنک حاتنه و بیان اعرابه صرف عنایت بیوروب احکامک ذکرینه تعرض بیورمامشدر. بومسلسکی، «ابو عید القاسم بن السلام» و «ابو محمد عبدالله بن مسلم بن قتیبه» حضراتی ایله دیگر بعض ذوات کرام حضراتی اختیار بیورمشلدر. بعض محدثین کرام حضراتی دخی اشبو مسلکه احکامک ذکرینی و آرای فقهای ضم و اضافه بیورمشدر. ذکر اولنان مسلکه احکامک ذکرینی و آرای فقهای ضم و اضافه ایدن، «ابو سلیمان احمد بن محمد الخطابی» ایله امثالی ذوات کرام حضراتی در.

بعض محدثین کرام حضراتی جانبندن دخی احادیث شریفه دن یالکر نوع غریب ایله کلمات غریبه نیک ذکر و استخراجنه و ترتیب و تدوینه و شرح و بیاننه صرف عنایت بیورمشدر. بوضورتی اختیار ایش اولان «ابو عبید احمد بن محمد الهروی و امثالی ذوات کرام در.

«ابو محمد الحسین بن مسعود البغوی» و امثالی محدثین کرام حضراتی دخی ترغیب و ترهیبی متضمن اولان احادیث شریفه ایله احکام شرعیّه غیر جامعیهی تضمن ایدن احادیث شریفیهی جمع و تدوین بیورمشلدر.

اکثر اهل حدیث دخی سلف صالحینک کتابلرینی ترتیب و تهذیب و اختصار ایتمک و کتب احادیث شریفه دن استنباط احکام و احادیث شریفه غریبهیهی شرح ایتمک و امثالی خدمت احادیث شریفه ده صرف نقود همت بیورمشدر.

متأخرین اهل حدیثدن «ابو بکر احمد بن محمد الرّمّانی» و «ابو مسعود ابراهیم بن محمد بن عبید الدمشقی» و «ابو عبدالله محمد الحمیدی» کجی ذوات ستوده صفات حضراتی مسانید اوزرینه ترتیبات حسنه وضع و اجرا بیورمشلدر.

اهل حدیثدن «ابو الحسن بن معاویه البذری» حضرتلری تألیف بیوردیفی کتاب مستطابنده «صحیح بخاری» و «صحیح مسلم» و «موطأ مالک» و «جامع الترمذی» و «سنن ابی داود»

بلاد و امصار اسلامیہ ظہور ایدن محدثین کرام حضراتی ایچون حد و حساب اولدینی و علمای اسلامیہ نك فضائل و کمالاتی و هر علقده و علی الخصوص علم حدیث شریفده کی تدقیقاتی و علم حدیثده تدوین و تالیف بیوردقلری کتب نفیسه نك ترتیبات و تهنذیباتی حیرت بخش عقول اوله رق بو حاللر رسول اکرم صلی الله تعالی علیه و سلم حضرتلرینک جمله معجزات باهره سندن اولمق اوزر مشارالیهم حضراته امداد صمدانی و توفیق یزدانی و هدایت ربانی آثار جلیله سندن اولدینی امر جلی در .

{ اغراض محدثین }

علمای کرام حضراتی جانبندن ذکر و بیان بیوردینی اوزره تصانیفده اغراض محدثین مختلف در .

بعض محدثین کرام حضراتی مطلقاً لفظ حدیثک حفظی و لفظ حدیث شریفدن حکمک استنباطی غرضیه تدوین احادیث شریفه صرف عنایت بیورمشدر . بومسکلی اختیار بیورمش اولان ذوات کرام « عبدالله بن موسی الضبی » و « ابو داود الطیالسی » و « احمد بن حنبل » و امثالی ذوات کرام درکه مشارالیهم حضراتی راویلرک مسانیدنن احادیث شریفه بی اثبات ایدوب اولا خلفای راشدیندن و اعظم صحابه کرامدن « ابو بکر صدیق » رضی الله تعالی عنه حضرتلرینک مسندی ذکر ایله اندن روایت اولنان احادیث شریفه نك جمله سنی اومیانده ثبت و تدوین و بعده واحداً بعد واحد صحابه کرام رضی الله تعالی عنهم حضراتنک مساندینی ذکر ایله احادیث شریفه بی اولوجهله ثبت و تحریر بیوردیلر .

بعض محدثین کرام حضراتی دخی احادیث شریفه بی ابواب اوزرینه ذکر ایدوب هر بر بابه مختص اولان حدیث شریفی اوبابده بیان بیوردیلر . مثلاً « صلاة » حقیقه شرف وارد اولان حدیث شریفی « صلاة » باینده و « زکاة » حقیقه شرف وارد اولان حدیث شریفی « زکاة » باینده ذکر و بیان بیوردیلرکه « امام مالک » علیه رحمة الباری حضرتلری « موطاً » اسمی ایله مسمی اولان کتاب مستطابنی بومسکلی اوزره ترتیب بیورمش اولدینی کبی امام بخاری و امام مسلم حضرتلری دخی کتاب مستطابلرینی بووجهله ترتیب و تالیف بیورمشلر در . علمای کرام حضراتی جانبندن بیان بیوردینی اوزره احادیث شریفه نك باب صورتی ایله ذکر و ایراد اولمسی سند صورتی ایله نقل و ایراد اولمسنندن اسهل در . چونکه انسان ،

§ — ۳۱ محدّثین کرامدن بر ذات عالیقدر دخی صاحب شرح البخاری «الامام
العلّامه محمد بن یوسف بن علی بن سعید الکرمانی» حضرتلری در. مشارالیه تاریخ هجرتک
(۷۱۷) نجی سنهسنده زیور کهواره وجود اولوب (۷۸۶) نجی سنهسنده ارتحال دارجنان
بیورمشدر.

§ — ۳۲ محدّثین کرامدن بر ذات معالی سمات دخی «شارح مصابیح بغوی» المحدث
القیه التورپشتی «[۱] حضرتلری در. «ابن سبکی» حضرتلرینک روایتنه نظراً مشارالیه
حضرتلری تاریخ هجرتک (۶۶۰) نجی سنهسنده ارتحال داربقا بیورمشدر.

§ — ۳۳ محدّثین کرامدن بر ذات محاسن صفات دخی عالم مغرب «القاضی ابوالفضل
عیاض بن موسی بن عیاض البستی الیحصی» حضرتلری در. مشارالیه حضرتلری
«شفا شریف» کتاب نفیسی تألیف بیورمش و کتاب شریف مذکور، علمای کرام و اصحاب
فضائل طرفلردن مظهر تحسین اولمشدر. ایام و باده «کتاب شفا» قرائتی ایله اشتغال ایتمک،
نافع و مفید اولدینی بعض علمای کرام حضرتاتی جانبندن ذکر و بیان بیورمشدر. «قاضی عیاض»
حضرتلری تاریخ هجرتک (۵۴۴) نجی سنهسنده (۶۸) سنده اولدقلری حالدّه عازم کلزار
جان اولمشدر.

§ — ۳۴ محدّثین کرامدن بر ذات عالیقدر دخی «ابن حجر العسقلانی» ایله مشهور
اولان «ابو الفضل شهاب الدین احمد بن علی» حضرتلری در. مشارالیه تاریخ هجرتک
(۷۷۳) نجی سنهسنده مصرده زیور مهد وجود اولوب (۸۵۲) نجی سنهسی اوآخرنده
مصرده ارتحال دارجنان بیورمشدر.

§ — ۳۵ محدّثین کرامدن بر ذات عالیقدر دخی شارح بخاری «العلّامه بدرالدین
ابو محمد محمود بن احمد العینی الحنفی» حضرتلری در. مشارالیه حضرتلری تاریخ هجرتک
(۸۵۵) نجی سنهسنده ارتحال دارنعیم بیورمشدر.

احادیث شریفه مشایخ و علمای کرامی تبرکاً بالاده ذکر و بیان اولنان ذوات کرامدن
عبارت اولیوب کرک زمان سعادتده و کرک زمان سعادتدن صکره کی زمانلرده شرقاً و غرباً

[۱] تورپشتی، (تورپشت)ه منسوب دیمکدر. تورپشت، (تا) حرفنک ضمی و (واو) حرفنک سکونی
و (را) حرفنک کسری و (با) حرفنک ضمی و (شین) حرفنک سکونی ایله شیرازده برقره ناک اسمی در.

بن علی ابن الجوزی الحنبلی» حضرت تری در. مشارالیه حضرت تری تاریخ هجرتک (۵۱۰) نجی سنه سنده قدم زن مهد وجود اولوب (۵۷۷) نجی سنه سنده ارتحال دارنعم بیورمشدر. مشارالیه تصانیف مشهوره اصحابندن در.

§ — ۲۶ محدّین کرامدن بر ذات معالی سمات دخی «ابوزکریا یحیی بن شرف النووی» حضرت تری در. مشارالیه حضرت تری عالم، فاضل، متورّع، فقیه، محدّث اولوب اهل عصرینک امامی ایدی. تاریخ هجرتک (۶۷۶) نجی سنه سنده عازم کلشنسرای جنان اولمشدر.

§ — ۲۷ محدّین کرامدن بر ذات معالی سمات دخی «ابن امیر» دیمکله مشهور اولان «ابو السعادات المبارک ابن محمد الجزری» حضرت تری در. مشارالیه افاضل کرامدن اولوب تاریخ هجرتک (۶۰۶) نجی سنه سنده ارتحال دارجنان بیورمشدر.

§ — ۲۸ محدّین کرامدن بر ذات عالیقدر دخی «الامام ابو محمد الحسین بن مسعود البغوی الفقیه الشافعی» حضرت تری در. مشارالیه تصانیف معتبره و مناقب سنیه اصحاب کرامندن اولوب تاریخ هجرتک (۵۱۶) نجی سنه سنده عازم کلزار جنان اولمشدر.

§ — ۲۹ محدّین کرامدن بر ذات ستوده صفات دخی «الامام الشیخ تقی الدین عثمان بن عبدالرحمن بن موسی بن ابی نصر الکردی الشهرزوری الشیخ العلامه ابن الصلاح» حضرت تری در. مشارالیه حضرت تری ائمه مستلیدن و مناقب جلیله اصحابندن اولوب تاریخ هجرتک (۵۷۷) نجی سنه سنده قدم نهاده مهد وجود اولوب (۶۴۳) نجی سنه سنده ارتحال کلشنسرای جنان بیورمشدر.

§ — ۳۰ محدّین کرامدن بر ذات عالیقدر دخی «الحسن بن محمد بن الحسن بن حیدر بن علی العدوی العزری الامام رضی الدین ابو الفضائل الصاغانی» [۱] حضرت تری در. مشارالیه حضرت تری علوم و کالاتده مناقب جلیله اصحابندن اولوب تألیفات کثیره ایله مشهور انام بر امام هام در. مشارالیه حضرت تری تاریخ هجرتک (۶۵۰) نجی سنه سنده ارتحال داربقا بیورمشدر.

[۱] صاغانی، صاد مهمله تک فتحه حرکه سی وغین معجمه تک تخفیفی والف ایله «صغانیان» ه منسوب دیمکدر. الفمز اوله رق (صغانی) یازلمق دخی جائدر. صغانیان، ماوراءالنهرده بریوک ولایتک اسمی در. (صغانیان)، (چغانیان) لفظندن معربدر.

البغدادی « حضرت تلمی در. مشارالیه حضرت تلمی. تاریخ هجرتك (۳۹۲) نجی سنه سنده تشریف عالم شهود ایدوب (۴۶۳) نجی سنه سنده عازم كلزار جنان اولمشدر.

§ — ۱۸ شیخ الخراسان امام الأئمه « الفقیه الحافظ ابوبکر محمد بن اسحق بن خزیمه النیسابوری » حضرت تلمی دخی اجله رجال احادیثدن اولوب هجرتك (۳۱۱) نجی سنه سنده (۹۰) یاشنده اولدقلری حالده ارتحال داربقا بیورمشدر.

§ — ۱۹ صاحب المسند و التفسیر « الحافظ عثمان بن ابی شیبه العبسی » حضرت تلمی دخی متحیزان رجال احادیثدن اولوب تاریخ هجرتك (۲۳۹) نجی سنه سنده ارتحال دارجنان بیورمشدر.

§ — ۲۰ افخم رجال احادیثدن برذات ستوده صفات دخی صاحب مسند « الحافظ ابویعلی بن علی المثنی الموصلی » حضرت تلمی در. مشارالیه حضرت تلمی تاریخ هجرتك (۳۰۷) نجی سنه سنده (۹۷) یاشنده اولدقلری حالده ارتحال دارنعیم بیورمشدر.

§ — ۲۱ اعظم محدثین کرامدن برذات جلیل الصفات دخی عالم سمر قد و صاحب مسند « الحافظ الامام ابو محمد عبدالله بن عبدالرحمن الدارمی » حضرت تلمی در. مشارالیه حضرت تلمی تاریخ هجرتك (۲۵۵) نجی سنه سنده عازم كلشنسرای جنان اولمشدر.

§ — ۲۲ اکابر محدثین کرامدن برذات معالی سمات دخی « مسند کبیر » صاحبی « الحافظ ابوبکر احمد بن عمرو البصری البزار » حضرت تلمی در. مشارالیه حضرت تلمی تاریخ هجرتك (۲۹۲) نجی سنه سنده « رمله » ده ارتحال داربقا بیورمشدر.

§ — ۲۳ ائمه اهل حدیثدن برذات عالیقدر دخی « الحافظ ابو القاسم سلیمان بن احمد الطبرانی » حضرت تلمی در. مشارالیه حضرت تلمی تاریخ هجرتك (۳۶۰) نجی سنه سنده (۱۰۰) یاشنی ایکی آی متجاوز اولدقلری حالده ارتحال دارجنان بیورمشدر.

§ — ۲۴ محدثین کرامدن برذات ستوده صفات دخی « العلامه ابو سلیمان حمد بن محمد البستی » حضرت تلمی در. مشارالیه حضرت تلمی علوم و فضائلده عصرینك فریدی وزمانك علامه و وحیدی ایدی مشارالیهك « معالم السنن » و « اعلام السنن » و « غریب الحدیث » و امثالی تألیفات مشهوره سی واردر.

§ — ۲۵ محدثین کرامدن برذات عالیقدر دخی واعظ بغداد « ابو الفرج عبدالرحمن

مدح و ثنا بیورمشدر. مشارالیه حضرت تبری تاریخ هجرتک (۳۰۵) و بر روایت کوره (۳۰۶) سنه زنده قدم زن کهواره وجود اولوب (۳۸۵) سنه سنده بغدادده عازم کلزار جنان اولمشدر.

§ — ۱۲ حقاظ سبعة دن بر ذات عالیقدر دخی «الحاکم ابو عبدالله النیسابوری» حضرت تبری در. مشارالیه حضرت تبری تاریخ هجرتک (۳۲۱) نجی سنه سنده شهر نیسابورده تولد ایدوب (۴۰۵) نجی سنه سنده (۸۴) یاشلرنده اولدقلری حالدہ ارتحال داربقا بیورمشدر.

§ — ۱۳ حقاظ سبعة دن بر ذات عالیقدر دخی «ابومحمد عبدالغنی بن سعید الازدی» حضرت تبری در. مشارالیه حضرت تبری حافظ مصر ایدی. تاریخ هجرتک (۳۳۲) نجی سنه سنده زیور کهواره وجود اولوب (۴۰۹) نجی سنه سنده ترک عالم فنا و ارتحال داربقا بیورمشدر.

§ — ۱۴ حقاظ سبعة دن بر ذات فضائل سمات دخی «ابونعیم احمد بن عبدالله الاصبهانی» حضرت تبری در. مشارالیه حضرت تبری ثقات مشایخ احادیثدن ایدی. تاریخ هجرتک (۳۳۴) نجی سنه سنده زیور مهد وجود اولوب (۴۳۰) نجی سنه سنده (۹۶) یاشلرنده اولدقلری حالدہ اصفهانده عازم روضه جنان اولمشدر.

§ — ۱۵ حقاظ سبعة دن بر ذات ستوده صفات دخی «ابوعمر بن عبدالبر النخوی» حضرت تبری در. مشارالیه حضرت تبری ثقات اهل احادیثدن ایدی. تاریخ هجرتک (۳۶۸) نجی سنه سنده قدم نهاده عالم وجود اولوب (۴۶۳) نجی سنه سنده «شاطبه» شهرنده ارتحال دارجنان بیورمشدر.

§ — ۱۶ حقاظ سبعة دن بر ذات معالی سمات دخی «ابوبکر احمد بن الحسین البیهقی» حضرت تبری در. مشارالیه حضرت تبری فضائل و کالاتده عصرینک فریدی و «الحاکم ابو عبدالله» حضرت ترینک کبار اصحابندن ایدی. تاریخ هجرتک (۳۸۴) نجی سنه سنده زیور عالم ناسوت اولوب (۴۵۸) نجی سنه سنده عازم کلشن لاهوت اولمشدر.

§ — ۱۷ حقاظ سبعة دن بر ذات حمیده صفات دخی «ابوبکر احمد بن علی الخطیب

زیور مهد وجود اولوب (۴۸۸) نجی سنه‌سندہ بغدادده عازم روضه جان اولمشدر .

§ — ۹ محدثین کرامدن «الامام ابو مسعود ابراهیم بن محمد بن عبید الدمشقی» حضرتلری دخی ائمه حدیث صنفه الحاق اولمشدر. مشارالیه حضرتلری «صحیح بخاری» ایله «صحیح مسلم» یئنی جمع ایتمش اولان ذوات کرامدن اولوب جمع وتالیف بیوردینی کتابی «جامع الدمشقی» دیمکله مشهور ومعروفدر.

§ — ۱۰ محدثین کرامدن امام برقانی دیمکله مشهور اولان «الامام ابوبکر احمد بن محمد الخوارزمی» حضرتلری دخی ائمه حدیث صنفه الحاق ایله عدد ائمه کرام «تلك عشرة كاملة» درجه‌سینه واصل اولمشدر. مشارالیه حضرتلری «صحیح بخاری» ایله «صحیح مسلم» یئنی جمع ایتمش اولان ذوات کرامدن اولوب تالیف بیوردینی کتابی «جامع البرقانی» دیمکله مشهوردر. مشارالیه امام برقانی حضرتلری کندوبلده سنه‌سندہ محدثین کرامدن «ابو العباس بن حمدان النیسابوری» حضرتلری ایله سائر ذوات کرام حضرتاندن وبعده «جرجان» طرفه عزیمتله محدثین کرام معالی اتسامدن «ابوبکر الاسماعیلی» علیه رحمة الباری حضرتلردن احادیث شریفه اخذ ایلمش ومؤخرآ بغدادده عزیمتله اوراده توطن ایدرک احادیث شریفه نقل وروایاتی ایله مشغول اولمش اولدینی وکندوسی ثقافتدن واحجاب زهد وورعدن اولوب اکابر کرامدن «الخطیب ابوبکر البغدادی» حضرتلری امام برقانی حضرتلرینی مدح و ثنا بیوردینی صرهده «شیوخمز میاننده امام برقانی حضرتلردن اثبت بر ذات کورمدم مشارالیه حافظ قرآن وعارف فقه اولوب علوم عربیه‌ده دخی حافظ وکامل ایدی» کلامی کویان اولدینی و علم حدیث شریفده مشارالیهک تصانیف کثیره اصحابسندن بولندینی مروی‌در. مشارالیه امام برقانی حضرتلری تاریخ هجرتک (۳۳۶) نجی سنه‌سندہ قدم‌نهاده عالم شهود اولوب تاریخ مذکورک (۴۲۰) نجی سنه‌سندہ (۸۹) یاشلرنده اولدینی حالده عازم کلشنسرای جان اولمشدر.

بعدا علمای کرام حضراتی طرفدن اعانظم اهل حدیثدن حفاظ سبعة دخی ذکر و بیان بیورلمشدر.

§ — ۱۱ حفاظ سبعة‌دن بر ذات عالیقدر «الحافظ الامام ابو الحسن علی بن عمر الدارقطنی» حضرتلری‌در. مشارالیه حضرتلری انواع فضائل وکالات ایله مشهور ونامدار اولوب بعض ذوات کرام حضراتی طرفدن «امیر المؤمنین فی الحدیث» کلامی ایله

و «سنن ابی داود» و «سنن ترمذی» و «سنن نسائی» اسملری ایله مسخی اولان بش عدد کتب شریفدن عبارت اولمق اوزره ذکر و بیان بیورمشدر. لکن جمهور علمای کرام عندنده احادیث شریفینی حاوی اولان کتب شریفنک اصللری الی عدد کتاب مستطابدن عبارت اولوب «موطأ ابن مالک» دخی کتب احادیث شریفنک اصلولندن عدد و شمار اولمشدر. ینه جمهور علمای کرام طرفندن «موطأ» کتاب شریفی رتبه «سنن ترمذی» دن صکره و «سنن نسائی» دن اولمق اوزره ذکر و بیان اولمش ایسده حق اولان صورتک «موطأ» کتاب شریفنک رتبه «صحیح مسلم» دن صکره اولمشندن عبارت اولدیغی بعض علمای کرام حضراتی طرفندن بیان بیورلمشدر. بعض علمای کرام حضراتی دخی «ابوعبدالله القزوینی محمد بن یزید بن ماجه» حضرتلرینک کتاب شریفینی «کتاب موطأ» بدلنده عد و اعتبار ایلمشدر. مشارالیه «ابن ماجه» حضرتلری اجله رجال احادیث اولان ذوات کرامدن احادیث شریفینی اخذ ایلمش و برجوق اصحاب فضائله مأخذ احادیث شریفه اولمشدر. مشارالیه حضرتلری تاریخ هجرتک (۲۷۳) هجری سنه سنده (۶۴) یاشنده اولدقلری خالده ارتحال دار نعیم بیورمشدر.

§ — ۷ اعظم محدثین کرامدن «الحافظ ابو الحسن رزین بن معاویه العبدری» حضرتلری دخی ائمه حدیث صنفنه ادخال ایله السنه اهل حدیثده امام سایغ اولمق اوزره ذکر اولور. مشارالیه «امام رزین» حضرتلری «تجزید» اسمی ایله مسخی اولان کتاب شریفینی تألیف ایدرک «صحاح» یئنی کتاب شریف مذکورده جمع ایلمشدر. اشنو کتاب شریف، کتب سنه بی جامع اولدیغندن اهل حدیث طرفندن کتب سنه صنفنه ضم و الحاق بیورلمشدر. مشارالیه امام رزین حضرتلری تاریخ هجرتک (۵۴۰) هجری سنه سنندن صکره ارتحال دار جهان ایلمشدر.

§ — ۸ محدثین کرامدن «ابو عبدالله محمد بن ابی نصر فتوح بن عبدالله الاندلسی الحمیدی» حضرتلری دخی لسان اهل حدیثده امام ثامن اولمق اوزره ذکر اولور. مشارالیه امام حمیدی حضرتلری «کتاب الجمع بین صحیحی البخاری و المسلم» اسمی ایله مسخی اولان کتاب مستطابنی تألیف بیورمشدر. مشارالیه حضرتلری امام مشهور و عالم معروف اولوب مکه مکرمه و مصر و شام و بغدادده اصحاب احادیث ایله ملاقات ایدرک احادیث شریفه اخذ ایلمش و اندلس تاریخینی دخی تألیف و تصنیف بیورمش و هجرتک (۴۲۰) تاریخندن اول

§ — ۴ اعلام حقاظ احادیثدن «ابو عیسی محمد بن عیسی الترمذی» حضرت تبری
 دخی «ابو داود سجستانی» حضرت تبری مرتبه ولی و تعقیب ایدرک. مشارالیه حضرت تبری
 تاریخ هجرتک (۲۷۹) نجی سنه سنده ارتحال دارنیم بیورمشدر. بو ذات فضائل سمات
 «قیبه» و «سفیان بن غیلان» و «محمد بن بشار» و «احمد بن منیع» و «محمد بن المنثی» و «سفیان
 بن وکیع» و «محمد بن اسماعیل البخاری» حضراتی کبی عظامی محدثین ایله ملاقات ایدرک
 احادیث شریفه بی مشارالیهم حضراتندن اخذ ایلمش و «محمد بن احمد المحبوی المروزی»
 حضرت تبری ایله امشالی پک چوق ذوات کرام حضراتنه دخی مأخذ احادیث شریفه
 اولمشدر. مشارالیه امام ترمذی حضرت تبری تک علم حدیث شریفه متعلق تصانیف کثیره سی
 میانده «سنن الترمذی» اسمی ایله مسبی اولان کتاب شریفی ذکر مذاهب
 ووجوه استدلال و تبیین انواع احادیث کبی معلومات و فیره و فوائد کثیره بی حاوی اولمسیله فائده
 و ترتیباً کتب سائرهنسک احسن واجلی اولدینی کبی مکرراتی دخی تصانیف سائرهنسده کی
 مکرراتدن اقل ایدوکی علمای کرام حضراتی طرفندن ذکر و بیان بیورلمشدر. کتاب
 شریف مذکورک بعد التصنیف امام مشارالیه حضرت تبری طرفندن حجاز و عراق
 و خراسان علمای کرامنه عرض اولنمسی اوزرینه جمله طرفندن مظهر حسن قبول اولدینی
 مروی در.

§ — ۵ ائمه حقاظ و اکابر فقها دن «ابو عبدالرحمن احمد بن شعیب النسائی» حضرت تبری
 «امام ترمذی» حضرت تبری رتبه ولی و تعقیب ایدرک مشایخ کبار ایله ملاقات و اعلام
 محدثین کرامدن «قیبه بن سعید» و «محمد بن بشار» و «محمود بن غیلان» و «ابو داود
 سلیمان بن الأشعث» و امشالی ذوات کرام حضراتندن احادیث شریفه اخذ ایله «سنن نسائی»
 اسمی ایله مسبی اولان کتاب شریفی تألیف بیورمش و «ابو القاسم الطبرانی» و «ابو جعفر
 الطحاوی» و «ابو یکر احمد بن اسحق السنی الحافظ» و امشالی پک چوق ذوات کرام
 حضراتنه مأخذ احادیث شریفه اولمشدر. مشارالیه امام نسائی حضرت تبری تک کرب ذات
 معالی سماتی و کرب کتاب مستطابی پک چوق ذوات کرام حضراتی جانبندن مظهر مدح
 و ستایش اولمشدر. امام مشارالیه حضرت تبری شافعی المذهب اولوب تاریخ هجرتک (۳۰۳) نجی
 سنه سنده مکه مکرمه ده ارتحال دارجنان بیورمشدر.

§ — ۶ اکابر علمای کرامدن «امام نووی» علیه رحمة الباری حضرت تبری اصول
 کتب احادیث شریفه بی بالاده محرر اولدینی وجه اوزره «صحیح بخاری» و «صحیح مسلم»

عازم کلشنسرای جنان اولمشدر. مشارالیه حضرتلری علم حدیث شریفده امام بخاری حضرتلرندن صکره خراسانک امام هامی اولوب حجاز و عراق و شام و مصر طرفلرینه رحلت ایدرک محدثین عظامدن «یحیی بن یحیی الیسابوری» و «قیبه بن سعید» و «اسحق بن راهویه» و «احمد بن حنبل» و «عبدالله بن مسلمة القعنبی» و امثالی ذوات ستوده صفاتدن اخذ احادیث شریفه ایدوب دفعاتله بغدادی شرف قدوملری ایله تشریف واوراده احادیث شریفه روایت بیورمش و «ابراهیم بن محمد بن سفیان» و «ترمذی» و «ابن خزیمه» کبی پک چوق ذوات کرام رضی عنهم رب الانام حضراتی دخی مشارالیه امام مسلم حضرتلرندن احادیث شریفه روایت بیورمشلردر. امام مشارالیه حضرتلرینک کتاب شریفی «صحیح مسلم» اسمی ایله مشهوردر. بر روایت کوره کتاب شریف مذکورک اوچ یوز بیک (۳۰۰۰۰۰) احادیث مستوعه دن و دیگر بر روایت کوره یوز بیک (۱۰۰۰۰۰) حدیث شریفدن انتخاباً تألیف اولشدیغی علمای کرام حضراتی جانبندن ذکر و بیان بیورمشدر.

§ — ۳ اعلام محدثین کرامدن «ابو داود سلیمان بن الأشعث بن اسحق الازدی السجستانی» حضرتلری «امام بخاری» و «امام مسلم» حضرتلرینی رتبه ولی و تعقیب ایلشدر. مشارالیه امام سجستانی حضرتلری خراسان و عراق و شام و امثالی بلاد و امصاره رحلت و مشایخ احادیث ایله ملاقات و «مسلم بن ابراهیم» و «سلیمان بن حرب» و «عبدالله بن مسلمة القعنبی» و «یحیی بن معین» و «احمد بن حنبل» و امثالی ائمہ کرام و اعلام محدثین حضراتندن احادیث شریفه اخذ ایله کتاب شریفی تألیف و تصنیف بیورمش و کتاب شریف مذکور بش یوز بیک (۵۰۰۰۰۰) حدیث شریفدن منتخب درت بیک سکر یوز (۴۸۰۰) حدیث شریفی جامع اولوب ائمہ کرامدن «احمد بن حنبل» حضرتلری ایله سائر اعلام محدثین و ذوات فضائل قرین حضراتی طرفلرندن مظهر استحسان و ستایش اولمشدر. امام سجستانی علیه رحمة الباری حضرتلری تاریخ هجرتک (۲۰۲) نجی سنه سنده قدم نهاده عالم وجود اولوب (۲۷۵) نجی سنه سنده بصره ده ارتحال دار نعیم بیورمشدر. مشارالیه امام سجستانی حضرتلرندن ولد مکرملری «عبدالله» ایله «ابو عبدالرحمن النسائی» و «احمد بن محمد الحلال» و امثالی ذوات کرام حضراتی اخذ احادیث شریفه بیورمشلردر. امام سجستانی حضرتلرینک ولد مکرملری اکابر حفاظ احادیث شریفه دن بر ذات نادر الوجود اولوب تاریخ هجرتک (۳۱۶) نجی سنه سنده ارتحال دار بقا بیورمشدر.

جناب حق آره سنده حجت اتحاد وبالاعتسال ایکی رکعت نماز قیلهرق جناب حقدن استخاره [°]
ایلدکجه کتابنه بر حدیث شریف بیله درج ایلدیکی و یوز بیک (۱۰۰۰۰۰) حدیث صحیح
ایله ایکی یوز بیک (۲۰۰۰۰۰) حدیث غیر صحیح مشارالیه حضرتلرینک حفظ و از برنده
اولدینی علمای کرام حضراتی جانبندن ذکر و بیان بیولمشدر. رضی الله تعالی عنه. «صحیح
بخاری» نك احادیث مکرره ایله برابر یدی بیک ایکی یوز یتمش بش (۷۲۷۵) حدیث شریفی
جامع اولدینی و بر روایت کوره اسقاط مکررات ایله مجموع احادیث بخاری نك درت بیک
(۴۰۰۰) حدیث شریفدن عبارت بولندینی و بر روایتده احادیث شریفه بخاری یدی بیک
ایکی یوز (۷۲۰۰) حدیث شریفی مشتمل اولوب بو مقدارک میاننده اوج بیک (۳۰۰۰)
حدیث شریف مکرر ذکر اولندینی کذلک علمای کرام حضراتی جانبندن ذکر
و بیان بیولمشدر. امام بخاری حضرتلری «مالک عن نافع عن ابن عمر» طریقتک احادیث
شریفهده علی الاطلاق اصح الاسانید اولدینی و «ابو الزناد عن الاعرج عن ابی هریره»
طریقتک دخی اصح اسانید ابی هریره ای دوکنی ذکر و بیان بیولمشدر. رضی الله تعالی
عنهم اجمعین. امام بخاری رضی عنه الباری حضرتلری عباد صالحیندن زهد و ورع و تقوی
ایله متصف بر ذات نادر الوجود اولوب تاریخ هجرتک (۱۹۴) هجری سنه سنده زیور کهواره
وجود اولوب (۲۵۶) هجری سنه سنده عازم کلشنسرای جنان اولمشدر. مدت عمر شریفلری
(۶۱) سنه (۳۴۷) کوندن عبارتدر. مشارالیه حضرتلرینک فضائل و مناقب جلیله سی
کنجایش پذیر حوصله خامه عرض و بیان اولیوب کالاتنه کتاب شریفی برهان قاطع
اولدینی جمهور علما بیننده متفق علیه در. کتاب بخاری شریفک خصائص کثیره سی اولوب
نصائص مخصوصه سندن برینسی، ایام طاعونده بر خانه ده علی وجه اللائق قرائت اولندینی
خالده خانه خلقنک طاعون بلیه سندن جناب حقتک دائره حفظ و اماننده اولمشدر.

§ — ۲ ائمه حفاظدن و اعلام محدثین کرامدن صاحب الصحیح «الامام ابو الحسن
مسلم بن الحجاج بن مسلم بن ورد بن کوشاد القشیری النیسابوری» حضرتلری «امام
بخاری» حضرتلرینی رتبه ولی و تعقیب ایشمشدر. امام مشارالیه حضرتلری بر روایتده
تاریخ هجرتک (۲۰۴) هجری سنه سنده و بر روایتده (۲۰۲) سنه سنده و بر روایت صحیحیه
کوره (۲۰۶) هجری سنه سنده نیسابور شهرنده زیور مهد وجود اولوب (۲۶۱) هجری سنه سنده

[°] استخاره، لغتده خیر ایستمک و لسانمزده بر مصلحتک انجامنه دلالت ایتک ایچون منامده
روای صادقه طلب ایتک معناسنده استعمال اولنور.

«سنن ابی داود» و «سنن ترمذی» [۱] و «سنن نسائی» [۲] و «سنن ابن ماجه» و «سنن دارقطنی» [۳] و «مسند احمد» و «مسند ابن ابی شیبہ» و «مسند بزار» و امثالی کتب احادیث شریفه اولادینی جمهور علما بیننده متفق علیہ در.

{ اعظام محدثین }

§ — محدثین کرام رضی عنهم رب الانام حضرتانک رئیس و پیشواسی «ابو عبد الله محمد بن اسماعیل بن ابراهیم بن المغیره الجعفی» [۴] البخاری رضی عنه الباری حضرتلری در، امام مشارالیه حضرتلری ضبط احادیث شریفه مقصدیله امصار عالمه رخلت و محدثین امصار ایله ملاقات ایدرک احادیث شریفه خراسان و عراق و حجاز و شام و مصرده ضبط و تحریر و «مکی بن ابراهیم البخی» و «عبدالله بن موسی العبسی» و «ابو عاصم الشیبانی» و «علی ابن المدینی» و «احمد بن حنبل» و «یحیی بن معین» و «عبدالله بن زبیر الحمیدی» و امثالی اعلام محدثین کرام و ائمه عظام حضرتانک اخذ و تلقی بیورمشدر. امام مشارالیه حضرتلرندن دخی خلق کثیرک اخذ احادیث شریفه ایلدیکی مروی در. امام بخاری حضرتلرینک زاویسی «ابو عبدالله محمد بن یوسف بن مطر بن صالح بن بشر الفزبری» حضرتلری، امام بخاری حضرتلرندن یتمش بیک قدر ذوات کرامک بخاری شریف استماع ایلدیکنی و کندوسی دخی امام مشارالیه حضرتلرندن «فربر» ده [۵] احادیث شریفه اخذ و استماع ایتدیکنی و امام بخاری حضرتلرندن احادیث شریفه استماع ایدلرندن یالکز کندوسی قالمش اولدیغنی ذکر و بیان بیورمشدر. امام بخاری حضرتلرینک کتاب صحیحنی التي یوز بیک (۶۰۰۰۰۰) احادیث شریفه دن تخویج و انتخاب و (۱۴) سنه مدت ظرفنده اکیال تألیف ایلدیکی و هربر حدیث شریفک صحنی تیقن ایتدیکه و هربر حدیث شریفی کندوسی ایله

[۱] ترمذی، ترمذیه منسوب دیمکدرکه «ترمذی» کله سنده کی یا حرقی، حرف نسبت در. ترمذ، تا حرفک کسری و ذال معجه ایله جیعون جورنده و جانب شرقینده برمدینه مشهوره تک اسمی در. جیعون «بلخ» شهرنده کی نهرک اسمی در.

[۲] نسائی، نون حرفک فحی و سین مهمله تک تحفیفی ومد و همزه ایله «نساء» شهرینه منسوب ویمکدرکه اخرنده کی یا حرقی، حرف نسبت در. «نساء» خراسانده برشهرک اسمی در.

[۳] دارقطنی، دارقطنه منسوب دیمکدر. دارقطن بغدادده برحله تک اسمی در.

[۴] جعفی لفظی یمنده برقبیله پدرینک اسمی در. اوده «جعفی ابن اسعد» در.

[۵] فربر، فا حرفک فحی و یا کسری جائز اولهرق و اولکی را حرفک فحی و ایگی را

حرفک یمنده کی بای موحده تک اسکانی ایله بخارا ایالتنده برقبه تک اسمی در.

علم حدیث شریف، اصول فروضدن اولمسیله اصحاب کزین و تابعین سعادت قرین و ائمه دین رضوان الله تعالی علیهم اجمعین حضراتی طرفلرندن خلفاً بعد سلف احادیث شریفه نك ضبط و حفظه و اعلاى شان و شرفه صرف لطف و عنایت بیورلمشدر .

صدر اولده سلف صالحینك اعتماد و اعتنالی احادیث شریفه نك قلوبده حفظی جهتته المحصار ایلدیكى جهتله علم حدیث شریف، کتابه ضبط اولنجیوب کتاب الله یعنی قرآن کریم کبی قلباً ضبط و حفظ اولنور ایدی .

وقتا که اهل اسلام، اطراف عاله منتشر و بلاد اسلامیه متسع و صحابه کرام حضراتی اقطار عاله متفرق و اعظم صحابه کرام رضی عنهم رب الانام حضراتی دخی عازم کلشنمراى جنان اوله رق احادیث شریفه نك ضبط و حفظی دوچار قلت اولدقده علمای کرام حضراتی جانبندن حسن اولنان لزوم و احتیاجه مبنی احادیث شریفه نك تدویننه و کتابه تقیید و ضبطنه بذل لطف و عنایت بیورلمشدر .

بر روایت کوره علم حدیث شریفده تصنیف کتاب ایدن ذوات گرام حضراتنك اولی «عبد الملك بن جریج» حضرتلری در. بعض روایت کوره «مالك بن انس» حضرتلری مؤلف اول اولوب مشارالیه حضرتلری «موطأ» اسمی ایله مسمی اولان کتابی تألیف بیورمشدر. دیگر بر روایت کوره دخی مؤلف اول «ربیع بن صبیحه» حضرتلری در. مشارالیه حضراتندن صکره احادیث شریفه نك جمع و تدوینی تعم الممشدر.

اعظم علمای کرامندن «صدر الشریعه» نك «تعديل العلوم» اسمی ایله مسمی اولان کتابنده و «ابن سبکی» نك «طبقات کبری» نامیله مشهر اولان اثرنده ذکر و بیان بیورلدیغی اوزره منسایح ائمه حدیث، طول اعمار ایله و فلاسفه دخی قصر اعمار ایله مشهوردر. بو حاله تجارب واقعه دخی شهادت ایدر. بو نعمت جلیله، احادیث شریفه نك جمله فضائل و خصائصندن در.

علمای کرام حضراتی طرفندن بیان بیورلدیغی اوزره علم حدیث شریفه متعلق تألیف بیوریلان کتب شریفه لایعد و لایحصى اولوب لکن کتاب اللهمدن یعنی قرآن عظیم الشانندن صکره اصح کتب «صحیح بخاری» و صکره «صحیح مسلم» و صکره «کتاب موطأ» و صکره

(حدیث مستفیض)، ناقلمری اوچدن زیاده اولان حدیث شریفدر.

(حدیث مضطرب)، اول حدیثدرکه راویسی روایتنده اختلاف واضطراب اوزره اولهرق بردفعه برصورتله و دیگر دفعه دخی صورت آخرله روایت ایدر وروایتلر یکدیگریه مابین ومخالف اولور.

(حدیث مردود)، ظاهری برکلام اولوب معناسی اولمدینی کبی صورت روایتی دخی غیر کافیدر.

(حدیث منفردی)، «ابو مسیله» قولیدر.

(حدیث موضوع)، رسول محترم صلی الله تعالی علیه وسلم حضرتلردن نقل ایله امر باطلی ایهام ایدن ودلیل عقلیه معارضه ایتمسینه قابل تاویل اولمان خبرلرک کافهسندن عبارتدرکه العیاذ بالله رسول اکرم علیه الصلوة والسلام حضرتلرینه افترادن عبارت اولوب بو مثللو خبرلره «خبر موضوع» تسمیه اولنور. بو مثللو خبرلرک سبب وضعی، یاروینک مرویده طول عهد ایله نسیان ایدوب غیر مروی بی مروی ظن ایله ذکر ایتمسندن عبارتدر. یاخود نبی محترم صلی الله تعالی علیه وسلم حضرتلرینه افترادن عبارت اولور تهکیم زنادقه طائفهسی شریعت شریفه محمدیه علیه الصلوة والسلامدن عقلایی تغیر ایچون معقوله مخالف اون درت بیک قدر خبر وضع ایتمسندر. یاخود سبب وضع، غلط راویدن عبارتدرکه بو غلط، برکهک نطق مراد اولندقدن لسانه اوکله دن غیر کلهک نطق سبقت ایتمک صورتی ایله اولور. یاخود وضعک سببی ذکر اولنان صورتلرک غیر ایچون تهکیم «کرامیه» طائفهسی طاعت وعباده ترغیب ومعصیتدن ترهیب ایچون بر طاقم خبرلر وضع ایتمسندرکه طائفه مذکورهنک شو وضع ایتمدیکی خبرلر افترایه راجع اولور.

(حدیث المتعبد بلفظه) تسمیه اولنان بر قسم احادیث شریفه دخی «اذان شریف» و «نشهد» و «تکبیر» و «تسلیم» کبی احادیث شریفهدر.

احادیث شریفه بی نقل بالمعنی یعنی لفظ آخر ایله بیان ایتمک صورتسک جوازی بعض شروطک تقید ایله علمای کرام حضراتی جانبندن بیان بیورلمش و «قاضی عیاض» علیه راحة الفیاض حضرتلری دخی خطا وقوعک امکان واحتمالی سببی ایله نقل بالمعنی صورتی تجویز بیورما مشدر.

(حدیث ضعیف)، «حدیث حسن» دن مرتبہً دون در. بعض علمای کرام حضراتک بیانہ کورہ حدیث ضعیف، حدیث صحیح ایله حدیث حسن صفتلرینی جامع اولیان حدیث شریف در. «حدیث ضعیف» ک ضعیفی، بعضاً عدم عدالت ویاخود سنو، حفظ ویاخود عقابداً تمہت کبی رواٹک ضعفندن اولور وبعضاً ارسال وانقطاع وتدلیس [۱] کبی علل اخرادن اولور. بومثلو حدیث شریف، فضائل ومناقبده بالاتفاق حجت وبرهان در. علمای کرام حضراتک «حدیث ضعیف ایله احکام اثبات اولمز چونکہ احکام اجتهادیہنک اثباتندہ مجتہد اولان ذات عالقدرک حدیث ضعیفہ تمسک ایتسی ومجتہدک حدیث ضعیفی، مذہبہ بنا وبر مسئلهده اجتهادیہ مناط ایلسی جائز دکلدر» قولی یاب فضائلده وارد اولان حدیث ضعیف ایله عملاً استجابنہ منافی اولہ میہ جفی علمای کرام حضراتی جانبندن بیان بیورلمشدر.

(حدیث محکم)، تأویله محتاج اولیان حدیث شریف در.

(حدیث متشابہ)، تأویله محتاج اولان حدیث شریف در.

(حدیث منفصل)، «تابع»ہ قبل الوصول رواٹک بردن زیادہ سی ساقط اولان حدیث

شریف در.

[۱] تدلیس، تفعلیل وزنندہ تابع حیلہ ادبوب حین بیغده متاعنک عینی مشتریدن کتم الملک معناسنہ در. فن حدیثدہ تدلیس لفظی بوندن مأخوذدرکہ محدث، روایت ایلدیکی حدیثی مثلاً شیخک شیخنہ اسناد ادبوب کندو شیخک اسمنی طی ایدر کویا اندن بلا واسطہ روایت ایدر. مع هذا شیخ مزبوری کورمامش ویاخود کورمش اولسہ دخی اندن اخذ حدیث ایلیوب اندن متاخر اولاندن ویاخود اندن تلقی ایدن شیخدن اخذ ایلشدر وبو اسناد اوزرہ نقائدن برجاعت، حدیث شریف روایت ایلشدر. بعض علمای کرام حضراتی جانبندن ذکر وییان بیوردیفی اوزرہ اصول حدیثدہ «تدلیس» و«ارسال خفی» بینلرندهکی فرقلر دقیق در. زیرا «ارسال خفی» صورتندہ دخی لقیان [*] محتمل اولان صیغہ ایله روایت الملک معتبردر لکن عندالحدائق عدم لقیانلری رواوی ایله محدث بینندہ واسطہ بولندیفی ثابت در وتدلیس، لقیانی معروف اولان روایتہ مخصوص در ومرسل خفی، معاصرندن روایت ایدندن روایتہ مخصوص درکہ ایکسندهده اول واسطہ ساقط اولمیدر. خلاصہ «تدلیس»ده مجرد معاصرت کافی دکلدر بلکه لقیانی محتمل اولمیدر لکن «ارسال خفی»ده معاصرت کفایت ایدر ولقیانی معتبر اولان صیغہ مثلاً «حدثنا واخبرنا» دیمیوب «قال» و«عن» کله لری ایله ایراد الملکدر. «جزری» مرحوم «تدلیس»ی ایکی قسمہ تقسیم بیورمشدر. بر قسمی «تدلیس الاسناد» ودیکر قسمی دخی «تدلیس الشیوخ» در. (تدلیس الاسناد) وجہ مذکور اوزرہ لقیانی محتمل اولاندن بالذات مسموع اولیان حدیثی سماعی موهوم اولان تعبیرات مذکورہ ایله روایت الملکدر. (تدلیس الشیوخ) اخذ وسماع ایلدیکی شیخک اسمنی ستر ایدوب معروف اولیان اسم ووصف ایله تسمیہ الملکدر. اشیو ایکی صورت دخی کدندن میرا ومعرا در.

[*] لقیان، کورمک، کورشمک، وبرشی برشیته تصادف ایتک معناسنہ در.

کند و لفظ شریفی ایله اخبار بیورمشدر. قرآن کریم، حدیث قدسی اوزرینه مفضل در. چونکه قرآن عظیم الشانک لفظ شریفی منزل در.

(حدیث قوی) ، اول بر حدیث شریفه اطلاق اولدورکه رسول اکرم صلی الله تعالی علیه وسلم حضرتلری او حدیث شریفی قائل اولدقدن صکره کتاب اللمهدن بر آیت کریمه قرائت بیورمشدر.

(حدیث ناسخ) ، رسول محترم صلی الله تعالی علیه وسلم حضرتلرندن اخر عمر شریف رسالتپناهیلرنده شرفصادر اولان حدیث شریف در.

(حدیث منسوخ) ، سلطان انبیا علیه ازکی التحایا حضرتلرندن عمر شریف رسالتپناهیلری اولنده شرفصادر اولان حدیث شریف در.

(حدیث عام) ، جمیع خلق مراد اولنان حدیث شریف در.

(حدیث خاص) ، اول بر حدیث شریف درکه خلقدن برکیمهیه او حدیث شریف ایله حکم وقضا بیورمشدر.

(حدیث حسن) ، راویسی صدق وامانت ایله مشهور اولان حدیث شریف در . بونوع حدیث شریفک راویسی صدق وامانت ایله مشهور ایسهده حفظ و اتقاندن رجال صحیح درجه سنه بالغ و واصل اولمامشدر. ایکی اسناد ایله روایت اولنان حدیث شریفه ، « حدیث حسن صحیح » تعبیر اولنور .

(حدیث مقطوع) ، تابعین کرام اوزرینه موقوف اولهرق تابعین کرامک اقوال و افعالی بیاننده واقع اولان حدیث شریف در.

(حدیث شاذ) ، اسناد واحد مقارن و ملابس اولان حدیث درکه او حدیثه بر شیخ شهادت ایدر. او شیخ ثقاتدن ایسه توقف اولنوب انکله احتجاج اولنمز اگر ثقاتدن دکل ایسه متروک اولور.

(حدیث غریب) ، بعضاً راوینک روایتی ایله تفرّد ایلیکی حدیث شریفدن اولورکه ناقللرینک کافه سی صحابه کرامدن اولدقلری جهتله بومثلو حدیث شریف، تفرّد راوی ایله معاً صحیح اولور بعضاً دخی راوینک اصحابنه ثقاتدن بر ذاتک مخالفتی ایله اولان حدیث شریفدن اولور.

کفر نسبت اولئق و یاخود نسبت اولئماق صورتی ایله مختلفه فی اولئقن عبارتدر. اصح اولان صورت، «حدیث مشهور» ک جا حدینه دخی کفر نسبت اولئقن عبارتدر.

(حدیث موقوف)، صحابی طرفدن روایت اولنوب نبی محترم علیه الصلوة والسلام حضرتلرینه اسناد اولئان حدیث شریفدر.

(حدیث صحیح)، رسول اکرم صلی الله تعالی علیه وسلم حضرتلرینه اسنادی متصل اولان و احباب عدل و ضبط طرفلرندن حد منتهیاه قدر نقل و روایت اولئان حدیث شریفدر. دیگر بر تعریفه کوره (حدیث صحیح)، لفظ شریفی زکا کتدن و معنای شریفی آیت کریمیه مخالفندن سالم اولان حدیث شریفدر یاخود حدیث متواتردر و یاخود حدیث اجماعدر. «حدیث صحیح» ک مقابلی «حدیث سقیم» در.

(خبر احاد)، بر کیمسه نك رسول اکرم صلی الله تعالی علیه وسلم حضرتلرندن استماع ایلدیکی و او کیمسه دن دخی واحد اخرک و او واحد اخردن دیگر بر کیمسه نك استماع ایتدیکی حدیث شریف اولوب متمسک اولان کیمسه ده انها ایدنجیه قدر بووجهه نقل و روایت اولئمشدر. «خبر احاد» ک جا حدینه کفرک عدم نسبتی متفق علیهدر. «خبر احاد»، حدیث و تواتره داخل اوله من. بو خبرک حکمی، عملی موجب اولوب عملی موجب دکلددر. بو اجلدن مسائل اعتقادیده حجت اوله من.

(حدیث معلق)، مبدأ اسنادندن بریسی و یاخود اکثریسی حذف اولئان حدیث شریفدر. حذف، یا اول اسنادده اولوب اکا «معلق» دینور. یاخود وسط اسنادده اولوب اکا «متقطع» دینور. یاخود اخر اسنادده اولوب اکا «مرسل» دینور.

(حدیث قدسی)، من حیث المعنی جناب حق طرفندن و من حیث اللفظ رسول اکرم صلی الله تعالی علیه وسلم حضرتلری طرفندن اولان حدیث شریفدر. اشبو حدیث شریفی، جناب حق رسول اعظم علیه الصلوة والسلام حضرتلرینه الهام [۱] و یاخود منام ایله اخبار بیورمش و رسول اکرم صلی الله تعالی علیه وسلم حضرتلری دخی بومعنادن

[۱] الهام، بطریق الفیض قلبه القا اولئان شی در. بر روایت کوره الهام، قلبده واقع اولان بر علمدرکه او علم، آیت کریمه ایله من غیر استدلال عمله دعوت ایدر. بو علم، عند العلماء حجت اولیوب اهل تصوف عندیده حجت اولور. الهام ایله اعلام بیننده اولان فرق، الهام لفظنک اعلام لفظندن اخس اولمیسدر. چونکه اعلام، بعضاً طریق کیمی ایله و بعضاً طریق تنبیه ایله اولور.

(حدیث منقطع) صحابیندن غیرى اوله زق رواستن بر راوی ساقط اولان حدیث شریفدر یعنی «مالك» ك «زهري» دن و «زهري» نك «ابن عباس» دن و «ابن عباس» رضی الله تعالى عنهما حضرتلر نك رسول اكرم صلى الله تعالى عليه وسلم حضرتلر نندن روایت ایلدیكى حدیث شریف كی در. اشبو حدیث شریف، رسول اعظم علیه الصلوة والسلام حضرتلرینه اسناد اولندیفی جهتله «مسند» اولور و «زهري» نك «ابن عباس» رضی الله تعالى عنهما حضرتلر نندن استماع ایتماش اولسی حسبیهله «منقطع» در.

(حدیث موصول) دخی «حدیث متصل» ك تعریفی ایله معرف در.

(حدیث متواتر)، بر جماعتك رسول اكرم صلى الله تعالى عليه وسلم حضرتلر نندن و او جماعتدن دخی جماعت اخرانك استماع ایلدیكى حدیث شریف اولوب متمسك اولان كیمسهده انتها ایدنجیه قدر بو وجهله تواتر روایت اولنمش ذر كه ناقلا لك نقل اولسان روایتده كذب اوزرینه تواطؤ و اتفاقلری تصور اولنمز. بو خبرك حكم شریفی، قطعياً علم و عملی ایجاب ایدر. حتی جاحدینه [۱] كفر نسبت اولنور. دیگر بر تعریفه كوره «خبر متواتر» شروطی ایله علم یقینی بی مفید اولور. یقین، «اعتقاد جازم مطابق» دیمكدر. اشبو خبر، معتمددر. چونكه «حدیث متواتر» علم ضروری بی مفید اولور. علم ضروری، دفع و ردنده انسان ایچون امکان اولماق حیثیتی ایله انسانك مضطراً قبول و تصدیق ایلدیكى علمدن عبارتدر.

(حدیث مشهور)، عصر اولده احاددن مروی اولان و عصر ثانیده اشتهار ایدن حدیث شریف در. یعنی حدیث مشهور، بر كیمسه نك رسول اكرم صلى الله تعالى عليه وسلم حضرتلر نندن و او كیمسه دن دخی بر جماعتك و او جماعتدن دخی دیگر جماعتك استماع ایلدیكى حدیث شریف اولوب متمسك اولان كیمسهده انتها ایدنجیه قدر بو وجهله نقل و روایت اولنمشدر كه او جماعتك كذب اوزرینه تواطؤ و اتفاق تصور اولنمز. و او مثلاً حدیث شریف، علمای كرام حضراتی جانبندن تلقی بالقبول بیورلمشدر. حدیث مشهور، حق عملده «خبر متواتر» منزله سننده در. «حدیث متواتر» ایله «حدیث مشهور» بیننده اولان فرق، حدیث متواتر ك جاحدینه بالاتفاق كفر نسبت اولنمقدن و «حدیث مشهور» ك جاحدینه

[۱] جاحد، «جمحد» لفظندن اسم فاعلدر. «جمحد» لفظی «جیم» حرفنك قصه حرکه سی و «حا» حرفنك سکونی ایله بیلوركن انكار ایتك معناسنده در.

بولنانلر ایچون علم لغت و علم اعرابی بعد التحصیل ذکر اولنان اصول و احکام و قواعد و اصطلاحات احادیثه مطلع اولق ضروری در.

ذکر اولنان اصول، احکام، قواعد، اصطلاحات، رجال احادیثک اسامی شریفه سنه و انساب و اعمارینه و وقت ارتحالینه و راویلرک صفات و شرائطه و زواتک مستدینه و احادیث شریفه نک کیفیت اخذینه و تقسیم طرقه و لفظ روانه و صورت ایراد مسموعانه و مأخذ احادیث اولان ذوات کرامک مراتب و درجاتنه و احادیث شریفه نک اقسامنه و حدیث شریفه متعلق بین المحدثین مزعمی اولان سایر اموره کسب معلومات ایتمکن عبارتدر.

{ احادیث شریفه نک اقسامی }

(حدیث مرسل)، راوینک آخر راوی به اسناد ایتکمترین ارسال [۱] ایتدیکی خبردر. یعنی تابعین کرامک رسول محترم صلی الله تعالی علیه و سلم حضرتلرندن روایت ایدوب صحابه کرامک اسامی شریفه سی اتنای روایتده ذکر اولنماش اولان خبردر.

(حدیث مسند)، «حدیث مرسل»ک خلاقی در. حدیث مسند رسول اعظم صلی الله تعالی علیه و سلم حضرتلرینه و اصل اولنجهیه قدر راوینک راوی آخره اسناد ایلدیکی خبردر. یعنی اسنادی [۲] خاصه رسول محترم علیه الصلوة و السلام حضرتلرینه اتصال ایدن حدیث شریفدر. حدیث مسند، بعضاً «متصل» و بعضاً «منقطع» اولور.

(حدیث متصل) رسول اکرم صلی الله تعالی علیه و سلم حضرتلرینه و یاخود صحابه کرام رضی الله تعالی عنهم حضرتلرندن بر ذات عالیقدره اسنادی متصل اولان حدیث شریفدر. «مالک»ک «نافع»دن و «نافع»ک «ابن عمر»دن و «ابن عمر»ک رسول اکرم علیه الصلوة و السلام حضرتلرندن روایت ایلدیکی حدیث شریف، «حدیث متصل»ک مثالدی.

[۱] ارسال، اهل حدیث اصطلاحنده عدم اسناد معناسنه در. بو ارسال، راوی طرفندن حدیث شریفک «قال رسول الله صلی الله تعالی علیه و سلم» عباره شریفه سیله روایت اولنوب «حدثنا فلان عن رسول الله صلی الله تعالی علیه و سلم» دیو روایت اولنماسندن عبارتدر.

[۲] اسناد، اهل حدیث اصطلاحنده محذک «حدثنا فلان عن فلان عن رسول الله صلی الله تعالی علیه و سلم» عباره سی ایله حدیث شریف روایت ایتسندن عبارتدر.

(موضوع)؛ علم مذکورک موضوعی، الفاظک معنای مفهومه و یا خود معنای مراده دلالتی حیثیتی ایله احادیث نبویّه در.

(غایت)؛ علم مذکورک غایتی، آداب نبویّه ایله تحلی [۱] و مکروهات و منیساتدن تحلی [۲] ایتمکدر.

(منفعت)؛ علم مذکورک منفعتی اعظم منافعدن در.

(میادی)؛ علم مذکورک مبادیسی، علوم عربیه ایله رسول اعظم صلی الله تعالی علیه وسلم حضرتلرینه متعلق قصص و اخباردن و امثالی عللردن عبارتدر.

(حدیث)؛ لفظ اعمّ اولوب قول و فعل و تقریره شامل اولق حسبیه «فوائد خاقانیه» کتابنده علم حدیث شریفه دأر اولان تعریفک احسن تعریف اولدینی بعض علمای کرام حضراتی طرفندن ذکر و بیان بیورلمشدر.

محدثین کرام حضراتندن «بن اثیر» دیمکله مشهور اولان «ابو السعادات المبارک ابن محمد الجزری» حضرتلری طرفندن «جامع الاصول» اسمی ایله مسمی اولان کتابده ذکر و بیان بیورلدینی اوزره علوم شرعیّه، (فرض) و (نفل) [۳] قسملرینه منقسمدر.

(فرض) دخی ایکی قسمه منقسم اولوب بریسی «فرض عین» و دیگرکی «فرض کفایه» در.

علم احادیث شریفه نبویّه ایله علم آثار صحابه کرام، فروض کفایاتک اصولدن و احکامک ادله ثانیه سندن در.

احادیث شریفه ایچون «اصول» و «احکام» و «قواعد» و «اصطلاحات» اولوب بونلر علمای کرام و محدثین ذوی الاحترام و فقهای عظام حضراتی طرفلرندن ذکر و بیان و شرح و تبیان بیورلمشدرکه علم حدیث شریفه کسب و قوف و معلومات ایتمک طلبنده

[۱] تحلی، ترین ایتمک یعنی دوناتمق معناسنه در. تحلی، ظاهرده استعمال اولنوب «تحلیه ظاهر» دینورکه ظاهراً آداب شریعت ایله ترین ایتمکدن عبارتدر.

[۲] تحلی، خالی قیلق معناسنه در. تحلی، باطنده استعمال اولنوب «تحلیه باطن» دینورکه درون قلبی فنا شیلردن تحلیه ایدوب نور ذکر و فکر ایله تزیین و تنویر ایتمکدن عبارتدر.

[۳] نفل، زیاده اولان شیدن عبارتدر. غنیمیه «نفل» اطلاق اولنور. «غنیمه» غازیلرک حربا الدقلری مالدر. جمعی «غنائم» در. عبادت جهتندن نفل، مفروضه مقدره اوزرینه زائد اولان عبادتدر نافلة الصلوة کی. نفل کلمه سنک جمعی، «انفال» و «نفول» در. نافلة لفظنک جمعی، «نوافل» در نافلة، ولد الولد معناسنه دخی استعمال اولنور.

واحوال شریفہ دن عبارتدر . «ما جاء عن غیرہ» کلامک معناسی سائر ذوات کرام
حضراتدن منقول و مروی اولان اقوال و افعالدن عبارت اولور . بواجلدن تواریخ و امثالی
امور ایله مشغول اولان کیسہیه «اخباری» وسنت نبویہ ایله مشغول اولان کیسہیه «محدث»
دینلشدر .

بر روایتہ کوره دخی «حدیث» لفظی ایله «خبر» لفظی بیننده عموم و خصوص
مطلق اولوب شو حالده «حدیث» ک کلیسی خبر اولوب «خبرک» کلیسی حدیث اولمز .
بوصورتده «حدیث» لفظ شریفی، عمومیت معناسی و «خبر» لفظی دخی خصوصیت معناسی
مفید اولور .

«اثر» لفظی، صحابہ کرام رضی الله تعالی عنہم حضراتدن روایت اولنان اقوال شریفه
واحوال حسنیه اطلاق اولنور . «اثر» لفظک رسول محترم صلی الله تعالی علیه و سلم
حضرتلرینک کلام شریفهده اطلاق جائز اولدینی مروی و منقولدر .

علم حدیث شریف، «فوائد خاقانیه» اسمی ایله مسمی اولان کتابده تعریف اولدینی
اوزره رسول محترم صلی الله تعالی علیه و سلم حضرتلرینک اقوال جلیله و افعال شریفه
واحوال حسنہ سندن باحثدر . علم مذکورک موضوعی، افعال و اقوال و احوال شریفه
نبویہدر . غایتی، دارینده [۱] نائل سعادت اولمقدر .

«مفتاح السعاده» اسمی ایله مسمی اولان کتابده تعریف اولدینی اوزره علم حدیث
شریف، «علم رواية الحديث» و «علم دراية الحديث» ناملری ایله ایکی قسمه منقسمدر .

(علم رواية الحديث) احادیث شریفه راویلرینک ضبطاً و عدالة احوالی و احادیث
شریفه سندن اتصال و انقطاع کیفیت حیثی ایله احادیث شریفه نك رسول محترم
صلی الله تعالی علیه و سلم حضرتلرینک کیفیت اتصالدن باحثدر . قسم مذکور، «علم اصول حدیث»
عنوانی ایله شهرتشار اولمشدر .

(علم دراية الحديث) قواعد عربیه و ضوابط شرعییه مبتنی ورسول اکرم صلی الله
تعالی علیه و سلم حضرتلرینک احوال شریفه سنه مطابق اولدینی حالده الفاظ حدیث
شریفدن مفهوم و مراد اولان معنادن باحثدر .

[۱] «دارین» لفظی «دار» لفظک تشبیه سیدر . «دار» خانه دیمکدر . «دارین» ایکی خانه دیمکدر .
«دارین» لفظدن دنیا و اخرت مراد اولنور .

بحث

(۲۳)

علم حدیث شریف

(حدیث) لفظی، لغتہ (قدیم) لفظک نفیض اولدینی کبی (حدوث) و (حدائت) لفظلری دخی (قدم) لفظک نفیض و مقابلی در .

(حدنان)، و (حدائت)، بر شیک اولی معناسنده استعمال اولنور. «حدائت السن» زمان شباتدن و اوائل عمردن کنایه در . بعض روایتہ کوره «حدنان» لفظی «حدت» لفظک تنسیه سی اولوب «حدنان» لفظدن جدیدان و ملوان لفظلری کبی لیل و نہار مراد اولنور.

«حدیت» لفظی، تحدیث لفظدن اسم اولوب خبر معناسنده دخی استعمال اولنور.

رسول اعظم صلی اللہ تعالیٰ علیہ وسلم حضرتلرینه نسبت اولنان قول و فعل و تقریر

«حدیت» لفظی ایله تسمیہ اولنور. «حدیت» لفظی ایله تسمیہ اولنور.

(حدیث) لفظک جمعی شاذ اوله رق «احادیث» در .

«آلامہ زخمشری» نک «تفسیر کشاف» اسمی ایله مسعی اولان کتاب تفسیرنده «احادیث»

لفظی اسم جمع اولوق اوزره ذکر اولنمش و «بحر» اسمی ایله مسعی اولان کتابده «احادیث»

لفظی اسم جمع اولیوب «اباطیل» لفظی کبی علی خلاف القیاس «حدیث» لفظک جمع

مکتبری اولدینی و کلمات عربیہده «افاعیل» وزنی اوزره اسم جمع توارد ایتمدیکی

ذکر و بیان بیورلمشدر .

اهل حدیث اصطلاحنده «خبر» لفظی «حدیث» لفظک مرادفی در . بر روایتہ کوره

«حدیث» لفظ شریفی «ما جاء عن النبی صلی اللہ تعالیٰ علیہ وسلم» تعریفی ایله و «خبر» لفظی

دخی «ما جاء عن غیرہ» تعریفی ایله معرفدر . «ما جاء عن النبی» کلامتک معناسی

رسول اکرم صلی اللہ تعالیٰ علیہ وسلم حضرتلرندن نقل و روایت اولنان اقوال و افعال

(حصر)، بر شیئی طریق مخصوص ایله آخر شیئه تخصیص ایلک معناسنه اولوب قصر
دخی دینور.

(حصر)، اقسام ثلثیه منقسم در. قسم اول (حصر عقلی)، قسم ثانی (حصر استقرائی)،
قسم ثالث (حصر جعلی) در.

(حصر عقلی)، عددک زوجیت و فردیتیه حصری کبی در.

(حصر استقرائی)، کله نک اقسام ثلثیه یعنی اسم، فعله، حرفه حصری کبی در.

(حصر جعلی)، رساله نک بر مقدمه ایله مقالات ثلثیه و برخاتمیه حصری کبی در.

قرآن عظیم الشانده حصر و تخصیصی مفید اولان حروف و کلمات و ترکیبات،
کتب تفاسیر شریفده مواضع مخصوصه سنده ذکر و بیان اولمشدر.

جناب منزل القرآن تعالی شانہ عن النقصان حضرتلری قرآن عظیم الشانی
جمیع عوارضدن حافظ و واتی اولمسلیله صحابه کزین و تابعین سعادت قرین و ائمه دین
رضوان الله تعالی علیهم اجمعین حضراتی ایله اعظم علما و فضلا دن اولان عباد مسلین بونجه
فترات و تقلبات عصریه ایچنده قرآن عظیم الشانک ضبط و حفظنه و تفسیر و توضیخنه
و حل اشکالنه و تسهیل مبادی و معانیسنه و جمیع عوارض تحریفدن محافظهسنه محضا توفیقات
ربانیه ایله موفق اولمشدر در.


قرآن عظیم البرهانک اوصاف جلیله سنی کاینغی عرض و بیانده السنه و اقلام عاجز
و قاصر اولمسلیله شمس عالم آریه نسبتله ذره قیلندن اولمق اوزره کمال عجز و مسکنت ایله
یومچنده علم تفسیر شریفه متعلق ایراد اولنان معلومات جزئییه ایله اکتفا اولندی.



افعالك ادات تشبيه اولدينى بيان اولنقده ايستده اصح اولان قول، افعالك حروف تشبهدن اوليوب امارات تشبهدن اولسندن عبارتدر.

(تشبيه)، انواع بلاغتك اشرفى اولوب (امام مبرد) حضرتلرينك (كامل) اسمى ايله مسى اولان كتابنده ذكر وبيان بيوردىنى اوزره كلام عربىنك اكزيسى تشبهدن عبارتدر.


اقسام تشبهات واستعارات (علم بيان) ده مذكور و محرردر. قرآن عظيم الشانك تشبهاتى بيانده (ابو القاسم الهنداد البغدادى) حضرتلرى (جان) اسمى ايله مسى اولان كتابى تاليف بيورمشدر. رحمه الله



{علم وجوه مخاطبات القرآن}

علم مذكور، علم تفسیر شريفك جمله فروعسندن اولوب اكابر علمای كرامدن «ابن الجوزى» عليه رحمة البارى حضرتلرينك ذكر وبيان كوره قرآن عظيم الشانده اون بش وجه اوزره خطاب شريف شرفواق اولمشدر و بر روايته كوره وجوه خطاب اوتوزدن ايتورده.

وجوه مذكوره علوم قرآن كريمدن باحت اولان بعض كتابلرده و تفاسير شريفده ذكر و بيان بيورلمشدر.



{علم ما وقع فى القرآن من الاسماء الكنى والالقب}

علم مذكور، قرآن عظيم الشانده شرفواق اولان انيساي عظام و ملائكة كرام عليهم الصلوة والسلام حضراتك اسماء شريفهسندن و سائر اسماءدن باحت اولوب تفصيلاتى كتب تفاسير شريفده و علوم قرآندن باحت اولان كتابلرده ذكر و بيان بيورلمشدر.



{علم معرفة الحصر والاختصاص}

(فى القرآن)

علم مذكور، علم تفسیر شريفك جمله فروعسندن اولوب قرآن كريمده حصر و قصرى مفيد اولان كلام شريفدن و حصر و قصر ك انواع و اقسامندن باحتدر.

واذہان انسان، عاجز وقاصر وسرأر قرآنیہ ومجائب فرقانیہ انجق جناب علام الغیوب
حضرتلرینہ معلومدر۔

{ علم حقیقۃ القرآن و مجازہ }

علم مذکور، علم تفسیر شریفک جملہ فروغندن اولوب الفاظ جلیلہ قرآنیہنک
حقیقت و مجازندن باحثدر۔

الفاظ شریفہ فرقانیہنک حقیقت و مجازندہ جمہور علما غندنہ خلاف یوقدر۔

علمای شافیہدن «ابن الغاص» وبعض علمای مالکیہ، قرآن عظیم الشاندہ مجازک عدم
وقوعنہ ذاہب اولشدر ایسنہده مجازک حقیقتدن بلغ اولمسی حسیلہ ذہاب مذکورک
واہی اولدینی علمای کرام حضراتی جانبندن بیان بیورلمشدر۔

اکابر علمای کرامدن «عز الدین بن عبدالسلام» حضرتلری، الفاظ جلیلہ قرآنیہنک
حقیقت و مجازینہ دائر کتاب تألیف بیورمش و علمای کرامدن «جلال الدین سیوطی»
حضرتلری دخی کتاب مذکور «مجاز الفرسان الی مجاز القرآن» اسمی ایله مسی اولان
کتابندہ تلخیص ایلمشدر۔

{ علم تشبیہ القرآن و اشعاراتہ }

علم مذکور قرآن عظیم الشانک تشبیہات و استعاراتندن باحثدر۔
بعض علمای کرام حضراتی علم مذکور علم تفسیر شریفک جملہ فروغندن اولوق
اوزره ذکر و بیان بیورمشدر۔

تشبیہ، لغتده بر شینک دیکر شینہ معنادہ مشارکت ایتمسنہ دالالتدن عبارتدر۔
شئی اولہ (مشبه)، ایکنجیسنه (مشبه به)، معنای مشترکه (وجه شبه) تعیر اولنور۔ علمای بیان
اصطلاحندہ (تشبیہ)، بر شینک ذاتندہ اولان اوصافدن وصف واحددہ ایکی شینک اشتراکنہ
دالالتدن عبارتدر۔

ادات تشبیہ، (کاف) (کَانَ) (مثل) (شبه) و یونلرک امثالی حروف و اسامیدن
عبارتدر۔

و «حشر» و «حساب» و «عقاب» و «جنت» و «نار» مباحثی استنباط الیملشردرکه یو مثللو ذوات کرامه «خطبا» و «وعاظ» تسمیه اولنور.

علمای کرام حضرتانندن بر جماعت دخی قصه یوسف علیه السلامی ناطق اولان آیات شریفه دن علم تعبیر روایی استنباط واستخراج بیورمشلردر.

علمای کرام حضرتانندن بر جماعت دخی آیت شریفه «مواریث» دن علم فرائض ایله حساب فرائضی واحکام وصایایی استخراج واستنباط ایلدیلر.

علمای کرام حضرتانندن بر جماعت دخی آیات شریفه دن علم مواقیتی استنباط واستخراج بیوردیلر.

علمای کرام حضرتانندن بر جماعت دخی آیات جلیله قرآینه دن علم معانی و علم بیان ایله علم بدیعی استخراج بیورمشلردر.

ارباب اشارات واصحاب حقیقت دخی الفاظ شریفه قرآینه دن معانی دقیقه یه کسب اطلاع ایدرک ترتیب اصطلاحات ایلدیلر. اصطلاحات مرثبه «فبا» و «بقا» و «حضور» و «خوف» و «هیئت» و «انس» و «وحشت» و «قبض» و «بسط» و امثالی اصطلاحات دن عبارتدر.

کذلک قرآن عظیم الشان، طب و جدل و مناظره و هیئت و هندسه و جبر و مقابله گبی علوم اوائلی دخی حاوی اولدیغندن علوم مذکوره دخی آیات شریفه دن استنباط واستخراج اولنمشدر.

اکابر کرامدن القاضی «ابو بکر بن العربی» حضرتلری «قانون التأویل» اسمی ایله مسمی اولان کتابنده قرآن کریمک (۷۷۴۵۰) قدر علمی حاوی اولدیغنی ذکر و بیان بیورمشدر.

علوم قرآینه نک اشرف واعظمی، علم امثال اولدیغنی و قرآن عظیم الشانده شرفواقع اولان ضروب و امثالدن امور کثیره استنباط اولدیغنی علمای کرام حضراتی جانندن بیان بیورلمشدر.

الحاصل علمای کرام و فضلالی ذوی الاحترام حضراتی جانندن بیان بیورلدیغنی اوزره قرآن عظیم الشان کافه علمی جامعدر. قرآن عظیم الشانک اسرار و عجائبنده عقول

اشبو بیت برجسته نك مأل ومدلولی احسن واصدق وحقیقت حاله اوفق در .
 علمای کرام حضراتی قرآن عظیم الشانك شامل اولدینی علمی تنوع بیورمشلردر .
 بعض علمای کرام حضراتی جانبندن قرآن عظیم الشانك ضبط لغاتنه و تحریر کلماتنه
 و بیان مخارج حروفنه و آیات شریفه سنك ذکر و تعدادینه و قرآن کریمه متعلق اقتضا ایدن
 سائر معلوماتك تذکار و تبیاننه اعتنا بیورمشلدرکه بو مثللو ذواته «قرآ» تسمیه اولنور .

بعض علمای کرام حضراتی طرفندن دخی قرآن عظیم الشانده اولان اسماء و افعال
 و حروف شریفه نك اعراب و بنالرینه و کلمات جلیله نك رسم خط و کتابتنه و الحاصل قرآن
 کریمك الفاظ و کلماته متعلق کافه احوالك بیاننه بذل همت و عنایت بیورمشلدر .
 بعض علمای کرام حضراتی جانبندن دخی قرآن عظیم الشانك قواعد مرعیه
 و اصول شرعیه به موافق صورتده تفسیرینه اعتنا بیورمشلدر .

بر صنف علمای کرام حضراتی دخی ادله عقلیه و شواهد اصلیه و نظریه بی تضمن ایدن
 آیات جلیله به اعتنا ایدرک او مثللو آیات شریفه دن جناب حنق و حدایتنه، وجودینه، بقاسنه،
 قدم و قدرتنه، علمنه، ذات و صفاتنك نقائصدن تزیه و تقدیسنه متعلق دلائل استنباط بیوردیلرکه
 بو مثللو ذوات معالی صفات حضراتی « اصولیون » در یعنی اصول دینك علمای کرامی در .

کذلک بر صنف علمای کرام دخی قرآن عظیم الشانك عموم و خصوصی مفید اولان
 خطابنه و حقیقت و مجاز و صریح و کنایه کبی لغاتنه اعتنا ایله تخصیص، اخبار، نص، ظاهر،
 مجمل، محکم، متشابه، امر، نهی، نسخ کبی اقسامنده و بونلرک امثالی انواع اقیسه ده بحث
 و تکلم بیورمشلدرکه بو مثللو ذوات کرام، علمای اصول ققه در .

بر صنف علمای کرام حضراتی دخی حلال و حرام ایله سائر احکام شرعیه بی ناطق
 اولان آیات شریفه ده اعمال فکر و نظر ایله اصول احکامی تاسیس و فروعنی تفریع ایلدیلرکه
 بو علمه علم ققه تسمیه اولنور .

بر صنف علمای کرام حضراتی دخی قرآن عظیم الشانندن قرون سالفه و امم ماضیه نك
 قصص و اخبارینی ناطق اولان آیات کریمه ده اعمال فکر و نظر ایدرک نقل قصص و اخباره
 و تدوین وقایع و آثاره اعتنا بیورمشلر و بو علمه علم تاریخ و علم قصص تسمیه ایشلردر .

بر صنف علمای کرام حضراتی دخی حکم و امثال و مواعظی ناطق اولان آیات
 کریمه به امعان نظرله «وعد» و «وعید» و «تحدیر» و «تبشیر» و «ذکر الموت» و «معاد» و «نشر»

احسان قصد اولتور. آیات کریمهده شرفوارد اولدینی اوزره قرآن کریمه «نعت» تسمیه اولمشدر.

§ — ۲۶ «برهان» کلهسی حجت و دلیل معناسنده. جمعی براهین کلور. آیات کریمهده شرفوارد اولدینی اوزره کلمه مذکوره قرآن کریمک اسماء جلیله سندن در. قرآن کریم برهان قاطع اولوب فصیحای عرب، مثلنی آتیان و ایراد ایتکده عاجز اولمشدر.

§ — ۲۷ «بشیر» کلهسی تبشیر ایدیجی و «نذیر» تخویف ایدیجی دیمکدر. آیات کریمهده شرفوارد اولدینی اوزره قرآن کریمه «بشیر» و «نذیر» تسمیه بیورلمشدر. قرآن کریم، اهل ایمان و اطاعتی جنت ایله مبشر و اهل عصیان و ضلالتی نار و عذاب ایله منذر اولسیله تسمیه نك وجه مناسبتی ظاهر و آشکاردر. جناب حق، رسل عظامی دخی مبشرین و منذرین صفتلری ایله وصف بیورمشدر.

§ — ۲۸ «قیم» کلهسی لفظاً قافک قحی و یانک تشدیددی ایله امورک رؤیت و تسویه سنه قائم کیسه دیمکدر و قفک متولسی کی. آیات کریمهده شرفوارد اولدینی اوزره «قیم» لفظ جلیلی قرآن عظیم الشانک اسماء شریفه سندن در. قرآن کریمک بیان و افادهده بذاته قائم اولسی تسمیه وجه مناسبت اولق اوزره علمای کرام جانندن ذکر و بیان بیورلمشدر.

§ — ۲۹ «مهمین» امین لفظندن مأخوذدر. قرآن کریم «مهمین» کلمه شریفهسی ایله توصیف بیورلمشدر. قرآن عظیم الشانه تمسک ایدنلرک ضرر دنیا و عقبادن امین اوللری وصف مذکوره وجه مناسبت اولق اوزره علمای کرام حضراتی جانندن بیان بیورلمشدر.

§ — ۳۰ «نور» لفظی نونک ضعی ایله ضیا کی آیدینلق معناسنده. ضیا نوردن اقوی و اتم در. جناب حقک قول کریمنده ضیا لفظنی شمس و نور لفظی دخی قره اضافه بیورلمشدر. «نور» ک جمعی افعال و وزنده «انوار» کلور. نور لفظی اسماء شریفه قرآینهدن اولدینی کی رسول محترم صلی الله تعالی علیه وسلم حضرتلرینه و دین اسلامه و تورات شریفه و انجیل شریفه و ایمانه دخی «نور» تسمیه اولدینی آیات کریمهده شرفوارد اولمشدر.

§ — ۳۱ «حق» کلهسی باطلک ضدی اولوب باطلی ازاله ایدر. «حق» قرآن کریمک اسماء شریفه سندن اولدینی کی جناب حقک دخی اسماء حسناسندن در.

§ — ۳۲ «عزیز» کلهسی ایکی معنایه استعمال اولتور. بریسی قاهر و دیکری بیهمتا و بی مثل معناسنده. آیات کریمهده شرفوارد اولدینی اوزره «عزیز» لفظ جلیلی قرآن

§ — ۱۹ « بیان » و « تبیین » و « مبین » کله لری آیات کریمه شرفوارد اولدینی اوزره اسماء جلیله کلام اللهدن در. « بیان » کله سی مافی الضمیری اظهار ایدن نطق فصیح معناسنه در. « تبیین » کله سی آشکار اولوق و « تبیین » آشکار ایلک و « مبین » کله سی میمک ضعی و بانک کسری ایله ظاهر و آشکار اولوق معنالیته در.

§ — ۲۰ « قصص » قصه نك جمعی در. قصه، خبر و حدیث معناسنه در. آیات کریمه شرفوارد اولدینی اوزره « قصص » لفظ جلیلی دخی اسماء شریفه کلام اللهدن در. قرآن عظیم الشانك قصص متقدمینی دخی حاوی اولسی « قصص » کله شریفه سنك اسماء قرآن کریمدن اولسنه وجه مناسبت اولوق اوزره علمای کرام حضراتی جانبندن ذکر و بیان بیورلمشدر.

§ — ۲۱ « بصائر » بصیرت لفظنك جمعی اولوب ادراك ایتك معناسنه اولدینی کبی حتی اراده ایدن ادله معناسنه دخی مستعملدر. آیت کریمه شرفوارد اولدینی اوزره کله مذکوره اسماء شریفه کلام اللهدن در.

§ — ۲۲ « فصل » لفظ شریفی آیت کریمه شرفوارد اولدینی اوزره قرآن عظیم الشانك اسماء شریفه سنندن در. جناب حقك، قرآن کریم ایله ناس بیننده حق ایله قضا بیورمسی حسیله « فصل » کله سی قضا معناسنده اولوق اوزره روایت اولدینی کبی قرآن عظیم الشانك یوم قیامته ناس بیننی فصل و تقریق ایتسی حسیله کله مذکوره نك تقریق معناسنده اولدینی دخی هر ویدر.

§ — ۲۳ « نجوم » نجم کله سنك جمعی در. نجم، لغة ییلدیز، وقت، اصل، معنالیته استعمال اولنور. آیات کریمه شرفوارد اولدینی اوزره « نجوم » کله سی دخی اسماء جلیله قرآنیته در.

§ — ۲۴ « مثنی » مثنی کله سنك جمعی در. مثنی، میمک و نونك فتحه حرکه لری ایله ایکیشرا ایکیشری یعنی چفت اولان نسنه معناسنه در. آیات کریمه شرفوارد اولدینی اوزره قرآن کریمه مثنی اطلاق اولمشدر. قرآن عظیم الشانك قصص و اخبارك مثنی صورته شرفوارد اولسی تسمیه وجه مناسبت اولوق اوزره علمای کرام جانبندن ذکر و بیان بیورلمشدر.

§ — ۲۵ « نعمت » اول بر شئیته اطلاق اولنور که اوشی ایله غرضسز و عوضسز

درون قلبه اولان مرض شك و اشتباهه شفا ودوا اولسی قرآن کریمه شفا تسمیه اولنسنه
وجه مناسبت اولمق اوزره علمای کرام حضراتی جانبندن بیان بیورلمشدر.

§ — ۱۴ «هدی» هانک ضمی ودالك فتحی ایله دلالت معناسنه مستعملدر. بو کله نك
ضد وخلافی ضلالت در. آیت کریمه ده شرفوارد اولدینی اوزره «هدی» کله سی قرآن کریمک
اسماء جلیله سندن در.

§ — ۱۵ «هادی» کله سی طریق مستقیه ایصال ایدیجی دیمکدر. مرشده اطلاق
اولنور. آیت کریمه ده شرفوارد اولدینی اوزره کله مذکوره قرآن کریمک اسماء
جلیله سندن در.

§ — ۱۶ «صراط» کله سی صاد حرفنک کسری ایله طریق واسع معناسنه در. سین
وزا حرفلری ایله «سراط» و «زراط» دخی لغت در. آیت کریمه ده شرفوارد اولدینی
اوزره کله جلیله مذکوره قرآن کریمک اسماء جلیله سندن در.

§ — ۱۷ «جبل» کله سی حانک فتحی ایله رسن یعنی اورغان معناسنه اولوب عهد و امان
معنارنده دخی استعمال اولنور. جمعی حبال واجل کلور و بیون طمر لرینه جبل الوردینور.
آیت کریمه ده شرفوارد اولدینی اوزره اسماء شریفه کلام الله دن در. جبل محسوسه متمسک اولان
کیسه بجره غرق اولمقدن وسائر مهالکدن نجات وسلامت بولدینی کبی قرآن کریمه معتم
و متمسک اولان کیسه نك دخی عقوبات دنیویه و اخرویه دن سالم اولدینی علمای کرام حضراتی
طرفندن تسمیه وجه مناسبت اولمق اوزره بیان بیورلمشدر. رسول اکرم صلی الله تعالی
علیه وسلم حضرتلری قرآن کریمه «عصمت» تسمیه بیورمشدر. عصمت، منع و حفظ ایتمک
معنارینه اولوب قرآن عظیم الشانک خلقی معاصیدن و اقی و عاصم اولسی «عصمت» تسمیه
اولنسنه وجه مناسبت اولمق اوزره علمای کرام حضراتی جانبندن بیان بیورلمشدر.

§ — ۱۸ «رحمت» و «روح» لفظلری دخی اسماء شریفه قرآن کریمدن در.

قرآن کریم، خلقی جهالات و ضلالتدن تخلیصه سبب اولدینی جهته طرف باریدن
رحمت و نعمت اولدینی کبی حیات ارواحه سبب اولمق حسیله «روح» تسمیه سنده وجه مناسبت
اولدینی دخی علمای کرام حضراتی جانبندن ذکر و بیان بیورلمشدر. قرآن عظیم الشانه
«روح» تسمیه اولدینی کبی جبریل علیه السلام ایله حضرت عیسی علیه الصلوة والسلامه
دخی «روح» تسمیه بیورلمشدر.

§ — ۷ «تزیل» و «انزال» کله لوی جهت اعلادن «تحريك المشی» معناسنه استعمال اولور. کلتین مذکور تین بیننده اولان فرق، تزیل کله سنک تدریجاً نزول معناسنه دلالت ایتسی و انزال کله سنک دفعة نزول معناسنه دلالت ایلسی ماده سندن عبارتدر. چونکه «تفعل» بابک بناسی تکثیر ایچوندر. کثرت نزول دخی علی سبیل التدریج اولقله حاصل اولور. آیت کریمهده شرفوارد اولدینی اوزره «تزیل» کله سی قرآن کریمک اسماء جلیله سندن در.

§ — ۸ «حدیث» کله سی «تحدیث» دن اسم اولوب اخبار معناسنه در. آیت کریمهده شرفوارد اولدینی اوزره «حدیث» لفظ جلیلی قرآن عظیم الشانک اسماء شریفه سندن در.

§ — ۹ «موعظه» قلوب قاسیه بی تلین و عیون جامده بی ابکا و ادماع و اعمال فاسده بی اصلاح ایتک معناسنه استعمال اولوب جمعی «موعاظ» کلور. آیت کریمهده شرفوارد اولدینی اوزره «موعظه» لفظ جلیلی دخی اسماء شریفه کلام اللمهدن در.

§ — ۱۰ «حکم» کله سی حانک ضمیمه امر و منع ایتک معناسنه در. آیت کریمهده شرفوارد اولدینی اوزره قرآن کریمک اسماء جلیله سندن در.

§ — ۱۱ «حکیم» عالم و صاحب الحکمة معناسنه در. كذلك حکیم، امورده صاحب اتقان اولان ذاته اطلاق اولور. آیت کریمهده شرفوارد اولدینی اوزره «حکیم» لفظ شریفی قرآن عظیم الشانک اسماء جلیله سندن در.

§ — ۱۲ «حکمة» کله سنک معناسنده بین العلما اختلاف اولندی. بعض علمای کرام حضراتنک قولنه کوره «حکمت» لفظی «احکام» و «الزام» لفظن دن مأخوذدر. دیگر برروایت کوره «حکمت اللجام» دن مأخوذدر. چونکه «لجام» [۱] دایه بی [۲] ضبط ایلدیکی کبی حکمت دخی انسانی، سفاهتدن زجر و منع ایدر.

§ — ۱۳ «شفا» شینک کسری و مد ایله دوا و علاج معناسنه در «شفا» لفظ شریفی دخی آیت کریمهده شرفوارد اولدینی اوزره قرآن کریمک اسماء جلیله سندن در. کلام قدیمک

[۱] لجام، لامک کسری ایله دابه نك اغزیننه اوریلان نسنه در فارسیده لکام دینور. لجام «لکام» دن معربدر لجامک جمعی لجم کلور.
[۲] دابه، بانک تشدید ایله یروزنده ماشی و متحرک اولان حیوانه و بنک حیوانه دینور. جمعی دواب کلور.

«سور شریفه» و سور شریفه نك اجتماعدن «قرآن کریم» اولق مناسبتلرندن عبارتدر. قرآن کریم، علوم اولین و اخیرنی جامعدر. الحاصل «قرآن» لفظ جلیلی یا تلاوتدن و یا خود جمعیتدن مشتق و مأخوذدر.

§ — ۳ «فرقان» کلمه شریفه سی آیت کریمه ده شرفوارد اولدینی اوزره اسماء جلیله قرآنیهدن در. علمای کرام حضراتی اشو کلمه جلیله نك تفسیرنده اختلاف ایلدی. قرآن کریمک یکریمی بو قدر سنه نظر فده متفرقاً شرف نازل اولسی حسیله «فرقان» لفظ جلیلی ایله تسمیه اولدینی روایت اوله رق آیت کریمه دن ادله ایراد اولنمشدر. دیگر بر روایت دخی قرآن کریمک حق ایله باطل و حلال ایله حرام و مجمل ایله مبین و محکم ایله مأول ینلرینی تفریق اولسی حسیله «فرقان» تسمیه سنده وجه مناسبت اولدینی بیانندن عبارتدر. كذلك بر روایت دخی «فرقان» نجات معناسنه اولوب خلقک ظلمت ضلالتدن قرآن کریم ایله نجات بولسی حسیله «فرقان» تسمیه اولنسنده وجه مناسبت اولدینی بیانندن عبارتدر.

§ — ۴ «ذکر» ذالک کسری ایله ایکی معناده استعمال اولنور. برنجیسی، بر شیئی تلفظ ایتمک معناسنه در. ایکنجیسی بر شیئک ذهنندن غائب اولسی ممکن اولماق حیثیتی ایله اوشیئی ذهنده احضار ایتمک معناسنه در که نسیانک ضد و مقابلیدر. ذکر، ذالک ضمیمه انجق معنای ثانیه استعمال اولنور. ذکر کلهسی «علی» کلهسی ایله استعمال اولن دینی وقت ذکر لسانی مراد اولنور، قلب ایله ذکر مراد اولنور ایسه «علی» کلهسنه مقارن دکلددر. آیات کریمه ده شرفوارد اولدینی اوزره «ذکر» لفظ جلیلی قرآن عظیم الشانک اسماء شریفه سنندن در.

§ — ۵ «تذکره» تجربه وزننده مقصود اولان شیئی تذکر ایتمک و سیله اولان شیئه اطلاق اولنور. کلمه مذکورده فی الاصل «تکمله» لفظی کبی مصدر اولوب بعده اسم اولنشددر. واسطه مخبره اولان ورقیه «تذکره» اطلاق اولنسی اسم اولسنه مبنی در. خدای متعال حضرتلری، قرآن کریمه اهل اتقا ایچون «تذکره» اولق اوزره بیان بیورمش اولق حسیله کلمه مذکورده اسماء شریفه کلام اللهدن اولمشدر.

§ — ۶ «ذکری» ذالک کسر وقصر ایله «تذکیر» دن اسم اولوب یاد ایتمک معناسنه در. قرآن کریمه «ذکری» کلمه شریفه سی شرفوارد اولغله اسماء شریفه کلام اللهدن اولمشدر.

{ علم اسماء القرآن و اسماء سوره }

علم مذکور، قرآن عظیم الشانک و سوره شریفه نك اسماء جلیله سندن باحث در . معلوم اولدینی اوزره کثرت اسم، شرف مسمايه دلالت ایدر . بواجدن قرآن عظیم الشانک اسماء کثیره جلیله سی اولوب آتیا ذکر و بیان اولنور .

اسماء جلیله « کتاب » « قرآن » « فرقان » « ذکر ، تذکره ، ذکرى » « تنزیل » « احسن الحدیث » « موعظه » « حکم ، حکمت ، حکیم ، محکم » « شفا » « هدی ، هادی » « صراط مستقیم » « جبل » « رحمت » « روح » « قصص » « بیان ، تیان ، مبین » « بصائر » « فصل » « نجوم » « مثنائی » « نعمت » « برهان » « بشیر ، تذیر » « قیم » « مهین » « نور » « حق » « عزیز » « کریم » « عظیم » « مبارک » اسملرندن عبارتدر .

§ - ۱ « کتاب » لفظ شریفی ، قیام و صیام کله لری کبی مصدردر . کله مذکور نك « فعال » و زنده مفعول معناسنده استعمال اولدینی دخی مرویدر ملبوس معناسنه استعمال اولنان لباس لفظی کبی . علمای کرام حضراتی آیت کریمه ده واقع اولان « کتاب » لفظ شریفندن استدلالاً « کتاب » لفظ جیلندن مراد ، قرآن کریم اولدیغنه اتفاق اولمشدر . قرآن کریمه « کتاب » لفظ شریفی ، وجوه متعدده اوزره شرفوارد اولمشدر . « کتاب » لفظی ، فرض معناسنه اوله رق شرفوارد اولدینی مثللو حجت و برهان و اجل معالزنده دخی شرفوارد اولمشدر . کذلک « کتاب » لفظی برشیی جمع ایتک معناسنده استعمال اولنور . عسکره « کتیبه » تسمیه و اطلاق اولنور بونک وجه مناسبتی عساکرک صورت مجتمعه ده بولنلرندن عبارتدر . کذلک کتابه « کتاب » تسمیه اولنسی علوم و مسائلک کتابده اجتماع ایتسی مناسبتنه مبنی در .

§ - ۲ « قرآن » لفظ جلیلی ، آیات کریمه ده متعدداً شرفوارد اولمشدر . ابن عباس رضی عنه رب الناس حضرتلرینک بیان شریفنه کوره « قرآن » و « قرائت » معنای واحدن عبارتدر . بعض علمای کرامک بیانه کوره « قرآن » کله شریفه سی « قرأت الماء فی الحوض اذا جمعت » ترکیبنده واقع اولان قرأت لفظنک مصدری اولوب « جمع ایتک » معناسنی مفید اولور . « سفیان ابن عینه » حضرتلرینک قولنه کوره قرآن کریمه « قرآن » تسمیه اولنسی حروفک اجتماعندن « کلمات » و کلماتک اجتماعندن « آیات جلیله » و آیات جلیله نك اجتماعندن

قرآن کریمک ابتدای قرائتی ایچون لیه جمعہ اختیار اولنور. لیه خیس، ختم شریف ایچون اختیار اولنور. ختم شریف، اول نهارده ویاخود اول لیلده اولمق افضل در.

اکابر کرامدن «ابن مبارک» حضرتلرندن روایت اولندیفی اوزره وقت شتاده ختم شریفک ابتداسی کیجهنک اولی ووقت صیفده کوندزک اولی اولمق احسندر. یوم ختم شریفده صائم اولمق عادات حسنه دن در.

ختم شریفده «سوره ضحی» دن قرآن کریمک آخرینه قدر تکبیر او قومق مستحب [۱] در. عقب ختم شریفده دعا مسنوندر. ختم شریفدن فارغ اولدقدن صکره ختم شریفک عقینده اخر ختم شریفه شروع ایتمک مسنون و مستحبدر. عند الحتم «سوره اخلاص» ک تکبیر قرا آتی بعض ائمہ کرام حضراتی طرفندن منع اولندیفی مرویدر. لکن ناس انک خلافتده حرکت ایدوب شو حرکت دخی خبرده واقع اولدیفی اوزره «سوره اخلاص» شریفک ثلث قرآن کریمه معادل اولسی جهتیله تکبیر قرا آتدن ختم واحد منوباتی حاصل اولمق عرضنه منی در.

{ علم آداب کتابه المصحف }

علم مذکور، شرع شریفده آداب معتبریه و عند السلف آداب مستحسنیه توفیقاً مصحف شریفک کیفیت کتابتدن باحثدر.

علم مذکور، بعض علمای کرام حضراتی جانبندن علم تفسیر شریفک جمله فروغندن اولمق اوزره ذکر و بیان بیورلمش و بعض علمای کرام حضراتی عنندنده دخی علم خطک جمله فروغندن عد و شمار اولمشدر.

[۱] مستحب، مقبول و مرغوب اولان شیئه اطلاق اولنور.

{ علم آداب تلاوة القرآن }

علم مذکور، علم تفسیر شریفک جمله فروغنددر.
 قرآن کریمک تلاوتی ایچون علمای کرام حضراتی جانبندن آداب کثیره بیان بیورلشددر.
 آداب مذکوردهن بعضیسی آتیا ذکر و بیان اولنورده
 قرآن کریمی کثرله قرائت و تلاوت ایتمک، قرآن کریمی حفظ و از بردن صکره
 نسیان ایتمک، قرائت ایچون آبدست الموق، قرآن کریمی نظیف و طاهر اولان محله
 قرائت و تلاوت ایتمک، قرآن کریمی سمت قبلهیه مستقبلاً قرائت ایتمک، اثنای قرائته
 خشوع [۱] و سکنت [۲] و وقار اوزره اولوق، قرآن کریمی قرائتدن اول اغزه مسواک
 طومتق، قبل القراءه تعوذ ایتمک یعنی «اعوذ بالله من الشیطان الرجیم» کلهسنی او قوموق،
 هر سورده جلیلهنک اولنده «بسمالله شریفه» بی قرائت ایتمک، قرآن کریمک قرائتی تدبیر
 و تفکر و تفهم ایله جاری اولوق؛ قرآن کریمی تحسین صوت ایله قرائت ایتمک، قرآن
 کریمی بحسب الافضلیه مصحف شریفدن قرائت ایتمک، اثنای قرائته بر کیمسه ایله مکمله
 ایچون قطع قرائت ایتمک، حین قرائته ضحک و عبت ایله اشتغال و لهویاته [۳] نظر
 ایتمک، قرآن عظیم الشانک، اثنای قرائته استماع اولنوق، عند القراءه ترک مکمله ایتمک،
 هر «سجده» آیت کریمه سنک تلاوتی متعاقب سجده ایتمک، قرائت ایچون اوقات محموده
 و ایام شریفه اختیار ایتمک قرآن کریمک آداب تلاوتندندر.

کلام قدیمک قرائتی ایچون اوقات و ازمنه نیک افضل و اشرفی اولان نماز اثناسنده
 اولان زماندر. ثانیاً زمان لیل، ثالثاً کیمه نیک نصف اخیری، رابعاً مغرب ایله عشا بیننده
 اولان زمانلردر. ثالثاً یسفا یه نه

قرآن کریمک نه اراً تلاوتی ایچون اشرف اولان اوقات، وقت صباح، یوم عرفه،
 یوم جمعه، یوم اثنین، یعنی بازار ایرتسی کونی، یوم خمیس یعنی روز پنجشنبه، شهر رمضان
 شریفک عشر اخیری، شهر ذی الحجة الشریفه نیک اولی، علی الاطلاق شهر رمضان شریفدر.

[۱] خشوع، خای معجه نیک ضمی ایله تواضع معنا سنده در خضوع کبی .

[۲] سکنت، وقار معنا سنده در .

[۳] لهو، لامک فحی ایله لعب یعنی او یون معنا سنده در. غافل اولوق و مشغول اولوق مغالزنده

دخی استعمال اولنور .


(سورة طارقه)	(سورة حديد)	(سورة قصص)
(سورة اعلى)	(سورة مجادله)	(سورة عنكبوت)
(سورة غاشيه)	(سورة حشر)	(سورة روم)
(سورة فجر)	(سورة تمخه)	(سورة لقمان)
(سورة بلد)	(سورة صف)	(سورة سجده)
(سورة شمس)	(سورة جمعه)	(سورة احزاب)
(سورة ليل)	(سورة مناققون)	(سورة سبا)
(سورة ضحى)	(سورة تغابن)	(سورة فاطر)
(سورة انشراح)	(سورة طلاق)	(سورة يس)
(سورة تين)	(سورة تحریم)	(سورة صافات)
(سورة علق)	(سورة ملك)	(سورة ص)
(سورة قدر)	(سورة ن)	(سورة زمر)
(سورة يثبه)	(سورة حاقه)	(سورة مؤمن)
(سورة زلزال)	(سورة معارج)	(سورة حم السجده)
(سورة عاديات)	(سورة نوح)	(سورة شورى)
(سورة قارعه)	(سورة جن)	(سورة زحرف)
(سورة تكاثر)	(سورة مزمل)	(سورة دخان)
(سورة عصر)	(سورة مدثر)	(سورة جاثية)
(سورة همزه)	(سورة قيامه)	(سورة احقاف)
(سورة فيل)	(سورة هل اتي على الانسان)	(سورة محمد عليه الصلوة والسلام)
(سورة قریش)	(سورة مرسلات)	(سورة فتح)
(سورة ماعون)	(سورة نبا)	(سورة حجرات)
(سورة كوثر)	(سورة نازعات)	(سورة ق)
(سورة كافرون)	(سورة عبس)	(سورة ذاريات)
(سورة اذا جاء)	(سورة نكوثر)	(سورة طور)
(سورة بتت)	(سورة انفطار)	(سورة نجم)
(سورة اخلاص)	(سورة مطففين)	(سورة قمر)
(سورة فلق)	(سورة انشقاق)	(سورة رحمن)
(سورة ناس)	(سورة بروج)	(سورة واقعه)

عنه حضرتلرینک دخی جامع القرآن اولدینی بین الناس مشهور ایسهده کلام قدیمک جامع اولی «صدیق اکبر» رضی الله تعالی حضرتلری در.

قرآن کریمک جمع و ترتیبی توقیفی در. یعنی ترتیب معلوم اوزره جمع و ترتیبی رسول اکرم صلی الله تعالی علیه وسلم حضرتلرندن سماعاً اخذ وتعلم اولمشدر. رسول محترم صلی الله تعالی علیه وسلم حضرتلرینک دخی جبریل علیه السلامدن اخذ بیورمش اولدینی رقمزده ثقات امت در. مصحف شریفه نقطه وضع ایتمش اولان ذات حقنده بین العلما اختلاف اولندی. بعضی قوله کوره «ابو الاسود الدولی» و بر قوله کوره «حسن البصری» و «یحیی بن یعمر» و «نصر بن عاصم اللبثی» حضراتی واضع نقاط در.

مصحف شریفه، «مصحف» تسمیه ایدن ذات عالیقدر، «ابو بکر صدیق» رضی الله تعالی عنه حضرتلری اولدینی علمای کرام حضراتی طرفندن مروی در.

اکابر صحابه کرامدن و خلفای اربعه دن «عثمان بن عفان» رضی الله تعالی عنه حضرتلرینک اطراف عالمه بش عدد مصحف شریف ارسال بیوردینی مشهوردر و بر روایت دخی «عثمان بن عفان» رضی الله تعالی عنه حضرتلرینک یدی عدد مصحف شریف تهیه ایدرک اشبو مصاحف شریفه نیک بر عددینی مکه مکرمه یه و بر عدد مصحف شریف دخی شام شریف و یمن و بحرین و بصره و کوفه طرفلرینه ارسال و بر عدد مصحف شریفی دخی مدینه منورهده حفظ بیورمش اولسندن عبارتدر.




{ سور جلیله قرآنیه نیک جمع و ترتیبی }

(سورۃ فاتحه)	(سورۃ یونس)	(سورۃ مریم)
(سورۃ بقره)	(سورۃ هود)	(سورۃ طه)
(سورۃ آل عمران)	(سورۃ یوسف)	(سورۃ انبیا علیهم الصلوة)
(سورۃ نسا)	(سورۃ رعد)	(والسلام)
(سورۃ مائده)	(سورۃ ابراهیم علیه السلام)	(سورۃ حج)
(سورۃ انعام)	(سورۃ حجر)	(سورۃ مؤمنون)
(سورۃ اعراف)	(سورۃ نحل)	(سورۃ نور)
(سورۃ انفال)	(سورۃ امری)	(سورۃ فرقان)
(سورۃ توبه)	(سورۃ کهف)	(سورۃ شعرا)
		(سورۃ نمل)

{ علم کیفیت تحمل القرآن }

علم مذکور، قرآن عظیم الشانک حفظی و تعلیم و تعلیمی نزومندن و بوکا متعلق مسائل مهمه دن باحث در .

علمای کرام حضراتی جانبندن بیان بیوردینی اوزره قرآن عظیم الشانک تحریفدن محافظه سی و سلسله تواترینک عدم انقطاعی ایچون قرآن کریمک حفظی امت مرحومه اوزرینه فرض کفایه اولدینی کبی تعلیمی دخی فرض کفایه در .



{ علم کیفیت انزال القرآن }

علم مذکور، علم تفسیر شریفک جمله فروعدندن اولوب قرآن عظیم البرهانک کیفیت انزالندن باحث در .

قرآن کریمک انزالی حقنده اولان روایاتک اصح و اشهری قرآن عظیم الشانک لیه قدرده جمله واحده اوله رق سمای دنیا به شرف نزولندن و علی حسب الاختلاف رسول اکرم صلی الله تعالی علیه و سلم حضرتلرینه منجماً [۱] شرف نازل اولسندن عبارتدر .



{ علم جمع القرآن و ترتیبه }

علم مذکور، علم تفسیر شریفک جمله فروعدندن اولوب قرآن کریمک کیفیت جمع و ترتیبندن باحث در .

علمای کرام حضراتی جانبندن بیان بیوردینی اوزره رسول اعظم صلی الله تعالی علیه و سلم حضرتلری تشریف داربقا بیوردقدن صکره قرآن کریمک ترتیب مخصوص و مقبول اوزره جامعی، اعظم صحابه کرامدن و خلفای راشدیندن « ابو بکر صدیق » رضی الله تعالی عنه حضرتلری در . اکابر صحابه کرامدن « عثمان بن عفان » رضی الله تعالی

[*] منجم، تفعیل باندن اسم مفعول اولوب مصدری تهجیم در . تهجیم، بر نسنه بی وقت وقت جسته جسته ادا ائلك معناسنه استعمال اولنور .

کلام شریفی اختلاف و تناقضدن منز و مبرّی اولوب لکن بعض اذهان قاصره اصحابی ایچون اختلاف و تناقضک توهمی ممکن اولسی جهتیه شو توهمک دفعی ایچون علمای کرام حضراتی طرفدن مخصوصاً کتابلر تألیف بیورلمشدر .

{ علم غریب القرآن }

علم مذکور قرآن عظیم الشانک الفاظ جلیله غریبه سندن باحث در .
 علم مذکور، اهل تفسیر ایچون علوم ضروریه جمله سندن معدوددر .
 علم مذکوره واقف اولق ایچون علم لغته کسب و قوف ایتکه احتیاج واردر .
 علمای کرام معالی اتسامدن «ابو عبیده» و «ابو عمرو الزاهد» و «ابن درید» و «عزیزی»
 علم مذکوری تدوین ایشلر در .
 «مفردات راغب» کتابی الفاظ غریبه ایچون تألیف بیورلمش اولان کتابلرک
 احسنی در .
 «ابو حبان» حضرتلرینک دخی علم مذکوره متعلق کتابی واردر .

{ علم اعراب القرآن }

علم مذکور «مفتاح السعادة» اسمی ایله مسمی اولان کتابده علم تفسیر شریفک
 جمله فروغندن عد اولنش و بعض علمای کرام حضراتی جانبندن دخی علم نحوه داخل
 اولدینی بیان بیورلمشدر .
 اعراب، معانی بی ممیز اولدیغندن فن مذکور ایله معنایه و قوف حاصل اولور .
 قرآن کریمک معانیسنه واقف اولق ایچون کلمه شریفه سنه و صیغه سنه و مبتدا و خبر و فاعل
 و مفعول و مبادئ کلام و جواب کی احوالنه کسب و قوف و معرفت ایتک واجیدر .
 عظمای امتدن «ابو البقا العکبری» و «ابو حبان» ایله علمای کرامدن سائر بعض ذوات
 معالیمات حضراتی قرآن کریمک اعرابی امر مهمنه اعتنا ایدرک کتابلر تألیف بیورمشلر در .

{ علم مبهمات القرآن }

علم مذکور، علم تفسیر شریفك جمله فروغندن در .
مبهماتك مرجعی نقل محض اولوب آنده رأيك مجالی اولدیغی و مبهمات قرآن ایچون
سبیلر اولدیغی علمای کرام جانبدن بیان اولنش و علم مذکور، عظامای امتدن «سهیل» و «ابن
عساكر» و «القاضی عز الدین بن جماعة» حضراتی مثللو ذوات کرام طرفلرندن تدوین
و تصنیف بیورلمشدر .

{ علم منطوق القرآن و مفهومه }

علم مذکور، علم تفسیر شریفك جمله فروغندن در .
(منطوق) محل نطقده لفظك دلالت ایتدیگی شیدن عبارتدر . (مفهوم)، انك خلافه در
یعنی محل نطقده اولیهرق لفظك دلالت ایتدیگی شیدن عبارتدر .
بعض علمای کرامك بیاننه کوره لفظ، یا منطوقه دلالت ایدرکه اكا «دلالت منطوق»
تسمیه اولنور . یا خود مفهومه دلالت ایدرکه اكا «دلالت مفهوم» اطلاق اولنور . یا خود
اقتضا ایلدیگی شیئه دلالت ایدرکه اكا «دلالت اقتضا» دینور . یا خود مقولنه دلالت ایدرکه
اکاده «دلالت اشارت» تعبیر ایدیلور .

{ علم مطلق القرآن و مقیده }

علم مذکور، علم تفسیر شریفك جمله فروغندن در .
(مطلق) اول برشیدرکه ماهیت، اول شی اوزرینه بلاقید دلالت ایدر . «مقید» انك
خلافه در .

{ علم مشکل القرآن }

علم مذکور، علم تفسیر شریفك جمله فروغندن اولوب حق تعالی و تقدس حضرتلرینك

{ علم اقسام القرآن }

اقسام کلهسی جمع اولوب مفردی قَسَم کلوورکه یمین معناسه در .
 قَسَم، تحقیق و تأکید خبر ایچون در . قوم عربك عادتلی، تأکید مراد ایله کلری
 کلامده قسم ذکر و ایراد ایتمکدن عبارت اولوب قران عظیم الشان دخی لغت عرب
 اوزره شرف نازل اولسیله قرآن کریمده دخی قسم ذکر و بیان بیورلمش و علمای کرام
 حضراتی جانبندن اقسام قرآنیه جمع و تألیف اوله رق اقسام القرآن انواع علوم قرآندن
 عد و اعتبار لشمدر .



{ علم افضل القرآن وفاضله }

اشبو علم، علم تفسیر شریفك جمله فروعدن اولوب قرآن کریمك افضل وفاضلندن
 باحثدر .

علمای کرامدن برفرقه، بعض سور شریفه بی بعض سور شریفه اوزرینه افضل اولمق
 اوزره بیان ایله افضل اولان سور شریفه نك فضائلنه متعلق احادیث شریفه ذکر و ایراد
 ایلمش و «امام ابوالحسن الاشعری» و «القاضی ابوبکر الباقلائی» و دیگر بعض ذوات کرام دخی
 قرآن عظیم الشانك مجموعی کلام الله اولسی جهته تفضیلندن مفضل علیه نك نصی توهم اولنماق
 مقصدیله کلام شریف ایچون افضل وفاضل ذکر اولنسنك منعی جهته ذاهب اولمشددر .



{ علم فضائل القرآن }

علم مذکور، علم تفسیر شریفك جمله فروعدن اولوب قرآن عظیم الشانك فضائلندن
 باحثدر .

قرآن عظیم الشانك فضائلی بیاننده اعظم علمای کرام حضراتی طرفندن مخصوصاً
 کتابلر تألیف بیورلمش و فضائل قرآن عظیمه متعلق احادیث شریفه کتب مؤلفهده
 جمع و ایراد اولمشددر .



{ علم خواص القرآن }

علم مذکور، علم تفسیر شریفك جمله فروغندن اولوب آیات جلیله قرآنیه‌نك خواصندن باحث در.

اكابر دن «تمی» و «امام غزالی» و متأخرین دن «یافعی» حضرتلری کبی ذوات کرام معالی اتسام حضراتی قرآن عظیم الشانك خواص شریفه‌سنه متعلق کتابلر تألیف ایدرک خواص قرآنیه‌ی و منافع عظیمة فرقانیه‌ی و بوجئه متعلق سائر فوائد و معلوماتی ذکر و بیان بیورمشلردر.

(خاصه) [۱] نك سند صحیحی تجارب صالحین در. قرآن عظیم الشانك خواصنه متعلق بعض احادیث شریفه‌ی امام سیوطی حضرتلری «اتقان» اسمی ایله موسوم اولان کتابنده ذکر و بیان بیورمشدر. امام یافعی حضرتلرینك «درالنظیم فی خواص قرآن العظیم» اسمی ایله مسی اولان کتابنده خواصه دائر معلومات مفیده مذکور و مسطوردر.

{ علم جدل القرآن }

علمای کرام حضراتی جانبندن بیان بیورلدیغی اوزره قرآن عظیم الشان، انواع براهین و ادله‌ی حاوی در.

اكابر كرامدن «نجم الدین الطوفی» حضرتلری کبی بعض ذوات معالیمات طرفلرندن بو علم اوزرینه مستقلاً کتابلر تألیف بیورلمش و مؤلفاتده براهین و ادله علی وجه التفصیل ذکر و بیان اولمشدر.

{ علم مقدم القرآن ومؤخره }

علم مذکور، علم تفسیر شریفك جمله فروغندن اولوب بعض الفاظ جلیله قرآنیه‌نك مقدم و بعض الفاظ جلیله‌نك مؤخر ذکر و بیاننده اولان وجوه مناسباتدن و اسباب تقدیم و تأخیردن باحث در.

[۱] خاصة الشی، «ما یوجد فیہ ولا یوجد فی غیره» تعریفی ایله معرفدر. یعنی برشیثك خاصه‌سی او شیده بولنوب او شیثك غیرسنده بولنماز دیمکدر.

{ علم اعجاز القرآن }

علم مذکور، قرآن عظیم البرهانک اعجازندن باحث اولوب فن تفسیر شریفک جمله فروغندن در .

اعظم علمای کرام حضراتی طرفلرندن بو علمه متعلق کتابلر تألیف بیورلمش در .
معجزه، خرق عاده اولان امره اطلاق اولنور .

علمای کرام حضراتی جانبندن ذکر و بیان بیوردیغی اوزره معجزه، یاحسیه اولور و یاخود عقلیه اولور .

(معجزه حسیه) معجزات نبی اسرائیل کبی در . چونکه قوم نبی اسرائیلک قلت بصیرتلیری اولدیغندن معجزه حسیه، حاللینه موافق ایدی .

معجزه عقلیه، امت مرحومه محمدیه علیه الصلوة والسلام معجزاتی کیدر . چونکه امت ناجیه محمدیه نك فرط ذکاسی حسیله معجزه عقلیه، حاللری ایله متناسب در .

شریعت شریفه محمدیه صلی الله تعالی علیه وسلم الی یوم القیامة باقی اولمق حسیله ذوی البصائرک فهم و ادراکی ایچون معجزه عقلیه، امت محمدیه صلی الله تعالی علیه وسلم حضرتلرینه مخصوص در .

قرآن عظیم الشانک اعجازینه تعلق ایدن مباحث و مسائل، کتب تفاسیر شریفهده و متعلق اولدیغی کتابلرده علی وجه الاكمل بسط و بیان اولنمش در .



{ علم دفع المطاعن عن القرآن }

علم مذکور، علم تفسیر شریفک جمله فروغندن اولوب ارباب ضلالتک قرآن کریم اوزرینه بحسب اللفظ و المعنی ایراد ایلدکلری شبهاتک صورت رفغندن باحذر .

(مبادی) — علم مذکورک مبادیسی، علوم عربیه ایله اصول کلامدن مأخوذدر .

(غرض) — علم مذکورک غرضی، او مثللو مطاعنک دفعنه تحصیل ملکه در .

(فائده) — علم مذکورک فائدهسی، عقائد ضعفادن وهمی دفع ایتمکدر .



«نافع» ك راویبری «قالون» و «ورش» در. «ابن كثير» ك راویبری «بزی» و «قبل» در. «ابو عمرو» ك راویبری «دوری» و «سوسی» در. «ابو عمرو» ك راویبری «هشام» و «ابن ذکوان» در. «عاصم» ك راویبری «شعبه» و «حفص» در. «حمزه» ك راویبری «خلف» و «خلاد» در. «کسانی» ك راویبری «ابوالحرث» و «دوری» در.


مشایخ قرآنك سائر راویبری دخی وار ایسهده مختار اولان صورت هر بر شیخ قرآ ایچون ایکی راوی اولمقدن عبارتدر.

(قسم مشهور) ، سندی صحیح اولوب درجه تواتره واصل اولیان قرآت در .

(قسم احاد) ، سندی صحیح اولوب اصول عربیهه مخالف اولان قرآتدر.


(قسم شاذ) ، قرآت تابعین در. «اعمش» و «یحیی بن وثاب» و «ابن جیر» حضراتی ایله

امثالک قرآتی کبی .



{ علم مفردات القرآن }

علم مذکور، آیت کریمه نك احکام جلیله و معانی شریفه سی کبی احوالندن باحت اولوب علم، تفسیر شریفک جمله فروغندن در.



{ علم بدائع القرآن }

علم مذکور، علمای کرامدن «ابو الحیر» حضرتلری جانبندن علم تفسیر شریفک جمله فروغندن اولق اوزره ذکر و بیان بیورلمشدر.

اکابردن «ابو الاصبع» حضرتلری، بدائع قرآنییهه متعلق مستقلاً تالیف بیوردیگی کتابده آیات جلیله قرآنییهه دن بدائع کثیره ذکر و تعداد بیورمش و علمای متأخرین حضراتی طرفندن دخی «ابو الاصبع» حضرتلرینک تعداد ایتدیگی انواع اوزرینه ده پک چوق انواع بدائع زیاده اولتمشدر .



«وجوه» ك مثالی «هدی» كه سنك قرآن كریمه (۱۷) وجهه ارتقا ایلمسندن عبارتدر. وجوه مذکورهنك برنجیسی «ثبات»، ایكنجیسی «بیان»، اوچنجیسی «دین»، دردنجیسی ایمان»، بشنجیسی «دعا»، التنجیسی «رسل كرام علیهم السلام»، یدنجیسی «كتب»، سكرنجیسی «معرفت»، طقوزنجیسی «نبی»، او تنجیسی «قرآن»، اون برنجیسی «استرجاع»، اون ایكنجیسی «حجت»، اون اوچنجیسی «توحید»، اون دردنجیسی «سنت»، اون بشنجیسی «اصلاح»، اون التنجیسی «الهام»، اون یدنجیسی «ارشاد» در.

«نظار» ك مثالی دخی قرآن كریمه شرف واقع اولان هر «بروج» كه سی دركه كو ك ب معناسنه در. لكن «فی بروج مشیده» نظم جلینده کی «بروج» كه سی كو ك ب معناسنه اولدیغندن مستثنا اوله رق «قصور حصینه» معناسیله مفسردر. ثانیاً قرآن كریمه هر «صلاة» كه جلیله سی «عبادت» و «رحمت» معناسنه در. اما «صلوات» و «مساجد» مستثنا اوله رق «اماكن» معناسی ایله مفسردر. ثالثاً «قوت» لفظ جلیلی «طاعت» معناسنه در. لكن «كل له قانتون» كه طیه سی مستثنا اوله رق «مقرون» معناسی ایله مفسردر. و بونلرك امثالی دخی اوقیلدن در. متقدمیندن و اكابر كرامدن «مقاتل بن سلیمان» و اكابر متأخریندن «ابن الجوزی» و «ابن الدامغانی» و «ابو الحسن محمد بن عبد الصمد المصری» و «ابن فارس» حضراتی ایله سائر ذوات كرام حضراتی جانبندن علم وجوه و نظاره دائر كتابلر تألیف بیورلمشدر.



{ علم المتواتر و المشهور }

من القرائت


علم مذکور، قرآن عظیم الشانك اقسام قرأتندن باحث اولوب علم تفسیر شریفك جمله فروغندن در.

كتب علم قراآنده ذكر و بیان اولندیفی اوزره اكابر كرامدن «القاضی جلال الدین البلقینی» حضرتلرینك روایتنه كوره قرائت، «متواتر» و «مشهور» و «احاد» و «شاذ» قسملرینه منقسمدر.

(قسم متواتر)، قراآت سبعدر. قراآت مذكوره، «نافع» و «ابن كثیر» و «ابو عمرو» و «ابن عمرو» و «عاصم» و «حمزه» و «كسائی» قراآتی در. مشارالیهم حضراتندن هر برلرینك ایكیشم راویلری وارد.

{ علم خواتم السور }

علم مذکور، فواتح سور شریفه کبی معانی بدیعیهی شامل و ادعیه و وصایا و فرائض و تحمید و تهلیل و مواعظ و وعد و وعیدی مشتمل اولدیغندن قرآن عظیم الشانه متعلق مباحث مهمه صره سنده علمای کرام انارالله تعالی مضا جمعهم الی یوم القیام حضراتی طرفلرندن خواتم سور شریفه دن دخی بحث و بیان بیورلمشدر.




{ علم المحکم و المتشابه }

(من الآیات)

علم مذکور، محکم و متشابه اولان آیات جلیله قرآنیه دن باحث اولوب علم تفسیر شریفک جمله فروغندن در .

«محکم» واضح المعنی اولان آیات جلیله اطلاق اولنور. «متشابه» معناسی خفی اولوب استخراج مراد اولنه مدیغندن حقیقی جناب علام الغیوب حضرت تلرینک علمه حواله اولنان آیات کریمیه اطلاق اولنور.



{ علم الوجوه و النظائر }

علم مذکور، علم تفسیر شریفک جمله فروغندن در .
«وجوه»، متعدد معنارده استعمال اولنان لفظ مشترکه اطلاق اولنور. «امر» لفظی کبی .

بر روایت کوره «نظائر» الفاظده و «وجوه» معانیده استعمال اولنور .
کله واحده نیک یرمی و یا خود یرکمیدن اقل و یا خود یرکمیدن اکثر وجه ارتقا اتمسی حیثیتی ایله بعض علمای کرام حضراتی «وجوه» و «نظائر» ک دلائل اعجازدن اولدیغنی و وجوه مذکوره نیک کلام بشرده بولندیغنی ذکر و بیان ایلشدر .
«وجوه» و «نظائر» کله لری لفظ واحدک معنای واحد اوزرینه قصر اولنجوب معانی متعدده غیر متضاده اوزرینه حملندن عبارت اولق اوزره مفسردر .

مفصول [۱] اولان آیات جلیله قرآنیهدن حل مشکلات ایلک خصوصنده عظیم النفع اولدیغندن اهل تفسیر عندنده مهم و معتابه بر علم جلیلدر .



{ علم مناسیه الآیات والسور }

قرآن عظیم الشان، وجوه اعجاز و اسالیب بلاغتی متضمن اولدیغی کبی سور شریفه و آیات کریمه نك مناسبات و ترتیبات و روابطی دخی اسلوب اعجاز اوزره اولدیغندن علمای کرام حضراتی طرفندن قرآن عظیم الشانک اشبو قسم مهم نك بیاننه دخی اعتنا اوله رق کتابلر تألیف بیورلمشدر .




{ علم فواتح السور }

علم مذکور، علم تفسیر شریفک جمله فروغندن اولوب فواتح سور شریفه دن باحشدر . اهل بیان عندنده « حسن ابتدا » بلاغتن معدود اولمسيله ابتدای کلامک نظماً و سبکاً اعذب و اسلس و معناً اصح و اوضح و فن بلاغته هر صورته اوفق اولسی مطلوب اولوب فواتح سور جلیله نك ایسه احسن و ابلیغ و اکمل صورته اولدیغی واضح و آشکاردر . مطالع و فواتح قرآنیه نك جمله سی و باخصوص سوره فاتحه شریفه انواع بلاغتی حاویدر .

فاتحه شریفه، علم ذات و صفات و علم نبوت و علم معاد و عبادات و علم سلوک و علم قصص کبی قرآن عظیم الشانک علومنی شامل و حسن الفاظ و مقاطع ایله جمیع مقاصد عالییهی مشتملدر .

اکابر علمای کرامدن « ابن ابی الاصبع » حضرتلری علم فواتح سور بیاننده « الخواطر السوانح فی اسرار الفواتح » اسمی ایله موسوم اولان کتابی تألیف ایدرک فواتح سور شریفه نك انواعنی و بجته تعلق ایدن معلومات نافعیهی ذکر و بیان ایلشدر .



{ علم النهاری و الیلی }

علم مذکور، علم تفسیر شریفك جمله فروعندن اولوب آیات کریمه نك نهاراً و یا لیلاً شرف نزولندن باحدر .


علمای کرام معالی اتسام حضراتی طرفندن ذکر و بیان بیوردیغی اوزره اکثر آیات قرآنیه نهاراً شرف نازل اولمشدر . لیلاً شرف نازل اولان آیات جلیله قرآنیه نك (۱۵) آیت کریمیه بالغ اولدیغی «امام سیوطی» حضرتلری «اتقان» نامنده کی کتابنده ذکر و بیان ایلمشدر .



{ علم الصیفی و الشتائی }

(من الآيات)

علم مذکور، علم تفسیر شریفك جمله فروعندن اولوب صیف و شتاده شرف نزول ایدن آیات کریمه قرآنیه دن باحدر .



{ علم الفرائشی و النومی }

(من الآيات)

علم مذکور، علم تفسیر شریفك جمله فروعندن اولوب فرائشی و نومی اطلاق اولنان بعض آیات جلیله قرآنیه نك رسول اکرم صلی الله تعالی علیه وسلم حضرتلرینه صورت نزولندن باحدر .



{ علم بیان الموصول لفظاً
{ و المفصول معناً }

علم مذکور، علم تفسیر شریفك جمله فروعندن اولوب لفظاً موصول [۱] و معناً

[۱] موصول، برکلامک برکلامه وصل اولمشندن عبارتدر .


{ علم فواصل الآی }

علم مذکور، علم تفسیر شریفک جمله فروغندن اولوب آیات جلیله قرآنیه نك فواصلندن باحدر.

بعض علمای کرام جانبندن ذکر و بیان بیورلدینی اوزره فاصله، آیت کریمه قرآنیه نك اخرنده بولنان کلمه شریفه در. شعرده قافیه کبی.


فاصله ایله رأس آیت کریمه بیننده فرق وازدر.

فاصله، مابعدندن منفصل کلام دیمکدر. مابعدندن منفصل اولان کلام، بعضاً آیت کریمه نك رأسی اولور و بعضاً دخی آیت کریمه نك رأسی اولمز. رؤس الآی یعنی آیات کریمه نك ابتداری بعضاً مابعدندن منفصل کلام اولور و بعضاً مابعدندن منفصل کلام اولمز.



{ علم الآیات المشتبهات }

بو علم، آیات جلیله مشتبهه دن باحث اولوب علم تفسیر شریفک جمله فروغندن در. بو علمده مؤلف اول امام کسائی حضرتلری در. امام سخاوی حضرتلرینک دخی اثر منظومی وازدر. سائر علمای کرام حضراتی طرفلرندن دخی بو علمه دائر کتابلر تألیف بیورلمشدر.



{ علم الحضری والسفری }

(من الآیات)

علم مذکور، علم تفسیر شریفک جمله فروغندن اولوب آیات حضریه [۱] و سفریه [۲] دن باحدر.

آیات حضریه، کثرت اوزره اولوب آیات سفریه نك (۴۰) بو قدر عدده بالغ اولدیغی «امام سیوطی» حضرتلری «اتقان» نامنده کی کتابنده زیور صحیفه بیان ایلشدر.



[۱] حضری، بلده و وطنده اقامت ایدن کیسه به اطلاق اولنور.

[۲] سفری بلده و وطندن اخر محله سیر و سفر ایدن کیسه به اطلاق اولنور.

آیات حضریه و سفریه دن مراد، رسول اکرم صلی الله تعالی علیه وسلم حضرتلرینه حال حضر و یا حال سفرده شرف نازل اولان آیات جلیله در.


{ علم ما تأخر حكمه عن نزوله }
 { وما تأخر نزوله عن حكمه }
 (من الآيات)

علم مذکور، علم تفسیر شریفك جمله فروغندن اولوب حکم جلیلی شرف نزولندن مؤخر و شرف نزولی حکم شریفندن مؤخر اولان آیات جلیله قرآنیهدن بحث ایدر.



{ علم ما نزل مفرداً }
 { و ما نزل جمعاً }
 (من الآيات)

علم مذکور، علم تفسیر شریفك جمله فروغندن اولوب مفرداً و جمعاً شرف نازل اولان آیات جلیله قرآنیهدن باحث در.




{ علم ما نزل مشيئاً }
 { و ما نزل مفرداً }
 (من الآيات)

علم مذکور، علم تفسیر شریفك جمله فروغندن اولوب رسول اکرم صلی الله تعالی علیه وسلم حضرت لرینه جبریل امین علیه السلام و ساطئله مفرداً و یاخود ملائکه کرام حضراتی طرفندن مشیئاً شرف نازل اولان آیات کریمه دن باحث در.



{ علم ما انزل من الآيات على بعض }
 { الانبياء و ما لم ينزل }
 (من الآيات)

علم مذکور، بعض انبیای کرام علیهم الصلوٰة والسلام حضراتنه شرف نازل اولان آیات کریمه دن و قبل النبی علیه الصلوٰة والسلام سایر انبیای کرام علیهم الصلوٰة والسلام حضراتنه نزولی واقع اولمیان آیات جلیله دن باحث در.




{ علم اسباب نزول القرآن }

علم مذکور، علم تفسیر شریفک جمله فروغندن اولوب سور شریفه و آیات کریمهک اسباب نزولندن و شرف نزولک وقت و مکانی ایله احوال سائرهنندن باحثدر.

(مبادی) — علم مذکورک مبادیسی، سلفندن منقول اولان مقدمات مشهوره در.
(غرض) — علم مذکورک غرضی، آیات کریمهک اسباب نزولی ایله احوال سائرهننی ضبط ایتمکدن عبارتدر.

(فائده) — علم مذکورک فائدهسی، قرآن کریمک معانی شریفهنه و معانی قرآنیهن احکام شرعیهنک استخراج و استنباطنه کسب و قوف و معرفت ایتمکدر.

قرآن عظیم الشانک اسباب نزولی و احوال سائرهنسی معلوم اولدقجه تفسیری ممکن اوله میهنجفی علمای کرام حضراتی طرفندن بیان بیورلمشدر.



{ علم ما نزل علی لسان بعض الصحابه }

(رضی الله تعالی عنهم)


علم مذکور، علم تفسیر شریفک جمله فروغندن اولوب بعض صحابه کرام حضراتنک لسان شریفلرینه جاری اولدیغی وجه اوزره نزول ایدن آیات کریمهن باحثدر.



{ علم ما تکرر نزوله }

(من الآيات)

علم مذکور، علم تفسیر شریفک جمله فروغندن اولوب بعض آیات قرآنیهنک تکرر نزولندن باحثدر.



مفسرین کرام کرامت اتسام حضراتندن بعض ذات عالیقدرک بیانہ کورہ سورہ شریفہ «مائدہ» سورہ جلیلہ «توبہ» اوزرینہ مقدمدر .

بعض روایتہ کورہ سورہ فاتحہ شریفہ بر دفعہ مکہ مکرمہدہ وبر دفعہ دخی مدینہ منورہدہ شرف نازل اولمشدر .

«سورہ فاتحہ» شریفہنک اسماء کثیرہسی اولوب آتیا ذکر و بیان اولنور .

اسماء شریفہ، «فاتحہ الکتاب» «فاتحہ القرآن» «ام الکتاب» «ام القرآن» «القران العظیم» «السبع المثانی» «الوافیة» «الکنز» «الکافیة» «الاساس» «النور» «سورة الحمد» «سورة الشکر» «الشفاء» «الشافیة» «سورة الدعاء» «سورة الصلاة» «سورة تعلم المسئلة» «سورة المناجات» «سورة التفویض» در




{ علم الارضی و السماءی }

(من الآيات)

علم مذکور، فروع علم تفسیر شریفدن اولوب ارضی و سماءی اولان آیات کریمہنک شرف نزولندن بحث ایدر.


ارضی اولان آیات کریمہ مکی ومدنی اولان سور شریفہدن عبارتدر . سماءی اولان آیت کریمہ، «سورة بقره» نک خاتمہسی اولان آیت کریمہلردن عبارت اولوب رسول اکرم صلی الله تعالی علیه وسلم حضرتلرینہ لیلہ معراجده شرف نازل اولمشدر.



{ علم اول مانزل و آخر مانزل }

(من الآيات)

علم مذکور، فروع علم تفسیر شریفدن اولوب قرآن عظیم الشانک اول و صکرہ شرف نازل اولان آیات کریمہسندن باحثدر .



﴿ سور جلیله مدنیه ﴾

اسم سور جلیله	عدد آیات جلیله
(سورۀ فلق)	(۵)
(سورۀ ناس)	(۶)
(سورۀ اذا جاء)	(۳)
(سورۀ نور)	(۶۴)
(سورۀ حج)	(۷۸)
(سورۀ مناققون)	(۱۱)
(سورۀ مجادله)	(۲۲)
(سورۀ حجرات)	(۱۸)

﴿ سور جلیله مدنیه ﴾

اسم سور جلیله	عدد آیات جلیله
(سورۀ تحریم)	(۱۲)
(سورۀ صف)	(۱۴)
(سورۀ جمعہ)	(۱۱)
(سورۀ تغابن)	(۱۸)
(سورۀ فتح)	(۲۹)
(سورۀ توبہ)	(۱۳۰)
(سورۀ مائدہ)	(۱۲۰)

مکہ مکرمہده رسول محترم صلی الله تعالی علیه وسلم حضرت تیرینه اک صکره هانکی سورۀ [*] شریفه ناک نازل اولدیغنده بین الاکابر اختلاف اولندی.

«ابن عباس» رضی الله تعالی عنه حضرت تیرینک بیان شریفه کوره مکہ مکرمہده اک صکره نازل اولان سورۀ شریفه، «سورۀ عنکبوت» در.

اکابردن «ضحاک» و «عطا» حضرت تیرینک بیان تیرینه کوره سور شریفه مکینه ناک آخری سورۀ شریفه مؤمنون در.

ینه اکابر امتدن «مجاهد» حضرت تیرینک بیان کوره مکہ مکرمہده شرف نازل اولان سور شریفه ناک آخری، سورۀ جلیله «مطففین» در.

مکہ مکرمہده شرف نازل اولان سور جلیله قرآنیه ناک ترتیب نزولی وجه مشروح اوزره اوله رق مجموعی (۸۳) عدد سورۀ شریفه بالغ اولمشدر.

[*] (سوره)، همزه ایله ویا خود همزه سز اوله رق یازلق جائزدر. بروایت کوره همزه وضع اولنسی «سوره» ناک «سور» لفظندن اخذ اولنسی اعتباری ایله در. «سور»، کاسه ده باقی قالان صو معناسنه در. بوالده «سوره» قرآن عظیم الشاندن برقطعه معناسنی مفید اولور. «سوره» ناک بلاهمزه یازلمسی دخی «سور المدینه» دن مأخوذ اولوق اعتباری ایله در. شو اعتبارک وجه مناسبتی «سور المدینه» شهرى احاطه ایلدیکی کبی سورۀ قرآن دخی آیات قرآنیه دن برقسمنی احاطه ایلسندن عبارتدر.

سور قرآنیه ناک اقل مقداری اوج آیت در. آیت، قرآن کریم دن برطائفه اولوب برآیتک اقل مقداری التی حرفدر.

﴿ سور جليله مكيه ﴾

اسمى سور جليله	عدد آيات جليله
(سورة يوسف)	(١١١)
(سورة حجر)	(٩٩)
(سورة انعام)	(١٦٥)
(سورة والصافات)	(١٨٢)
(سورة لقمان)	(٣٤)
(سورة سبأ)	(٥٤)
(سورة زمر)	(٧٥)
(سورة مؤمن)	(٨٥)
(سورة حم السجده)	(٥٤)
(سورة شورى)	(٥٣)
(سورة فاتحه)	(٧)
(سورة زخرف)	(٨٩)
(سورة دخان)	(٥٩)
(سورة جاثية)	(٣٧)
(سورة احقاف)	(٣٥)
(سورة ذاريات)	(٦٠)
(سورة غاشيه)	(٢٦)
(سورة كهف)	(١١١)
(سورة نحل)	(١٢٨)
(سورة نوح)	(٢٨)
(سورة ابراهيم عليه الصلوة والسلام)	(٥٢)
(سورة انبياء عليهم الصلوة والسلام)	(١١٢)
(سورة مؤمنون)	(١١٩)
(سورة سجده)	(٣٠)
(سورة طور)	(٤٩)
(سورة ملك)	(٣٠)

﴿ سور جليله مكيه ﴾

اسمى صور جليله	عدد آيات جليله
(سورة الحاقة)	(٥٢)
(سورة معارج)	(٤٤)
(سورة نبا)	(٤٠)
(سورة نازعات)	(٤٦)
(سورة انفطار)	(٢٩)
(سورة انشقاق)	(٢٥)
(سورة روم)	(٦٠)
(سورة عنكبوت)	(٦٧)
(سورة مطفين)	(٣٦)

﴿ سور جليله مدنيه ﴾

(سورة بقره)	(٢٨٧)
(سورة انفال)	(٧٥)
(سورة آل عمران)	(٢٠٠)
(سورة احزاب)	(٧٣)
(سورة متخه)	(١٣)
(سورة نسا)	(١٧٥)
(سورة زلزال)	(٨)
(سورة حديد)	(٢٩)
(سورة محمد صلى الله تعالى عليه وسلم)	(٣٨)
(سورة رعد)	(٤٣)
(سورة رحمن)	(٧٨)
(سورة هل اتى على الانسان)	(٣١)
(سورة طلاق)	(١٢)
(سورة يته)	(٨)
(سورة حشر)	(٢٤)

﴿ سور جليله مكيه ﴾


اسمى سور جليله	عدد آيات جليله
(سورة علق)	(١٩)
(سورة ن)	(٥٢)
(سورة مزمل)	(٢٠)
(سورة مدثر)	(٥٦)
(سورة تبت)	(٥)
(سورة شمس)	(١٦)
(سورة اعلى)	(١٩)
(سورة ليل)	(٢١)
(سورة فجر)	(٣٠)
(سورة ضحى)	(١١)
(سورة انشراح)	(٨)
(سورة عصر)	(٣)
(سورة عاديات)	(١١)
(سورة كوثر)	(٣)
(سورة تكاثر)	(٨)
(سورة ماعون)	(٧)
(سورة كافرون)	(٦)
(سورة فيل)	(٥)
(سورة اخلاص)	(٤)
(سورة نجم)	(٦٢)
(سورة عبس)	(٤١)
(سورة قدر)	(٥)
(سورة بروج)	(٢٢)
(سورة تين)	(٨)

﴿ سور جليله مكيه ﴾

اسمى سور جليله	عدد آيات جليله
(سورة قريش)	(٤)
(سورة قارعه)	(١١)
(سورة قيامه)	(٤٠)
(سورة هُمَزَه)	(٩)
(سورة مراسلات)	(٥٠)
(سورة ق)	(٤٥)
(سورة بَلَد)	(٢٠)
(سورة طارق)	(١٧)
(سورة قمر)	(٥٥)
(سورة ص)	(٨٨)
(سورة اعراف)	(٢٠٦)
(سورة جن)	(٢٨)
(سورة يس)	(٨٣)
(سورة فرقان)	(٧٧)
(سورة فاطر)	(٤٥)
(سورة مريم)	(٩٨)
(سورة طه)	(١٣٣)
(سورة واقعه)	(٩٦)
(سورة شعرا)	(٢٢٧)
(سورة نمل)	(٩٣)
(سورة قصص)	(٨٨)
(سورة اسرى)	(١١١)
(سورة يونس)	(١٠٩)
(سورة هود)	(١١٣)


{ علم شروط المفسر وادابه }

علم مذکور، قرآن عظیم الشانک تفسیرینہ متعلق شروط و آدابدن باحث اولوب علمای کرام حضراتی طرفندن تحت نظر اہمیتہ آلتمش و کتب تفاسیر شریفہ اولبابده معلومات مهمہ ذکر و ایراد بیورلمشدر.



{ علم معانی الادوات التي يحتاج اليها المفسر }

علم مذکور، مفسرین کرام حضراتنک محتاج اولدقلری معانی ادواتدن باحثدر. ادواتدن مراد، «حروف» ایله حروفه مائل و مشاکل اولان «اسما» و «افعال» و «ظروف» اولدینی علمای کرام حضراتی جانبندن بیان اولنمش و علم مذکورہ دائر کتابلر تصنیف بیورلمشدر.




{ علم المکی والمدنی }

(من الآيات)

علم مذکور، آیات کریمہ قرآنیہنک محل نزولندن واکا متعلق بعض معلوماتدن باحثدر.

معلوم اولدینی اوزره آیت کریمہ یا مکی اولور و یا خود مدنی اولور. یعنی آیات قرآنیہ جبریل علیہ السلام واسطہ سیله رسول محترم صلی الله تعالی علیہ وسلم حضرتلرینہ یا مکہ مکرّمده و یا خود مدینہ منورهده شرف نازل اولمشدر.

تفاسیر شریفہدن استنباطاً قرآن عظیم الشانک ترتیب شرف نزولی ایله مکی ومدنی اولان سور شریفہ آتیاً ذکر و بیان اولنور.



« زید بن اسلم » حضرتلرینک اصحابی در . « عبدالرحمن بن زید » و « مالک بن انس »
حضرتلری کبی .

كذلك تاریخ هجرتك (۱۲۱) نجی سنهسنده ارتحال دار بقا بیورمش اولان
« حسن البصری » حضرتلری و « عطاء بن ابی سئمة » و تاریخ هجرتك (۱۱۷) نجی سنهسنده ارتحال
دار بقا ایتمش اولان « محمد بن كعب القرازی » حضرتلری و ینه تاریخ هجرتك (۹۰) نجی
سنهسنده ارتحال بیورمش اولان « ابو العالیه رفیع بن مهران الرباحی » حضرتلری
و « ضحاک بن مزاحم » و تاریخ هجرتك (۱۱۱) نجی سنهسنده ارتحال ایدن « عطیه
بن سعید الافریقی » حضرتلری و تاریخ هجرتك (۱۱۷) نجی سنهسنده وفات ایدن « قطادة
بن دعامة السدوسی » حضرتلری و « ربیع بن انس » حضرتلری تابعین کرامدن واصحاب
تفسیردن ایدی .

(طبقه ثالثه) صحابه کرام و تابعین ذوی الاحترام حضرتانک اقوال شریفهسنی جمع ایله
کتب تفاسیر شریفه تألیف و تصنیفه بذل عنایت بیورمش اولان « سفیان بن عینه » و « وکیع
بن الجراح » و « شعبه بن الحجاج » و « یزید بن هارون » و « عبدالرزاق » و « ادم بن ابی ایاس »
و « اسحق بن راهویه » و « روح بن عبادة » و « عبد الله بن حمید » و « ابو بکر بن ابی شیبة » و سایر
ذوات کرام در .

(طبقه رابعه) اهل تفسیری دخی « عبدالرزاق » و « علی بن ابی طلحة » و « ابن جریر »
و « ابن ابی حاتم » و « ابن ماجة » و « الحاکم » و « ابن مردویه » و « ابو الشیخ بن حبان » و « ابن منذر »
حضراتی کبی ذوات کرامدر .

تفسیر شریفه متعلق معلومات مفیده بی جمع و درج و اسانیدی حذف ایله کتب تفاسیر
شریفه تألیفنه بذل همت بیورمش اولان ذوات کرامک بر قسمی دخی « ابو اسحق الزجاج »
و « ابو علی الفارسی » و « مکی بن ابی طالب » و « ابو العباس المهدوی » حضرتلری کبی ذوات
کرام در .

علمای متأخریندن دخی پک چوق اهل تفسیر اولوب بعض ذوات کرام، نقل روایات
و اختصار اسانید مسلکنی و بعض ذوات کرام دخی قواعد عربیه و فنون ادبیه مسلکنی
اختیار ایله قرآن عظیم البرهانی تفسیره همت و عنایت بیورمشلردر .

عزم کلزار جنان بیورمش اولان «جابر بن عبدالله الانصاری» حضرتلری و تاریخ هجرتک (۴۴) نجی سنه سنده ارتحال کلشنسرای جنان ایتمش اولان «ابوموسی عبدالرحمن بن قیس الاشعری» حضرتلری و تاریخ هجرتک (۶۳) نجی سنه سنده عالم بقایه ارتحال بیورمش اولان «عبدالله بن عمرو بن العاص السهمی» حضرتلری و تاریخ هجرتک (۴۵) نجی سنه سنده ارتحال دارجنان بیورمش اولان کاتب النبی «زید بن ثابت الانصاری» حضرتلری طبقه اولی مفسرین کرام کرامت آسامندن در رضوان الله تعالی علیهم اجمعین.

(طبقه ثانیه) رجال کرامی تابعین کرامدن اولان اهل تفسیردر.

تابعین کرامدن اهل تفسیر اولان ذواتک بر قسمی «ابن عباس» حضرتلرینک اصحابی و مکة مکرمه علماسی ایدی.

تاریخ هجرتک (۱۰۳) نجی سنه سنده ارتحال داربقا بیورمش اولان «مجاهد بن جبرالمکی» حضرتلری دخی تابعین کرام اصحاب تفسیرندن اولوب امام شافعی حضرتلری ایله امام بخاری حضرتلری «مجاهد» حضرتلرینک تفسیر شریفنه اعتماد و اعتبار بیورمشلردر.

تابعین کرامدن اولوب تاریخ هجرتک (۹۴) نجی سنه سنده ارتحال بیورمش اولان «سعید بن جبیر» حضرتلری و تاریخ هجرتک (۱۰۵) نجی سنه سنده مکة مکرمه سنده ارتحال دارجنان ایتمش اولان «مکرمه مولی بن عباس» حضرتلری و تاریخ هجرتک (۱۰۶) نجی سنه سنده کذلک مکة مکرمه سنده ارتحال داربقا بیورمش اولان «طائوس بن کيسان الیمانی» حضرتلری و تاریخ هجرتک (۱۱۴) نجی سنه سنده ارتحال دار نعیم بیورمش اولان «عطا بن ابی رباح المکی» حضرتلری دخی اهل تفسیر شریفندن در. رضوان الله تعالی علیهم اجمعین.

تابعین کرامدن واصحاب تفسیردن اولان ذوات معالی صفاتک بر قسمی دخی «ابن مسعود» رضی الله عنه حضرتلری اصحابی و کوفه علماسی ایدی. تاریخ هجرتک (۱۰۲) نجی سنه سنده ارتحال بیورمش اولان «علقمه بن قیس» حضرتلری و تاریخ هجرتک (۷۵) نجی سنه سنده عزم کلزار جنان ایتمش اولان «اسود بن یزید» حضرتلری و تاریخ هجرتک (۹۵) نجی سنه سنده عالم بقایه ارتحال بیورمش اولان «ابراهیم النخعی» و تاریخ هجرتک (۱۰۵) نجی سنه سنده ارتحال ایلش اولان «شعبی» حضرتلری دخی «ابن مسعود» حضرتلرینک اصحابندن در.

تابعین کرام ذوی الاحترامدن واصحاب تفسیردن اولان ذوات معالی صفاتک بر قسمی دخی

﴿ طبقات المفسرین ﴾

مفسرین کرام حضراتی طبقات عدیده رجال کرامندن عبارتدر.

(طبقة اولی) اصحاب کزین رضوان الله تعالی علیهم اجمعین حضراتی در. خلفای راشدین یعنی حضرت «ابی بکر» و حضرت «عمر» و حضرت «عثمان» و حضرت «علی» رضوان الله تعالی علیهم اجمعین حضراتی ایله «ابن مسعود» و «ابن عباس» و «ابی بن کعب» و «زید بن ثابت» و «ابو موسی الاشعری» و «عبدالله بن زبیر» و «انس بن مالک» و «ابو هریره» و «جابر» و «عبدالله بن عمرو العاص» رضوان الله تعالی علیهم اجمعین حضراتی اهل تفسیر ایچنده طبقة اولی رجال کرامندن در.

خلفای راشدیندن «علی بن ابی طالب» رضی الله تعالی عنه حضرتلرندن تفسیره متعلق اولان روایت، سائر خلفای کرام رضی الله تعالی عنهم اجمعین حضراتندن واقع اولان روایتلردن اکثردر.

«ابن مسعود» رضی الله تعالی عنه حضرتلرندن تفسیر شریفه متعلق واقع اولان روایت حضرت «علی» رضی الله تعالی عنه طرفندن واقع اولان روایتدن اکثردر.

اصحاب کرامندن «ابن عباس» رضی الله تعالی عنهما حضرتلری «ترجمان القرآن» و «حبر الامة» و «رئیس المفسرین» اولوب مشارالیه حضرتلرندن تفسیر شریفه دائر واقع اولان روایت اکثر و او فرددر. لکن روایات واقعه طریقلرینک احسنی، تاریخ هجرتک (۱۴۳) نجی سنه سنده ارتحال دار نعیم بیورمش اولان «علی ابن ابی طلحة الهاشمی» حضرتلرینک طریق روایتی اولوب امام بخاری حضرتلری «صحیح بخاری» نامیله مشهور اولان حدیث شریف کتابنده طریق مذکوره اعتماد بیورمشلردر.

تفسیر شریف روایت اولنان اصحاب کرامندن برذات عالیقدر دخی «انس بن مالک بن النضر» رضی الله تعالی عنه حضرتلری در. مشارالیه تاریخ هجرتک (۹۱) نجی سنه سنده بصره ده ارتحال دار نعیم بیورمشدر.

تاریخ هجرتک (۷۳) نجی سنه سنده مکه مکرمه ده ارتحال دار بقا بیورمش اولان «عبداه بن عمر بن الخطاب» حضرتلری وینه تاریخ هجرتک (۸۴) نجی سنه سنده مدینه منوره ده

علمای متأخریندن «ابو محمد بن عطیه» حضرت نوری جمله تفاسیر متقدمینده نقل اولان آثاری حاده تحقیقاتدن امرار ایدرک جذالت لفظی واصابت معنایی جامع اولان تفسیر مشهوری تألیف وتصنیف ایله آثار معروفینی او تفسیر شریفده درج وضبط ایلشدر. اندن صکره «امام قرطبی» ظهور ایدرک طریق تحقیقده «ابن عطیه» نک اثرینه [۱] اقتدا واتباع ایله بر تفسیر شریف جمع وتالیف بیورمشدر،

(قسم ثانی) روایات و آثاره مقصور اولیوب لغاته کسب معرفت ومقتضای حاله رعایت ایله تأدیة معناده قواعد بلاغتی متضمن ولسان عربییه راجع اولان علومی مبیندر. تفسیر شریفک بو قسمی اگرچه لسان عربییه متعلق اولان علوم جمع وتدوین اولندقدن صکره اختیار اولمش ایسهده نقل آثار، مقصود بالذات اولغله بو مثللو تفسیرلر نقل ائاردن دخی خالی اولمامشدر.

قسم ثانی تحتیه داخل اولان تفاسیر مؤلفهنگ احسنی، اهل خوارزم عراقدن علامه «زمحشری» یه منسوب «تفسیر کشاف» درکه عمده تفاسیر ومقبول فحول ونحاریر [۲] در. مدینه تبریز علماسندن «شرف الدین طیبی» نام فاضل همام «تفسیر کشاف» ی شرح وتحشیه ایدرک بر کتاب لطیف تألیف وتصنیف بیورمشدر. فاضل مشار ایله کتابنده «کشاف» ک اعتزاله متعلق کلماتنه تعرض و آیات قرآنییهده واقع اعجاز بلاغتی اهل سنت رأینه تطبیق ایلش و کتاب مذکورک علوم عربیه وفنون بلاغته فائق الامثال وایراد حجج ودلائل وسرد کلامده حد کماله واصل اولمش اولدینی بعض محققین علما طرفندن ذکر و بیان بیورلمشدر.



[۱] اثر، همزه نک کسری و ثا حرفک سکونی ایله لسان ترکی اوزره «ایز» معناسندهدر. اثر، برذاتک سالک اولدینی مسلکه سلوک ایتک یعنی او ذاتک قول و فعلنه تابع اولوق معناسنه استعمال اولنور.

[۲] نحاریر، نحیر لفظنگ جمعیدر. نحیر، مسکین وزنی اوزره عالم متقدم اولان ذاته اطلاق اولنور.

نزول آیاتی و مقتضایات احوالی بیلوب لسان معجز بیان نبویدن نقل و روایت ایله تابعین [۱] کرام حضراته تعریف ایدرلر ایدی. *بیلوب لسان معجز بیان نبویدن نقل و روایت ایله*
تابعین کرام حضراتی دخی اصحاب کرامدن قرآن عظیم الشانه متعلق اخذ و تلقی ایتدکلری معلوماتی تبع تابعینه نقل و روایت ایدرلر ایدی.

سلسله اسناد، صدرأ عن صدر اسلافدن اخلافه منتقل و منتهی اولوب افواه رجالدن مسومع و صحابه کرام و تابعین ذوی الاحترام رضی الله عنهم حضراتندن منقول اولان آثار کثیره صحائف کتبه درج و تسطیر اولندیغی و قته قدر معانی قرآنیه افواه رجالدن اخذ و تلقی و سلفدن خلفه نقل اولمقدن خالی اولدی.

وقتا که معانی قرآنیه متعلق نقول و آثار، صحایف کتبه درج و املا اولندقدن امام «طبری» و «واقدی» و «ثعالبی» و انلرک امثالی اعلام مفسرین کرام حضراتی نقل آثار ایله تفسیره تصدی ایلدیلر. *بیلوب لسان معجز بیان نبویدن نقل و روایت ایله*

بعدا لسان عذب البیان عربییه متعلق اولان علوم دخی جمع اولنوب اوضاع لغات ایله احکام اعرابه و بلاغت ترکیبیه دأر کتابلر تألیف اولدی.

قرن اولده احوال لسان، حسن سلیقه ایله طائفه عربیه مخصوص ملکه دن عبارت اولمغله اوضاع لغات ایله احکام اعراب و بلاغت ترکیبیه امرنده نقل و کتبه احتیاج کورلمز ایدی. مؤخرأ اختلاط اقوام سببیه لسان عربییه خلل طاری اوله رق احکام لغاتک کتب اهل لساندن اخذ و تلقی اولمسنه لزوم کوردی و قرآن کریمک تفسیرنده لسانه متعلق اولان علملره حاجت مس ایلدی.

فن تفسیر ایکی قسمه منقسمدر.

(قسم اول) سلفدن منقول اولان آثاره مستند تفسیر نقلی در. بومثللو تفاسیر شریفه ده نقل و روایت اولنان اخبار، اعتقاد و عمله دأر احکام دینه دن اولمدیغندن یالکر نقل و روایت ایله اکتفا اولندی. مؤخرأ ظهور ایدن اسلاف مفسرین کرام حضراتی دخی آثار منقوله ده تحقیق اسانیده قیام ایتیمه رک یالکر آثار منقولهی کتب تفاسیره درج و تحریر ایلدیلر. وقتا که ناس، سمت تحقیقه رجوع و تصحیح اسانیده شروع ایتکه باشلادیغنده بلاد غربده

[۱] تابعین، تابع لفظنک جمعی در. اصطلاحده تابع، اول برذات شریفه اطلاق اولنورکه اودات،

رسول محترم صلی الله تعالی علیه وسلم حضرت تلمینک اصحاب کرامی ایله ملاقات ایشددر.

واسطه سیله فخر کائنات علیه افضل التحیات حضرت تدرینه منزل و مصحف شریف دقتینی [۱] میانده مکتوب و صدورده محفوظ و مضبوطدر.

قرآن کریم، امت بینده متواتر اولوب وقت بعثت نبی صلی الله تعالی علیه وسلم حضرت لردن الی یومنا هذا علی وجه التواتر منقولدر.

قرآن کریم، بلغای عدنان [۲] و فصحای قحطانه [۳] مخصوص اسالیب بلاغت اوزره شرف نازل اولغله جمله قبائل عرب، مفردات و تراکینک معانی لطیفه سنی فهم و ادراک ایدرلر ایدی.

قرآن کریم، ام سالفیه منزل اولان بعض کتب آلهیه کبی دفعه نازل اولیوب وقایع کونیه حسیله علی التدریج شرف نازل اولشدر.

آیات قرآنیه نیک بعضی عقائد ایمانیه و بعضی افعال مکلفینه مخصوص احکام عینه متعلقدر.

فخر کائنات صلی الله تعالی علیه وسلم اقدم حضرت لری مجمل و مشکل اولان آیات قرآنیه نیک معانی جلیله سنی اصحاب کرامه تعریف بیوزرلر ایدی.

صحابه [۴] اکرام رضوان الله تعالی علیهم اجمعین حضراتی دخی معنای مرادی و اسباب

[۱] (دفعه)، دالک قحی و فانک تشدید ایله یان، طرف مناسنه در. دقتین دینور. دقتین دیکدن مراد، مصحف شریف جلدینک ایکی طرفندن عبارتدر.

[۲] عدنان، سلمان و زنده ابو معددرکه برقبیله عظیمه پدردر.

[۳] قحطان، سلمان و زنده ابن عامر بن صالح درکه برقبیله نیک پدردر. نسبتنده قحطانی دینور. غیر قیاسی اولهری قحطانی دینور امرای کبی.

[۴] صحابه، فی الاصل مصدردر. رسول اکرم صلی الله تعالی علیه وسلم حضرت لرنیک اصحاب کرامنه اطلاق اولنور. لکن صحابه کله سی اصحاب کله سندن اخصدر. یعنی خصوصیت معناسنی افاده ایدر. چونکه صحابه کله سنک رسول محترم صلی الله تعالی علیه وسلم حضرت لرنیک اصحابنده استعمالی غالب و اکثردر. اصحاب رسول علیه الصلاة والسلام حضرت لرنیه بو لفظ علم کبی در. یعنی اسم خاص اولمشدر. بوسیدن طولای صحابه کله سی اصحاب کرامه نسبت اولنور. صحابی، اول برذات عالیقدره اطلاق اولنور که اوزات رسول محترم صلی الله تعالی علیه وسلم حضرت لرنیه بعد النبوة حال حیاتلرنده شرف ملاقاتلری ایله مشرف اولوب نبوتلرنیه ایمان ایتمش و ایمان اوزرنه ارنحال دار بقا ایلمشدر.

کله سنک استعمالی کتب آلهیده واقع اولدیغی دخی بعض کتابلرده نکاشته خامه تحقیق و بیان اولمشدر .

بعض علمای کرام حضراتنک تعریفه کوره تفسیر کلهسی وجه واحدن غیرى معانی به احتیاجی اولیان برلفظی بیاندن عبارت اولوب تاویل کلهسی دخی معانی مختلفهیه متوجه اولان لفظی، دلیل ایله معانی مختلفهدن برجهته توجیه ایلکدن عبارتدر .

بعض علمای کرام حضراتنک تعریفه کوره دخی تفسیر کلهسی قطعاً بیان معنادن و تاویل کلهسی دخی صورت قطعیتدن عاری اوله رق معانی محتملهدن بریسنک ترجیحندن عبارتدر .

علم تفسیر شریف، طاقت بشریه مقدارنجه و قواعد عربیه اقتضاسنجه نظم قرآن کریمک معانی شریفه سندن بحث ایدن علم جلیلدر .

(مبادی) — علم تفسیر شریفک مبادیسی علم لغت، علم نحو، علم تصریف، علم اشتقاق، علم معانی، علم بیان، علم بدیع مثللو علوم عربیه ایله علم قرائت، اصول دین یعنی اصول کلام، اصول فقه، علم جدل، علم اسباب نزول، علم فقه، آیات قرآنییه مفسر اولان احادیث شریفه و امثالی علملردر .

(غرض) — علم تفسیر شریفدن غرض، نظم جلیک معانی شریفه سنه بقدر طاقه البشریه و بحسب قواعد العربیه کسب و قوف و معرفندن عبارتدر .

(فائده) — علم تفسیر شریفک فائدهسی، احکام شرعیه نک علی وجه الصحه استنباطنه قدرت و ملکه حصولیدر .

(موضوع) — علم تفسیر شریفک موضوعی، منبع حکمت و معدن فضیلت اولان «کلام الله»در .

(غایت) — علم تفسیر شریفک غایتی، سعادت دنیویه و اخروییه نائل و واصل اولمق ایچون قرآن کریمک معانی شریفه سنه فهمه و حکم جلیلی استنباطه توصلدر .

علمک شرف و جلالتی، موضوع و غایتنک شرفی اعتباری ایله اولوب شو حالده علم تفسیر شریفک موضوع و غایت اعتباری ایله جمیع علومک اشرف و اعظمی اولدیغی ثابت اولور .

قرآن کریم، جناب حقک کلام قدیمی اولوب روح الامین یعنی جبریل علیه السلام

بحث

(۲۵)

﴿ علم تفسیر شریف ﴾

(تفسیر) کلهسی «فسر» دن مأخوذ و «فسر» کلهسی «سفر» دن مقلوب اولوب کشف و اظهار معناسه در.

بعض اهل ادبک بیاننه کوره «فسر» ایله «سفر» لفظاً یکدیگری ایله متقارب اولدینی کبی لفة دخی یکدیگری ایله متقارب در. اما «فسر» معنای معقولی اظهارده و «سفر» اعیانی ابصاره ابرازده استعمال اولنور.

بعض علمای کرام حضراتنک بیاننه کوره «تفسیر» و «تأویل» کله لری معنای واحدن عبارت اولوب «کشف المراد عن المشکل» دیمکدر. یعنی لفظ مشکلدن کشف مراد ایتمکدر. بو (تأویل) کلهسی «اول» کلهسندن مشتق و مأخوذ اولوب «رجوع» معناسه در. بو اشتقاقک وجه مناسبتی صاحب تأویلیک آیت کریمه بی محتمل اولدینی معنا جهتته صرف و ارجاع ایلمسندن عبارتدر.

تأویل کلهسنک سیاست معناسه اولان «ایاله» لفظندن مشتق و مأخوذ اولدینی دخی مرویدر. بو اشتقاقک وجه مناسبتی صاحب تأویلیک تصرف کلام ایله کلامک معناسنی موضعنه وضع ایلمسندن عبارتدر.

برروایت کوره تأویل کلهسی درایت [۱] و تفسیر کلهسی روایت [۲] تعلق ایدر.

کذلک تفسیر کلهسنک اکثر استعمالی الفاظ و مفرداتده و تأویل کلهسنک اکثر استعمالی معنا و جمله لرده و تفسیر کلهسنک استعمالی کتب الیهیه ایله کتب الیهیه نیک غیریسنده و تأویل

[۱] درایت، قواعد نحویه و قواعد عقلیه دن مقتبس اولان علم معناسه در.

[۲] روایت، نقله و سماعه مستنداً کشف و تبیین معانیدن عبارتدر. آیت کریمه نیک سبب نزولندن خبر ویرنک کبی که بو خبر، انجق اصحاب کرام حضراتندن نقل و سماعه مستند اولور. بو مثللو اخباره علم روایت دینور.

اصول مخارج حروف اوج عضودن عبارتدر.

اعضای مذکورہ «حلق» و «لسان» و «شفہ» در. اشبو اعضادن ہر برینک اول، اوسط، آخری اعتباریلہ رأی مختار اوزرہ مخارج حروف (۱۷) عدده بالغ اولور. «حلق» دن یعنی بوغازدن خروج ایدن حروفک مقداری التی عدددن عبارتدر. حروف مذکورہنک ایکسی بوغازک اسفلندن خروج ایدن «ها» و «همزہ» حرفلندن وایکیسی دخی بوغازک وسطندن خروج ایدن «عین» و «حا» حرفلندن و دیگر ایکسی دخی بوغازک اولندن خروج ایدن «غین» و «خا» حرفلندن عبارتدر. اشبو التی عدد حرفہ «حروف حلق» اطلاق اولنور. بو حرفلر خنجرہنک رأسندہ اولان کوچک دیلک بوغازہ ضرب و صدمتدن حاصل اولور.

بعض حروف دخی اطراف لسانی «اضراس» تعبیر اولنان یان دیشلرینہ ضرب ایتمکدن حصولہ کلور. «ضاد» کبی
بعض حروف وسط لسانک اوست چکدیہ ضربندن حاصل اولور. «جیم» و «شین» و «یا» حرفلری کبی.

بعض حروف ایکی شفہنک بر برینہ انضمامی ایلہ حاصل اولور. «میم» ایلہ «با» حرفلری کبی.

بر حرفک مخرجنی بیلوب اجرا ایتمکدہ قاعدہ بودرکہ تکلمی مراد اولنان حرفک اولنہ برہمزہ مکسورہ کتوریلوب اول حرفک آخری اسکان اولندقدہ نہ محلدہ قرار ایدر ایسہ مخرجی او محلدہ. مثلاً «با» تکلمندہ «اب» دیمک کبی کہ بو حرفک شفہدہ قرار ایتمیلہ «حرف شفوی» اولدینی معلوم اولور.

«حلق» و «لسان» و «شفہ» دن ہر برینک اول و آخر و اوسطی سببی ایلہ و اطرافنک بر محلہ ملاقات و مصادمہ ایتمسی حسبیلہ اصوات انسانیلہ کیفیات مختلفہ عارض و بوجہتہ حروف متنوعہ حاصل اولوب «حس سمع» دہ یکدیگرندن ممتاز اولورلر.
حروفی نطق و تکلمدہ جملہ انسانلر حال مساوات اوزرہ اولیوب بر طائفہ مخصوص اولان بعض حروفی آخر طائفہ نطق و تکلم ایتمز.

بحث

(۲۴)

علم تجوید

علم تجوید، [۱] قرآن عظیم الشانک مخارج حروف و صفات حروف جهتیه تحسین تلاوتندن و صفات حروفک حقی ادا ایله صورت ترتیل [۲] نظم مبیندن باحدر .
صفات حروف، «تخیم» [۳] و «ترقیق» [۴] و «ادغام» [۵] و «وقف» [۶] و «اظهار» [۷] و «اخفا» [۸] و امثالی صفتلردن عبارتدر .
علم تجوید فن قرأتک ثمره و نتیجهسی در . بوعله کسب و قوف ایتمک علم موسیقی کبی لسان ایله تمرّن [۹] و افواه مملیندن تلقف [۱۰] و تدرب [۱۱] ایله حاصل اولان ملکدن عبارتدر .

-
- [۱] «تجوید» لغته برسنهینی حسن حاله وضع ایتمک و اهل قرأت و تجوید اصطلاحنده حروفک حقی ادا ایتمک معناسه در .
- [۲] «ترتیل» حروف و کلماتی آچیق صورته ذکر ایتمک معناسه در . ترتیل اوزره قرأت، الفاظک معاینسی سهولته فهم و ادراکه باعث اولور . سرعتله قرأت ایتمکدن فائده مذکوره حاصل اولور .
- [۳] «تخیم» لغته تعظیم معناسه در . اهل تجوید اصطلاحنده حرفی تغلیظاً او قومق معناسنده استعمال اولنور .
- [۴] «ترقیق» لغته برشیئی تلین ایتمک و کلامی حسن صورته ادا ایتمک معناسه در . اهل تجوید اصطلاحنده، حرفی اینجه او قومق معناسنده استعمال اولنور .
- [۵] «ادغام» لغته برشیئی برشیئه ادخال ایتمک و اصطلاحده حرف ساکنی حرف متحرکه وصل ایتمک معناسه در .
- [۶] «وقف» لغته حبس و امساک و اصطلاحده قطع الصوت معناسه در .
- [۷] «اظهار» لغته برشیئی آشکار ایتمک معناسه در . اهل تجوید اصطلاحنده ایکی حرفک بینی تباعداً منقصل اولمقدن عبارتدر .
- [۸] «اخفا» لغته برشیئی ستر ایتمک، کیزله مک معناسه در . اهل تجوید اصطلاحنده اظهار ایله ادغام بیننده برحالتدر .
- [۹] «تمرّن» لغته استمرار و ملازمت ایتمک و عادت ایدتمک معناسه در .
- [۱۰] «تلقف» اغزدن سوز آلمق و ایشتک و سرعتله اخذ ایتمک معناسه در .
- [۱۱] «تدرب» آلمق، الفت کسب ایتمک معناسه در .

امام «شاطبی» حضرتلرینک ذکر اولنان قصیده سی قواعد فن قرآنی جامع اولغله ناس، انک حفظنه اعتنا ایلدی.


بعض زمانلرده علم قرآن کریمه فن رسم دخی ضم وعلاوه اوله رق منظوم ومنثور کتابلر تألیف اولندی.

فن رسم، قرآن عظیم الشانه مخصوص برفن جلیل درکه مصاحف شریفهده حروف شریفه قرآنیه نیک اوضاع مکتوبه ورسوم خطیه سی او فن ایله معلوم اولور. زیرا مواضع مخصوصهده حروف کثیره واقع اولمشدرکه او حروفک رسم کتابتی، خطک متعارف اولان قانوننه مغایردر.

رسوم مصاحف شریفه اوضاع خطه وقانون کتابته مخالف اولوب ضبطنه احتیاج حاصل اولغله علمای کرام حضراتی علوم قرآن کریمی جمع وتألیف ایلدکلری ائساده فن رسمی دخی مرسوم صحیفه تدوین ایلدیلر.

مغرب دیارنده ریاست علم قرآن «ابوعمرودانی»یه منتهی اولدقده مشارالیه حضرتلری فن رسمده دخی کتابلر تألیفنه بذل عنایت بیورمشدر. مشارالیه حضرتلرینک تألیف ایلدیکی کتابلرک اشهری «کتاب مقنع» درکه کتاب مذکور جمله طرفندن قبول اولنوب مندرجاتنه اعتماد اولمشدر.

بعده «ابو القاسم شاطبی» حضرتلری «کتاب مقنع» ی «رأیة» اسمیه معروف اولان قصیده مشهوره سنده کشیده سلک نظم ایدوب قصیده مذکورنه حفظ واتقاننه جمله طرفندن اهتمام مالاکلام اولندی.



«قرآآت سبع» عنوانی ایله معروف اولان یدی عدد طریق مخصوص، السنه ثقات اوزرینه بین الامه متناقل ومتواتر اولمشدر. طرق مذکوره، اصحاب کرام رضی الله تعالی عنهم حضراتندن نقل وروایت ایله مشهور اولان مشایخدن جم غفیر وجمع کثیره انتساب ایله معروف اولهرق اصول قرائت اولمشدر.

بعدذا طرق مختلفه قراآدن نیجه طریق دخی «قرآآت سبع» اوزرینه علاوه والحاق اولنوب لکن ائمه قرائت نزدنده قوت نقل وروایتده قراآت سبع مرتبهسنه بالغ اولمامشدر. بعض ناس «طرق سبع» ک تواترنده جمهوره مخالفت ایدرک طرق مذکوره نك ادایه متعلق کیفیات حروفدن عبارت اولمسیله سماعاً اخذ وروایتی ممکن اولمدیغنی بیان ایلدیلر، لکن اداده تواترک انقطاعنی نظم قرآن عظیم الشانک، تواترینه مانع عد ایتدیلر. اکثر ناس، بورایدن اباء ایدوب قرآن ککرم الفاظ واداسیله متواتردر دیدیلر. طائفة اخرى دخی «قرآآت سبع» دن (مد) و(تسهیل) کبی ادای حروفک غیری روایاتک تواترینه ذاهب اولوب کیفیت ادایه سمع ایله ووقوف ممکن اولماقله ادا متواتر دکلدر دیدیلر؛ بو قولک صحتنه بعض علمای کرام حضراتی جانبندن اشارت بیورلمشدر.

قرا وحقاظ، طرق قرائتی نقل ایدوب هر عصرده تداول ایتدیرمکدن خالی اولمدیلر. وقتاکه علوم، صدوردن سطوره نقل ایله جمع وتدوین اولندقدن قرائت دخی فن مخصوص عد اولنوب سائر علوم کبی صحائف اوراقه کتب و تسطیر اولمغله صنعت عالیهدن صنعت مستقله و علم منفرد اولدی.

موالی بنی عامردن «مجاهد» فن قراآنده ماهر وکامل ایدی. کذلک «ابو عمرو دانی» دخی فن قراآنده حدکاله بالغ اولوب مشارلهک فن مذکوره متعلق تألیف وتصنیف بیوردیغنی کتابلردن «تیسیر» نامنده اولان کتابی زیاده نافع ومفید اولمغله اهل قرائت او کتابی مأخذ اتخاذ ایلدیلر. «ابو عمرو» ک زمانه قریب عصرده «شاطبه» نام بلدهدن «ابو القاسم بن فیره» نشأت ایدوب «ابو عمرو دانی» نک کتابلرینی تهذیب وتلیخیصه سعی مالاکلام ایلدی وقواعد فن قراآتی حالا بین القرا «حرزالامانی» اسمی ایله موسوم اولان قصیده لامیه مشهوره سنده کشیده سلك نظم ایلش و«قرآآت سبع» ک اسمی روات [۱] وشيوخه [۲] دخی رمز و اشارت بیورمشدر.

[۱] روات، راتک ضمی ایله «راوی» کله سنک جمعی در. (راوی) لغه روات ایدیغی یعنی ناقل اخبار معناسنه در.

[۲] شیوخ، اشیاخ، شیخ کله سنک جمعی در. شیخ، مقتدابه معناسنه در. کبیر السن اولنلره و علم وکالدله ماهر وحاذق اولان ذواته وحال اتقا اوزره بولنان کیمسه لره شیخ اطلاق اولنور.

بحث

(۲۳)

﴿ علم قرائت ﴾

علم قرائت، وجوه اختلافات متواتره حیثی ایله کلام اللهک صور نظمندن باحث اولوب علوم عربییدن استمداد واستعانه ایدر.

(مبادی) — علم قرائتک مبادیسی، مقدمات تواتریه در.

(غرض) — اختلافات متواتره نك ضبطنه تحصیل ملکه ایتمکدن عبارتدر.

(فائده) — کلام اللهک تطرّق تحریف وتغییردن مصون ومحفوظ اولسی در. کذلک

علم قرائت، حد شهرته واصل اولان اختلافات غیرمتواتره حیثی ایله دخی صور نظم کلام اللهدن بحث ایدر. بوحالده علم قرائتک مبادیسی یامقدمات مشهوره اولور ویاخود موثوقبه اولان احاددن مروی مقدماتدن عبارت اولور.

قرآن کریم، جناب حقک کلام قدیمی اولوب روح الامین یعنی جبریل علیه السلام [۱] وساطتیه سید المرسلین صلی الله تعالی علیه وسلم اقدمز حضرتلری اوزرینه منزل ومصحف شریفده مکتوب وصدورده محفوظ وامت بیننده متواتر ووقت بعثت نبی علیه السلام حضرتلرندن الی یومناهدا علی وجه التواتر منقولدر.

صحابه کرام رضوان الله تعالی علیهم اجمعین حضراتی خواجه عالم صلی الله تعالی علیه وسلم حضرتلرندن بعض الفاظ شریفه قرآنییه وادایه متعلق کیفیات حروفی اخذ ایدرک انلرندن

[۱] «جبریل» جیم حرفتک قحی ویاخود کسری ایله و بلا همزه و «جبرائیل» بعد الالف همزه ایله و «جبرائیل» ایکی یا ایله و بلا همزه و «جبرئیل» برهمزه و بر یا ایله بلا الف لغت اولوب ملائکه کرامدن انزال وحی شریفه مأمور اولان جبریل علیه السلامک اسم شریفی در. بروایت کوره «جبریل» کله سنک اصلی «کوریل» اولوب تعریباً تغییر اولمشدر. بروایت کوره «ایل» لفظی، لغت عبرانیه اوزره لفظه جلاله معناسنه اولوب «جبریل» کله سی عبدالله دیمکدر. دیگر بروایت کوره «جبریل» کله سی خادم الله معناسنه در.

صور مشکلات ایتمک و منتهی اولنره دخی مسائل واضحه ایله تکلم ایتمک واسئله یه شدت و حدت ایله جواب ویرمامک و طلبه علوم اوزرینه القای اغلوطات اولنماق و طلبه نك فهم مشکلات و معضلاته اقتداری کورلدیکی حالده کمال اهتمام ایله اومثللو مشکلاتی حل و تفهیم ایتمک و استعدادلری دقائق علییه کافی اولمیانلره دین و دنیالرنجه اهم اولان علملر تعلیم اولنهرق اومثللولره تجارات و نوافل طاعات ایله اشتغال ایتملری خصوصی توصیه اولنماق نشر علمک شرائط مهمه سندن در. اما طلبه علومک حازر اولدقلری استعداد و اقتدارک مراتب و درجاتی علی وجه اللائق معلوم اولمق اوزره مدت تجربه و امتحانک اوج سنه قدر امتدادی لازمدر .

جمله آداب علیهدن بریسی دخی ناشر علم اولان ذاتدن بر مسئله سؤال اولنوبده ناشر علمک اومسئله ده شك و شبهه سی وار ایسه «لادری» ایله جواب ویرمسی ماده سی در. «لادری» کلامی، علمک نصفی در. چونکه جهل، عدم علمدر . عدم علمه علم ایسه علمدن معدود اولدینی جهته «لادری» قولنک قائلنه نصف علم نسبت اولنماق صحیح اولور.



اهل تصوفك كلماتى عوام ناسه اشاعه دن اجتناب اولنقى دخى جمله آدابن در. چونكه كلمات صوفيه نك قواعد شرعيه تطبقند عوام ناسك دركار اولان عجز وقصورلى فساد اعتقاد باعث و الحاد و زندقيه بادی اولور. بو حالده عوام ناس علم عبادات ظاهره يه تشويق و ارشاد اولنقى و انلره بر صورتله شبهه عارض اولوبده او شبهه يي كلام اقناعى ايله ازاله ايدوب حقائق و دقائق دن بحث و بيان اولنماق لازمدر. اما قواعد شريعتده ثابت قدم اولان اذكياء و البايه ذكالى دفعاتله تجربه اولنقدن صكره كشف حقائق ايتمك جائزدر. (تنبیه) طالب علم اولنلره اهل تصوفك مقالات خفيه المعانيسندن و احوال غريبه سندن فهم و ادراك لرنيك مساعد اولمدينى امورى انكار ايتمك دن زياده سيله اجتناب ايتلك واجب و لازمدر.

ناشر علم اولنلرك اقوالى افعالنه مخالف اولماق لازمدر. اقوالى، افعالنه مخالف اولان كيسه لر دن هر كس تنفر ايدر. چونكه اكثر اشخاصك نظر دقتلى، قائلك احوالى جهتنه مصروفدر. اگرچه محققين و عقلا، قائلك قولنه نظر ايدرك قائلك حاله نظر ايتمز ايسده بو مثللو ذوات، جمعيات ايچنیده نادر الوجود اولور. بو حالده ناشر علم اولان ذاتك قولى فعلنه موافق و صفات ممدوحه ايله متصف اولسى لزومى ظاهردر.

عالم اولان ذات ايچون حال اتقاده اولمق يعنى شرع شريفه تماميله تطبيق افعال و حرركات ايتمك لازمدر. ناشر علم اولنلرك حال اتقاوزه اولملى متعلم لرجه ظاهراً و معنأً استفاده كامله حصوله باعئدر.

معلم و مدرس اولان ذات ايچون وقت تعليم و تدريسده كظم غيظ ايتلك يعنى زمان تعليمده حاصل اولان غضب و حدتتى بر صورتله اطفا و تسكين ايتمك و هزل ياتدن و مبالاسز طور و حركتدن و ضحك و خنده كبي احوال دن اجتناب ايتلك لازمدر.

معلمك فهم و درايئتى امتحان قصديله لطيفه مشروعه ايتمكده حذر اولمدينى علمى كرام جانبندن بيان بيورلمشدر.

علمده مجادله و حق قبول ايتلك خصوصنده مكابره ايتمك اصلاً جائز اولمدينى كبي كرك تعليمده و كرك بحث و مناظره ده بر علمى بر علمه ادخال ايتمك دخى جائز دكلدر.

صغارى يعنى صغير السن اولنلرى تعلم علمه و سيما حفظ و ازبره تشويق و ترغيب ايتلك و صغاره فهم و ادراك لرنيك تحملى درجه سنده تعليم علوم ايتمك و مبتدى اولنلره ارائه

بحث

(۲۲)

﴿ شروط نشر علوم ﴾

معلوم اولدینی اوزره نشر علم ایتمک، عبادتک افضل و اشرفی در.

ناشر علم اولان ذاتک مشفق و ناصح اولسی و طلبه علمی اخلاق ردیده دن و فوق الاستحقاق نائل شرف اولمق شوق و املندن و فوق الطاقة اشتغالدن زجر و منع ایلسی و تحصیل علم ایله ریاست و مباهات قصد و امل ایدن طلبه یی او مثللو امللرندن زجر و منع ایتمیوب ریاست و مباهاتک انجق علم و کمال ایله حاصل اوله جغنی بیان ایله متعلملری تحصیل علم و کماله تشویق و ترغیب ایتمسی نشر علمک آدابندن در. جناب حق، ریاستی علم و شرعک حفظی ایچون خلق ایتمشدر. بواجلدن «لولا ریاسته لبطل العلم» دینلشدر که مالی «ریاست اولسیدی متاع علم، بازار ترقی و اعتبارده رواج لایقی بولمز ایدی» دیکدر. متعلمک، زجر و منعی واجب اولان شیدن زجر و منع اولنسی قصد و مراد اولندقده زجر تصریحی جهتی اختیار اولنمیوب زجر تعریضی ایله اکتفا اولنمق نشر علومک جمله شرائط و آدابندن در. طالب علم اولنره، ابتدا دین و دنیالرنجه اک زیاده محتاج اولدقلری علملر تعلیم اولنمق و امر تعلیمده مراتب عقول و استعدادده کوره احسن ترتیبه رعایت ایلمک و حائز مرتبه رشد و استعداد اولنلردن کتم علم اولنماق و نا اهل اولنلره تعلیم و اشاعه ایله اضاعه علم ایلمامک نشر علومک جمله شرائط و آدابندن در.

فمن منع الجهال علماً اضاعه

ومن منع المستوجبین فقد ظلم

بیت مذکورک مالی اوزره نا اهل اولنلره علم ایله سماحت اولنسی علی اضاعه ایلمک اولسلیله شرعاً مذموم اولدینی کبی قابل علم اولنلردن دخی علمک کتم اولنسی او مثللو کیمسه لر حقنده ظلم ایلمک اولسلیله بو دخی شرعاً مذموم در.

ونده حضور و سماعه توقف اتمیوب نفعاً بونلردن اعمّ و اشرف اوله‌رق نوع انسانه مخصوصدر. بوسیدن ناشی متعلم اولان ذاتک انواع خطوطدن هج اولمز ایسه برنوع خطی کوزلجه یلسی اهم و الزمدر. چونکه «خط» و «قرائت» ایله اثر نوعیت ظاهر اوله‌رق انسان، شو اثرک بالفعل ظهوریله سائر حیواناندن کسب امتیاز ایدوب انکله حفظ علوم و کالات ایدر، وبر زماندن دیگر زمانه اخبار و حوادث و وقایعی انتقال ایتدیرر.

طبیعت انسانیه‌نک قرائت و کتابته حد ذاتنده قابلیت مسلم ایسه‌ده تحصیل ملکه ایچون سعی و غیرت لازمدر. اشبو سعی و غیرت، اهل و ارباندن اخذ و تعلم ایله تمرّن و تدرّب ایتمکن عبارتدر.

انسانده بالقوه موجود اولان فضائل و کالات، علوم و صنایعه تدریجاً حاصل اولان معلومات ایله قوه حالندن قوریتیلور و معقولات و محسوساتی ادراک ایتمکه ملکات راسخه حاصل اوله‌رق او فضائلدن تامیله استفاده اولنور. ماهیت انسانیه‌ده وجودی قوه حالنده اولان کالاتک بالفعل حاصل اولمسی الحقیق تعلم و اکتسابه توقف ایدر. بو حالده شرف و فضائل، تعلم و اکتسابک نتیجه‌سی اولور.

علمدن و تعلیم و تعلدن مقصود معرفة‌اللهدر. معرفة‌اللهک غایه‌الغایات و رأس انواع سعادات اولدینی جمله‌نک معلومی‌در. بوکا «علم‌الیقین» تعبیر اولنور که اصحاب کراماندن اولان مشایخ صوفیه بو علمه اختصاص و انتساب ایلشور و علومدن مقصد اقصی معرفة‌الله اولمغله بو مسئله‌ده ذهن کشای بحث و ترغیب اولمشلردر.

سلفدن مروی اولدینی اوزره اکثر ذوات کرام حضراتی کندولرنجه مقصد اقصی و مطلب اعلی حاصل اولدنده علوم ایله اشتغال ایتمکی ترك و تعطیل ایلمشلردر.



بحث

(۲۱)

﴿ ادب تعلم ﴾

ماهیت انسانیّه بالقوه موجود اولان مزیت و فضیلت، علم و معرفت ایله وجودنمای حصول اولور.

جناب حَقِّک ماهیت انسانیّه و دبعه بیوردنی فضیلتک ظهورینه وسیله اولان آداب علومک اکتسابدن روگردان شوق و اقدام اولمق کبی اقبج برشی اولمدینی جهتله رسول اکرم صلی الله تعالی علیه وسلم حضرتلری علمک اکتسابنه خلقی تشویق و ترغیب بیورمیشلردر.

انسان، تعلم علمه قابلدر. چونکه انسانک سائر حیواناتدن تمایز ایتسنه سبب اولان فکری، بالطبع ادراکات و معلوماتک تحصیلنه راغب اولمسیله انسان، کندوسنجه حاجت کوردیکی علملردن باشلایوب و احداً بعد واحد تحصیل ایدرک و امر تحصیلده ترک اهمال و تکاسل ایلهرک فضائل انسانیّه بوصولته حاصل ایدر و ماهیتنده بالقوه موجود اولان استعداد و فضیلتک قدرینی تقدیر ایتیانلر دخی فکرلرینی تحصیل احتیاجلری امرنده اتعاب ایتیموب او شرفدن محروم اولورلر. چونکه شرف و فضیلت انجق تحصیل کمالات ایله وجوده کلور.

امر تعلیم و تعلم امور ذهنیه دن اولوب وقایع زماندن مستفاد و متحصل اولان علمه «علم تجربی» و اعمال فکر و نظر ایله حصوله کلان علمه دخی «علم قیاس» اطلاق اولنور. بعض اسبابدن ناشی قدما، علمی مشافهه تعلیم ایدرلر ایدی. مرور زمان ایله کوریلان لزوم و احتیاجه مبنی تدوین علومه صرف نقود همت بیورلمیشدر:

معلوماتک جمله سی امور ثلثه ایله معروف اولور. امور مذکورده دن اولکیسی «اشارت» و ایکنجیسی «لفظ» و اوچنجیسی «خط» در.

«اشارت» مشاهده یه، «لفظ» حضور مخاطبه و سماعه توقف ایدر. خط، نه مشاهده یه

ایتمک لازمدر. بوجهته علوم عربیه ایله کثرت توغل، ذاتی مقصود اولان علومک جمله موانعدن عد و شمار اولندی.

اصول و فروعی ایله تحصیل علوم ایتمک اگرچه زحمتلی کورینور ایسهده حصولنده زحمت چکیلان شیئک، انسان ایچون باعث شرف عظیم اولهجنی مسلمدر. الیوم اثار علیهلری منابع استفاده اولان ذوات کرام حضراتی، حائز اولدقلری اوبیوک شرفلری، حضور راحت ایله حاصل ایتیوب مالاً و بدنآ پک چوق فداکارلقلر اختیار وصیف وشتا زحمتلرینه وانواع مشکلاته تحمل ایله بلاد بعیده بی کشت وکذار ایدرک مشاهیر علمایه ملاقات شرفی ایله تکمیل علوم و معارف و تحصیل کالات ایلدکن صکره دخی تضييع اوقات ایتمکی تجویز بیورمیوب برطرفدن نشر علوم و فنونه و دیگر طرفدن اخلافک استفاده لری ایچون امر تالیفاته صرف تقود همم بیورمشلردر.

ایشته علومده کسب ملکه و مهارت ایتمک و علوم ایله تهذیب ذات و صفات و تربیه افکار ایلمک و اخلافه اثار علیه براقق صور مشروحه ایله حاصل اولهجنی غیر خفی در.



اصول شرعشریفه مخالف اولان علومك مطالعهسی، انجق ردّ و تزییف ایچوندر. علوم فلسفه، مساعدۀ ذهن و زمان ایله حاصل اولوب شومساعده مفقود اولدوقده مبدأ و معاد و معاملات و عبادات و اخلاق و عادات علمری ایله اکتفا اولنق اولی در.

§. — ۱۰ اقران و امثال ایله مذاکره و مناظره دخی تحصیل و تعلک شروط معتبره سندن در. چونکه «نهال علمك سبب نامسی آب زلال مذاکره و مناظره در» دیو علمای کرام جانبندن بیان بیورلمشدر. لکن مذاکره و مناظره نك طلب ثواب و اظهار صواب مقصدی ایله اجراسی مشروطدر. طبع سلیم اصحابندن اولنر ایله اجرا اولنان مذاکره قلیله نك فوائد کثیره بی متیع اولدینی مسلمدر. طالب علم اولان ذات ایچون دقیق علیعه ده تأمل اولمق و تأملی اعتیاد ایتمك لازمدر. چونکه تأمل و تفکر ك فوائد علیه حصولنده و کشف مشکلات خصوصنده اولان محسناتی منکر دکلدر.

§. — ۱۱ علمه جد و همت دخی شرائط تحصیلدن در. انسان، جناح جد و همتی ایله شواحق کمالاته طیران ایدر. علمی ضبط و قید ایتمك و برکونك مشغولیت علیه سنی فردایه عوق و تأخیر ایلامك و مسائل علومدن تحریر ایلدیکی شیرلی حفظ و ازبر ایلمك جمله جد و همتدن در.

§. — ۱۲ مراتب علومه رعایت دخی شروط تحصیلدن در. هر بر علم ایچون حد و مرتبه اولدیغندن مراتب عمومی بیلمك و هر بر علمك حدینی تجاوز ایتمامك لازمدر.

§. — ۱۳ شرائط تحصیلك بریسی دخی علوم آیه در. معلوم اولدینی اوزره علوم متداوله ایکی صنفه منقسم اولوب بر صنفی علوم شرعیه و حکمیه کبی ذاتی مقصود اولان علومدر. دیگر صنفی دخی علوم عربیه و علم منطق کبی ذاتی مقصود اولیان علملردر. ذاتی مقصود اولیان علملره علوم آیه اطلاق اولنور. اشبو علوم آیه، علوم شرعیه و حکمیه نك وسیله حصولی در. علوم مقصوده ده توسیع کلام و تفریع مسائل و استکشاف دلائل ایتمکه ملکه نافعده حصولنجه فوائد کثیره اولدینی انکار اولنه مز. اما علوم عربیه ذاتی مقصود اولان علومدن معدود اولدیغندن انده اوقدر توسیع کلام و تفریع مسائله حاجت یوقدر. علوم عربیه ده طلب تجرر ایتمك و نحو ایله عمری محو ایلمك جائز اولیوب طالب علم اولان ذاته علوم آیه دن حصول مقصوده کافی معلومات استحصالنندن صکره افکار و اهیه ایله تضییع اوقات ایتمیوب ذاتی مقصود اولان علمی تحصیله مباشرت

§ ۸ — تدرّس اولنان بر علمك اخره تعليم وتفهم صورتسده وياخود صورت اخره تكرار ايدلسی و او علم اوزرينه تأليف اولنان كتب مفیده نك مطالعه سی ايله ملكه راسخه حصوله اهتمام و اعتنا اولنسی شرائط تحصیل جمله سندن اولديغی کبی طالب علمك تدرّس ایلدیکی علمه حاصل اولان ملكه سندن زیاده کندوسی ایچون ملكه حصوله امکان اولماق اعتقادنده بولنسی دخی نعمت علمدن محرومیتك اسباب قویه سندن معدوددر .

§ ۹ — فنونك اغراض و مقاصدینه نظر اولنهرق برفنك مسائل مجموعه سی ویا اکثر مسائلی اجمالاً بعدالمطالعه طبیعت، اخر فنك مطالعه سینه میل ایدر ایسه انك دخی تحصیلنه قیام اولنسی و مائل دكل ایسه او یولده اختیار زحمت اولنماسی شرائط تحصیل جمله سندن در . چونکه ناسك جمله سی تعلّم و تحصیله قابل و صالح اولدیغی کبی بر علمك تعلّم و تحصیلنه قابل و صالح اولنرك جمله سی دخی کافه علومك تحصیلنه قابل دكلدر . اکر طالب علم اولان ذات، موافقت اسباب و مساعدۀ ایام ايله بالجمله فنونده تجرّ ایلک طلبنده بولنور ایسه علومك کافه سی یکدیگرینه متعاون و بعضیسی بعضیسنه مرتبط اولسیله او مثللو املك حصولی درکاردر . لکن بر علمه ملكه نافع حاصل اولوزدن اول دیکر علمك تحصیلنه قیام و مباشرت اولنحق علومك جمله سنده تجرّ ایلک املنك اسباب مانعه سندن و جمله علومدن محرومیتی ایجاب ایدن احوالندن در . بر علمه میل و رغبت و اخر علمره عداوت ایتمك مقتضای جهالتدن اولوب انسانه واجب و لازم اولان شیء هر علمدن و هر فندن بر مقدار معلومات حاصل ایتمک سعی و غیرت ایلکدر . کذلک بعض علمی مذمت ایلک دخی جائز دكلدر . بعض کیسه لر هر علمك اصل و میزانی و هر ذهنك سبب انجلاسی اولان علم منطق ايله علی الاطلاق علوم حکمییه ذم ایلدیله و علم نجومك بعض اقسامی فرض کفایه و بعض اقسامی دخی مباح اولدیغی حالده انك دخی مذمتنده بولندیله و مقالات صوفیه یعنی قلوب مطهره اصحابندن اولان اهل حالك اقوالنی دخی هدف تعریض ایلدیله . حال بوکه بو مثللو ردّ و انکارك هیچ بریسی جائز دكلدر . او مثللو بعض علمی ردّ و انکار ایدنلرك زعمه کوره علم، فی نفسه مذموم اولسه بيله تحصیل فوآئندن خالی دكلدر . او فوآئندك بریسی مذموم اولان علمك قائلنی ردّ و انکار قضیه سندن عبارتدر . (تنبيه) علوم فلسفه نك مطالعه سی ایکی شرط ايله حلال اولور . (شرط اول) عقائد اسلامیة دن غافل اولماق و علوم شرعیة ده اصحاب رسوخدن اولمقدر . (شرط ثانی) علوم فلسفه ده قواعد شرعیة یفه مخالف مسأله تصادف اولندقدّه تجاوز اولتیوب او مثللو مسائل مخالفه نك ردّ و تزییفنه اعتنا ایلکدر . چونکه

تقليله نه قدر دقت اولنسه علمدن او نسيته حظ و نصيب حاصل اولور. چونکه شمس فکر، سحاب اشتغالات خارجيه التنده احتجاب ايتدجه ادراك حقايق ايلك شب مظلمه ذراتي کورمک کي مشکلدر.

§ ۵ — شرايط تحصيلدن بريسي دخی ترك كسلدر. اسباب كسلدن بري موت وفوتك ذكري ايله اندن حاصل اولان خوف وحذردر. حال بو كه تذكر موت، جمله اسباب تحصيلدن اولمغه سزادر. چونکه اخرت ايچون تهيات، علم ايله عملدن بشقه بريسي ايله حاصل اولمغز. بو حالده اخرت وموته مستعد بر حالده بولمق ايچون علمك تعلمه وعلم ايله اعمال خيرهده بولمغه سعی و غيرته قصور ايتماك لازمدر. بوسورته موت وفوتده فرط خوف ايله ذكر اولنان استعدادك حصوله دقت واعتنا اولنماق مادهسي كارعاقل اولمغز. موتك كثر ذكري لذات فانيهك انقطاعه سبب اولوب لذات باقيهك انقطاعه سبب دكلدر.

§ ۶ — شرايط تحصيلدن بريسي دخی مدت عمرک اخرينه قدر تعلم علم ايتمه عزم و نيت و تعلمه ثبات ايلکدر. تحصيل علمه صرف اوقات اولنمك چارهسي علما جانبدن بوجه آتی بيان اولنمشد. شوبله كه بر علم ايله اشتغالدن ملال حاصل اولدقه اخر علم ايله اشتغال اولنمسي لازم كلور. نهكيم «ابن عباس» رضی الله تعالی عنه حضرتلرينك متعلينه تعليم علوم ايله اشتغالدن كندولرنده ملال حس ايلدكلى زمان شعرا ديوانلريني طلب بيوردقلري مرويدر.

§ ۷ — شرايط تحصيلدن بريسي، تعلم علم ايچون متقى و حسيب و كبير السن معلم ناصح اختيار اولنمقدر. اوائل زمانده طلبه علومك معلم و استاذ بولمق ايچون اقصى بلاد بعديه سير و حرکت ايتلمري او مقصده مبنی ايدى. چونکه متعلم اولان كيسهيه اولاً استاذندن سؤال اولنور. متعلم اولان كيسه بر ذات جليل الصفات بولوب تحصيل علومه صرف اقدام ايلك و او ذات حقنده تعظيمات لازمه و احترامات لايقهده بولمق و اوامر و نصايحي حسن تلقى و قبول ايدوب رد ايله مقابله ايتماك و استاذينك حقوقنى ابوينك و سائر مسلمينك حقوقدن مقدم ييلك و اساتده كرامك اولاد و متعلقانى ايله جیرانى حقارنده دخی رعایت و احترامده قصور اولنماق جمله آداب علميدن در. بو آدابه عدم رعایت، نعمت علمدن موجب محرومیت اوله جنی علمای کرام جانبدن قطعياً بيان بيورلمشدر.

بحث

(۲۰)

﴿ شرائط تحصیل علم ﴾

§ ۱ — ۱. علمك اكثر شرائط تحصيلي، حكيم مشهور «سقراط» دن نقل و روایت اولنان كلامده اجتماع ایلدیکی بعض علمای کرام جانبندن بیان بیورلمشدر. کلام مذکورک مآلی «طالب علم اولان ذاتک شابت، فارغ القلب، علمه محب، صدوق، منصف، متدین، امین، وظائف شرعیہی غیرتارک، محرّماتدن مجتنب، زمانسک رسوم و عاداتنه واقف و غیرمخالف، حسن خلق ایله متخلق، شفیق و رحیم اولسی و اکول و بی حیا و موت و فوتدن افراط درجه سنده خائف و قدر حاجتدن فضله اموالی جامع اولماسی» ماده لرندن عبارتدر.

§ ۲ — ۲. شرائط تحصیلدن بریسی دخی طالب علمک اخلاق مذمومه دن عاری اولسیدر. بو ماده شرائط تحصیلک اول و اقدمی در. علمای متقدمین، طالب علم اولنلرک اخلاقی تحقیق و تجربه بیورلر ایدی. اکر طالب لری اخلاق مذمومه اصحابندن بولورلر ایسه او مثلولره خلق اره سنده آلت شرّ و فساد اولمالری ایچون تعلیم علم ایتمزلر ایدی. اکر عندالتجربه طلبه علمی اخلاق حسنه اصحابندن بولورلر ایسه او مقوله کیمسه لره علمی تعلیم و تدریس ایدرلر و انلری اکیال تحصیل ایتمکسزین حال ناقصیت ایله صالحیورمزلر ایدی. رحمهم الله .

§ ۳ — ۳. تحصیل علمک جمله شرائطدن بریسی دخی متممک مخلص اولسیدر. یعنی متعلم اولان کیمسه نك تعلم علم ایتدکن صکره علمی ایله عمل و جاهل اولنلری تعلیم و غافل اولنلری ایقاظ و لازم کنلری ارشاد ایلک کبی نیت خیریه ده بولنسی و بعد التعلیم مظهر قبول عامه اولق و تکبر ایتمک و خلقک اموالنی برر صورتله جلب و جرّ ایلک کبی عقلاً و شرعاً مذموم و مردود اولان نیت و فکرلرده بولنماسی ماده لرندن عبارتدر .

§ ۴ — ۴. شرائط تحصیلدن بریسی دخی موانع و عواقبک تقلیل کیفیتی در. موانعک

دکدر. مثلاً علم فقه شریفه متعلق کَرَک متن و کَرَک شرح صورتندہ تألیف بیورلمش اولان کتابلرک مطالعہ سنی بر طالب علم امل ایتمش اولسه شو امل، نتیجہ بخش حسن حصول اوله مز. کذلک علوم عربیہ یه متعلق تألیف بیورلمش اولان کتابلرک مطالعہ سنہ صرف ازمان اولنسه یه عمرک مدتی رسیدہ حد ختام اولوب تکمیلأ مطالعہ کتب میسرأ اوله مز. بو یولده اولان مطالعہ سوداسی التزام مالایلم قبیلندن اوله رق علمای کرام حضراتنک ارانہ بیوردقلمی صورتندہ تعلیم و تعلّم و تحصیل فضائله مانع در.

کثرت مختصرات دخی تعلیم و تعلّمی اخلاص ایدر. یعنی الفاظ قلیله ایله مسائل علومی حاوی اولان کتابلر موانع تحصیلدن عد و اعتبار اولندی. بومثللو کتابلرک مبتدی اولنلره فہمی عسیر و غیریسیردر. «ابن حاجب» ایله «ابن مالک» و متأخرین علمادن اکثر ذوات کرام، امر تألیفانده طریق اختصاره ذاہب و سالک اولمشلر ایسده شو مسلک، مبتدی یه مورث عسرت اولمشدر. اومثللو مختصر کتابلردن حاصل اولان ملکہ، موضوعات بسیطه دن یعنی کتب مطولہ دن حاصل اولان ملکہ کبی تمامیتی حائز اولیوب ناقص و قاصر در. کتب مبسوطه، مسائلک کثرتله تکرر ایتمسی و عبارتنک ضیق اولماسی کبی فوائدی حاوی اولدیغندن بویله بسیط اولان کتابلردن طالب علم ایچون ملکہ تامہ حصولی درکاردر. اگرچه مختصر کتابلرک تألیفی، حفظک تسہیلی غرضنه مستند ایسده شو غرضه علوم دن مطلوب اولان ملکات نافعه حصولی فدا ایلمک موافق حکمت کوریلہ مامشدر.



بحث

(۱۹)

﴿ موانع تحصیل علم ﴾

هر امر خیر ایچون بر موانع اولدینی حالدہ تحصیل علوم ایچون موانع کثیره بولندیغی مسلدر .

تحصیل علومک موانع وعوائق ، زمان مستقبله و ذکایه اعتماد اولنحق و بر علم تحصیل اولنحقسزین اخر علم تعلم ایدلک و بر کتاب ختم ایدلکسزین اخر کتاب دست تدرّس ومطالعهیه النحق وشدتله ضرورت واحتیاج ایچنده قالمق ومتعلم نزدنده مطول ومختصر پک چوق کتابلر بولنحق ماده لرندن و بونلرک امثالی شیلردن عبارتدر .

زمان مستقبله اعتماد ایلک عاقل ایچون لایق دکلدر . چونکه هر کون ایچون اوکونه مخصوص مشاغل واردرکه بر کونک مشاغلنی فردایه تعویق وتأخیر ایلک جائز دکلدر . ذکایه اعتماد اولنحق دخی اثار جهالتدندر . چونکه اذکیادن پک چوق کیمسه لر قوه ذکارینه اعتماد ایتک سببی ایله تحصیل کالات علیه ایدهمدیلر .

بر علمده کسب معلومات ایتزدن اول اوعلی ترک ایله اخر علمک تحصیلنه قیام اولنحق کافه علومدن محرومیته باعثدر . برکتابدن اخر کتابه انتقال ایتک دخی اوقیلدندر . امر تعیشده شدتله حال مضایقهده بولنحق تحصیل علم وکالك اک بیوک موانعندندر . چونکه بویله حال ضرورته دوچار اولنلر دائماً مهموم ومشغول القلب اولمقدن خالی دکلدر .

تقلد اعمال دخی تعلیم وتعلمک موانعندندر . چونکه دنیانک توجه ایتسندن وامور وجهور درعهده اولنمسندن طولایی حاصل اولان مشاغل کثیره تحصیل علم وکاله مانعدر . علومده کثرت مصنفات وتعلیمده اختلاف اصطلاحات ، طالب علوم اولنلری تحصیلدن مانعدر . چونکه عمر انسان برفه دائر تألیف اولنمش اولان کتابلرک مطالعهسنه بیله کافی

حفظ و ازبر ایله ملکه علیه حاصل اولسه بیه او مثللو ملکه تامیتی حاز اولیوب ملکات قاصره قیلندن در. «ملکه علیه دن مقصود، حفظ و ازبر در» ظن و ذهابنده بولناندر، فکر و ذهابلرنده غیر مصیب اعتبار اولمشدر. تعلم علوم دن مقصود انجق ملکه استخراج و ملکه استباطدن و دلائل دن مدلولاته سرعت انتقال دن عبارتدر. ملکه استحضاردن عبارت اولان حفظ و ازبر، ملکه استخراجه انضمام ایلدکده غایتله مقبول و معتبر اولدینی و یالکز حفظ ایله علمده مطلوب اولان ملکه استباطیه نك حاصل اولیه جنی درکاردر. حفظ و ازبر، اسباب استحضاردن عبارت اولوب قوه حافظه نك جودت وضعفنه عائد و راجع اولور. شوضعف و قوت، امرجه خلقیه نك احوالندن در.



بحث

(۱۸)

﴿ ملکه علم ﴾

معلوم اولدینی اوزره علمده تفنن ایتک، قواعد علیهنک ضبط واحاطه سنده و مسائل علموه و قوف خصوصده و اصولندن فروغنک استخراج و استنباطنده ملکه راسخه حصولی ایله میسر اولور.

ملکه دینلان شی، فهمک غیری در و ملکاتک جمله سی جسمانی و جسمانیاتک جمله سی محسوس در. بو حالده تعلیمه حاجت مس ایتسیله علوم، صناعی اولور. بو اجلدن علمک جمله صناعتدن اولمنسک سند و دلیلی معتبردر.

علم و صنعت تسمیه و تعبیر اولنان شیرکک جمله سی ملکه نفسانیه دن عبارت اولور. علم، جان و لسانه مختص اولور و صنعت دخی خیاطه کی بنان ایله عمله حاجت مس ایدر. بعض علمای کرام حضراتنک بیاننه کوره ذکر اولنان ملکه یه مالک اولان کیسه ایچون حاصل اولان معلومات یا استقراء و تتبع و یا نظر و استدلال ایله اولور.

استقراء و تتبع ایله حاصل اولان معلومات، علم نحو و صنائع و فصاحت و بدیع مثلودر. نظر و استدلال محسولی اولان معلومات دخی علم کلامدر.


مارالذکر ایکی صورته حاصل اولان معلوماتک اولکیسنه «صناعت» و ایکنجیسنه «علم» تسمیه اولنور.

«علاءة زمحشری» تفسیر کیرینک اولنده بونک عکسفی اختیار ایدرک معانی ایله بیانه «علم» تعبیر ایدوب علم کلامه «صناعت» تسمیه ایلدی. بو مجتهده ده بعض اقوال مختلفه وار ایسه ده ذکر و بیاننده فائده تصور اولنه مدیغندن ایراد اولنمدی.

معلوم اولدینی اوزره علمی حفظ و ازبر ایتکک سعی و غیرت ایدنلر، علمده تحصیل ملکه ایتکک صرف همت ایدنلردن اکثردر. حال بوکه تعلم علومدن مقصد، علومده ملکه راسخه و نافعهنک حصولندن عبارتدر. علمی حفظ و ازبر ایتککله ملکه تامه حاصل اولنر.

حدیث شریفندہ ذکر وتعداد بیوریلان فرائضدن عبارت اولمق اوزره بیان بیورلمشدر .
 ذکر اولنان حدیث شریف، «توحید» و «صلاة» و «ذکات» و «صیام شهر رمضان»
 و «حج البیت» فرضلرینک بیانندن عبارت اولوب فرائض مذکورہ کافہ مسلمین اوزرینہ
 فرضدر . بوسورت اکابر علمادن «الشیخ ابی طالب المکی» حضرتلری جانبندن اختیار
 بیورلمشدر .

بعض علمای کرام حضراتی جانبندن ذکر اولنان فرائض خمسک وجوبی انجق بقدرالحاجه
 اولدینی علاوه بحت اولنہرق «برکیمسه ضحوۃ نہارده بالغ اولسه اوکیمسه ایچون جناب حق
 صفاتی ایله استدلالاً بیلک وکلمۃ شہادتی معناسی ایله برابر تعلم ایتک واکر وقت ظہرہ قدر
 برحیات اولور ایسه احکام طہارت واحکام صلاتی كذلك تعلم ایتک واکر شهر رمضانہ
 قدر برحیات اولور ایسه احکام صومی وماله مالک ایسه کیفیت ذکاتی اوکرنمک واکر
 استطاعت حاصل اولور ایسه احکام حج ومناسکی تعلم ایتک فرض» در دیو بیان ایله بوسورتک
 فتاوی تاتار خانہدن نقل اولندیغنه اشارت بیورلمشدر .



ایله قوانین استنباطیه و قیاسیه‌نک و علم کلامک و وضعه لزوم کورنمش و بونلر جمله صنائع تحتہ ادخال ایدیله‌رک کافه‌سی محتاج تعلیم بولنمش ایسه‌ده علوم مذکورہ‌نک تعلیم و تعلمه قوم عربک اوزمانلرده‌کی حال بدوتی مساعد اولدینی جهته علوم مذکورہ بالضرور مدنی و حضریلره کسب اختصاص ایش و اوزمانلرده حضریلر، قوم عجم ایله سائر اهل حواضردن عبارت بولنمش اولمسیله حضریلر علوم و فنونده او عصرلرده بدویت حالده بولنانلردن زیاده ترقی ایتشدر. بوجهته علم نحوک اکثر مشاهیر ائمہ‌سی ایله حدیث شریفک علم و حافظلری و اصول فقہک علماسی و علم کلامده حاذق و ماهر اولان ذوات کرامک جمله‌سی و اکثر مفسرین عظام حضراتی ایله سائر علوم و فنون احبابی اولان مشایخ و مشاهیر کرام حضراتی جمله اهل حواضر و اهل فارس ایدی.

علوم عربیه، علوم شرعیه‌نک مفتاحی و وسیله تحصیل اولدینی کبی علوم عقلیه و حکمیہ‌نک دخی وسیله تحصیلدر. چونکه علوم عقلیه و قتیله علمای اسلامیہ جانبندن لسان عربییه مکملآ نقل و ترجمه و لشم و بلاد اسلامیده حکمیات و عقلیات دخی زیاده‌سیله ترقی ایتش اولمسیله علوم حکمیہ‌نک تحصیل دخی علوم عربیه‌نک تحصیلنه توقف ایلشدر.

لسان عربینک ارکان اصلیه‌سی درتدر. بریسی «علم لغت» و دیگر «علم نحو» و دیگری «علم بیان» و دیگر بری دخی «علم ادب» در. اشبو ارکان اصلیه‌یی بیلک ضروریدر. چونکه احکام شرعیه‌نک مأخذی: لسان عذب البیان عربی اولغله اکا تعلق ایدن علومی تعلم ایتک لازم و واجبدر.

علوم عربیه‌نک اهم و اقدمی، علم نحودر. حدیث شریفده شرفوارد اولدینی اوزره بالجمله مکلف اوزرینه تعلیمی فرض عین اولان علمک تعییننده بین العما اختلاف اولدی.

مفسرین کرام و محدثین ذوی الاحترام حضراتنک قولنه کوره فرض عین اولان علم، «علم کتاب» و «علم سنت» در.

فقہای کرام حضراتی دخی فرض عین اولان علمی، «علم بالحلال والحرام» ایله تفسیر و بیان بیوردیلر.

متکلمین یعنی عقائد علماسی جانبندن فرض عین اولان علم، «علم توحید و صفات» دیو بیان بیورلش و اهل تصوف جانبندن «علم قلب» ایله و اهل حق جانبندن «علم مکاشفه» ایله تفسیر اولنمشدر. اما حقیقت حاله اقرب اولان صورت «بنی الاسلام علی خمس»

سنت سنیہ نك رسول محترم صلی اللہ تعالیٰ علیہ وسلم حضرتترینہ صورت اسنادندن و خبرترینہ وثوق و اعتماد حصولی ایچون سنت نبویہی نقل و روایت ایدن ذوات کرام حضرتانك احوالندن باحث اولان علم دخی علم حدیث شریفدر.

احکامك اصولندن صورت استنباط و استخراجی اراہ ایدن علم دخی علم اصول فقہدر. احکام آہیہ و قوف و معرفت ثمرہسی اولق اوزره افعال مکلفینہ متعلق فروعات شرعیہدن باحث اولان علم، علم فقہ شریفدر.

تکالیف شرعیہ، افعال خارجیہ تعلق ایلدیکی کبی افعال قلبیہ دخی تعلق ایدر. افعال قلبیہ تعلق ایدن تکلیف، ایمان و اعتقادی واجب اولان شیرہ اعتقاد ایتکدر. بوده جناب حقك ذات و صفاتنه و نبوت و آخرتہ و قدرہ تعلق ایدن عقائدن عبارت اولوب عقائد مذکورہنك ادلہ عقلیہ و براہین ایله اثبات و استدلالندن باحث اولان علم، علم عقائددرکہ بوکا علم کلام دخی تعبیر اولنور.

قرآن عظیم الشان ایله حدیث شریفہ علم حصولی، علوم عربیہده مهارت کاملہیہ متوقف اولسی علوم عربیہنك تقدّم تعلّمه باعث و علت اولمشدر. علوم عربیہ دخی علم لغت، علم نحو، علم بیان و بونرک امثالی عملردن عبارتدر.

علوم شرعیہ، ملت اسلامیہده پك زیادہ مظهر ترقی اولمش و بویولده علمای کرام حضراتی ایله سلاطین عظام جانبندن پك چوق فداکارلقلر اختیار بیورلمشدر.

قوم عرب، بدایت اسلامده ودها اول زمانلرده علم و صنعت ایله مألوف اولدقلرندن عصر سعادتدن عصر تابعینك آخرینہ قدر احکام شرعیہی منبع نبوتدن وافواہ اصحاب کرامدن اخذ و تلقی و ضبط و حفظ ایله امور دینیہ و دنیویہلرینی بوصورتله حسن اداره ایدرک امر تعلیم و تدویندن استغنا حالنده اولورلر ایدی. مؤخرآ تفاسیر قرآنیہنك وضعنه و احادیث نبویہنك تفسیدینه و معرفت اسانیده و تعدیل رواثہ لزوم و احتیاج کورندی. شواحتیاج، احکام شرعیہنك اختلافات زمانیه و واقعات دهریه اراسنده عدم ضیاعی مقصدینہ مبنی ایدی. ده صکره کتاب و سنتدن احکامك استخراج و استنباطی بحسب الوقعات تکثر ایلدی و لسان و لغتہ فساد و خلل طریانی امارہلری سرنمای ظهور اولهرق قوانین نحوہنك وضعنه شدتله لزوم کورندی. علوم شرعیہنك جملہسی استنباط و تنظیم و قیاسده ملکاتدن عبارت اولوب ملکات مذکورہنك حسن حصولنه مدار اولان علوم سائرہنك یعنی قوانین عربیہ

بحث

(۱۷)

﴿ علوم اسلامیہ ﴾

امصار و بلادده متداول اولان عملر، ایکی صنف اوزرینه در. (صنف اول) طبیعی، (صنف ثانی) نقلی در.

طبیعی اولان عملر، انسانک قوّه فکر و نظری ایله حاصل اولورکه اکا علوم حکمیہ تعبیر اولنور.

نقلی اولان عملر، شرعشریفک واضعندن مأخوذ اولان علومدن عبارتدرکه اولنور، علوم وضعیّه نقلیه اطلاق اولنور. اشبو علوم نقلیه نك جمله سی وضع شرعی به مستند اوله رق آنده عقل ایچون مدخل و مجال یوقدر. لکن اصولدن استنباط و استخراج اولنان مسائل فرعیده عقل ایچون مدخل و مجال وارد. چونکه جزئیات حادثه متعاقبه وضع مجرد سببی ایله نقل کلی تحتسده مندرج اوله میوب بونده وجوه قیاسه احتیاجک لزومی ظاهر در. لکن شوقیاس، خبردن تفرع ایدر یعنی اصل وضعی به مستند اولور و نقلدن تفرع ایلدیکندن نقله رجوع ایدر.


علوم عربیه، علوم شرعیه نك تابع و خادمیدر. چونکه لسان عربی، قوم عربک لسان مادرزادی اولوب قرآن کریم، اشرف السنه اولان لسان عذب الیان عربی اوزره شرف نازل اولمشر.

علوم نقلیه نك اقسامی متکثر در. هر مکلف اولان یعنی هر عاقل و بالغ اولان کیسه نك کندوسی ایله انبای جنسی اوزرینه مفروض اولان احکام الهییه ییسی واجبدر. احکام مذکورہ «نص» ویا «اجماع» ویاخود «الحاق» ایله «کتاب» و «سنت» دن مأخوذ در. بو حالده کتابدن یعنی قرآن کریمدن استفاده حصولی اولالا الفاظ شریفه سنك بیانسه متوقف اولوب بونی متکفل اولان علم، علم تفسیر شریفدر.

قرآن عظیم الشانک نقل و روایتی رسول اکرم صلی الله تعالی علیه وسلم حضرت تدرینه اساندندن وقرائنده قرآنک اختلاف روایاندن بحث ایدن علم دخی علم قرآت در.

وامور ذاتیہ لرینی رؤیت ایچون تخصیص اولنان ایام تعطیل، جمعہ و صالی کونلرندن عبارت ایکن مولانای مشارالیه حضرتلری بازار ایرتسی کوتی دخی ایام تعطیل اوزرینه ضم و علاوہ ایدرک یوم مذکورى اعظم علمای متأخریندن سعدالدین تفتازانی حضرتلرینک تألیفات شریفه سندن طلبه علومک کتابت و مطالعه صورتیه تعلیمینه حصر و تخصیص بیورمش اولدینی مرویدر.

اکابر علمدان «ابو الیث» رحمہ اللہ حضرتلرینک ذکر و بیان بیوردینی اوزره اهل علم ایچون جناب حقندن علی الدوام خوف و خشیت اوزره اولوق و مخلوق خدایه رحم و شفقت ایتمک و بلیهیه تحمل ایدوب صبری، اعتیاد ایتمک و حلی، طبیعت ایدرک تواضعی عادت ایدتمک و عفت و استقامتدن آریلوب مطالعه علوم و کتب خصوصنده دوام کوسترمک و اظهار حق و صوابده حسن حرکتله فرد آفریده ایله منازعه و مجادله و مخاصمه ایتمک و کندو اموری ایله مشغول اولوب خصندن اخذ انتقام فکر و قصدنده بولنماق لازم و مهمدر. خصمه برغم ایتمک تحصیل علم و کمال ایله حاصل اولور. علما ایچون طعام و لباسده و مکان و ائانده و کافه امورده سلف صالحین مسلکینی اختیار ایتمک لازمدر. چونکه مباح ایله تزین ایتمک اگرچه محرّماتدن دکل ایسهده امر تزین و ترقهده انهماک ایتمک دخی علما ایچون لایق دکلدر. شریعت شریفه نك بیان بیوردینی وجهله کسب و تجارت ایتمک و مکان و طعام و لباس و نکاحده حال وسطی تجاوز ایتمک جمله آداب علمیه دندر.



شعر

قل لمن لا يرى المعاصر شيئاً ويرى للأوائل التقدماً
ان ذاك القديم كان حديثاً وسبق هذا الحديث قديماً

ارباب فضل و دانش نزدنده معلوم اولدینی اوزره افکار و انظار ایچون حد معین اولیوب هر بر عالم و متعلم، افکار و انظاردن برحظ و نصیبه مالک اولغله زمان مقدر حلول ایلدکده هر کس نصیبی احراز و استیفا ایتک طبیعی اولدیغندن عقول و افکارده هیچ بر کیمسه ایله مزاحمه ایتک موافق شیئه انصاف اوله من. چونکه عالم معنوی، بحر زاهر کبی واسع اولوب فیض الهی ایچون انقطاع و آخر یوقدر :

علوم و معارف مواهب الهیه جمله سندن اولمسیله خدای متعال حضرتلرینک بعض متأخرین علمایه احسان بیوردینی کالاتی متقدمین علمادن بر جوق ذوات کرامه احسان بیورمامش اولسی مستبعد و مستنکر دکلدرد. بوسیدن ناشی «ماترك الاول للآخر» قولنه استناد و اغترار ایتک لازم کلز. بلکه قول صحیح «کم ترک الاول للآخر» قولى اولدینی بعض علمای کرام جانبندن بیان بیورلمشدر. چونکه برشی ذاتی اعتباریله معتبر اولوب یوقسه قدم و حدودی اعتباریله دکلدرد. «ماترك الاول للآخر» قولى اهل علمک تحصیل علوم جهته اولان میل و رغبتلرینی کسر ایله علومک انجق انار متقدمینه اقتضارینی مشعر اولدیغندن متقدمین علما نزدنده مظهر حیز قبول اولمامشدر .

علمای متقدمین حضراتی اصول علومک استخراج و تمهیدی ایله برحیز مخصوص احراز ایتمش اولدینی کبی علمای متأخرین دخی تفریع اصول ایله کسب شرف اشتهار ایلشدر .

بعض علمای کرام حضراتی جانبندن «هر بر حکمتک واضعی و هرادبک مؤلفی طبقات علمانک اخی در وانلرک اثرلری لفظاً اهدب و لغةً اسهل و مذاهباً احکم و طریقهً اوضح» در دیو بیان بیورلمشدر .

اعاظم علمای اسلامیه دن و زمره متأخرین کبارندن علامه سید شریف جرجانی حضرتلرینک مؤلفات برکزیده لری علامه روم خواجه زاده مرحوم جانبندن هر آن مدح و ستایش ایله یاد اولدینی مرویدر. صحیحاً سید شریف حضرتلرینک تألیفاتى، علمانک اکبیرک مرجع استفاده سى اولمش اولدینی متفق علیه در.

اکابر علمادن مولانا شمس الدین فناری حضرتلرینک زمانه قدر طلبه علومک استراحت

بحث

(۱۶)

﴿ مؤلفین اسلامیہ تک اقسام و احوالی ﴾

اصحاب علم و کمال معلومی اولدینی اوزره تصانیف معتبره ارباندن اولان مؤلفین کرام حضراتی ایکی فرقیه منقسم در .

فرقه اولی، علومده ملکه تامه و درایت کافیه و تجارب وثیقہ و رأی صائب و فهم ناقب اصحابی اولوب بومثللو رجال کرام حضراتنک تصانیفی قوه تبصره و نفاذ فکر و سداد رأی محصولی اولسلیله حازر اعتبار و اشہاردر . فرقه مذکورہ « نصیر » و « عضد » و « سید » و « سعد » و « جلال » و امثالی ذوات معتبره اولوب مشار الیہمدن ہر برینک مؤلفاتی کرک من جهة الالفاظ و کرک من جهة المعانی علما و فضلا جانبندن مظهر حسن قبول اولمشدر .

فرقه ثانیہ رجال کرامی دخی افکار ناقبہ اصحابندن اولوب کتب معتبرہدن استنباط و استخراجہ موفق اولدقلری مسائلی ترتیب و تہذیب ایلہ اولباندہ مصروف اولان ہمت علیہ مخصوصہلری ، اخلاف ایچون شاہراہ استفادہ اولمشدر . بومثللو ذوات کرامک بعضیلری تألیفات علیہسنی افادہ ایچون یامیوب استفادہ خصوصیلرینہ منحصر اولمق اوزره تحریر و ترتیب بیورمش اولدقلری حالہ تألیفات مذکورہ سائر اصحاب علومک دخی استفادہلرینہ خدمت اولمشدر .

طالب علم اولنلر، فهم و ادراکنہ مقتدر اولدقلری مسائل علومی زمانک احتیاجہ کورہ تحریر و تألیفہ علمای کرام حضراتی جانبندن مآذون اولوب لکن بومثللو تألیفاتک ہر حالہ حسن ترتیب و تحریرینہ و عند المطالعہ نقصان و یا زیادہ کورلدیکی تقدیردہ تصحیح و اصلاحہ دقت و اعتنا اولندقدن صکرہ نشری مشروطدر .

زمان سابقدہ بعض ذوات جانبندن تصنیف و تألیفک لزومی انکار اولمش ایسہدہ شو انکارک اہل عصر بیندہ جاری اولان حسددن بشقہ محمل صحیحی بولنہ مامش و آتیاً محرر اولان نظم، لزوم تصنیفی انکار ایدن اومثللو ذاتک دعواسنہ جواب رد اولمشدر .

متن کتابده تصادف اولسان او مثللو نقصانلری، شرحلرده «قیل» و «ظن» و «وهم» و «اعتراض» و «اجیب» و «بعض الشراح والمحشی» و «بعض الشروح والحواشی» کبی کنایات ایله اکیال و اتمام ایتمک فضلائی متأخرینک دأب شریفلرندن در. علمای متأخرین حضراتی علمای متقدمین حقنده اعتراضی تجویز ایتمیوب تعظیبات فائقه اجراسیله ارائه طریق ادب بیوردیلر و او مثللو هفواتی ناسخینک غلطنه حمل ایله راسخین کرامک شان عالیلرینی اسناد خطادن محافظه ایلدکلری کبی بعض هفواتی دخی علمای متقدمین حضراتنک مباحثه و افادهده فرط اهتماملرینه حمل ایتدیلر. چونکه کتب متقدمینده مشهود اولان بعض هفواتک علمای کرامک حاشا عدم اقتدارلرینه حملی و جهماً من الوجوه جائز اولدیغندن اهل علومه طعن و تعریضک وجه مناسبتی اولیوب بو بابده طریق انصافدن اصلا عدول اولنماق بین العلامه آداب علیه دن عد و شمار اولنمشدر .



شروح صورت ترتیب و تحریری اقسام ثلاثیه منقسم و مختصر در.

(قسم اول) لسان عذب البیان عربی اوزره تألیف بیورلمش اولان کتابلر اوزرینه (قال) و (اقول) کله لری ایله یازیلان شرحلر درکه «شرح مقاصد» و «شرح طوالمع» و «شرح عضد» بوضورتله ترتیب بیورلمش اولان شروح جمله سندن در. اما متن کتاب بعضی شرحلرده تامیله یازیلوب بعضی شرحلرده یازلمز. بعضی شرحلرده متون کتبک یازلاماسی سببی متن کتابک بلا تفریق و بلا امتیاز شرحده مندرج و محرر اولمسندن عبارتدر.

(قسم ثانی) «قوله» کله سی ایله یازیلان شرحلر درکه «ابن حجر» و «کرمانی» حضرتلری ایله مشارالیهما امثالی ذوات کرامک بخاری شریف اوزرینه یازدقلری شرحلر اووجهله یازلمش شروح جمله سندن در. شوضورتله شرح یازمغه بدل لطف و عنایت بیورمش اولان ذوات ستوده صفات حضراتی متن کتابی التزام بیورمیوب مواضع مشروحهنک ذکر و بیانی ایله اکتفا ایتشلر در. بونکله برابر بعضی نسخ طرفندن کتابک متنی دخی یا هامش شرحده و یا خود مسطر کتابده تحریر اولنور و بونک فائده سی انکار اولنمز.

(قسم ثالث) عبارۀ متن ایله مزوج اولان شرحلر که بومثللو شرحه «شرح مزوج» تعبیر اولنور. شوضورتله مرتب اولان شرحلرده عبارۀ متن ایله عبارۀ شرح مزج اولنوب بعده متنک عباره سی شرح عباره سندن یا «میم» و یا «شین» حرفلری ایله و یا خود فوق المتن برخط کشیده سی ایله تمیز و تفریق ایدیلور که محققین علمای کرامدن اکثر شراحک امر شرحده عادت سینه لری صورت مشروحده ن عبارتدر. لکن بوضورتک عبارۀ متن ایله عبارۀ شرح اختلاطندن و غلط وقوعندن سالم اوله مدینی علمای کرام حضراتی جانبندن بیان بیورلمشدر.

کتب مؤلفیه شرح یازمق خصوصنده علمای کرام حضراتنک تعیین بیوردقلری آداب و شروططن برینسی شارح اولان ذاتک شرح کتاب خصوصنده نصرت و همتنی کمالیه صرف ایدرک شارح غیر ناقص اولمسیدر. لکن محمل صحیحنی بولمق ممکن اوله میان برشیئه تصادف اولندقدده اوشیئی یالکر تصریح و اصلاح ایله مصنف حقدده بوجهله عدم رعایتده بولنمامق لازمدر. چونکه انسان، محمل نسیان اولدیغندن خطا و نقصاندن عاری دکلددر. انسانک خطاسی حائز اولدیغنی فضائل و کمالاتک انکارینی موجب اوله منز. بوجهسته سلف ایچون تصریح طعن و تشنیع ایتکدن اجتناب ایلک مقتضای ادب خلف اولمسیه

بیت

(۱۰)

﴿ شرح کتب ﴾

معلوم اولدینی اوزره هر بر مؤلف، وضع و تألیف ایلدیکی کتابنی شرحه حاجت مس ایتمکسزین فهم معانی و مسائل اولنق قصدیله تألیف ایلمش اوله جنی طبیعی ایسه ده آتیا ذکر و بیان اولنان اسباب ثلثیه مبنی مؤلفاته شرحلر یازلمغه لزوم و احتیاج کورلمشدر.

اولا مؤلف کتابک علماً حازر اولدینی حدق و مهارت سائقه سی ایله تألیف بیوردینی کتابک عبارات لطیفه و مختصره سی معانی مطلوبه یه تمامیه دلالت ایلر ایسه ده علمه حدق و مهارت ایله جودت ذهنه مالکیت خصوصنده مؤلفک حازر اولدینی مرتبه عالیده بولنه میان ذواته اوکتابک تعلم و تلذی متعسر اولسیله شو تعسک دفع و ازاله سی مقصدیله کرک بالذات مؤلفلر طرفندن و کرک سائر علمای کرام حضراتی جانبندن شرحلر یازلمغه بذل لطف و عنایت بیورلمشدر.

ثانیاً کتابلرده وضوح دلالتنه اعتماد ایله قیاسلرک بعض مقدماتی حذف اولنق و یاخود اخر علمدن قیاسلر ایراد ایلمک و یا بعض اقیسه نک ترتیبی ترک و اهاهل قلمنق و بعض قضایانک تعلینده غفلت و قوعوبولمق سیبیلری ایله مقدمات مهمه نک ذکر و بیانی و کتابک باحث اولدینی علمه تعریف اولنسی لازم کلان مباحثک ایرادی و مقدمات و قیاساتک ترتیبی و مصنفک کوسترمدیکی علل و اسبابک ارانه سی و الحاصل کتابک تألیفندن مقصود اولان منفعتک حسن حصوله تعلق ایدن لوازمک ایراد و تذکاروی خصوصلرنده کوریلان لزوم اوزرینه علمای کرام حضراتی جانبندن کتابلره شرحلر یازلمقله مسائل علومک ازهر جهت تسهیلنه اعتنا بیورلمشدر.

ثالثاً کتب مؤلفه ده بعض الفاظک معانی تأویلیه یه احتمالی و یاخود الفاظ مجازیه و دلالت التزامیه بولنسی و بعض تصانیفده حسب البشریه سهو و غلط و قوع بولسی و بعض قضایای مهمه نک حذف اولنسی و یاخود برشینک من غیر ضروره تکرار ایلمسی کبی واقع اولان نواقصک اکمال و اتمامی ایچون شرحلر یازلمغه لزوم کورلمشدر.

(قسم خامس) مسائل متفرقه‌نك جمع وضبطی در .

(قسم سادس) مسائل مختلفه‌نك ترتیب و تهذیبی در .

(قسم سابع) سهو و خطاسی کوریلان بر کتابك اصلاحی در .

ایشته امر تألیفات ذکر و بیان اولئان اقسام دأرهنده دوران ایدر .

هر بر مؤلفك تألیف ایده‌جکی کتابك بش فائده‌دن خالی اولماسی لایق و لازمدر .

فوائد مذکورہ، اولاً مسائل مشكله‌نك استنباطی، ثانیاً مسائل متفرقه‌نك جمعی،

ثالثاً مسائل غامضه‌نك شرحی، رابعاً صورت نظم و تألیفك استحصانی، خامساً حشو و تطویلک اسقاطی ماده‌لرندن عبارتدر .

بر کتابك وضع و تألیفندن غرض و مقصود اولان شی نه ایسه زیاده و یا نقصان اولیه‌رق

حصوله کتورلمسنه و الفاظ غریبه و انواع مجاز استعمالندن احتراز ایدلمسنه و بر علمك دیگر

علمه ادخال اولنماسنه و حجت و برهان ایرادنده دور و وقوعولماسنه و حسن ترتیه و وجازت

لفظه و وضوح دلالت و اهل عصرک احتیاجی ایله متناسب اولسنه و اختصاری ایجاب ایدن

محلده تطویلاتك عدم وقوعنه و تفصیل و ایضاحی لازم کلان محلده تفهیمات و تعریفاتك

وجه لایق اوزره اجراسنه و بونلرک امثالی احواله دقت و اعتنا اولنسی امر تألیفك جمله

شرائطندن در .

هر کتابك اولنده امر تألیفده‌کی غرض و غایت ایله منفعت و براعت استهلال و علمك

نوعی و صاحب تألیفك اسمی و بحث اولئان علمك مرتبه‌سی و صورت تعلیمی ایله طریق

تحصیلی ذکر و بیان اولنلق مؤلفین کرام حضراتك عادات حسنه‌سندن در .

غرض، غایت معناسنه اولوب تصوّره مقدم و فعلده مؤخر اولور .

فائده و منفعت، طبیعتی تشویق ایدر .

براعت استهلال دخی کتابك تفصیلاتنه اجمالاً دلالت ایدن عنوان در . بو عنوان ،

بعضاً تشبیه و بعضاً الفاظ و عبارات ایله اجرا اولنور .

علمك نوعی بیان اولنلق کتابك تزیناتی جمله‌سندن درکه موضوع دیمکدر . بونك ذکر

و ایراد اولنسی کتابك مرتبه‌سی یلنمك مقصدینه میندر .

صاحب تألیفك اسمی ذکر و بیان اولنلق دخی مؤلفك قدر و حیثیتی تعین ایتمك مقصدیله در .

کتاب، بعضاً علومك بر نوعی و بعضاً دخی اجزاء علمدن بر جزئی شاملدر .

علمك مرتبه‌سی و صورت ترتیب و تعلیمی کبی شیلردن بحث اولنلق دخی فوائد کثیره‌دن

خالی دکلدر .

محت

(۱۴)

﴿ اقسام تدوین و مدونات ﴾

ارباب فضل و کمال معلومی اولدیغی اوزره وضع و تألیف خصوصنده مصنفین کرام حضرتانک اختلاف رأی و غرضلری کتب علمک تکثر ایتسنه باعث اولمشدر . لکن من جهة المعنی کتابلر ایکی قسمه منقسم و منحصر اولوب قسم اول اخبار مرسله یی و قسم ثانی قواعد علمی حاوی اولان کتابلردر .

اخبار مرسله یی حاوی اولان کتابلر کتب تواریخدن عبارتدر . اما اوصاف و امثال مقوله سی منظومات تحتده اولمسیله انلر دواین شعرا ده مجموع و مقیددر .

قواعد علمی حاوی اولان کتابلر من جهة المقدار اصناف ثلثیه منقسمدر .

صنف اول، کتب مختصره درکه بو مقوله کتابلر علومده منتهی اولنلر ایله حدت ذهنه مالک اولان بعض اذکیای مبتدینه فائده بخش اولور .

صنف ثانی، کتب مبسوطه درکه بیوک کتابلر دیمکدر . مطالعه ایچون منفعت بخش اولور .

صنف ثانی، متوسطاندرکه نه مختصر ونه ده مفصل اولوب وسط حالده اولان کتابلر دیمکدر . بومثللو کتابلرک عمومه منافع کثیره سی وارددر .

اسر تألیقات یدی قسمه اقسام ایدر .

(قسم اول) سابقا تألیف اولنماش اولان مسائلك برنجی دفعه اوله رق جمع و تألیف اولنمسیدر .

(قسم ثانی) ناقص اولان برکتابک اتمام واکمال ایدلمسیدر .

(قسم ثالث) عبارات و مسائلی مغلق و مبهم اولان برکتاب ایچون شرح یازلمسیدر .

(قسم رابع) بر بیوک کتابک معانیسی اخلاص ایدلمکسزین اختصار حاله قولمسیدر .


بحث

(۱۳)

﴿ علوم اسلامیہ تک علوم اوائل ایله اختلاطی ﴾

دولت امویہ عصرندہ علوم اوائل، نظر رغبت و اعتباردن دور و مهجور ایدی. دولت عباسیہ تک ظهورندہ خلفای عباسیہ دن ایکنجی خلیفه «ابو جعفر المنصور» زمانندہ علوم اوائل مظهر رغبت اولدی. چونکہ خلیفه مشارالیه حضرتلری علم فقه شریفده ماهر و کامل اولدینی کبی علم فلسفیه و خصوصاً علم نجومه دخی راغب و بو علملرک اهل واریانہ محب ایدی.

خلفای عباسیہ دن یدنجی خلیفه «عبدالله المأمون بن الرشید» جد اعلاسنک مسلکنه سالک و علوم اوائله پک زیاده راغب اوله رق جد اعلاسنک آچدینی طریق تحصیلی توسیع و اتمام ایتکه قیام ایله ایجاب ایدن محللردن «افلاطون» و «آرسطو» و «جالینوس» و «اقلیدس» و «بطلیوس» ایله سائر مشاهیر حکمانک کتب حکمیہ سنی جلب ایتدیره رک ماهر مترجملر معرفتیه لسان عربییه نقل و ترجمه ایتدیردکن صکره موقع تعلم و تدرسه وضع ایتمش و اهل اسلام طرفندن دخی امر تعلمه میل و رغبت اولمشدر. چونکہ زمان اولده اهل اسلامک علوم اوائلی تعلمدن منع اولمشنک سبب و علتی قواعد و عقائد اسلامیہ تک تأسس و استقرار ایتسی ماده سندن عبارت اولوب بو مقصود اینسه اوزمانلرده حاصل اولدیغندن و بونکله برابر علوم حکمیہ تک اکثر مسائلی دخی دیاناته متعلق اولدیغندن علوم مذکورہ ایکنجی خلیفه عباسیہ زمانندہ مظهر رغبت اولمغه باشلایوب یدنجی خلیفه زمانندہ دخی اسباب تحصیلیه سی استکمال اوله رق اهل اسلامدن پک چوق حکیم ذوات یتشمش و سائر فنون دخی کسب اشتهار ایتمشدر.



بحث

(۱۲)

مصنفین اسلامیہ تک اولیٰ

تدوین علم وتصنیف کتاب ایدن ذوات کرامک اولیٰ هانکی ذات کریم الصفات اولدیغنده بین العیلا اختلاف اولدی .

برروایت کوره مصنفین کرامک اولیٰ هجرت نبویه تک یوز اللی بشنجی سنه سنده عازم کلزار جنان اولان «الامام عبدالملک بن عبدالعزیز بن جریر البصری» حضرتلری اولدینی کی تاریخ هجرتک یوز اللی التبی سنه سنده ارتحال دار بقا بیورمش اولان «ابوالنصر سعید بن ابی عروبه» حضرتلرینک اول مصنفین اولدینی دخی مرویدر. شو ایکی روایت «خطیب بغدادی» حضرتلری ذکر و بیان ایلدی.

ینه مصنفین کرامک اولیٰ، تاریخ هجرتک یوز آلمشنجی سنه سنده ترک حیات مستعار ایش اولان «ربیع بن صلیح» حضرتلری اولدینی «ابو محمد رامهرمزی» حضرتلری جانندن روایت بیورلمشدر.

مشارالیه «ربیع بن صلیح» حضرتلرندن صکره «سفیان ابن عینه» و «مالک بن انس» مدینه منوره ده و «عبدالله بن وهب» مصرده و «معمر» ایله «عبدالرزاق» یمنده و «سفیان الثوری» ایله «محمد بن فضیل بن غزوان» کوفه ده و «حماد بن سلمه» ایله «روح بن عباده» بصره ده و «هشیم» واسطه ده و «عبدالله بن مبارک» خراسانده تدوین علوم وتصنیف کتب امر مهمنه صرف عنایت و بذل لطف و همت بیورمشدر. رحیم الله مصنفین مشارالیه حضرتلرینک نظر اعتنا و همتلری قرآن کریمک و حدیث شریفک معاقدی ایله معاینسی ضبط ایتک جهتنه مصروف ایدی. بعونه تعالیٰ شو مقاصد عالیله جلوه نمای حسین حصول اولدی.

بحث


(۱۱)

﴿ اسلامك اوائل احوالی ﴾

قوم عرب، اسلاميتك ظهورندن اول پراکنده و متفرق برطاقم اهلیدن عبارت اولوب بعضیلری اسب و قسراق اوزرنده طولاشه رق برر صورتله تعیش ایدرلر و بعضیلری اللرنده کی دوه و قیون و کچی سودلری ایله رفاه حال اوزره کچنورلر ایدی .

قوم عرب، حروفک صورت ترکیب و تحریرینی تیلدیکی حالده لسانلرنده کی وسعت و قوه خیالیه لرنده اولان جودت سببیه ایچلرنده مشهور شاعرلر وار ایدی. کذلک اصول مدنیه و احوال انسانیه بی هیچ بر قومدن اوکر ناماش اولدقلری حالده شجاعت و سخاوت ایله آره لرنده نامدار کیسه لر بولنور ایدی. مهمان پرورلک و غریب نوازلق اصولنه هر شیدن زیاده رعایت ایدرلر ایدی . قطع طریق ایله تعیش ایدنلر بیله خیمه لرینه کلان غربانک تلطفنده افراط ایدرلر ایدی. الحاصل فضائل انسانیه عادتلری حکمنده اولوب بو استعداد اوزره وقت کچورمکده اولدقلری حالده مشرق بطحادن طلوع ایدن آفتاب اسلام، خطه مقدسه حجازی و آز مدت ظرفنده پک چوق بلاد و امصاری ضیادار ایدرک بین الاقوام اصول اسلامیه استمرار و استقرار ایلدی .

اوائل اسلامده علمای کرام حضراتی سابقه احتیاج ایله علم احکام شریعتیه و علم لغته و علم طبه اعتنا بیوردیلر .



فروض کفایه تأکد وعدم تأکده اعصار وامصارک [۱] علمای اعتباریله اختلاف ایدر. مثلاً بربلدهده فریضه‌یی تقسیمه مقتدر بر ویاخود ایکی عالم بولنوبده یکرمی قدر فقیه اولدیغی صورتهده او بلدهده علم حسابک تعلیمی اصول فقہک تعلمدن آکددر. واجب العلم اولان شی، فرض عیندر. فرض عین دخی شریعت شریفه‌نک شخص اوزرینه بالخاصه تعیین بیوردیغی شیردر. اما اول شیرکه جماعت اوزرینه عملنی شرعشریف واجب بیورمشدر. جماعت ایچنده او واجب اولان شیرلی بیلن بر شخص بولنوب اوشیرلی عامل اولق ایله او فرضلر ذکر اولنان جماعتک سائر افرادندن ساقط اولور وبو مثللو شیرله فرض کفایه‌تسمیه اولنور. فرض کفایه‌دن اولان عملر، انتظام امر دنیا ایچون لازم اولان علومدر. اوده کتاب الهی وسنت نبویه‌یی فهم وادراک ایله انلری تحریفاتدن حفظ ایلکدن واقامه برهان ایله اعتقادیاتی بیلوب ازاله شبهه‌یه قادر اولمقدن و اوقات و فرائض و احکام فرعیه‌یه و حفظ ابدانه و اخلاقه و امور سیاسییه و قوف و معرفتدن و ذکر و تعداد اولنان عملردن هر برینک تحصیلنه سبب و واسطه اولان علم لغت و تصریف و نحو و معانی و بیان و منطق و انساب و حساب ایله بونلردن بشقه حصول مقاصدک و سائط مهمه‌سندن اولان سائر علومه کذلک کسب و قوف و مهارت ایتمکدن عبارتدر. اشبو عملرک تأکده یکدیگرندن بحسب الحاجة درجاتی متفاوتدر.

ایشته تحصیلی فرض کفایه‌دن اولان شو عملری عالم و عامل اولان بر شخصک بر جماعت ایچنده بولنسیله فرض مذکور او جماعتک سائر افرادندن ساقط اولور.



[۱] (امصار)، مصرک جمعی در. (مصور) دخی مصرک جمعی در. علی الاطلاق بیوک شهر دیمکدر وبلده معروفه‌نک دخی اسمی در. «کوفه» شهری ایله «بصره» به مصران اطلاق اولنور. (مصر) کله‌سی اصطلاح شرعهده اول بربلده‌یه اطلاق اولنورکه او بلده‌نک اکبر مساجدی اولده اهلینسی استیعابه کافی دکلددر.

بحث

(۱۰)

﴿ مراتب علوم ﴾

تعلیمده مراتب علومه رعایت اولنور . علمده وهرشیده امر اهم امر مهم اوزرینه تقدیم ایدیلور .

علمده اهم اولان شی، مقصدك وسیله و مقدمه سیدر . بوحالده مباحث لفظیه مباحث معنویه اوزرینه تقدیم اولنور . چونکه الفاظ، معانیك مقدمه سی اوله رق معانیك فهم وادراکنه وسیله در . بوضورته علم ادب، علم منطق اوزرینه تقدیم اولنوب بوندن صکره هر ایکسی ده اصول فقه اوزرینه و اصول فقه دخی علم خلاف اوزرینه تقدیم ایدیلور .

تعلیمده بر علمك دیگر علم اوزرینه تقدیم اولنسی اوج سببه مبنیدر .

(سبب اول) مقدم اولان علمك تقدّم ایتدیکی علمدن اهم اولسندن عبارتدر . فرض عینك فرض کفایه اوزرینه تقدّمی انك مثالدرکه فرض عین فرض کفایه دن اهمدر .

(سبب ثانی) بر علم اوزرینه تقدیم اولنان علمك تقدّم ایتدیکی علمه وسیله اولسیدر . علم نحوك علم منطق اوزرینه تقدّمی انك مثالدر .

(سبب ثالث) بر علم اوزرینه تقدیم اولنان علمك موضوعی تقدّم ایتدیکی علم آخرك موضوعندن جزؤ اولسیدرکه جزؤ، کلّ اوزرینه مقدمدر . بوضورته علم صرف، علم نحو اوزرینه تقدّم ایدر .

اکثریا بیلرنده وجوه تقدّمدن برشی اولدینی حالده بر علمك دیگر علم اوزرینه تقدیمی ادراک معقولات اوزرینه تمرین غرضه مبنی در نته کیم متقدمیندن برطافه طرفندن علم حسابك تعلیمی علوم سائر اوزرینه تقدیم اولنمشدر و اکثریا تحصیلنه زیاده حاجت مس ایدن علمك دخی سائر علملر اوزرینه تقدیم اولنمش اولدینی واقعدر . اکثر مصنفین کرام حضراتی . تألیفاننده علم نحوی علم صرف اوزرینه تقدیم ایله علم نحوه اولان احتیاجك علم صرفه اولان احتیاجدن ازید اولدینی تصوّر ایدیلور .

اوزرینه دلیلی واعداسی ایچون سلاخی اولسی ماده لرندن ودها سائر منافع مهمه سندن عبارتدر.

انسانی، رتب عالیه و منازل رفیعیه و حسن قبول عامه یه نائل ایدن شی علم و کمالدر. علمک مضرت دینییه بی دافع اولسی بجهت کلجه مضرت دینییه دخی ایکی قسمدر. قسم اول «فعل نواهی» و قسم ثانی «ترك اوامر» در.

فعل نواهی، شهوات مضریه منہمک اولق و ترك اوامر، اجرای احکام اوامرده تقصیر و تکاسل الملکدر.

کذلک علم، مضرت دنیوییه بی دافعدر. مضرت دنیوییه دخی ایکی نوعه منحصراً اولوب نوع اول، دفع مقاصد و جلب مفاسددر. نوع ثانی، قانون شرع شریفه تطبیق حرکت ایتمامکن حاصل اولان مفاسدک مضرتی در. علم، مارالذکر مضرت دینییه و دنیوییه دن انسانی واتی و عاصم اولور.



شرفی دخی حازدر. چونکه علم، نفسنده لذید اولدیغندن لذاته طلب اولدیغی کبی نفسک غیریسنده دخی لذید اولمسیله او غیر ایچون دخی طلب اولنور.

علمک نفس وذاتنده لذید اولمی بختنه کلنجه معلوم اهل علوم اولدیغی اوزره علمک فوقده بشقه بر لذت یوقدر. چونکه لذت علم، لذت روحانیه ولذت محضدر.

لذت جسمانیه فی الحقیقه دفع المذن عبارتدر. نته کیم لذت اکل، دفع الم جوع ایدر. شو لذت، لذت روحانیه نک مخالنی اولوب لذت روحانیه لذاند جسمانیه دن لذت واشهی در. بونک ایچون امام ثانی محمد بن حسن شیانی حضرتلری انحلال مشکلات علمی متعاقب حاصل اولان لذت روحانیه ایله متلذذ اولدقلری حالده «این ابناء الملوك من هذه اللذة سیما اذا كانت الفكرة فی حقائق الملكوت و اسرار اللاهوت» کلامی ایله اظهار اثر سرور بیورر ایدی.

امام مشارالیه حضرتلرینک اشبو کلام مسرت اتسامی لذت روحانیه نک لذاند جسمانیه دن لذت واشهی اولدیغی مشعردر.

علمک عزل ونصبی اولماق ودوامنه هیچ بر کیمسه نک مزاحمه سی بولنماق کبی بر شرف ومزیت ولذتی ده واردر.

اکثر جهله، علمانک مظهر اولدیغی شرفه نائل اولمق عزمنده بولنور ایسه ده موانع بهمیه نیل مرامدن کندولرینی منع ایلر.

علمک «لغیره» اولان لذاندی بختنه عطف کلام ایدنجه علمک لغیره اولان لذاندی یا اخروی اولور ویا دنیوی اولور.

اخروی اولان لذت، علمک اعظم لذاند اخرویه وسعادت ابدیه حصوله وسیله اولمندن عبارتدر.

سعادت ایکی قسمه منقسمدر. قسم اول جلب منفعت وقسم ثانی دفع مضرتدر. جلب منفعت ودفع مضرت یا دینی ویاخود دنیوی اولوب بو حالده درت قسم حاصل اولورکه بولنر واسطه علم ایله تحصیل اولنور.

تعلیم وتعلم، علمک منافع دینی سندن اولدیغی کبی منافع دنیویه سی دخی انسانک زمان اضطرارنده ایسی وغربنده مصاحبی و خلوتده محدثی وهر ایشده مشاوری وهر خیر

بحث

(۹)

﴿ علمك فضل و شرفی ﴾

علمك فضل و شرفی آیات قرآنیه و احادیث نبویه ایله موقع آرای اشتهار اولمشدر .
مجتهدین کرام ذوی الاحترام حضراتندن امام شافعی حضرتلری «علم» بر شرفی حائزدرکه
هر کیسه ایچون اوشرفدن ولو پک جزوی بر شی بیه نسبت اولنسه او کیسه مسرور و ممنون
اولور واکر او نسبت رفع ایدلسه مکدر و محزون اولور» دیو بیان بیورمشدر .

علمك شرفی، بحسب الموضوع و بحسب الغایة و بحسب الحاجة و بحسب وثاقه الحجّة
متفاوتدر . مثلاً علم طبك موضوعی «بدن انسان» و علم تفسیرك موضوعی «کلام یزدان» درکه
بو ایکی علمك حائز اولدینی شرف، ظاهر و عیاندر :

علم اخلاقك غایتی معرفت فضائل انسانیهدن عبارت اولسییه شرفی بدیمی در .
بحسب الحاجة حائز شرف اولان علم، علم فقه شریف درکه انك تحصیلنه حاجت مس ایلش
اولدینی ظاهر در .

بحسب وثاقه الحجّة حائز شرف اولان علملر، علوم ریاضیه در .
علم آلهی نك موضوعی و غایتی شریف اولوب تحصیلنه حاجت مس ایتمشدر .
بعضاً ثمره ویا وثاقت دلائل ویا خود غایت اعتباریله ایکی علمدن بریسی علم اخردن
اشرف اولور .

ثمره و نتیجه نك شرفی، دلائلك قوتندن اولی در .
علمك اشرفی، جناب حقّه و ملائکه کرامنه و رسل عظام علیهم السلام حضراتنه
اولان علمدرکه بو علمك نتیجه و ثمره سی سعادت ابدیهدن عبارتدر .
علم، كافة اشیانك الذّ و انفعی در .

معلوم اولدینی اوزره بر شینك شرفی یالذاته ویا خود لغیره اولور . علم ایسه بو ایکی

- (٢٥٨) علم حقيقت الفاظ القرآن ومجازها .
- (٢٥٩) علم تشبيه القرآن واستعاراته .
- (٢٦٠) علم كنايات القرآن وتعريضاته .
- (٢٦١) علم الحصر والاختصاص .
- (٢٦٢) علم الإيجاز والإطناب .
- (٢٦٣) علم الخبر والإنشاء .
- (٢٦٤) علم بدائع القرآن .
- (٢٦٥) علم فواصل الآي .
- (٢٦٦) علم خواتم السور .
- (٢٦٧) علم مناسبة الآيات والسور .
- (٢٦٨) علم الآيات المتشابهات .
- (٢٦٩) علم إعجاز القرآن .
- (٢٧٠) علم العلوم المستنبطة من القرآن .
- (٢٧١) علم أقسام القرآن .
- (٢٧٢) علم جدل القرآن .
- (٢٧٣) علم ما وقع في القرآن من الأسماء
والكنى والألقاب .
- (٢٧٤) علم مهمات القرآن .
- (٢٧٥) علم فضائل القرآن .
- (٢٧٦) علم أفضل القرآن وفاضله .
- (٢٧٧) علم مفردات القرآن .
- (٢٧٨) علم خواص القرآن .
- (٢٧٩) علم مرسوم الخط وآداب كتابته .
- (٢٨٠) علم تفسيره وتأويله وبيان شرفه .
- (٢٨١) علم شروط المفسر وآدابه .
- (٢٨٢) علم غرائب التفسير .
- (٢٨٣) علم طبقات المفسرين .
- (٢٨٤) علم خواص الحروف .
- (٢٨٥) علم الخواص الروحانية من الأوفاق .
- (٢٨٦) علم التصريف بالحروف والأسماء .
- (٢٨٧) علم الحروف النورانية والظلمانية .
- (٢٨٨) علم التصريف بالاسم الأعظم .
- (٢٨٩) علم الكسر والبسط .
- (٢٩٠) علم الزايرجه .
- (٢٩١) علم الجفر والجامعة .
- (٢٩٢) علم دفع مطا عن القرآن .
- { فروع علم الحديث }
- (٢٩٣) علم المواعظ .
- (٢٩٤) علم الادعية .
- (٢٩٥) علم الآثار .
- (٢٩٦) علم الزهد والورع .
- (٢٩٧) علم صلاة الحاجات .
- (٢٩٨) علم المغازي .
- { فروع علم اصول الفقه }
- (٢٩٩) علم النظر .
- (٣٠٠) علم المناظرة .
- (٣٠١) علم الجدل .
- { فروع علم الفقه }
- (٣٠٢) علم الفرائض .
- (٣٠٣) علم الشروط والسجلات .
- (٣٠٤) علم القضاء .
- (٣٠٥) علم حكم التشريع .
- (٣٠٦) علم الفتاوى .

- (٢١٥) علم طب النبي عليه الصلاة والسلام.
- (٢٣٥) علم العالى و النازل من اسانيده .
- (٢٣٦) علم المتواتر و المشهور .
- { فروع علم تفسير شريف }
- (٢٣٧) علم بيان الموصول لفظاً و الموصول معنأ .
- (٢٣٨) علم الاماله و الفتح .
- (٢٣٩) علم الادغام و الاظهار و الاخفاء و الاقلاب .
- (٢٤٠) علم المد و القصر .
- (٢٤١) علم تخفيف الهمزة .
- (٢٤٢) علم كيفية تحمل القرآن .
- (٢٤٣) علم آداب تلاوته و تاليه .
- (٢٤٤) علم جواز الاقتباس .
- (٢٤٥) علم ما وقع فيه بغير لغة الحجاز .
- (٢٤٦) علم ما وقع فيه من غير لغة العرب .
- (٢٤٧) علم غريب القرآن .
- (٢٤٨) علم الوجوه و النظائر .
- (٢٤٩) علم معانى الادوات التى يحتاج اليها المفسر .
- (٢٥٠) علم المحكم و المتشابه .
- (٢٥١) علم مقدم القرآن و مؤخره .
- (٢٥٢) علم عام القرآن و خاصه .
- (٢٥٣) علم ناسخ القرآن و منسوخه .
- (٢٥٤) علم مشكل القرآن .
- (٢٥٥) علم مطلق القرآن و مقيده .
- (٢٥٦) علم منطوق القرآن و مفهومه .
- (٢٥٧) علم وجوه مخاطباته .
- (٢١٦) علم المكى و المدنى .
- (٢١٧) علم الحضرى و السفرى .
- (٢١٨) علم النهارى و الليلي .
- (٢١٩) علم الصيفى و الشتاءى .
- (٢٢٠) علم الفراشى و التومى .
- (٢٢١) علم الارضى و السماءى .
- (٢٢٢) علم اول منزل و اخر منزل .
- (٢٢٣) علم سبب النزول .
- (٢٢٤) علم منازل على لسان بعض الصحابة رضى الله عنهم .
- (٢٢٥) علم ما تكرر نزوله .
- (٢٢٦) علم ما تأخر حكمه عن نزوله و ما تأخر نزوله عن حكمه .
- (٢٢٧) علم منازل مفرقاً و منازل جمعاً .
- (٢٢٨) علم منازل مشيعاً و منازل مفرداً .
- (٢٢٩) علم ما انزل منه على بعض الانبياء و ما لم ينزل .
- (٢٣٠) علم كيفية انزال القرآن .
- (٢٣١) علم اسماء القرآن و اسماء سوره .
- (٢٣٢) علم جمعه و ترتيبه .
- (٢٣٣) علم عدد سوره و آياته و كلماته و حروفه .
- (٢٣٤) علم حفظه و رواه .

- (١٧٢) علم الجبر والمقابلة .
- (١٧٣) علم حساب الخطائين .
- (١٧٤) علم حساب الدور والوصايا .
- (١٧٥) علم حساب الدراهم والدنانير .
- (١٧٦) علم حساب الفرائض .
- (١٧٧) علم حساب الهواء .
- (١٧٨) علم حساب العقود بالاصابع .
- (١٧٩) علم اعداد الوقت .
- (١٨٠) علم خواص الاعداد .
- (١٨١) علم التعاني العددية .
- { فروع علم موسيقى }
- (١٨٢) علم الالات العجيبة .
- (١٨٣) علم الرقص .
- (١٨٤) علم الغنج .
- § — ٥ علوم حكيمية عمليه .
- (١٨٥) علم الاخلاق .
- (١٨٦) علم تدير المنزل .
- (١٨٧) علم السياسة .
- { فروع حكمت عمليه }
- (١٨٨) علم آداب الملوك .
- (١٨٩) علم آداب الوزارة .
- (١٩٠) علم الاحتساب .
- (١٩١) علم قود العساكر والجيوش .
- { علوم شرعية }
- (١٩٢) علم القرائة .
- (١٩٣) علم تفسير القرآن .
- (١٩٤) علم رواية الحديث .
- (١٩٥) علم دراية الحديث .
- (١٩٦) علم اصول الدين المسمى بالكلام .
- (١٩٧) علم اصول الفقه .
- (١٩٨) علم الفقه .
- { فروع علم قرائت }
- (١٩٩) علم الشواذ .
- (٢٠٠) علم مخارج الحروف .
- (٢٠١) علم مخارج الالفاظ .
- (٢٠٢) علم الوقوف .
- (٢٠٣) علم علل القرآن .
- (٢٠٤) علم رسم كتابة القرآن .
- (٢٠٥) علم آداب كتابة المصحف .
- { فروع علم حديث }
- (٢٠٦) علم شرح الحديث .
- (٢٠٧) علم اسباب ورود الحديث وازمته .
- (٢٠٨) علم ناسخ الحديث ومنسوخه .
- (٢٠٩) علم تأويل اقوال النبي عليه الصلاة والسلام .
- (٢١٠) علم رموز الحديث و اشاراته .
- (٢١١) علم غرائب لغات الحديث .
- (٢١٢) علم دفع الطعن عن الحديث .
- (٢١٣) علم تلفيق الاحاديث .
- (٢١٤) علم احوال رواة الاحاديث .

- (١٢٧) علم تعلق القلب.
- (١٢٨) علم الاستعانة بخواص الادوية.
- { فروع علم هندسه }
- (١٢٩) علم عقود الابنية.
- (١٣٠) علم المناظرة .
- (١٣١) علم المرايا المحرقة .
- (١٣٢) علم مراكز الاثقال.
- (١٣٣) علم جر الاثقال.
- (١٣٤) علم المساحة .
- (١٣٥) علم استنباط المياه.
- (١٣٦) علم الالات الحربية.
- (١٣٧) علم الرمي .
- (١٣٨) علم التعديل.
- (١٣٩) علم البنكومات.
- (١٤٠) علم الملاحة.
- (١٤١) علم السباحة .
- (١٤٢) علم الاوزان والموازين .
- (١٤٣) علم الالات المبنية على ضرورة عدم الحلاء .
- { فروع علم هيئت }
- (١٤٤) علم الزيجات والتقويم.
- (١٤٥) علم حساب النجوم.
- (١٤٦) علم كتابة التقاويم .
- (١٤٧) علم كيفيت الارصاد.
- (١٤٨) علم الالات الرصدية.
- (١٤٩) علم المواقيت.
- (١٥٠) علم الالات الظلية .
- (١٥١) علم الاكر .
- (١٥٢) علم الاكر المتحركة.
- (١٥٣) علم تسطيح الكرة .
- (١٥٤) علم صور الكواكب .
- (١٥٥) علم مقادير العلويات.
- (١٥٦) علم منازل القمر.
- (١٥٧) علم جغرافيا .
- (١٥٨) علم مسالك البلدان.
- (١٥٩) علم البرد ومسافاتها .
- (١٦٠) علم خواص الاقاليم .
- (١٦١) علم الادوار والاكواز.
- (١٦٢) علم القرانات.
- (١٦٣) علم الملاحم.
- (١٦٤) علم المواسم .
- (١٦٥) علم مواقيت الصلاة .
- (١٦٦) علم وضع الاسطرلاب.
- (١٦٧) علم عمل الاسطرلاب.
- (١٦٨) علم وضع الربيع المجيب والمنظرات.
- (١٦٩) علم عمل ربع الدائرة .
- (١٧٠) علم آلات الساعة.
- { فروع علم عدد }
- (١٧١) علم حساب التحت والميل.

(١٠٤) علم الاهتدا بالبرارى والاقفار.

(١٠٥) علم الريافة.

(١٠٦) علم الاستنباط.

(١٠٧) علم نزول الغيث.

(١٠٨) علم العرافة.

(١٠٩) علم الاختلاج.

{ فروع علم احكام نجوم }

(١١٠) علم الاختيارات.

(١١١) علم الرمل.

(١١٢) علم الفال.

(١١٣) علم القرعة.

(١١٤) علم الطيرة.

{ فروع علم سحر }

(١١٥) علم الكهانة.

(١١٦) علم النيرنجات.

(١١٧) علم الخواص.

(١١٨) علم الرقى.

(١١٩) علم العزائم.

(١٢٠) علم الاستحضار.

(١٢١) علم دعوة الكواكب.

(١٢٢) علم القلفطيرات.

(١٢٣) علم الخفاء.

(١٢٤) علم الحيل الساسانية.

(١٢٥) علم كشف الدك.

(١٢٦) علم الشعذة.

(٨١) علم الفراسة.

(٨٢) علم تعبير الرؤيا.

(٨٣) علم احكام النجوم.

(٨٤) علم السحر.

(٨٥) علم الطلسمات.

(٨٦) علم السيميا.

(٨٧) علم الكيما.

{ فروع علم طب }

(٨٨) علم التشريح.

(٨٩) علم الكحالة.

(٩٠) علم الاطعمة.

(٩١) علم الصيدلة.

(٩٢) علم طبخ الاشربة والمعاجين.

(٩٣) علم قلع الاناز من الثياب.

(٩٤) علم تركيب انواع المداد.

(٩٥) علم الجراحة.

(٩٦) علم الفصد.

(٩٧) علم الحجامة.

(٩٨) علم المقادير والاوزان.

{ فروع علم فراست }

(٩٩) علم الشامات والحيلان.

(١٠٠) علم الاساير.

(١٠١) علم الاكتاف.

(١٠٢) علم عياقة الاثر.

(١٠٣) علم عياقة البشر.

- (٦٠) علم الطبيعي .
 (٦١) علوم الرياضيه .
 { اقسام علوم رياضيه {
 (٦٢) علم العدد .
 (٦٣) علم الهندسة .
 (٦٤) علم الهيئة .
 (٦٥) علم الموسيقى .

{ فروع علم الهى }

- (٦٦) علم معرفة النفس الانسانية .
 (٦٧) علم معرفت النفس الملكية .
 (٦٨) علم معرفة المعاد .
 (٦٩) علم امارات النبوة .
 (٧٠) علم مقالات الفرق .

{ فروع علم طبيعى }

- (٧١) علم الطب .
 (٧٢) علم البيطرة .
 (٧٣) علم اليزرة .
 (٧٤) علم النبات .
 (٧٥) علم الحيوان .
 (٧٦) علم الفلاحة .
 (٧٧) علم المعادن .
 (٧٨) علم الجواهر .
 (٧٩) علم الكون والفساد .
 (٨٠) علم قوس قزح .

- (٣٨) علم الجناس .
 (٣٩) علم مسامرة الملوك .
 (٤٠) علم حكايات الصالحين .
 (٤١) علم اخبار الانبياء عليهم السلام .
 (٤٢) علم المغازى والسير .
 (٤٣) علم تاريخ الخلفا .
 (٤٤) علم طبقات القراء .
 (٤٥) علم طبقات المفسرين .
 (٤٦) علم طبقات المحدثين .
 (٤٧) علم سير الصحابة .
 (٤٨) علم طبقات الشافعية .
 (٤٩) علم طبقات الحنفية .
 (٥٠) علم طبقات المالكية .
 (٥١) علم طبقات الحنابلة .
 (٥٢) علم طبقات النخاعة .
 (٥٣) علم طبقات الاطباء .

§ — ٣ اذهانده معقولات ثانيه دن

باحث اولان علملر .

- (٥٤) علم المنطق .
 (٥٥) علم آداب الدرر .
 (٥٦) علم النظر .
 (٥٧) علم الجدل .
 (٥٨) علم الخلاف .
 § — ٤ اعيانه متعلق علوم .
 (٥٩) علم الالهى .

اكا علم شرعى دينور وياخود يالكتر مقتضاي عقل حيثيتيه دركه اكاده علم حكيمى دينور.
تعريفات مذكوره به نظراً علوم ايجون اصللر تعين ايدرك هر بر اصلك انواعى وبوانواعك
فروعى اولغله اصولاً وفروعاً كافه علوم، موضوعات واسامى اعتباريله انواع كثيره به بالغ اولور.
صاحب مفتاح السعاده علمى صور مبسوطه اوزره تقسيم ايلدكدن صكره علومك
اصول وفروعى وجه آتى اوزره ذكر وتعداد ايلشدر.

§ — ١ علوم خطيه.

- (١) علم ادوات الخط .
- (٢) علم قوانين الكتابة .
- (٣) علم تحسين الحروف .
- (٤) علم كيفية تولد الخطوط عن اصولها .
- (٥) علم ترتيب حروف التهجى .
- (٦) علم تركيب اشكال بسائط الحروف .
- (٧) علم املاء الخط العربى .
- (٨) علم خط المصحف .
- (٩) علم خط العروض .

§ — ٢ الفاظه متعلق علوم .

- (١٠) علم مخارج الحروف .
 - (١١) علم اللغة .
 - (١٢) علم الوضع .
 - (١٣) علم الاشتقاق .
 - (١٤) علم التصريف .
 - (١٥) علم النحو .
 - (١٦) علم المعانى .
 - (١٧) علم البيان .
 - (١٨) علم البديع .
- (١٩) علم العروض .
 - (٢٠) علم القوافى .
 - (٢١) علم قرص الشعر .
 - (٢٢) علم مبادئ الشعر .
 - (٢٣) علم الانشا .
 - (٢٤) علم مبادئ الانشا وادواته .
 - (٢٥) علم المحاضرة .
 - (٢٦) علم الدواوين .
 - (٢٧) علم التواريخ .
- {فروع علوم عربيه دن معدود اولان علملر}
- (٢٨) علم الامثال .
 - (٢٩) علم وقايع الامم ورسومهم .
 - (٣٠) علم استعمالات الالفاظ .
 - (٣١) علم الترسل .
 - (٣٢) علم الشروط والسجلات .
 - (٣٣) علم الاحاجى و الاغلوطنات .
 - (٣٤) علم الالغاز .
 - (٣٥) علم المعمى .
 - (٣٦) علم التصحيف .
 - (٣٧) علم المقلوب .

زاجعدر ویاخود امرناسك قیامی وکله اجماعیه نك اجتماعی حیثیه درکه اوده احکام سیاسیہ و تعیر آخره احکام سلطانیه دن عبارتدر.

نظره جماعت معینیه مختص اولور ایسه اکا تدبیر منزل اطلاق اولنور.
مقصود بالذات اولیان علم، آخر عملدرده خطادن عصمت و سالمیت طلبنه بر آتدر.
بوآلت ایله یامعانی ده خطادن عصمت طلب اولنور یاخود لفظ ویا کتابت جهندن معاینك ادراکنه توصل اولنور. اولکیسی علم منطوق در. ایکنجیسی علم ادب ایله نفسنده دلالات لسانیه ایله دلالات بیانیه دن بحث اولنان عملدر. دلالات لسانیه، یادلالات افرادیه ایله دلالات ترکیبیه مختص اولور ویاخود افراد و ترکیب بیننده مشترک اولور. دلالات افرادیه یا مفرداتدن باخدرکه علم لغت در یاخود مفرداتك صیغه لرندن باخدرکه علم صرف در. دلالات ترکیبیه یا کلام موزونه مختص اولور ویاخود کلام موزونه مختص اولمز. کلام موزونه مختص اولان علم، اگر مقاطع ابیانه اختصاص ایدر ایسه علم قافیه واکر مقاطع ابیانه اختصاص ایتمز ایسه علم عروض تسمیه اولنور.

کلام موزونه مختص اولیان علم، معنائك اصلی تأدییه خصوصنده یا خطادن عصمتی موجب اولورکه علم نحو در ویاخود اصل معنائك تأدییه سنده خطادن عصمتده مدخلی اولمزکه اوده علم بلاغت در. سالف الذکر افراد و ترکیب بیننده مشترک اولان علمه علم فصاحت دینور. کلامك مقتضای حاله تطبیقنده خطادن عصمت طلبنه واسطه اولان علمه علم معانی دینور و دلالتك انواعیه خفی و جلی اولدیغنی بحث و تعریف ایدن علمه علم بیان دینور. اما علم فصاحت ترکیب مفرداتده من حیث التحسین خطادن عصمت طلبنه اختصاص ایدر ایسه علم بدیعدر.

(§-۵) مفتاح السعاده صاحبك ذکر و بیان ایلدیکی تقسیمدر. شویله که اشیا ایچون مراتب اربعه ده یعنی «کتابت» و «عبار» و «اذهان» و «اعیان» ده وجود اولوب اشبو مراتب اربعه دن کل سابق لاحقنه وسیله اولور. چونکه خط، الفاظه و الفاظ، اذهاندکی معنایه و اذهاندکی معنایه اعیانه دلالت ایدر. وجود عینی ایسه وجود اصلی و حقیقی در. وجود ذهنیک حقیقی ویاخود مجازی اولدیغنده اختلاف اولنمش ایسه ده وجود لفظی، وجود ذهنی، قطعاً مجازی در. ایمی کتابت و الفاظ و اذهانه تعلق ایدن عملر علوم آیه دندر. اعیانه تعلق ایدن علم، یا عملی ویاخود نظری در. عملی اولان علم، او عملدرکه انکله ذاتك حصولی مقصود اولیوب آخر عملك حصولی قصد اولنور. نظری ایسه ذاتك حصولی قصد اولنان عملدر. عملی و نظری قسملرندن هربری یا شریعتدن مأخوذ اولمق اعتباریه درکه

و بونلرک غیریسنه متوقف اولمقسزین وحی الهیه منتی و انبیای عظام علیهم السلام حضراتندن مستفاد اولورکه بومثللو علمله علوم دینیه دیندیکی کبی علوم شرعیه دخی تعبیر اولنور و یاخود تجربیه و سماعه و بونلرک غیریسنه توقف ایدرکه اومثللو علمله، علم طب و حساب کبی علوم غیر دینیه دن معدوددر.

علم طب، بقای ابدان ایچون و علم حساب دخی معاملات و قسمت و صایا و مواریث و امثالی ایچون ضروری اولدیغندن محموددر. اکر علم، محمود العاقبه اولمز ایسه مذموم اولور سحر و طلسمات و شعبذه علمله کبی. یاخود علوم غیر دینیه مباح اولور کذب و دروغدن خالی اولان علم اشعار و تواریخ ابنیا علیهم الصلوة و السلام و امثالی علمله کبی. علمله صور مشروحه اوزره اولان تفاوت، علومک غایاتی اعتباری ایله در یوقسه علم، نفسنده علم اولوق حیثیتی ایله ذمّ و انکاردن عاری در چونکه هر برشینه علم، اوشیک جهلندن اولی در.

(§—۴) شفاء متألم صاحبک ذکر و بیان بیوردینی اوزره هر بر علم یا مقصود بالذات و یاخود غیر مقصود بالذات اولور.

مقصود بالذات اولان علم، علوم حکمیه در. علوم حکمیه دخی یا اعتقادیاته و یاخود عملیاته متعلق اولور. اعتقادیاته تعلق ایدن، حکمت نظریه در. عملیاته متعلق اولان، حکمت عملیه در. حکمت نظریه، اعلی و ادنی و اوسط قسملرینه منقسم در.

قسم اول علم الهی و قسم ثانی علم طبیعی و قسم ثالث ریاضی در. نظر، یا ماده دن مجرد اولان اموره و یا ذهنده و خارجده امور مادّیه به تعلق ایدرکه اکا علم طبیعی دینور و یاخود نظر، یالکر ذهنده مواددن مجردی صحیح اولان اموره تعلق ایدرکه اکاده علم ریاضی اطلاق اولنور. علم ریاضی اقسام اربعیه منقسمدر چونکه نظر ریاضیده حد مشترک اوزریه بینلرنده ملاقات اولان بر طاقم جزؤلرک فرضی یا ممکن اولور و یاخود ممکن اولمز و بونلردن هر بریسی دخی یا قارّ الذات اولور و یاخود غیر قارّ الذات اولور.

علم ریاضینک بارالذکر اقسام اربعه سندن اولکیسی هندسه، ایکنجیسی هیئت، اوچنجیسی عدد و دردنجیسی موسیقی علمله در.

حکمت عملیه ایکی قسمدر بریسی علم سیاسی و دیگری علم اخلاقدر چونکه نظر، یا حال انسانه مختص اولور یاخود حال انسانه مختص اولمز. حال انسانه مختص اولمان نظر، علم سیاسی در. علم سیاسی یا امر دنیا و عقباده کافه خلقک اصلاحنه متعلقدرکه بوده علم شریعت

نفسنده کیفیت عمله متعلق اولیان علم، آخر شیئک تحصیلنه آلت اوله منز. بناءً علیه نظری
و غیر آیه کله لری معنای واحدن عبارت اولور.

نظری و عملی، اوج معناده استعمال اولنور.

(اولاً) علومک تقسیم مطلقنده ذکر و بیان اولنان صورتدن عبارتدر. منطق و حکمت
عمایه و طب عملی و علم خیاطه جملاً کیفیت عمله متعلق اولدینی جهتله عملی قسمنه داخلدر.
عملی قسمی یا ذهنی و یا خارجی اولور. مثلاً علم منطق ذهنی در و علم طب خارجی در.

(ثانیاً) حکمتک تقسیمده استعمال اولنان صورتدن عبارتدر. حکما، علم حکمتی، «اعیان
موجوده نیک احوالی علی ماهی علیه طاقت بشریه مقدارنجیه میلکدن عبارتدر» دیو تعریف
ایلدکن صکره اعیان مذکورنک مقوله افعال و اعمالدن اولوب ذکر اولنان افعال
و اعمالک یا قدرت و اختیار بشر ایله وجوده کلدیکنی و یا خود قدرت و اختیار بشر ایله
وجوده کلدیکنی بیان ایله اولکیسنه حکمت عملیه و اینکیسنه حکمت نظریه اطلاق ایلدیلر.
حکمت عملیه اطلاق امر دنیا و عقبانک نظام و صلاحنه مؤدی اولسی حیثیتی ایله در.

(ثالثاً) صناعتک تقسیمده استعمال اولنان صورتدن عبارتدر. یعنی کیفیت عمله تعلق
ایدن علم یا عملی در یا نظری در. عملی، ممارسه عمل حصولنه توقف ایدر. نظری، ممارسه
عمله توقف ایتمز. شو معنا اعتباریله فقه و نحو و منطق و حکمت عملیه و طب عملی،
قسم عملیدن خارجدر. چونکه بونلرک حصولی مزاوله اعماله محتاج دکلدر. علم خیاطه
و علم حیاکه و علم حجامه ایسه ممارسه و مزاولیه متوقف اولدیغندن عملی قسمنه داخلدر.

(§—۳) «فوائد خاقانیه» ده ذکر و بیان اولندینی اوزره علم، حکمی و غیر حکمی

قسملرینه منقسمدر.

غیر حکمی اولان علملر، دینی و غیر دینی قسملرینه منقسمدر. دینی قسمی دخی محمود
و مذموم و مباح قسملرینه انقسام ایدر.

اقسام مذکورنک وجه ضبطنه کلنجیه علم، ازمه و امکانه نیک تغیری و یا خود دول و ادیانک
تبدلی ایله متغیر و متبدل اولمز و یا خود ذکر اولنان تغیر و تبدل ایله متغیر و متبدل اولور.

ذکر اولنان تغیرات و تبدلاتدن عاری اولان علملره علوم حکمیه تسمیه اولندینی کبی
مرور زمان ایله ثابت اولملری حسبیه علوم حقیقه دخی اطلاق اولنور.

ازمه و امکانه و دول و ادیانک تبدلی ایله متبدل اولان علملر یا تجربه و سماعه

[نوع اول] الفاظ قرآنیہنک، یاخود لفظاً و اسناداً سنت نبویہنک بیانہ ویا قرآن عظیم الشانک تفسیر و تأویلنہ ویاخود قرآن عظیم الشان ایلہ سنت نبویہدن مستفاد اولان احکام اصلیہ اعتقادیہ ایلہ احکام فرعیہ عملیہنک اثباتہ ویاخود اصولن فروعک استنباطنہ مدار وصول اولان قواعد کلیہیہ ویا اصول و فروعی کتاب وستندن استخراجہ مدخلی اولان فنون ادبیہیہ دائر علمای کرام حضراتی جانبندن تدوین بیوریلان علومدن عبارتدر .

[نوع ثانی] اشیانک ماہیتی و عملیاتنک کیفیتنی کندو عقلیرینہ موافق صورتہ تحقیق ایتمک ایچون فلاسفہنک تدوین ایلدکلری علددر .

علامہ مشارالیہ حضرتلری طرفندن علم قرائت، علم حدیث شریف، علم اصول حدیث، علم تفسیر شریف، علم کلام، علم فقہ، علم اصول فقہ، علم ادب، علوم متشرعہ عدادندہ کوسترلمش و علم تصوف، طائفہ صوفیہدن خواص ایچون بر علم مخصوص در دیو بیان بیورلمش در . علم مناظرہ و علم خلاف و علم جدل، علوم متشرعہ صرہسندہ تعداد اولندینی کبی علوم فلاسفہ عدادندہ دخی کوسترلماشدر . مناظرہدن غرض، اظهار صواب اولدینی کبی جدل و خلافدن غرض دخی الزام اولغلہ متشرعین جانبندن علم خلافدہ کتابلر تصنیفلہ مسائل فقہیہ انلر اوزرینہ بنا اولنمشدر . حکمانک علم خلافدہ تدوین کتب ایلدکلری معلوم اولدیغندن علم خلاف، علوم شرعیہدن عد و شمار اولنلق مناسب کورلمشدر .

حکما، مباحث حکمیہی علم مناظرہ اوزرینہ بنا ایلشدر ایسده بیلرندہ علم مناظرہنی تدوین ایتماشلردر .

(§-۲) « فوائد خاقانیہ » نامیلہ موسوم اولان کتابدہ بیان اولندینی اوزرہ ایکی مشهور قسمدن عبارتدر .

(قسم اول) علومک یا نظری ویاخود عملی اولسندن عبارتدر . نظری، کیفیت عملہ غیرمتعلق و عملی، کیفیت عملہ متعلق در .

(قسم ثانی) علومک یا غیر آلیہ ویاخود آلیہ اولسندن عبارتدر . آخر شیئک تحصیلنہ آلت اولیہرق نفسندہ مقصود بالذات اولان علملرہ علوم غیر آلیہ و آخر شیئک تحصیلنہ آلت اولہرق نفسندہ مقصود بالذات اولیان علملرہ علوم آلیہ اطلاق اولنور .

نفسندہ آخر شیئک تحصیلنہ آلت اولان علم ایچون کیفیت عملہ متعلق اوللق و کیفیت عملہ متعلق اولان علم ایچون نفسندہ آخر شیئک تحصیلنہ آلت اوللق لابد ولازمدر . آلیت، عملیت معناسددر .

کذلک نفسندہ آخر شیئک تحصیلنہ آلت اولیان علم، کیفیت عملہ متعلق دکلددر .

بحث

(۸)

تقسیمات علوم

علم، معنای واحدین و حقیقت واحدین عبارت ایسده جهات مختلفه دن اقسام کثیره منقسم اولور .

علم، من جهة قديم و محدث قسملرينه و من جهة تصور و تصديق قسملرينه و من جهة دخى اقسام ثلثيه انقسام ايذر .
اقسام ثلثه ، قسماً نفسده ثابت اولور و قسماً حس ايله ادراك اولور و قسماً قياس ايله بيلنور .

علم قديم، جناب حقاك ذاتى ايله قائم اولوب عبادك محدث اولان علومنه مشابه دكلدر .
علم محدث، اوچ قسمة منقسمدر . قسم اول علم بديهى ، قسم ثانى علم ضرورى ،
قسم ثالث علم استدلالى در .

علم بديهى تقديم مقدمهيه محتاج اولمز . انسانك كندو وجودينه على و كلرك جزؤدن اعظم اولديغنه علم كې كه بونلر علم بديهى نك مثالدر .
علم ضرورى كذلك تقديم مقدمهيه محتاج اوليان علمدر . بوده حواس خمس ايله حاصل اولان علمدن عبارتدر .

علم استدلالى تقديم مقدمهيه محتاج اولان علمدر كه بوده صانعك ثبوتنه واعراضك حدوتنه اولان علمدر .

كذلك علم، اختلاف موضوعات جهتندن اقسام كثيره منقسم در . او اقسامك بعضيسنه علوم و بعضيسنه صنايع تسميه اولنور كه علمى كرام حضراتك كوسترمش اولدقلى صور تقسيمات بروجہ آتى ذكر و بيان اولنور .

(۸-۱) علامه حفيد حضرتلرينك تقسيمى اولوب اوده علوم مدوننه نك ايكى نوع اوزرينه اولسندن عبارتدر .

بحث

(۷)

﴿ غایت علوم ﴾

بر فعلك اوزرینه بر اثر ترتب ایدر ایسه او اثر اوفعلك نتیجه وثمره سی اولمق حیثیتی ایله اكا «فائده» تسمیه اولندیغی کبی اثر مذکور فعلك نهایتده اولمق حیثیتی ایله «غایت» تسمیه ایدیلور.

فعلك فائده سی و غایتی ذاتاً متحد و اعتباراً مختلف در.

فعل اوزرینه ترتب ایدن اثر، فاعلك اقدامنه سبب اولور ایسه فاعله قیاساً «غرض» و «مقصود» تسمیه اولوب فاعلك فعلنه قیاساً «علت غاییه» تسمیه اولنور.

غرض و علت غاییه دخی بالذات متحد و بالاعتبار مختلف در.

فعل اوزرینه ترتب ایدن اثر، فاعلك اقدامنه سبب اولمز ایسه انحق فائده و غایت اولور. بوحالده غایت، علت غاییه دن اعم در. بوصولده علمك غایتی اول برشیدرکه او علم اوشی ایچون طلب اولنور.

علوم غیر آلیه نك غایتی علوم مذکور نك ذات و نفسنك حصولدن عبارتدر. چونکه علوم غیر آلیه اوزرینه اخر منافع ترتب ایتسه بیله علوم مذکور نك سالف الذکر کندو ذات و نفسنك حصولی مقصود اولور. اما علوم آلیه نك غایتی غیری علملرک حصولدن عبارت اولوب ذات و نفسی دکلددر. چونکه علوم آلیه کیفیت عمله متعلقدر. بوندن مقصود ایسه عملك حصولی در. او عمل کرک مقصود بالذات اولسون و کرک مقصود بالذات اولسوب امر آخر ایچون اولسون، علومك غایت اخیره سی اولور.



بحث

(۶)

﴿ مسائل علوم ﴾

مسائل علوم، قضیه لردن عبارت در که هر بر علمه او قضیه لرك محمولاتی دلیل ایله موضوعاته نسبت ایتمکله حاصل اولور.

مسائل متشارکه سی مدون اولان علمک کلیسی موضوع واحدده در. بوحالده علمک موضوعی، مسائل اولور. او مسائل ایسه علمک هیئت بسیطه سندن عبارتدر.

مسئله نك موضوعی بعض دفعه نفسنده علم ایچون موضوع اولور. کلامک کلیسی ایکی اسم دن و یا خود بر اسم و بر فعلدن مرکب در دیو بر مثال ایراد اولندقده کلام مذکور، علم محوک موضوعی اولور.

بعض مسئله نك موضوعی او مسئله نك عرض ذاتیسی ایله علمه موضوع اولور. بر شیئه مباین اولان مقدار، اول شیئه مشارکت ایدن مقدارک کلیسنه مباین در دیو علم هندسه دن بر مثال ایراد اولندقده مسئله نك موضوعی، مباین اولان «مقدار» در و مباین دخی مسئله نك عرض ذاتیسی در.

بعضاً موضوع علمک نوعی، مسئله نك موضوعی اولور. «اسم یا ثلاثی اولور و یا ثلاثی نك مزیدی اولور» دیو علم صرفدن بر مثال ایراد اولندقده علمک موضوعی کله اولوب اسم، کله نك نوعی اولور و بعضاً مسئله نك موضوعی علمه عرض ذاتیسی ایله موضوع اولور. «مستقیم اوزرینه واقع اولان هر بر خط مستقیم ک ایکی حادث زاویه لری یا قائم اولور لر و یا خود قائمه معادل اولور لر» دیو علم هندسه دن بر مثال ایراد اولندقده مثال مذکورده واقع اولان خط، مقدارک نوعی اولوب مستقیم دخی انک عرض ذاتیسی در.

بعضاً مسئله نك موضوعی موضوع علمک عرض ذاتیسی در. کذلک «هر بر مثلثک زاویه لری قائمینه مساوی در» دیو علم هندسه دن بر مثال ایراد اولندقده مثلث، مقدارک اعراض ذاتیه سندن اولور.

موضوعی ایله ایراد اولنورکه او موضوع، بدن انسان در. بدن انسان ایسه علم طبیعی نك موضوعندن نوع اولوب علم طبیعی نك موضوعی جسم مطلقدر. امر عرضی نك مثالی موجود ایله مقداردرکه «موجود» علم الهی نك موضوعی اولوب «مقدار» دخی علم هندسه نك موضوعی در. «مقدار» موجوددن اخص و «موجود» مقداردن اعتم در. «مقدار» ك موجوده اخص اولسی «موجود» ك مقداره عرض عام اولسندن نشأت ایتمشدر.

(قسم رابع) موضوعلر یکدیگرینه مابین اولوب لکن امر ثالث تحتند مندرج اولقبدن عبارتدر علم هندسه ایله علم حسابك موضوعلری کبی که بو موضوعلرک ایکسیده «ک» ك تحتته داخل اوله رق متساوین تسمیه اولنور.

(قسم خامس) موضوعلرک من وجه مشترک اولمردن عبارتدر. علم طب ایله علم اخلاقك موضوعلری کبی که بو عللرک موضوعلری قوای انسانیه ده مشارکدر.

(قسم سادس) موضوعلر بیننده تباین اولمقدن عبارتدر. علم حساب ایله علم طبك موضوعلری کبی که «عدد» ایله «بدن انسان» بیننده اشتراک اولمدیفی کبی مساوات دخی یوقدر. (تنبیه) برعلده موضوع اولان شی، برهان ایله طلب و تحصیل اولنمز. چونکه هر علده مطلوب اولان شی اعراض ذاتیه موضوعه دن عبارتدر. برشی نفس و ذاتنه عرض اوله میوب بلکه بذاته ظاهر اولور یاخود فوقنده اولان علم آخر ایچون مبرهن علیه اولور.



اما عرض غریب تعبیر اولنان عرض، امر عجیب واسطه سیله ماهیته لاحق اولان عرضدن عبارت اولوب او عرض یا ماهیتدن خارج و ماهیتدن اعمّ اولور و یا خود ماهیتدن اخصّ اولور که علومده بو عرضدن بحث اولنمز. مثالی شودر که مهندس، مستدیر اولان خطمی احسن در؟ و یا مستقیم اولان خطمی احسن در؟ و یا خود دائره، خط مستقیم نظیری میدر؟ و یا خود دائره، خط مستقیم ضدی میدر؟ دیو نظر ایتمز. چونکه حسن و تضاد، هندسه نك موضوعی اولان «مقدار» ك غریبی در یعنی مقدار ك عرض بعیدی در و او عرض یعنی حسن و تضاد، مقداره ملحق اولان عرضدر. لکن بو عرضك مقداره عرض اولسی مقدار اولسندن ناشی دکلدر بلکه بو عرض یعنی حسن و تضاد، مقدار ك اعمّ اولان وصفی در که مقداره بولندینی کبی سائر ذاتیاته دخی بولنور. بونك دیگر بر مثالی دخی طیب طرفدن جراحتك مستدیر و یا غیر مستدیر اولدیغه نظر اولنماسیدر. چونکه جسمه استداره لحوقی، جسمده جریحه اولق حیثیته اولیوب بلکه استداره، جرحدن اعمدر که جریحه ده بولندینی کبی جریحه نك غیر یسنده دخی بولنور.

بعدذا بر علمك موضوعی علم اخره موضوع اولق جائز اولدینی کبی بر علمك موضوعی علم اخرك موضوعندن اخصّ و یا اعمّ اولق دخی جائز اولور. كذلك بر علمك موضوعی دیگر علمك موضوعنه مابین و امر نالك تحتده مندرج اوله بیلور. كذلك بر علمك موضوعی دیگر علمك موضوعنه مابین و امر نالك تحتده غیر مندرج اولوب لکن موضوعلر من وجه مشترك و موضوعلر ك ایکسیده یکدیگرینه مطلقا مابین اولق صورتلری دخی جائز اوله رق صور مشروحه دن اقسام سته حاصل اولور.

(قسم اول) بر علمك موضوعی، علم آخر موضوعنك عینی اولوب انحق موضوعلردن هر برلری قید اخرك غیری اولان بر قید ایله مقید اولق مشروطدر اجرام عالم کبی. اجرام عالم من حیث الشکل علم هیئتك موضوعی ومن حیث الطبیعة علم سما و علم عالمك موضوعی اولور که ذکر اولنان حیثیتر ایله احدها اخردن تمیز ایدر.

(قسم ثانی) و (قسم ثالث) بر علمك موضوعی اخر علمك موضوعندن یا اخصّ و یا اعمّ اولقدن عبارتدر. موضوعلر بیننده عمومیت و خصوصیت یا امر ذاتی و یا امر عرضی اولور. امر ذاتی، اعمّ ك اخصّ ه جنس اولسندن عبارتدر. بونك مثالی مقدار ایله جسم تعلیمی در که «جسم تعلیمی» اخصّ اولوب «مقدار» دخی جسم تعلیمی نك جنسی و علم هندسه نك موضوعی در. «جسم تعلیمی» مجسماتك موضوعی اولور. دیگر بر مثال دخی طبك

تعریفی کبی در. یعنی «منطق بر علمدرکه او علمده معلوماتک احوالندن بحث اولنور» دیمک اولوب بوحالده علم منطقک موضوعی «معلومات» اولور.

غایت اعتباری ایله اولان تعریف، ینه علم منطقک «آله قانونیه تعصم مراعاتها الذهن عن الحظاء فی الفکر» تعریفی کبی در. معناسی «منطق بر آلت قانونیه درکه او آلت قانونیه به مراعات ایتمک، فکرده خطا و وقوعندن ذهنی حفظ ووقایه ایدر» دیمکدرکه بوحالده علم منطقک غایتی «عصمه الذهن» اولور.

برشیده ویاخود اشیایه متعلق و معتد به تناسب ایله متناسب اولان حالدر، یا او شینک ویا او شیانک ذاتیائنده مشارکت سببی ایله ذاتی اولور ویا او شینک ویا اشیانک ذاتیائنده مشارکتی اولمدینی جهتله عرضی اولور.

امر ذاتی اولان احوال، مقدار مطلقده مشارکتی اولان خط، سطح، جسم تعلیمی در. اشبو خط و سطح و جسم تعلیمی ذاتیائندن اولان مقدار مطلق ایله متشارك اولغله علم هندسه نك موضوعی اولان علی الاطلاق «مقدار» ك احوال ذاتیه سندن اولور.

امر عرضی اولان احوال دخی احکام شرعییه موصول اولق خصوصنده علم اصول فقه ایله متشارك اولان «کتاب» و «سنت» و «اجماع» و «قیاس» کیسدرکه احوال مذکوره امر اجنبی یعنی امر خارجی واسطه سی اولقسزین ماهیته ملحق اعراض ذاتیه دن اولور. یعنی اصول فقهک موضوعی اولان «احکام شرعیه» نك اعراضندندر.

اما جمیع مباحث علمک راجع اولدینی احوال، یا نفس الامر ره راجعدر یا نفس الامرک تحتنده جزئی اولور یاخود نفس الامرک عرض ذاتیسی اولور.

نفس الامر ره راجع اولان احوالک بیانی ایچون «عدد، یا زوج اولور ویا فرد اولور» دیو علم حسابدن بر مثال ایراد اولندقده زوجیت و فردیت، عددک احوال ذاتیه سندن اولور. ذات اولان شینک یعنی «عدد» ک زوج ویا فرد اولسی عددک احوالی اولور.

نفس الامرک تحتنده جزئی اولان احوالک بیانی ایچون «اوج، فرددر» دیو بر مثال ایراد اولندقده «اوج» ک فرد اولسی عددک احوالی اولور و فردیت دخی عددک تحتنده اولان جزئیائندن اوله رق بوضورتله عدد، کلی اولور.

نفس الامرک عرض ذاتیسی بیان ایتمک ایچون «مفرد، یا اول در ویا مرکب در» دیو بر مثال ایراد اولندقده «مفرد» ک اول ویا مرکب اولق احوالی، عرض ذاتی در.

واحواله طاقت بشریه مقدار بجه کسب معرفت ایتمه متوقف اولدیغندن وایشانک حقایق و احوالی ایسه متکثر و متنوع بولدیغندن اوائل زمانده علما جانبندن ایشانک ضبط حقایق و احواله و تسهیل اسباب تعلیمنه تصدی و اعتنا اولوب بر شیشه و یاخود اشیایه معتدبه تناسب ایله متناسب اولان حاللر طاقم طاقم تدوین اولنه رق هر بر لرلی برر علم اعتبار ایدلمش و هر بر علمده احوال ذاتیه سنندن بحث اولنان شیر او علمه موضوع اخاذ اولمشدر. چونکه بر علمک مسائلی او علمک موضوعنه رجعت ایدر و بو حالده علمک موضوعی مسائل علمک مایخل الیهی اولور.

علمای کرام جانبندن موضوع علمک تعریفده «بایمحت فییه عن عوارضه الذاتیه» دینلشدر. بوندن مقصد موضوع علمک مسائل علمه مرجع و موضع اولسندن عبارتدر. بو حواله کوره تدوین اولنان احوالده کافه طائفه موضوعده اشتراک سببیه علم منفرد اولوب بنفسه موضوع آخرده متشارك اولدیغی طائفه دن ممتاز اولور. بناءً علیه علمک جمله سی نفسلرنده یکدیگرندن موضوعلریله تمایز ایدر.

کذلك هر بر علم، غایت و محمول کبی شیء آخره دخی یکدیگرندن ممتاز اولور.

علمک صور مشروحده اوزره تمایز ایتسی امر استحسانیدن عبارت اولوب یوقسه هر بر مسئلهی رأساً بر علم عد و شمار ایله تعلیم و تدوین ایلکده عقل ایچون بر مانع اولدیغی کبی موضوعده غیر متشارك اولسه بیه علم واحد اعتبار اولنقده عقل ایچون مانع یوقدر. مسائل متکثره نك وجه آخره موضوعده متشارك اولسنگ مثالی بر طاقم امور ایله دیگر امور اوزرینه حکم ایتمکن عبارتدر.

ایضاحات مسروده دن اکلاشدیغنه کوره مسائل متشاركه سی مدوین اولان هر علمک حقیقی موضوع واحده اولدیغی کبی هر علم ایچون موضوع و غایت دخی واردر.

موضوع و غایت اعتباریله هر علم ایچون مسائل متکثره یی ضبط ایدن شی «جهت وحدت» اولوب مسائل متکثره، او جهت وحدت اعتباریله علم واحد عد اولنور.

جهت وحدتک اولکیسی «جهت وحدت ذاتیه» و ایکنجیسی «جهت وحدت عرضیه» اولوب بواجلدن علملر بعضاً موضوع و بعضاً غایت اعتباریله تعریف اولنور.

موضوع اعتباری ایله اولان تعریف، علم منطقی «علم یمحت فییه عن احوال المعلومات»

- علم الہینک موضوعی، حوادثک موجود اولدینی حیثیتی ایله «وجود» در .
 علم تعبیر رؤیانک موضوعی، تخیلات نفسانیہ ایله امور غیبیہ بینندہ کی «مناسبت» در .
 علم ریاضینک موضوعی، مادہ دن تجریدی ممکن اولان «امور مادّیہ» در .
 علم ارتماطیقینک موضوعی «خواصّ عددیہ» در .
 علم حسابک موضوعی «عدد» در .
 علم هندسہ نک موضوعی «کم» در .
 علم تعدیلک موضوعی «تداخل ساعات» در .
 علم طبعینک موضوعی «جسم» در ،
 علم حیوانک موضوعی «حیوان» در .
 علم نباتاتک موضوعی «نباتات» در .
 علم طبک موضوعی «بدن انسان» در .
 علم اطعمہ نک موضوعی «طعام» در .
 علم تشریحک موضوعی «اجزای بدن» در .
 علم کحالہ نک موضوعی «چشم انسان» در .
 علم اوزانک موضوعی «دراہم و اوقیہ و رطل» در .
 علم ریافتک موضوعی «امارۃ ما» در .
 علم قیافتک موضوعی «قیافت انسان» در .
 علم اختلاجک موضوعی «بدن انسانک اختلاجی» در .
 علم عیافتک موضوعی «فراری حیوان ایزی» در .
 علم ملاحہ نک موضوعی «سفینہ و دریا» در ،
 علم فراسہ نک موضوعی «اشکال اعضا» در .
 علم آلات ظلیہ نک موضوعی «مقادیر ظلال» در .
 علم تدبیر منزلك موضوعی «اعتدال احوال مشترکہ» در .
 علم تعاینک موضوعی «صفوف عساکر» در .
 علم احتسابک موضوعی «ادارۃ اهل بلدہ» در .
 علم موسیقینک موضوعی «نغمات» در .

موضوعات علومک قواعد اساسیہ سی بحثہ کلنجہ سعادت انسانیه هر شیک حقایق

- علم اشتقاقك موضوعی، «مفردات کلمات» در.
- علم احاجی و اغلوطاتك موضوعی، بحسب الظاهر قواعد عربیه مخالفه حیثیتی ایله «الفاظ» در.
- علم لغتک موضوعی، «مدلولات مفردات» در.
- علم ادبک موضوعی، لفظاً و خطاً سهو و خطادن احتراز حیثیتی ایله «کلام عربی» در.
- علم بیانک موضوعی، وضوح دلالت حیثیتی ایله «لفظ عربی» در.
- علم بدیعک موضوعی، «محاسن کلام عربی» در.
- علم محاضراتك موضوعی، معنا و ترکیبده مقام حال و شانہ مناسب اولمق اعتباریله «ایراد کلام» در.
- علم تصحیفک موضوعی، بلغادن وارد اولان «کلمات مصحفه» در.
- علم مبادی الشعرك موضوعی، ترغیب و ترهیبی حاصل ایدن مقدمات تخیلیه ایله «شعر» در.
- علم قرص الشعرك موضوعی، شعرك حسن و قبحی اعتباریله «کلمات شعریه» در.
- علم کتابتک موضوعی، «نقش بسائط حروف» در.
- علم انشانک موضوعی، کلام منشورک بلیغ و فصیح اولمسی و مقامه لایق عبارات حسنه ده آداب معتبره بی مشتقل بولنمسی حیثیتی ایله «کلام منشور» در.
- علم ترسلک موضوعی، هر طائفه نك طبعنه ملائم اولان اصطلاحات و احترازی واجب اولان عبارات حیثیتی ایله «کاتب» و «مکتوب» و «مکتوب الیه» در.
- علم عروضک موضوعی، من حیث الوزن «مربکات موزونه» در.
- علم املائی خطک موضوعی، خطوط عربیه نك نقوشنه عارض اولان احوال اعتباریله «بسائط حروف و خطوط» در.
- علم خطک موضوعی، «تصویر حروف هجاییه» در.
- علم ترکیب اشکالک موضوعی، «اشکال بسائط حروف» در.
- علم منطقک موضوعی، مجهوله موصل اولمق حیثیتی ایله «معقولات ثانیه» در.
- علم مناظره نك موضوعی، مدعانک ادله ایله غیر اوزرینه ثابت اولمسی حیثیتی ایله «ادله» در.
- علم حکمتک موضوعی، اعیان و اذهانده موجود «اشیا» در.

- برشیته ذات سببی ایله لاحق اولان عرض، انسانه امور غریبه ادراکنک لحوقی کبی درکه بو لحوق، واسطه ذات انسان ایله اولور.
- جزء اعم اولوق سببی ایله برشیته لاحق اولان عرض، ذات انسانه تمیزک لحوقی کبی درکه بوده واسطه جسمیت ایله اولور.
- جزء مساوی اولوق سببی ایله برشیته لاحق اولان عرض، انسانه تکلمک لحوقی کبی درکه بوده واسطه ناطقیت ایله اولور.
- امر خارج مساوی اولوق سببی ایله برشیته لاحق اولان عرض، انسانه تعجبک لحوقی کبی درکه بوده امور غریبه بی ادراک ایتمک واسطه سی ایله اولور.
- اشبو کتابک مباحث آتیه سنده علومدن علی الانفراد بحث اولندیقی صروده هر علمک موضوعی ایله هر علمه متعلق معلومات ممکنه درج و بیان اولنمش ایسه ده بو محله حسب المناسبه اکثر علومک موضوعاتی ذکر و تعداد اولنمشدر.
- علم تفسیر شریفک موضوعی «کلام الله» در.
- علم قرأتک موضوعی «صور نظم قرآن» در.
- علم حدیث شریفک موضوعی «اقوال و افعال نبویه» در.
- علم امارات نبوتک موضوعی «امارات نبوت» در.
- علم اصول فقهک موضوعی «ادله شرعیه کلیه در».
- علم شروط و سجاتک موضوعی «من حیث الکتابة» احکام ثابته در.
- علم فرائضک موضوعی «ترکه و وارث» در.
- علم حروف و اسمانک موضوعی «حروف هجائیه» در.
- علم تصوفک موضوعی «مخلیه ظاهر و محلیه باطن» در.
- علم باطنک موضوعی «قلب انسان» در.
- علم اخلاقک موضوعی «نفس انسان» در.
- علم جغرافیانک موضوعی «ارض» در.
- علم تاریخک موضوعی «امم و طوائف» در.
- علم انسابک موضوعی «انساب ناس» در.
- علم ادب درسک موضوعی «تعلیم و تعلم» در.
- علم تصریفک موضوعی «صیغ مخصوصه» در.

بحث

(۵)

موضوع علم

علومك يكدىكرندن تمايز ايمسى موضوعاتنك يكدىكرندن تمايز ايمسيه حاصل اولور. هر بر علمك موضوعى او علمده اعراض ذاتيه سندن بحث اولنان شيلردن عبارتدر. اعراض، عرضك جمعى در.

على الاطلاق عرض، اول بر موجوددر كه موضع ومحلّه محتاج اولور. لون كې كه جسم ايله قائم اولور.

عرض، يا قارّ الذات ويا خود غير قارّ الذات اولور.

قارّ الذات اولان عرض اول بر شيدركه انك اجزاسى موضع ومحلّه اجتماع ايدر بياض ايله سواد كې.

غير قارّ الذات اولان، عرض اول بر شيدركه انك اجزاسى موضع ومحلّه اجتماع ايمز. حرکه وسكون كې.

عرض لازم، اول بر عرضدر كه موضع ومحلندن انفكاكى ممتنع در. كتابتك انسان ماهيتندن انفكاكى ممتنع اولدينى كې.

عرض مفارق، اول بر عرضدر كه موضع ومحلندن انفكاكى ممتنع دكلدر. بونوع عرض، يا سريع الزوال اولور ويا خود بطى الزوال اولور.

سريع الزوال اولان عرض، انسانه حمالندن عارض اولان قرمزىلق وخوفدن عارض اولان صارىلق كې در.

بطى الزوال اولان عرض، اختيارلق وكنجلك كې در.

عرض ذاتى، اول بر شيدركه ديكر شيئه لاحق اولور وبوده لاحق اولدينى شيك

ذاتى ويا جزء اعلى ويا جزء مساوىسى ويا خود امر خارج مساوىسى اولقى سبيليله در.

مجازك مثالی اولوب بو مثالده ذكر اولنان مناسبت دخی موجوددر.
 (مجاز)، «جاز» لفظندن «مَفْعَل» وزننده فاعل معناسنه اولوب متعدی در. والی
 معناسنه اولان مولی کبی.
 مجاز تسمیه اولتمسنگ سببی کله نك محل حقیقتدن محل مجازه متعدی اولمسندن
 عبارتدر.

معنای حقیقت ایله معنای مجاز بیننده مناسبت قیدی پینهماده مناسبت اولیان
 ما وضع لهک غیریده استعمالدن احترازه مبنی در. چونکه حقیقت ایله مجاز بیننده مناسبت
 اولدینی تقدیرده «مجاز» تسمیه اولتیوب «مرمجل» ویاخود خطا اولور.



(حق)، خدای متعال حضرت تیرینک اسماء شریفه سندندر. ثابت معناسنده دخی استعمال اولنورکه «الشی الحق» حقیقه ثابت اولان شیء دیمکدر.

(حق) صدق و صواب کله لری مغالزنده دخی استعمال اولنور. نته کیم «قول حق» و «قول صواب» دینور.

(حق) لغتده انکارینه احتمال و مساغ اولیمان ثابت معناسنده در.

(حق) اهل معانی اصطلاحنده واقعه مطابق اولان حکم معناسنه اوله رق اقوال و عقائد و ادیان و مذاهب اوزرینه اطلاق اولنورکه مقابلی باطدر. اما صدق کله سنک خاصه اقوالده اطلاق شایعدر. صدق کله سنک مقابلی «کذب» در. بعض دفعه «حق» ده مطابقت واقع جانبدن و «صدق» ده مطابقت حکم جانبدن اعتبار اولنخ حیثیتی ایله «حق» ایله «صدق» بیننده فرق اعتبار اولنمشدر. بوحالده «صدق الحکم» دیمک، حکمک واقعه مطابقتدن عبارتدر و «حق الحکم» دیمک واقعه حکمه مطابقتدن عبارت اولور.

(حقیقت)، اول برلفظک اسمیدرکه اولفظ ایله ماوضع له مراد اولنور. اصطلاحده حقیقت، ماوضع لهده مستعمل اولان کله دن عبارتدر اول براصطلاحه کوره که انکله مخاطب و محاوره جریان ایدر. بو اصطلاح مخاطب قیدی ایله اصطلاح مخاطبک غیرى اولان اصطلاح آخرده ماوضع لهده استعمال اولنان مجازدن احتراز اولندی. صلاة لفظی کبی که عرف شرعده صلاة لفظی دعا معناسنده استعمال اولندیغی حالده اصطلاح شرعده ماوضع لهک غیرى اوله رق دعا معناسنه استعمال اولنخ حسیله مجاز اولور چونکه صلاة کله سی اصطلاح لغتده دعا معناسنه موضوع اولقله برابر اصطلاح شرعده ارکان معلومه و اذکار مخصوصه معناسنه وضع و تعیین اولنمشدر.

(حقیقت)، معنای موضوعی اوزرینه باقی اولان لفظک کلیسیدر.

(حقیقت)، قطعاً و یقیناً ثابت اولان شیء دیمکدر. کله مذکوره محلنده مستقر اولان شیئک اسمی اولوب اطلاق اولندقده انکله «ذات الشیء» مراد اولنورکه واضع لغت اولکله بی فی الاصل اوشی ایچون وضع ایلدی. مثلاً «اسد» لفظی بهیمه معروفه ایچون وضع اولنمشدر. بوحالده حقیقت، محلنده مستقر اولور و مجاز، محلنده غیر مستقر اولور.

(مجاز) کله سی اول برلفظک اسمیدرکه اولفظ ایله ماوضع لهک غیرى معنا مراد اولنور و حقیقت ایله مجاز بیننده مناسبت اولق لازمدر. شجیع برکیسه به اسد تعبیری،

بحث

(۴)

﴿ علم مدوّن ﴾

علم لفظی، سابقاً ذکر اولنان شیره اطلاق اولندی کی نحو وفقه مثلوا اسماء علوم مدوّنیه دخی اطلاق اولنور .

کذلک علم لفظی، مسائل مخصوصه یه ده اطلاق اولنور که «فلان یعلم النحو» ترکیبی بو اطلاقک مثالدر یعنی فلان کیسه نحوی بیلور دینلر که او کیسه مسائل نحویه یی بیلور دیمکدر .

علم، بعضاً دلالتدن مسائلک تصدیقاتنه و بعضاً دخی تصدیقات مسائلک تکررندن حاصل اولان ملکه یه دخی اطلاق اولنور . بو ملکه یه «ملکه استحضار» دینور . ملکه دخی تهیؤ التام دیمکدر . تهیؤ التام دیمک مراد اولنان شیئک استعلامی وقوعنده جوابه کافی اوله جق سرمایه معلوماته مالک اولمقدن عبارتدر .

علم لفظنک معنای حقیقیسی آنجق ادراکدر و بو ادراک ایچون بر متعلق اولوب اوده «معلوم» در . ادراکک حصولنه تابع و بقاسنه وسیله اولان شی ملکه در .

علم لفظنک بالاده ذکر اولنان شیردن هر برینه اطلاقی یا «حقیقت عرفیه» و یا خود «حقیقت اصطلاحیه» و یا «مجاز مشهور» در .

علم، بعضاً مجموع مسائله و مبادئ تصویری و تصدیقیه و موضوعاته اطلاق اولندی جهته علومک اجزای ثلثه دن عبارت اولدیغی علما جانبندن بیان بیورلمشدر .

حقیقت و مجاز کله لری اوزرینه بوجه آتی بعض معلومات ایراد اولنور .

(حقیقة) ، فعلیه وزننده اولوب «حق الشی» دن مأخوذدر که ثبوت معناسنه در . وزن مذکور فاعله معناسنده «حقیق» دیمکدر . حقیقت کله سنده کی «تا» حرفی علامه کله سنده بولنان «تا» حرفی کی کله نک و صفیتدن اسمیته نقلی ایچون اولوب تاء تأیث دکدر .

«حق الشی» و تعبیر اخرله «ماه الشی» هو هو دیمکدر . انسانه نسبتله حیوان ناطق کی .

اولان شی، «معلوم» ک نفس ماهیتی اولوب لکن اوشی، وجود ظلّی غیر اصلی ایله ذهنده موجود اوله رق شو وجود اعتباریله اکا صورت تسمیه اولنور و بو جهته وجود اصلی نك اوزرینه ترتب ایدن آثار اشبو وجود ظلّی غیر اصلی اوزرینه ترتب ایتمز و وجود اصلی به «عین» تسمیه اولنوب انک اوزرینه آثار ترتب ایدر و شو صورت ذهنیه، خارجه نسبتله «عین العین» اولوب ذهنه نسبتله «عین الصورة» یعنی علمک نفس وذاتنده قائم اولان ظلّ و شیخ درکه انکله «معلوم» منکشف اوله رق اکا علم دینور.

علمک ذهنده موجود اولوب نفسنده قائم اولیان ماهیته «معلوم» اطلاق اولنور. علم ایله معلوم، بالذات متغایردر. ذکر اولنان شیحی قائل اولنرک رأی و ذهابنه کوره «معلوم» ک مقوله جوهر دن و یاخود مقوله اخرادن اولسلیله برابر علمک مقوله کیف دن اولدیغنده اشکال و تردد یوقدر. چونکه علم ایله معلوم، ماهیته مختلفدر. اما ماهیاتک بانفسها ذهنده حصولی قائل اولنرک رأی و ذهابنه کوره ماهیته «جوهر» و «عرض» ک اتحادنده کی اشکال ایله برابر علمک مقوله کیف دن اولدیغنده اشکال واردر. بعض مدققین، تبدل ماهیتی مجویز ایله بر شی وجود خارجی اعتباریله «جوهر» اولوب وجود ذهنی اعتباریله او جوهرک کیفه منقلب اولدیغنی بیان ایدرک ملمحه ده واقع اولان شیئک ملمحه منقلب اولدیغنی مثال اوله رق ایراد ایلش و بو بحثک محاکمسی متعلق اولدیغنی کتابلرده علمای کرام حضراتی جانبندن بسط و تفصیل بیورلش اولدیغندن بو محله بو قدر جکله اکتفا اولنشدر.



بحث

(۳)

علمك ماهیتنه متعلق اختلافات

فلاسفه و بعض متکلمینک ذاهب اولدینی وجهله بر شیئه علم، اوشیثک ذهنده وجودینی مستلزم می در؟ و یا خود جمهور متکلمینک ذهابی مثللو بر شیئه علم، عالم ایله معلوم بیننده ذهنده تعلق دن می عبارت در؟ بومسئلهده اختلاف اولدی.

مذهب اولّه کوره بر شیئه علم حاصل اولدقده او علمدن امور ثلثه تحقق وتولد ایدر. امور مذکورهدن بریسی ذهنده صورت حاصله نك تحقق ایتسی و دیگری ذهنده اوصورتک انتقاش و ارتسام ایلسی و دیگری دخی اوصورتک قبولیله نفسک منفعل اولسیدر. صور مشروحیه نظر آ علمک ذکر اولنان امور ثلثه نك قغیسندن عبارت اولدیغنه اختلاف اولدی.

علا و حکمادن بر طاقی علمک، انجق ذکر اولنان امور ثلثه نك مجموعندن عبارت اولدیغنه ذاهب اولسیده علمک مقوله کیف [۱] و یا انفعال [۲] و یا خود مقوله اضافه دن [۳] اولدیغنه اختلاف حاصل اولدی.

کتب متعلقه سنده بیان اولدینی وجهله اصح اولان جهت، علمک مقوله کیف دن اولسندن عبارتدر.

وجود ذهنیه قائل اوللردن بعض ذواتک بیانیه کوره ذهنده حاصل اولان صورت، (معلوم) ک شیخ وظلی در. دیگر بعض ذواتک بیانیه کوره دخی ذهنده حاصل

[۱] (کیفیت)، بر شیئده تقرر ایتش اولان هیئت در.

[۲] (انفعال)، غیردن تأثیر سببیه متأثرده حاصل اولان هیئتدن عبارتدر.

[۳] (اضافه)، ایکی شیئدن برینک تعقلی انجق اخر شیئک تعقلی ایله حاصل اولان حالت نسیئه

متکرره دن عبارتدر. ابوت و بنوت کی. یعنی پدر تعقل اولندقدده فرزند دخی متعقل اولور و فرزند تعقل اولندقدده پدر دخی متعقل اولور.

دیو تعریف اولنوب بوتعریف « العلم صفة ذات تعلق بالمعلوم » قولنك قائلی عندنده مختار ایسهده علوم عادیه تعریف مذکورك خارجنده قالمشدر. مثلاً زمان سابقده کوریلان جبل، الآن ذبه منقلب و متحوّل دكل ایسهده خرق عاده جائز اولدیندن انك نقیضی محتملدر.

§-۱۱ « هو تمييز معنى عند النفس تمييزاً لا يحتمل النقيض » تعریفی در.

یعنی علم، نقیض احتمالی اولیه جق صورتده عند النفس تمييز معاندن عبارتدر دیو تعریف اولنوب اشبو تعریف، علمای علم کلامدن « ان العلم نفس التعلق المخصوص بين العالم والمعلوم » قولنك قائلی اولان کیمسه عندنده تعریف مختاردر.

§-۱۲ « هو صفةٌ ينجلي بها المذكور لمن قامت هي به » تعریفی در.

اشبو تعریفك، ماهیت علمك احسن تعاریفی اولدینی علامه سید شریف جرجانی حضرتلری جانبندن بیان بیورلمشدرکه معناسی « انه صفةٌ يكشف بها لمن قامت به ما من شأنه ان يذكر انكشافاً تاماً لا اشتباه فيه » یعنی علم برصفتدرکه اوصفتك قائم اولدینی کیمسه ایچون اول برشی منکشف اولور اومنکشف اولان شیئك شانی اوشیدن اشتباه اولنیه جق صورتده انکشاف تام ایله ذکر و بیان اولتقدن عبارتدر.

§-۱۳ « حصول معنى في النفس حصولاً لا يتطرق عليه في النفس احتمال

كونه على غير الوجه الذي حصل فيه » تعریفی در.

اشبو تعریف، علمای علم کلامدن آمدی تعریفی اولوب ترجمه سی شودر. علم، برمعناك فی النفس اول برصورتله حصولندن عبارتدرکه اندن غیرى برصورتله معنا حصولك احتمالی یوقدر.



تعریف، ظنه [۱] و جهل مرکبه [۲] و تقلیده [۳] و وهمه [۴] شامل اولسیله محققین حکما و بعض متکلمین عندنده اصح تعاریف اولدینی ابن صدر الدین حضرتلرندن مرویدر.

§-۹ «تمثل ماهیة المدرك في نفس المدرك» تعریفی در.

یعنی علم، ادراک اولسان شئیك ماهیتی ادراک ایدن کیسهك نفسنده تمثل ایلمکدن عبارتدر دیو تعریف اولنوب اشبو تعریفك حکمی بالاده محرر سکرنجی تعریفك حکم وشمولی کییدر. بو ایکی تعریف، حکما تعریفی اولوب وجود ذهنی اوزرینه مبنی در چونکه حکما عندنده علم، وجود ذهنیدن عبارتدر. مذکور ایکی تعریفدن اولکیسی ادراک کلیات وجزئیاته شاملدر. ایکنجی تعریفك ظاهری، کلیاته اختصاصی افاده ایدر.

§-۱۰ «هو صفة توجب للمها تميزاً بين المعاني لا يحمثل النقيض» تعریفی در.

یعنی علم، بین المعانی نقیض احتمالی اولیهجق صورته محلنك تمیزینی موجب برصفتدر

[۱] (ظن)، نقیض احتمالی ایله برابر اعتقاد راجح معناسنده در. یقین و شك معالزنده دخی استعمال اولنور.

شك ایله ظن بیننده اولان فرق، «ظن» ك صفت راجحیتی حائز اولسندن عبارتدر. (شك)، یکدیگرینه ضد و خلاف اولان ایکی شئیك بریسی اخره ترجیح ایتیرهك شك ایدیجی کیسهده حاصل اولان تردد و اشتباهدن عبارتدر. ینه شك ایکی طرفی مساوی طویلان ایکی شی بیننده وقوفدن عبارت اولوب قلب انسان، او ایکی شیدن بریسنك ترجیحه میل ایتز. اگر او ایکی شیدن بریسی اخره ترجیح ایله برابر مرجوح اولان جهت دخی ترك اولنور ایسه اكا ظن تعبیر اولنور. اگر احدها اخره ترجیح ایله برابر مرجوح اولان جهت دخی ترك اولنور ایسه اكا «غالب الظن» تعبیر اولنورکه بوغالب الظن یقین منزله سنده اولور.

[۲] (جهل)، مطلقاً برشیته عدم علمدر.

جهل، بعض دفعه معدوم اولوب بوخالده شی اولماق لازم کلور دیو تعریف مذکوره اعتراض واقع اولمش ایسهده بواعتراضك جوابنده شئیك وجود ذهنیدن عبارت اولدینی بیان اولمشدر. (جهل مرکب)، واقعه غیر مطابق اعتقاد جازمدن عبارتدر. برشیته بیلامک و او شیئی بیلبیرهك بیلك ادعاسنده بولنق جهل مرکبک مثالیدر.

(جهل بسیط)، جهل مرکب مفهومك خلافته اولهرق عدم علم معناسنده در. مثلا برکیسه بر شیئی بیلز و او شیئی بیلدیکنی دخی بیلور اولدینی حالده بوجهله، جهل بسیط دینور.

[۳] (تقلید)، حجت و دلیل سز اولهرق اخره قولنی قبولدن عبارتدر.

[۴] (وهم)، حکمك طرف مرجوحته اطلاق اولنور. طرف راجحنه ظن اطلاق اولدینی کی. عند الحکما وهم بر قوه مدرکه درکه محلی دماغده اولوب اوقوت واسطه سیله معانی جزئیته ادراک اولنور. صداقت زید و عداوت عمرو کی.

§-۵ « تبیین المعلوم علی ماهوبه » تعریفی در.

یعنی علم، « معلوم » ی « علی ماهوبه » تبیین در دیو تعریف ایدلش ایسه‌ده بو تعریفده
دخی دور وحشو [*] اولدیغندن و تبیین کلهسی خفادن صکره ظهوری مشعر اولوب
بو حالده علم خدا تعریفک خارجنده قالدیغندن بو دخی تعریف مقبول دکلدر.

§-۶ « اثبات المعلوم علی ماهوبه » تعریفی در.

یعنی علم، « معلوم » ی « علی ماهوبه » اثباتدر دیو تعریف اولنمش ایسه‌ده بو تعریفده
دخی دور وحشو اولدیغندن و اثبات کلهسی مجازاً علمه اطلاق اولغق حسبیه (تعریف الشی
بنفسه) اولق لازم کلدیکندن بو دخی تعریفات سائره قیلندن در.

§-۷ « الثقة بان المعلوم علی ماهوبه » تعریفی در.

یعنی علم، « معلوم » ه « علی ماهوبه » وثوق و اعتماددن عبارتدر دیو تعریف اولنمش
ایسه‌ده بو تعریفده دخی دور وحشو اولدیغندن و خدانک کندو علمنده واثق اولمی
محدوری لازم کلوب بونک دخی جناب حقه اطلاق شرعاً جائز اولدیغندن اشبو تعریف
دخی مدخول و غیر مقبولدر.

§-۸ « حصول صورة الشی فی العقل » تعریفی در.

یعنی علم، صورت شیئک عقده حصولندن عبارتدر دیو تعریف اولنوب اشبو

[*] حشو، لغتده یتصدق ایچنه طولدیریلان پاموق و امثالی اشیا معناسنه اولوب اصطلاحده
ذکر و ایرادی قائده دن خالی اولان زواتدندن عبارتدر.
حشو، ایکی در. بریسی لفظی و دیگر می معنوی در.
حشو لفظی، زائدک متعین اولسندن عبارتدر.
حشو معنوی، یا معنایی افساد ایدر و یا افساد ایتمز.
(تطویل) دخی لفظی و یا معنوی اولور.
تطویل لفظی ده زائد غیر متعیندر.
تطویل معنوی، معنایی افساد ایتمز.
شو حالده (حشو) ایله (تطویل) بیننده ایکی جهتدن فرق حاصل اولور.

قائمه برای تعریف مذکورده علم کلهسندن مشتق اولان معلوم کلهسنگ ذکر و ایراد اولنسی دوری [*] استلزام ایلدیکنه و «علی ماهوبه» کلهسی دخی معرفت معناسندن عبارت اولهرق زائد اولدیغنه مبنی تعریف سابق مثللو بوتعریف دخی بین العلامدخولدر .

§-۳ «هو الذی یوجب کون من قام به عالماً» تعریفی در.

یعنی علم، اول برشیدرکه اول شی ایله قائم اولان کیمسنگ عالم اولسنی ایجاب ایدر دیو تعریف اولنمش ایسهده اشبو تعریفده عالم کلهسنگ ذکر و ایراد اولنسی تعریف ثانی کبی دوری استلزام ایلدیکی جهتله بوتعریف دخی بین العلاماقبولدر .

§-۴ «هو ادراک المعلوم علی ماهوبه» تعریفی در.

یعنی علم، «معلوم»ی «علی ماهوبه» ادراک ایلدکن عبارتدر دیو تعریف اولنمش ایسهده بوتعریفده دخی دور وحشو اولدقدن بشقه ادراک کلهسی علدن مجاز اولدیغندن بودخی علما پیننده مدخولدر .

[*] (دور، دوران)، لغتده دونمک وطولانمق معناسنده در. چرخ کبی. علمده مصطلح اولان دور بحثنه کلنجه (دور)، ایکی شیدن هر برینگ شیء آخر اوزرینه توقف ایتمسندن عبارتدر.

دور، اقسام عدیده منقسمدر. اقسام مذکوره دخی دور اضافی، دور حکمی، دور مساوی، دور تقدیمی در.

(دور اضافی)، ایکی شیئ وجودده تلازمندن عبارتدر. اول برحیثیته که ایکی شیدن بریسی انجق دیکر شی ایله اولور.

(دور حکمی)، اقرار ایله حاصل اولور. مثلاً وفات ایدن برکیمسنگ برادری متوفا ایچون ابن موجود اولدیغنی اقرار ایلدکده نسب ثابت اولقله برادری وارث اوله ماز. چونکه ابنک وراثتی برادری عدم وراثتی مؤدی اولور.

(دور مساوی)، ایکی متضایفدن یعنی بربرینه میل ایدن ایکی شیدن هر برینگ دیکری اوزرینه توقفندن عبارتدر.

(دور تقدیمی)، برشیئک مرتبه واحدهده ویاخود برقاچ مرتبهده مایتوقف علیهی اوزرینه توقفندن عبارتدر. برمرتبهده حاصل اولان دوره، دور مصرح و برقاچ مرتبهده اولان دوره، دور مضمهر اطلاق اولور.

شمس، کوکب نهاری ایله تعریف اولنسه و (نهار) فوق الافق شمسی طلوعی زمانیه تعریف اولدقدنه شوتعریف دور مصرحه مثال اولور.

دور مضمهرک مثالی دخی معنائک فهمی لفظک دلالتنه ولفظک دلالتی علم وضعه و علم وضعک دلالتی لفظک دلالتی واسطهسیله معنائک فهمنه توقف ایدر دیو تعریفدن عبارتدر. اشبو دور مضمهر، دورک اقبعی اولور.

(ماهیت جنسیه) افرادنده علی السویه اولمز . مثلاً حیوان لفظی، انسانده ناطقک مقارنتی اقتضا ایدر و انسانک غیریسنده بومقارنتی اقتضا ایتمز .

(ماهیت اعتباریه) اول برماهیتدرکه انک ایچون وجود اولیوب انک وجودی معتبرک عقلمده اعتبارک دوام ایلدیکی مدجه باقیدر . مثلاً «کم» ک یعنی عددک ماهیتندن واقع اولان سئواله «کمیت» ایله جواب ویریلورکه مذکورکمیت ، ماهیت اعتباریه ذهنیه دن عبارتدر .

علی الاطلاق، ماهیت علمک تصوّری ضروری میدر؟ ویاخود عسیر التعریف اولان نظری میدر؟ ویا غیر عسیر التعریف اولان نظری میدر؟ بومسئلهده بین العما اختلاف اولندی .

علی الاطلاق، ماهیت علمک تصوّری ضروری اولدیغنه امام فخرالدین رازی حضرتلری ذاهب اولدیغی کبی عسیر التعریف اولان نظری قسمندن اولدیغنه دخی امام الحرمین حضرتلری ایله امام ابی حامد غزالی حضرتلری ذاهب اولمشلر ایسهده ماهیت مذکورهنک غیر عسیر التعریف نظری قسمندن اولسی صورتی بین العما ترجیح اولنمشدر .

علمک تعریف ماهیتنه دأر بین العما جاری اولان مباحث ، آتیاً ذکر و بیان اولنور .

§-۱ علم «اعتقاد الشی علی ماهوبه عن ضرورة اودلیل» تعریفی در .

یعنی علم ، بر شیئه «علی ماهوبه» اعتقاد ایتمکن عبارت اولوب او اعتقاد دخی یا الجای ضرورت ویاخود واسطه دلالت ایله حاصل اولور دیو تعریف اولنمش ایسهده بر شیئک تعریفی او شیئک افرادی جامع وایغارینی مانع اولمق قاعده کلیه اقتضاسندن اولوب حال بوکه تعریف مذکورده ضرورت ویاخود دلیلدن حاصل اولان «ظن» داخل اولدیغی جهتله ماهیت علمک اشبو تعریفی قاعده مذکوریه موافق اولمیدندن بین العما مدخول ونامقبولدر .

§-۲ «معرفة المعلوم علی ماهوبه» تعریفی در .

یعنی علم، معلوم اولان شیئه «علی ماهوبه» معرفتدن عبارتدر دیو تعریف اولنمش ایسهده علم خدایه معرفت اطلاق جائز اولمیدنی جهتله علم خدا اشبو تعریفک خارجنده

بحث

(۲)

ماهیت علم

علمك ماهیتی تعریف و بیان اولنزدن اول علی الاطلاق ماهیت کله سنك ممکن مرتبه تعریف و بیانہ ابتدار اولنور.

(ماهیه الشی) و تعبیر اخرله (ماه الشی) هُو هُو دیمکدر . هُو هُو دیمک «اوشی عینی اوشی در» معناسنی مفید اولور.

ماهیت کله سنك «ما» کله سنه منسوب اولدینی دخی روایت اولندی . بو حالده ماهیت کله سنك اصلی «مایه» اولوب کله مذکورہ نك «ما» لفظندن مأخوذ اولان مصدره مشتبہ اولماسی ایچون «همزه حرفی» «ها» حرفه قلب اولنمشدر . اشبو ماهیت کله سنده راجح اولان صورت «ماهو» کله سنه نسبتدن عبارت اولوب ایکی کله برکله حکمنده اعتبار ایدلمشدر .

ماهیت کله سی اکثریا امر متعلقه اطلاق اولنور . نه کیم انسان لفظندن ، وجود خارجیدن قطع نظرله حیوان ناطق تعقل اولنمی انک مثالدر .

امر متعلقه ، «ماهو» ایله اولان سؤالک جوابی اعتباریله «ماهیت» و خارجاً ثابت اولوق حیثیتندن «حقیقت» و اغیارندن تمیز اتمک حیثیتندن «هویت» و اکا لوازمی حمل اولنلق حیثیتندن «ذات» و لفظندن استنباط اولنلق حیثیتندن «مدلول» و محل حوادث اولوق حیثیتندن «جوهر» اطلاق اولنور .

ماهیت اوچدر . بریسی (ماهیت نوعیه) و دیگرکی (ماهیت جنسیه) و دیگر بریسی دخی (ماهیت اعتباریه) در .

(ماهیت نوعیه) افرادنده علی السویه اولور . ماهیت مذکورہ فرد واحده نه شی اقتضا ایدر ایسه فرد اخرده دخی اوشیئی اقتضا ایدر . مثلاً انسان لفظی ، افرادندن اولان زیدده مقتضی اولدینی شیئی عمروده دخی اقتضا ایدر . ماهیت نوعیه ماهیت جنسیه نك مخالفی در .

مراجعت اولنوب علی التدریج فکر و ترتیب ایله مجهوله علم و ادراک حاصل اولور. بوتقدیرجه انسانک علمی، اشیای مجهوله بی بلکه مناسب شیاری ذهناً محری ایدوب علی وجه اللایق ترکیب و ترتیب ایدرک بدل مقدور ایله اسباب معلومه و مبادی معروفهیه منتهی اولوب آنی مجاوز اینلز. اگر اسباب علمدن اولان «مبادی» ده و یا خود «مبادی» نک ترتیب و ترکیبده خطا واقع اولور ایسه او خطا سببی ایله «معلوم» ده دخی خطا واقع اولور. و بین العلماء کثرت اختلافات واسئله و معارضات وقوعی بو حالدن نشأت ایدر.



ایسته بالاده بیان اولدینی اوزره نفس انسانی، حقائق کلیهیی ادراک ایله حیوانات سآرهدن ممتاز وامورده تدبیر وتصرف ایله سرفرازدر. لکن انسان ایچون حقائق اشیایه علم واطلاع، ملائکه کرام کبی بالفعل حاصل اولدینی کبی جمله حوادثک کنه وغورینه دخی انسانک قوّه عقلیهسی دفعهً واصل اولیوب حقائق اشیایه علم حصولی، حواسّ ظاهره وباطنه واسطهسیه خارجدن اکتساب اولنان صور محسوساتک واحوال جزئیهنسک تدریجاً مشاهده وملاحظهسنه موقوف اولغله انسان، بطون دماغیهنک وسطنده واقع اولان قوّه مفکرهسنی اشیای مکتسبهنک کاه ترکیب وترتیبی وکاه تحلیس وتفریقی امرنده استعمال ایدرک مستعد اولدینی کالات علیهیی تحصیل ایدر. اما انبیای کرام ورسل عظام علیهم السلام حضراتنک انوار علوم ایله منورّ وحقائق اشیانک صور کلیهسی جوهر فطرتونده مرسوم ومصورّ اولسیله جناب خالق تعالی حضرتلرینک ذات وصفاته وعالم روحانی وجسمانیده موجود اولان اشیانک حقائق وماهیاته واحوال واغراض کلیهسنه فیض ربّانی وامداد صمدانی ایله عالم اولمری حسینیه انبیای عظام ورسل کرام علیهم السلام حضراتنک عملری ذکر اولنان آت بدنیه وقوای حسیه کبی وسأطه احتیاجدن وارستهدر.

علوم لدنیّه اصحابی اولان اولیای کرامک عملری دخی صور مشروحه اوزره اولدینی وشونعت الیهنک سعداى مؤمنینه عالم برزخده حصوله کلدیکی علمای کرام جانبندن بیان بیورلمشدر. سآر افراد ناس، علم ربّانی وادراک روحانیه کندو طبیعتلری ایله وصولدن عاجز وظلمت بدنیهلری انوار معارف الیه ایله کندو اره لرینه حائل وحاجز اولغله نفس وروحک طرف اسفلی اولان جسم وبدن جانبنه میل وحرکت ایدوب حواسّ ظاهره ایله محسوسات خارجهیه نظرله حس وادراک ایتدیکی صوردن قوّه خیالیه وحافظهسنده محفوظ ومضبوط اولان معلوماتی قوّه مفکرهسی واسطهسیله قوانین منطقیه اوزره ترکیب وترتیب ایدرک تصوّر وتصدیق نوعلرندن مجهوللرینی تحصیل ایدر. افراد ناس ایچون شو صورتله حاصل اولان علوم ومعارفک جملهسی، آت بدنیه استعانهسیله وقوّه متخیله وساطتیله خارجه موجود اولان محسوسات جزئیهن اکتساب اولنوب قواعد مخصوصه وقوانین مضبوطه محتده داخل اولغله دآرهسی واسع دکلدر. زیرا منطق کتا بلرنده تحقیق اولدینی اوزره برشیک تصوّر ویا برشی ایله شیء آخرك اوزرینه حکم وتصدیق مجهول اولدقده اول مجهول اولان شیئی یئلك ایچون زهنده معلوم ومحفوظ اولان مبادییه

ایله او عمل ختامپذیر اولور. مثلا بر سقف ایجاد و احدائی مراد اولدوقده اوستقفا احدائه توقف ایدن علت و سبیلردن ابتدا حائط و جدارلری وارد خاطر اولور و بعده حائط و جدارلرک اساسنه انتقال اولمغله ترتیب فکریده اواساس، علل و اسباب اخیره اولور. فکر انسان، فعل و عملده ابتدا اساس و بعده جدار ایله بدأ ایدوب اندن صکره ترکیب سقفا، عمل آخر اولور. اشبو مفهوم (فعل و عملک اولی، فکرك اخری در و فکرك اولی، عملک اخری در) دیو بین العلما مشهور اولان قولک معنای صحیحی در.

ایمدی انسانک فعل و عملک خارجه حصولی بعضیسی بعض اخره متوقف اولان علل و اسبابنده اجاله فکره مقصور اولوب فکر و تأملدن صکره اوفعل و عمله مبادرت اولنور. فکرك اولی، عملک اخری و عملک اولی، فکرده متأخر اولوب روح انسانی، علم و عملی جامع و مظهر الهام یزدانی اولمغله علل و اسباب میاننده، ترتیه و نظام عالمه مطلع اولسیله انسانک افعال و اعمالی منتظم اولور. حیوانانده حس و حرکت موجود ایسهده فکر و تأمل مفقود اولمغله کندولرندن صدور ایدن افعال و ائاری ترتیب و تنظیم اتمکه حیوانانک افعالی حلیه کالدن خالی در. زیرا حیوانات، مجرد سمع و بصر و سایر احوالده حواس ظاهره یی اعمال ایله آنجق محسوسات جزئییهی حس و ادراک ایدوب مدرکاتی تنظیم و ترتیب اتمک اقدارندن عاری در.

وقتا که عالم کون و فسادده معتبر اولان حوادث فعلیه نهج نظام اوزره افعال بشره مقصور اولوب رابطه انتظامدن خارج اولان فعللر، نوع بشرک افعال منتظمه سنه تابع اولدوقده حیوانانک افعالی، انسانک افعالی تحتنده مندرج اوله رق بوجهتله حیوانانک کافه سی نوع انسانه مسخر اولدی.

فکر و نظر، نوع بشره مخصوص بر سر ربانی و نور روحانی درکه انسان، جنس قریبده و حس و حرکته مشارک اولدینی سائر حیوانلردن او خاصه ایله ممتازدر. اشبو فکر و نظر ایله انسان، اسباب و مسببات میاننده واقع اولان روابط و علاقه و قوفی و مبادیه علم و شعوری مرتبهده واصل سر منزل کمال اولور. و قوف اسبابده مراتب ناس، مختلف و متفاوت اولمغله بعض ناس بر شینک ایکی ویا اوچ مرتبه علل و اسبابنه واقف اولوب زیاده سنی ادراک اتمکده عاجزدر. بعض ناس دخی بش ویا التي مرتبه علل و اسبابه واقف اولوب انسانی درجه علیاده اولور.

جنسك سياستنه متعلق اصول و آدابى اوفكر ايله تحصيل ايدر. قوه فكرينهك شو ايكنجى مرتبهسى اكثر يا احكام تصديقيه اولوب تجربه طريقه شيا فشيا حاصل اولدقه فائده تامه ومصلى عامهك حصوله توسل اولنور. فكرك بو مرتبهسنة (عقل تجريي) دينور.

فكرك اوچنجى مرتبهسى اول برفكر دقيقدركه برمطلوب كلويه مجرد يا علمى ويا ظنى افاده ايدوب عملردن برعمل اكا تعلق ايتمز. فكرك بو مرتبهسنة (عقل نظرى) تسميه اولنور. حقائق اشيا و اعيان خارجيهك نفس الامرده واقع اولديغى اوزره اجناس و فصول و علل و اسبابنى مفيد اولان قوه فكريه بو مرتبه ايله كامل اولوب حقيقت انسانينهك معناسى اولان عقل محض، نفس مدركه اولور.

انسان و سائر حيواناتدن صادر اولان افعال و اثار، كندو قصد و اراده لرى و جناب حقك اندرده خلق ايلديكى قدرت ايله حاصل اولور. بو افعالك بعضيسى منتظم و مرتب و بعضيسى غيرمنتظم و غيرمرتبدر. منتظم و مرتب اولان افعال و اعمال، منحصراً نوع بشره مخصوص اولوب غيرمنتظم اولان افعال و اعمال دخى سائر حيواناته مختصدر.

انسان، اعمال عقل و فكر ايله برشى ايجاد ايتك مراد ايتدكده اول شينك قريب وبعيد اولان اسباب و عللنه و اجزاسنه و اركانه و شروطنه و سائر مباديسنه تظن ايتدكن صكره اوشينك ايتداسندن اتهاسنه قدر اقتضا ايدن اسباب و مباديى تريب و تقدير ايدرك لايق اولديغى وجهه مطلوبى اولان فعلى تكميل ايدر.

هر فعلك حصولى او فعلك اجزا و مباديسنك جمع و ترتيبنه موقوف اولمغه او فعلك تمام و ختامى علل و اسبابندن متأخردر. فعلك اجزاسنده دخى تقدم و تأخره رعايت لازم اولمغه مقدم اولان سببى تاخير و مؤخر اولان سببى تقديم ايتك ممكن اولمز. برفعلك مبدائى و سببى دخى اخر برمبدأ ايله سببه موقوف اولور بوحالده سبب اولك حصولى سبب نائيدن مؤخر اولوب سبب ثانى دخى سبب ثالثه و سبب ثالث، سبب رابعه توقف ايدرك سلسله اسباب ايكي اوچ مرتبه ويا دهها زياده مراتب ايله علل و اسبابك فكر واسطه سيله نهايته و اريلوب مطلوب اولان فعلك تحصيل و ايجادينه مباشرت اولندقه فكرك منتهاسى اولان سبب اخير ايله عمله بدأ و شروع اولنوب بعده سبب اخيرك معلولى اولان سبب ثانى و اندن صكره سبب ثالثه تنزل اولنورق ابتدائى امرده خاطرگذار اولان سبب اول

§. ۳ — (قوة واهمه) جرم دماغه مرتب اولان بطن ثالث مقدمه و طبقه اولاسنده واقع بر قوت اولوب حس ظاهر ايله محسوس و معلوم اولان اشيا نك احوال جزئيه و اغراض مخصوصه سی او قوت واسطه سیله ادراك اولنور . بر آدمك كندی حقدنه دیکر آدمن محبت و یا عداوت حس ایتمسی و والدینك اولادینه و اولادینك دخی كندولرینه میل و محبتنی ادراك ایلمسی و قیونك دخی تصادف ایتمدیکی قوردك كندوسنه خصومت و عداوتنی حس ایدوب اندن محتب اولمسی قوة و اهمیه مثالدر . زیرا قوة و اهمه ايله محسوسات میاننده واقع اولان احوال جزئیه ادراك اولمغله حیواناتده دخی قوة مذکوره موجوددر . اما انسان ، قوة و اهمه ايله معانی جزئیه ای احساس ایتمدیکی کبی نفس ناطقه و قوة عقلیه سی ايله معانی کلیه ای دخی ادراك ایدر . مثلاً مطلقاً عداوت و محبت لفظلرینك معانی کلیه سنی انسان ، عقل ايله بیلور . لکن حیوانات اندن غافل اولوب بلکه تصادف ایلدیکی اشیا ی مخصوصه نك حال و شأنی معاینه ايله ادراك ایدر یوقسه انسان کبی اشیا ی کلیه ای و احکام مطلقه ای ادراکدن بالکلیه قاصر و عاجزدر .

§. ۴ — (قوة حافظه) بطن ثالث آخرنده واقع بر قوت اولوب قوة و اهمه ايله ادراك اولنان معانی جزئیه اوراده حفظ اولنور . اشبو قوة حافظه ، صور و هیمنك خزینه سی مقامنده اولمسیله صحیفه حافظه ده مرتسم و منتقش اولان معانی ، وقت حاجتده اوخزیندن اخذ ايله اقتضای وجهله استعمال اولنور .

§. ۵ — (قوة مفکره) بطون دماغك وسطنده بولنان بطن ثانیده واقع بر قوتدرکه حس مشترک و قوة و اهمه ايله ادراك اولنان صور محسوسانده و معانی جزئیه ده ترکیب و تحلیل صورتی ايله تصرف ایتمسیله سائر قوای دماغینك اشرفی در .
حواس انسانیهدن اولان فکر ، اوچ مرتبه اوزرینه مرتب اولوب هر مرتبه بر نتیجه ای انتاج ایدر .

فکرک برنجی مرتبه سی ، خارجده ترتیب طبیعی و یا ترتیب وضعی ايله مرتب اولان امور ی تعقلدرکه انسان ، ابتدا اول امور ی ذهناً تعقل و ملاحظه و بعده تحصیل و ایجاده مبادرت ایدر . قوة فکریه نك اکثریا بو مرتبه سی تصورات اولور . انسان ایچون جلب منفعت و دفع مضرت حصولنه مدار اولان (عقل تمیز) بوندن عبارتدر .

فکرک ایکنجیمی اول بر فکردرکه انسان ، ابنای جنسیله اولان معامله سنه و ابنای

(بطن ثانی) دخی بطن اوّل ایله بطن ثالث بیننده دهلیز [۱] کی متوسط اوله رق بطن اوّل و بطن ثالثن زیادہ طاردر.

بطون ثلثه نك هر بری دخی اوج طبقه اوزرینه مرتّب اولوب طبقه اولیہ «مقدمه» و طبقه ثانیہ «متوسط» و طبقه ثالثیہ «مؤخر» دینور.

جرم دماغه مرتّب اولان بطون ثلثه دن هر بری قلب دن دماغه صعود ایدن روح نفسانی ایله مملو اوله رق هر برنده بردرلو حس و ادراک حاصل اولغله نفسک قوای مدرکسی انلرده موجود در.

جرم دماغه مرتّب اولان بش قوتک برنجیسی (حس مشترک)، ایکنجیسی (خیال)، اوچنجیسی (قوه واهمه)، دردنجیسی (قوه حافظه)، بشنجیسی (قوه مفکره) در.

§ ۱ — (حس مشترک) جرم دماغه بطن اوّلک مقدمنده واقع برقوت اولوب انسان، حواسّ ظاهره دن بصر ایله مشاهده ایتدیکی اشیایی و سامعه ایله استماع ایتدیکی اصوات و کلماتی و ذائقه ایله طاتدینی طعموی و شامه ایله قوقلادینی رایحه لری و لمس ایله حس و ادراک ایلدیکی اشیانک احوالی او قوه حس مشترک واسطه سیله ادراک ایدر. زیرا ظاهر بندنه اولان حواسدن هر بری الحق بر حاسه مخصوص اولان شینک ادراکنه آلت اولوب بر حاسه ایله حس اولنه جق شی، حاسه اخری ایله ادراک اولنمز. مثلاً حس بصر ایله الحق لون و ضیا و سائر محسوسات بصریه مشاهده اولدینی کی قوه سامعه ایله دخی یا لکتر اصوات و نغمات و حروف و کلمات ایشیدیلوب بالعکس بصر ایله مسوعات و سامعه ایله مبصّرات ادراک اولنمز. اما بطن اوّلک مقدمنده موضوع اولان قوه حس مشترکده بونلرک جمله سی، وقت واحده دفعه حاصل اولوب ادراک اولنغله کویا حواسّ ظاهره، حس مشترک دینیلان قوتک خارجاً جاسوسلری منزله سنده اوله رق حواسّ مذکورہ خارجدن اخذ ایتدکلری صور محسوساتی حس مشترک ایصال و تسلیم ایدرلر.

§ ۲ — (قوه خیال) جرم دماغه بطن اوّلک مؤخرنده واقع بر قوتدرکه حس مشترکده مرسوم اولان صور محسوساتی حفظ و ضبط ایتکلله حس مشترک خزینه سی مقامنده اولسیله طول زمان ایله منسی اولان محسوساتی نفس انسان، وقت حاجنده قوه خیال واسطه سیله تذکر ایدر.

(حس شمّ) ایله رایحه لر حس اولنور، (حس ذوق) ایله اطعمه و اثر به نك طاتلی و آجی کبی طعمی بیلنور، (حس لمس) ایله دخی اشیانك حرارت و برودت کبی احوالی محسوس اولور. انسانك مار الذکر حواسّ ظاهره سندن بشقه جرم [°] دماغده بش عدد قوّه باطنه ده موجود درکه انسان، کندو ظاهر بدننده موجود و مرکوز اولان آلات حسیه ایله ادراک ایتدیکی احوالی، قوای باطنیه تسلیم ایدوب ادراکات باطنه واسطه سیله حقائق اشیا به کسب معرفت ایدر.

محققین علمای کرام ایله حکما عندنده انسانك نفس و روحی اجزای کشفه جمیه دن مجرد اولوب تحصیل کالانده جسم و بدنه و جسم بدننده اولان آلات حسیه محتاج بر وجود روحانی در.

روح، بر سلطان صاحب فرمان منزله سننده و جسم و بدن دخی او سلطانك مملکتی و حواسّ ظاهره، او مملکتك اعیان و ارکانی و حواسّ باطنه، او سلطانك مقرّبینی اولوب سلطان روح، اعیان و ارکانی حسن استعمال ایله دنیا و عقبایه متعلق اولان امورینی تسویه و تکمیل ایدوب سعادت دارینه واصل و نائل اولور.

حواسّ باطنه حقنده بعض علمای اسلامیه جانبدنن بیان بیوریلان معلوماتك خلاصه سی بروجه آتی درج صحیفه تذکار اولنور.

حواسّ باطنه نك مجموعی جرم دماغده واقع اولوب جرم دماغ دخی مخروطی الشكل بر عضودر.

رأسك جهت طولنده واقع بر عضوده اوچ عدد خالی محل اولوب او محللره، «بطون دماغ» تسمیه اولنور.

(بطن اول) رأسك جانب اعلاسنده جمله بطونك اعظم و اوسعی در.

(بطن ثالث) رأسك طرف اسفلنده واقع اولوب بطن اول دن اصغر در.

[°] (جرم)، جیمك کسری ایله جسد معناسنده در، جمی اجرام کلور. جرم کله سی اجسام عالیده استعمال اولنور. فلکیاته اجرام سماویه اطلاق او اعتباره مبنی اولوق کرکدر.

باشك عضولینه جسد تعبیر اولندیفی کبی جرم دخی دینور. نته کیم لسان حقنده صغیر الجرم و کبیر الجرم دینلشدرکه شوکلام، لسانك جرم و جیمی کوچك و جرم و خطاسی بیوکر معناسنی افاده ایدر.

بحث

(۱)

﴿ منشأ علوم ﴾

معلوم اولدینی اوزره انسان، حس و حرکت و غذا و سائر لوازم ضروریهده حیوانات سائر ایله متشارك اولدینی حالده مالک اولدینی فکر و ادراک ایله سائر حیواناتدن ممتازدر. کذلک انسانک دنیا و عقبایه متعلق امورنده انبای جنسی ایله تعاون و تناصره احتیاجنی نیلسی و معبود حقیقی پی اثبات و توحید ایتسی و انبای عظامک طرف باریدن تبلیغ بیوردینی اوامر و نواهی پی قبول و تصدیق ایلسی نور فکر ایله حاصل اولور .

حیواناتک جمله سی ، انسانه اوجوه فکر سببی ایله مطیع و مستخر اولوب نوع بشر، اوسبب ایله مخلوقاتدن جمع کثیر اوزرینه تفضل و تقدّم ایدر. بو حالده انسانک فکری، علوم و صنایعک منشائی اولور.

فکر، اول بر ادراک مطلق درکه او ادراک، نفس مدرکده اشیایه حس و شعوردن عبارتدر .


ادراک مطلق، کافه موجوداتدن حیواناته مخصوص بر صفت اولوب بوصفت، نباتات و جماداته موجود دکلددر .

جناب خالق کائنات، حیواناته حس و ادراک ایچون بش عدد حاسه ظاهره خلق ایلمش و جلب منفعت و دفع مضرت طریقی حواسّ مذکورنه استعمالی ایله تعیین بیورمشدر .

حواسّ ظاهره (سمع) ایشتک ، (بصر) کورمک ، (شم) قوقلامق ، (ذوق) طاتمق ، (لمس) بطوتمق حاسهلرندن عبارتدر .

(حس سمع) ایله صوت و صدالر ایشیدیلور . (حس بصر) ایله اشیایه کوریلور ،

و شمس تاباندن ذره قیلسدن اولمق اوزره تتبعات عاجزانه من درجه سنده
جمع و ترتیب اولنان اشبو کتابی قارئین کرامه عرض و تقدیم ایله افتخار ایدر
و بویله بر کتاب یایمق حد و اقتدار منک فوقنده اولدینی حالده مجرد وطنه
بر خدمت عاجزانه ده بولمق نیت خالصه سی ایله میدانه کتوریلان بویله بر اثرده
کور یله جک خطا و نقصان لک ارباب فضل و عرفان عندنده مظهر عفو اوله جفنی
امید ایلرز. ومنه التوفیق



بشقه‌جه بر فائده مطالعه قلم‌سینه مبنی اشبو کتاب بروجه آتی التی قسم اوزرینه ترتیب اولنمشدر .

(قسم اول) علوم و فنونه متعلق مباحثی حاوی در .

(قسم ثانی) انواع علوم اعتباری ایله اسمی کتب بیاننده اولوب هر بر علمه متعلق اولان مؤلفات ایچون بشقه بشقه فصللر تخصیص اولنهرق کتب مؤلفه، متعلق اولدقلری فصللرده کوسترلش و تألیف بیوریلان کتابلرک بیان اسمیسی صره‌سندده مؤلفین کرامک اسم و کنیه و نسبتلری ایله تاریخ ولادت و یا خود ارتحاللرندن و مؤلفاته دائر بعض معلومات اجمالیه دن بحث اولنمشدر .

(قسم ثالث) کتب مؤلفه‌یی حروف هجاً اوزره کوستر فهرستی حاوی در .

(قسم رابع) کتب مؤلفه‌یی تاریخ اعتباریله ارائه ایدن فهرستی حاوی در .

(قسم خامس) مؤلفین کرام حضرتلرک حروف هجاً اوزره اسمیسی ایله هر بر مؤلفک انواع علومه دائر مقدار تألیفاتی و اکثر مؤلفینک تراجم احوالی مشعر در .

(قسم سادس) مرکز سلطنت سینه ایله سائر ممالک شاهانه‌ده بولنان اکثر کتبخانهلرک کتب موجوده‌سندن و اوروپاده علم کتبه دائر نشر اولنان مؤلفاتدن و بویولده سائر معلومات مفیده دن بحث ایدر .

بالاده رقتده خامه عرض و تبیان اولدینی اوزره اون اوچ عصر دن برو علما و فضلا و حکما و ادبا و مورخین و سائر ارباب علوم و فنون حضراتی جانبدن تألیف بیوریلان کتابلر ستاره سماکی بی حد و شمار اولدینی جهتله اشبو کتابده جمله سنک درج و تزییری خیال محال اولمسایله بحر عماندن قطره

هرآن عیون آرای جهان اولان مساعدات جلیله و تشویقات متوالیه ملوکانه لری
 اٹاری اشبو فهرست عمومینک جمع و ترتیبینه باعث شوق و غیرت اولمش و بعونه
 تمالی اجمالی میسر اوله رق «مخزن العلوم» تسمیه اولمش و بونک باشلوجه
 مأخذ لری مفتاح السعادة و کشف الظنون و سائر کتب معتبره و متنوعه دن
 و مرکز سلطنت سنیه ایله مصر و بیروت کبی بیوک محارده کائن مشهور
 کتبخانه لر فهرست لرن دن عبارت بولنمشدر.

اشبو کتابک جمع و تحریرینه مباشرت اولنمزدن اول صورت ترتیبی مطالعه
 اولندقدن اسامی کتب بیانندن مقدم علوم و فنونه دائر مباحث و مقالات درج
 و ترتیب رنده مناسبت کورلمسنه و اسامی کتب قسمنده کتابلرک انواع علوم
 اعتباری ایله فصول مخصوصه ده کوسترلمسی ایله برابر کتب مؤلفه یه و مؤلفین کرام
 حضرتنک اسامیسسنه دائر معلومات مجمله و مفیده اعطاسی جمله حسن ترتیب دن
 عد و شمار اولنسنه و مؤلفاتک حروف هجاً اوزره ترتیبی صورتی بر کتابک قنغی
 علمدن بحث ایلدیکنه دائر معلومات استحصالنجه مدار سهولت اوله جفنسه
 و مؤلفاتک تاریخ اعتباریله ترتیبی دخی هر عصرده ترقیات علمیه نک درجانی
 قولایقله تعیین ایتمک کبی فائده یی انتاج ایده چکنه و مؤلفین کرام حضرتنک
 اسامیسی حروف هجاً اوزره ترتیب اولنه رق هر بر مؤلفک اسامیسی زیرینه
 انواع علومه دائر تألیف بیوردینی کتابلرک کوسترلمسی و تراجم احوالندن
 معلومات ویرلمسی فائده مخصوصه حاصل ایلیه چکنه و مرکز سلطنت سنیه ایله
 سائر ممالک شاهانه ده بولنان مشهور کتبخانه لرک واقعی ایله کتب موجوده سنندن
 و اوروپاده اسامی کتبه دائر تألیف اولنان کتابلرن معلومات ویرلمسنده دخی

علمیه نك عمومى مطالعه ایتك شویله طورسون، برعلمه متعلق اولان مؤلفاتك مطالعه سنه ییله انسانك عمرى وفا ایتیه جکی وبلدکه برعلمه متعلق اولان مؤلفاتك کثرتی، انسانك عمر طبعیسی ایله اصلا قیاس قبول ایتیه جك درجده بیوك برنسبتسزلك ایچنده اولدیغی ادعا اولنسه مبالغه ایدلش اوله من.

بناءً علیه کتب مؤلفه نك اسامیسی ایله معلومات اجمالیه سنی حاوی اولان کتاب و فهرستلرک لزوم وجودی و قتیله علمای کرام حضراتی جانبندن مطالعه و تقدیر بیوریله رق اولباده متعدد و معتبر فهرستلر تحریر بیورلمش ایسه ده او فهرستلرک صورت تحریر و ترتیبی خصوصیت حالنده اولوب عمومک استفاده سنی متکفل اولدیغی کبی مذکور فهرستلرک تاریخ تألیفلرندن بوآنه قدر گذران ایدن بر ایکی عصر ظرفنده و لاسیما عصر معارف حصر جناب پادشاهیده کرک مرکز سلطنت سنیه ده و کرک طشره لرده تألیف بیورلمش اولان مؤلفاتك او فهرستلردن خارج قالدیغی پیش نظر مطالعه یه التذوقه ازمنه سالفه ده تألیف اولنان فهرستلرک کفایتسزلیکی بر مرتبه دهها ظاهر اولور.

کتب مؤلفه یه کسب و قوف ایتك خصوصى برمدتدن برو اوروپاده غایت مهم و معتنابه بر علم صرهنه کچه رک «بیلیو غرافی» نامیله بر موقع مخصوص احراز ایلمش و بو علمک اهمیتى پک زیاده تقدیر اولنمغه باش-ایوب بو بابده برچوق کتابلر طبع و نشر اولنمغه بولنمشدر.

حاصل کلام کتب مؤلفه دن باحث اولان کتاب و فهرستلرک فوائد و محسناتی درکار اولسیله مجرد وطنه بر خدمت عاجزانه ده بولنمق ارزوسى وولى نعمت بیمنتز شوکتلو پادشاهمزن افندمزن حضرتلرینک ترقی علوم و معارف خصوصنده

مرآت عقلك جلاسى علم و معرفت، انسانك شرف و مزینتی فضیلت در.
 تهذیب اخلاق و تربیة افكار، انجق علوم و معارف ایله حاصل اولور.
 نوع بشرک میدانه کتورمش اولدینی بونجه مخترعات محیره المقولک سبب
 اختراعی علم و معرفت در.

الحاصل علوم و معارفك فضائلی تعریف ایتمک خصوصنده انسانك لسان
 و قلمی قاصر در.

علوم و معارفك زمانلرجه ضبط و حفظنه و هر عصرده تعمیم انتشارینه
 خدمت ایدن و سائط مهمه نك برنجیسی مؤلفات اولدینی آشکار اولوب بیک
 اوچ یوز بو قدر سنه دن برو علمای کرام و فضلالی ذوی الاحترام حضراتی
 جانبدن علوم و فنونه دائر ترتیب و تألیف بیوریلان کتابلر انجم سما کبی لایعد
 و لایحیی در.

هر عصر و زمانده علمای کرام حضراتی جانبدن کتبخانه عالمه یادکار
 براغیلان کتابلرک اسامیسی ایله مراتب و درجاتنه و مؤلفین کرامک اسم
 و کینه لرینه و بلاد و امصارینه و تواریخ ارتحال لرینه و تراجم احوالنه کسب
 و قوف ایتمک علما ایچون میل طبیعی ایجابندن اولدینی کبی برعلمه انتساب
 و اختصاص ایلمک خواهشنده بولنا نلرک او علمه متعلق تألیفاتدن خبردار اولملری
 لازم کله جکی و برعلمه متعلق کتاب تألیفی ارزو اولندقده او علمه دائر اولان تألیفاته
 واقف اولمق ماده سی دخی تألیفی ارزو اولنان کتابک هر صورتله مکملیتنه
 خدمت ایده جکی مسلمات اموردن اولدینی حالده بونجه سنه لردن برو بلاد
 و امصار اسلامیه ده فحول علما و جمهور فضلا جانبدن تألیف بیوریلان آثار

مخزن العلوم

بسم الله الرحمن الرحيم

الحمد لله رب العالمين

والصلوة والسلام على سيد المرسلين

محمد وآله وصحبه اجمعين

اما بعد

جناب خداوند آسمان و زمین، پادشاه حکمت رهین، شهریار کرامت قرین، ملک حمید و کزین، زیور اریکه تمکین، خلیفه مکین و متین، السلطان ابن السلطان السلطان «الغازی عبدالحمید خان ثانی» افندمز حضرتلرینی الی آخر الدوران سریر آرای شوکت و شان بیورسون آمین.

ارباب فضل و کمال معلومی اولدینی اوزره علوم و معارف نقلی و عقلی اوله رق ایکی جدولدن جریان ایدن آب زلال معرفت در. اشبوآب زلال معرفت، کلزار سعادت دنیویه و اخرویہ نك سبب نشو و طراوتی در.

علوم و معارف هر فرد، هر ملت، هر قوم ایچون موجب فیض و نجات اولور.

دوام جمعیت عالم، بقای انتظام بنی آدم، قواعد علمیہ یہ مراعات ایله حصوله کلور.

هرشیده جلب منفعت و دفع مضرت علم و معرفت ایله حصول پذیر اولور.

D
198
.3
T3
1890
v.1



Tahir, Mehmed, 'Abdülzâde

Mahzen

ul - 'ulum

مخزن العلوم

(قسم اول) علوم و فنونه دائر مباحثی، (قسم ثانی) لسان عربی و فارسی و ترکی اوزره (۱۳۰۰) سنه دن برو علمای کرام و فضلاى ذوی الاحترام حضراتی ایله ساژ ارباب فنون و معارف جانندن تألیف بیوریلان اثار علیه و فیه تک اسامیسی ایله تواریخ تألیفیه و معلومات اجمالیه سنی و اسامی مؤلفینی، (قسم ثالث) و قسم رابع) مؤلفات عتیقه و جدیدیهی حروف هجا اوزره و تاریخ اعتباریله ارايه ایدن فهرستری، (قسم خامس) مؤلفین کرامک اسامیسی حروف هجا اوزره بالترتیب اکثر مؤلفینک تراجم احوالی ایله علوم و فنونه دائر تألیفاتی، (قسم سادس) مرکز سلطنت سنیه ده و علی العموم ممالک شاهانه ده بولنان اکثر کتبخانه لرك مواقع ایله کتب موجوده سنی و ممالک اجنبیه ده اسامی کتب حقنده کی تألیفاته و ساژیه دائر معلوماتی حاوی برخزینة علوم و کتب در.



قسم اول

علوم و فنونه دائر مباحثی حاوی در




اثر

سابقا اسامیه نفوس مأموری
سید عبدل زاده محمد ظاهر

معادن هیئت فیه سی باش کاتبی
سرکر اورپیل یان

هر حق مؤلفارینه عائددر



کتابه مخصوص اولان اشبو امضالر ایله ممضی اولیان نسخدرله ساخته نظریله باقیلوب
متجاسر لری مسؤلددر

معارف نظارت جلیله سنک رخصتی ایله طبع و تمثیل اولمشدر

استانبول

۱. آسادیور یان) شرکت مرتبیه مطبعه سی — باب عالی چاده سنده نومرو ۵۲

۱۳۰۸

(تقریض)

اماسیه اشرفانندن و مدرسین گرامدن کنقر وی فضیلتلو خواهجه
صالح صبری افندی حضر تلرینک تقریض عالیردر

عصر معارف حصر جناب پادشاهیده « مخزن العلوم » اسمی ایله موسوم اولان
کتابک مقصد ترتیب و تحریری علمای کرام و فضلالی ذوی الاحترام حضر اتنک
انواع علومه متعلق تألیف بیوردقلری کتابلره دائر معلومات مجمله و مفیده اعطاسی
قضیه سندن عبارت اولمسنه نظراً ارباب علوم ایله خواهشکران معارف ایچون
برفهرست عمومینک وجودینه درکار اولان لزوم و احتیاجی دافع آثار جدیدن کورلمسیله
بویله مکمل و حسن صورتله مرتب بر اترک موقع انتشاره وضعی باعث تشکرات
و کتاب مذکوری ترتیب و تحریر ایدن ارباب معارفدن سرکر و طاهر افندیلرک
بو باده مصروف و رایکان اولان همتلری شایین تقدیر اتدر .

الفقیر

صالح صبری

(تقریض)

اجله علمای عثمانیہ دن و مدرسین کرام معالی اتسامدن
اماسیہ وی کاتب زاده الحاج مصطفی رفعت افندی
مرحومک ارتحاللرندن اول اهدا واحسان بیوردقلری
تقریض دلپذیر عالیردر

سایه معارفوایه حضرت پادشاهیده بودفغه ترتیب و تحریر اولنمش اولان
«مخزن العلوم» نامنده کی کتاب، ارباب علم و کمال ایله هوسکاران معارف ایچون برمرآت
مؤلفاندرکه او آینه دن محبوب قلوب زمره علما اولان کتب علیه صورنمای چشم
اشتیاق اوله رق بوندن حاصل اوله جق فوائد و محسناتک تعیین درجات عالیه سی
قابل دکلدر.

هله «مخزن العلوم» ک حسن تحریر و ترتیبی بشقه جه موجب محسنات اولسلیه
بویله بر اثر فوائد کسترایله خدمت وطنیه ده بولنان سرکز و طاهر افندیلرک مساعیسی
بالوجوه سزاوار تقدیر و تشکر در.

کاتب زاده

مصطفی رفعت



(تقریض)

اعاظم ادبای عثمانیہ دن عزتو معلم ناجی افندیك
احسان بیوردقلری نئیقه بلیغه تقریضیه در

مخزن العلوم مؤلفری افدیلم حضراته

افدیلم حضراتی

« مخزن العلوم » نامیله تالیفنه همت بیوردیغکز اثر عظیم، عالم انسانیتی متتار
ایدهجك آثار نافعهدندر. عرض تبریکات فائقه ایله برابر حصه کمترانمه دوشن قسم
شکرانی تقدیم ایله کسب منخرت ایلم.

بو اثر محترم نامکزی ایفا ایچون کافیدر. حتی زمان کچدکجه اهمیتی ارتهجقدر.
بوکون مثلاً (کاتب چلبی) عنواتی بتون دنیا لسان احترام ایله یاد ایدیور.
احتمال که دهات علمای عثمانیهدن اولان او بیوک ذاتک حازر اولدیغی مزیت جلیله
بولدیغی زمانده شمدیکی درجهلرده تقدیر ایلمه مشدر.

« مخزن العلوم » ک ترتینده نهقدر زحمت چکمش اوله جغکز پک جزئی ملاحظه
ایله اکلاشیلیر. آدن کال سهولتله استفاده ایدهجك ذوات سزه نصل عرض تشکرات
ایتمسونلر؟

جمعیت عثمانیهدنک بلکه کافه جمعیات انسانیهدنک معناً محتاج اولدیغی برخدمتی
بویله صورت مکملده ایفا ایله آره مزده ممتاز اوله رق بتون عثمانیلیری مباحی وکندکزی
لایق الطاف جلیله پادشاهی ایلدیکز.

جناب حق سیکزی مشکور ایلمسون!

معلم ناجی

(تقریض)

افاخم ادبای عثمانیہ دن مجلس نافعہ باش کاتبی و جریدہ
بحریہ باش محرری سعادتو حمید و ہبی بک افندی نیک
محصول خامہ اعجاز نالری اولان ہدیہ برکزیدہ در.

وقتیہ ترقیات علمیہ غربیہ بہ امالہ انظار غبطہ و تحسیر ایدنلر متوالیاً بدائع نمای
ظہور اولمقدہ بولنان اثار فنیہ حاضرہ مزایلہ قریر العین اولدقہ بالتدریج صرف لحاظہ
اشتیاق ایلیورلرکہ بو حال عظمت کلمات عصریہ مزک حالاً حائر اولدیغی موقع
ترقینک آتیا خیرہ ساز عیون اهل غرب اولہ جفنه براعت استہلالدر.

مثلاً تاج سرفضلائی روم کاتب چلبی مرحوم «کشف الظنون» نامندہ کی اثر
محسنت آوری ایلہ کتابخانہ شرقی ترین و دہا بعض مؤلفین فضائل قرین بونہجندہ
برقاچ اثر فوائد کستر تألیف وتدوین ایلشدر ایسندہ فنون حاضرہ غربیہ میانندہ
«بیلوغرافی» دینیلوب محرز اہمیت مخصوصہ اولان فن عمیق الغورک کوندن کونہ
اعتلا یافتہ اعتبار واتساع اولمقدہ بولنسی او خصوصہ کی نقصانیزی مدرک اولان
حقائق پروران نژدندہ جدی برحس غبطہ کارانہ تولید ایلکندہ ایدی.

اخیراً سر آمدان ارباب تتبع و تدقیقندن اولان ایکی ہنرور حمتمند شوونقصانی اکالہ
خامہ زن اہتمام و «مخزن العلوم» عنوانیلہ حقیقہ مخزن علوم اطلاقہ شایان بر اثر
بہتر تلفیق و تصنیف نہ صارف اقدام تام اولملریلہ عامہ معارف پروران عثمانیان طرفندن
بحق مظهر پسند اولدیلر.

ہمتلری موفور، سعیلری مشکور اولسون!

یالکز شرقک دکل، غربک بیلہ خزائتہ الکتب معارفنی زینت یاب ایدہ جک اولان
شو اثر عالی من کل الوجوہ سزاوار تشکرات اصحاب معالیدر.

کلاک اقدام سرکز و طاہر ابتدی بر مخزن علوم انشا
اولدی الحق مجامع الافضال دینسہ اس الیاس علم بجا

اضعف عباد

حمید و ہبی

(تقریض)

اجلهٔ رجال دولت علیه دن شورای دولت بدایت محکمه سی
رئیس کمالات انیسی سعادتلو سعید بک افندی حضرتلرینک
احسان بیوردقلری تحفهٔ کرانبهای تقریضدر

ظاهری وباطنی کافهٔ اسباب و وسائط ترقیاتی زیر حایهٔ فیوضاتوایهٔ حضرت
پادشاهیلرنده بولندیران پادشاهمز اقدمز حضرتلرینک عصر معارف حصر
تاجداریلرنده بویله بر «مخزن العلوم» نشر اولتمسی سزاوار تشکراتدر .
علوم و معارفک اقسامنی وهر شعبهٔ علوم و معارفک کتب متنوعه سنی وهلهٔ
نظر حیرت و تقدیر ارباب تبعه عرض ایدن بر اثرک قیمتی وارستهٔ بیناتدر .
غربده بویولده کتابلر هر آن وزمان زیور ایدی علما ودهاتدر .
فیض معارفی شرقدن المش اولان غربیونک بویولده کی آثارینه نمائل بزده آثار
جدیده چیقیماش اولسی اقمج تاخراتدر .
قدمازک بویولده دخی بعض آثاری موجود ایسه ده انلر شوزمانه نسبة من المنسیاتدر .
کتب ومؤلفین کتب مجموعه سی حقیقهٔ کتز معارف وعلوم اولمغله بوجمومه ایچون
«مخزن العلوم» وصفی الیق صفاتدر .
بویله بر اثر مفید وجوده کتورمک همتده بولنان سرکز و طاهر افندیلرک
همت واقداملری بشقهجه جالب تقدیراتدر .
معارف عمومیه وخصوصیه ایچون بوکتابک هر صحیفه سی مرآتدر . نه مرآت که
صور نمای جزئیات و کلیاتدر .
وار اولسون اولضیای فطانت که کاشف محازن مشکلات و مضی ظلام معضلاتدر !
همان جناب حق سایه شاهانده مؤلفلری نائل مکافات ایلسون دعاسی وجیه
هر قدر شناس انصافساتدر .

لابق وصف وثنا بر اثر اولدی ظاهر
یازدیله همت واقدام ایله سرکز طاهر

اعجز عباد

سعید

(تقریض)

قدمای بندکان سلطنت سینه‌دن واصحاب فضائل
وکلالتدن قسطنطونی و طرابلس غرب ولایتلری قپو
کتخداسی سعادتلو ابراهیم راشدافندی حضرت تالریک
اثر خامه بلاغت علامه لری اولان هدیة تقریضیه در

مخزن العلوم نام مناسیله موسوم اولان اشبو نسخه شایان تقریض و تقدیر
و خزینة هایونده و نزد ارباب فنونده زیور دولاب اعتبار اولغه جدیر ایدوکی
مطالعہ سیله استفاده ایده جک اصحاب فهومه غیر ستیردر.
مقدمه سنده بسط و تحریر اولندیغی اوزره بونسخة مرغوبه نیک بوجه مستحسن
بویله جمع و ترتیننه بذل همت ایدن و دیباجه سنده اسملری مسطور بولسان ذاتلر
اسلاف و معاصرین معارف قرینلرک آثار نافعہ لرینی بوضورتله انامه اعلام ایللری
اهل دانش غندنده حقا سزاوار ستایش برسی جمیل مالا کلامدر.

حرره اخوج العباد الی انطاف ربه المنان

ابراهیم راشد بن نعمان



(تقریض)


صدور عظام فضائل التمام دن کلبوی زاده سماحتلو
خیر الله افندی حضرت تریک احسان بیوردقلری
تقریض عالیلریدر

علمای کرام حضرتانک نیچه عصرلردن برو کتبخانه علمی ترین ایدن تألیفات
کثیره سندن و علوم و فنونه دأر معلومات نافعهدن باحث و « مخزن العلوم » اسمیه
موسوم اولان بو کتابک سایه ترقیاتوایه حضرت پادشاهیده تألیف اولنسی باعث
تشکراتدر .

کتاب مذکورک اصحاب علوم و معارفه وارباب تبعاته و طالب علم اولنلره فوائد
عظیه بخش ایده جکی نزد اولی الهاده غیر خفی در .

علم کتبک اهمیتنی جمله دن اول تقدیر ایدن علمای اسلامیه جانبدن وقتیه
اویولده بعض آثار معتبره تألیف و تدوین بیورلمش ایسده انلرک صورت ترتیباننده کی
نفع وفائده دائرة خصوصیتده قالدقندن بشقه او وقتدن شمعی به قدر تألیف بیوریلان
کتابلر او اثرلرک خارجنده قالدینی غیر منکر اولدینی حالده بو کتاب او خصوصده کی
نقصانی دخی اکمال ایده جکی حسیله محررلری اولان ایکی هنرور حمیت کسرتک ابراز
ایلدکلری شو خدمت و طنبه لری الحق سزاوار تقدیر وستایشدر .

حرره کلبوی زاده



(تقریض)

افاخم وکلای دولت علیہ دن شیخ الادبا دولتو
احمد جودت پاشا حضرتلرینک لطفاً اهدا و احسان
بیوردقلری تقریض بلیغانہ در

جمع لطائف اثار و مغبوط سوائف اعصار اولان دور دلارای جدید
و عصر فیض بخشای حمید حضرت ظل اللہیہہ نوبنو نہادہ دستگاہ تالیف و تصنیف
اولان اثار جدیدہ یہ لاحقہ و علوم و فنونک تمیز و تقسیم انواع و اصنافی و مؤلفینک بیان
اسامی و تعریف اوصافی حقندہ شیرازہ بستہ تدوین اولان اثار سالفہیہ علاوہ فائقہ
اولق اوزرہ منسقہ جناب حصافتمندی معادن ہیئت فنیہ سی باش کاتبی سرکز افندی
ایلہ طاهر افندی بالاتفاق « مخزن العلوم » نامیلہ بر مجموعہ تصنیفہ تشخیر ساق ایلش
اولدقلرینہ دایر بر قطعہ مفصل و مطبوع بیان نامہ لری مطالعہ اولندی و مجموعہ نک
بر جزئی چشم امعان ایلہ او قوندی. جزو دن کله استدلال ایلہ شایان تقدیر و استحسان
کورندی. چونکہ مقدا بو یولده موضوعات العلوم و کشف الظنون کبی مجامیع
موضوعات و اسامی علوم و فنون تدوین اولتمش ایسده صکرہ بو وادیلر متروک
اولمش و نیجہ زمانلردن برو کلوب کچن مؤلفینک تراجم احوالی مجهول قالمش ایکن
انلرک اجمال احوالی ایلہ مؤلفاتی، مجامیع مذکورہ نک مندرجاتی ایلہ مزج و جملہ سی
بو مخزن علومہ درج اولنہ جفتہ نظراً جبر نقصان طریقیلہ اشتات معارف و علوم
اسلامیہ بی جامع بر مجموعہ جلیلہ المنافع اولہ جنفی اکلاشدی. لکن درجہ تفوق
و تقاضی، تمامندہ اثار سالفہ ایلہ بالمقابلہ معلوم اولہ رق « کم ترک الاول للآخر »
دینلہ جکی ظاهر اولغلہ جناب حق اتمامی میسر قیلق دعاسی، دعای واجب الادای
حضرت پادشاهینک تکرارینہ کریزگاہ ایدلدی.

الفقیر

الی الطاف ربہ الحکیم القدر

احمد جودت



در معجزات علم و معرفت

اثر

سید محمد زاهد محمد طاهر
اورینیل بان

معارف نظارت جلیله سنک رخصتیا لیکه طبع و تمثیل اولمشدیر .

مرکز فروتنی

باب عالی چاره سده ۳۲ نومردلی

«کتابخانه جهان» در

(47)

4/103

D
198
.3
T3
1890

Tāhir, Mehmed, 'Abdülzāde
Mahzen ül-'ulum

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

